

**EXAMEN
RESPONSIONIS
FAUSTI SOCINI,
AD LIBRUM
JACOBI WIEKI, ...**

Johannes Junius, ...





103

37



XXVIII. 4. 9

K. 3.

Handwritten text in a cursive script, possibly a list or a single line of text, located near the bottom of the page.

E X A M E N
RESPONSIONIS
FAVSTI SOCINI,

Ad

Librum *Jacobi Wieki,*

D E

Divinitate Filij Dei &
Spiritus Sancti.

Ubi simul nonnunquam aliorum etiam Samosateno-
rum rationes discutuntur.

Institutum per

IOANNEM JUNIUM, Ecclesiae Astendel-
phensis Ministrum.

HIERONY. In Epistola ad Chromatium.

Nova sic non cudimus ut vetera destrnamus.

*ex Libris Bibliothecae D. D. Caroli
De Pradel*

epipi Monsp



AMSTERODAMI,

Apud Henricum Laurentium, Anno 1628.

Classis Harlemensis hunc librum
visitavit & perlegit, Orthodoxū
in omnibus reperit, & dignum ut pub-
lici juris fiat æstimat, atq; adeo dili-
genti Doctorum Lectioni serio commen-
dat. Actum secundo Nonas Feb.
1628.

Quod prædictæ Classis nomine testamur:

HENRICVS GEESTERANVS.
HENRICVS SWALMIVS.

*Ecclesie Harlemensis Ministri ad hoc negotium
Deputati.*

BENEVOLO LECTORI

Gratiam & pacem à Domino.



Christianæ lector, sicuti in confesso est, Theologiam esse scientiarum nobilissimam; ita inter ea omnia quæ Theologia tractat, nullum objectum dignius, quàm Dei Filius. Incomparabiliter pulchrior hæc margarita Christianorum, quàm Helena illa Græcorum. Quid humanæ menti potest offerri augustius? hoc cognitum beat hominem. Unde illud Apostoli οὐ γὰρ ἐκρίνα τῷ εἰδέναι τι ἐν ὑμῖν, εἰ μὴ ἰησοῦν χριστὸν, καὶ τὸν τόνον, ἐκκυρωμένον: quid satis est, vt poeta cecinit, si Roma parum? Hunc tantum thesaurum Ecclesiæ concreditum, Satanas miris artibus, varijsque modis, mortalibus per suos satellites eripere semper studuit: nec defuit conatibus successus: quamquam nec admiranda Dei benignitas defuit Ecclesiæ, quæ cum sit columna & stabilimentum veritatis, ad concreditum sibi Dei eloquiū custodiendum, vigilavit. Nam cum naturas confunderet Eutyches. Nestorius personā multiplicaret, Manichæus pro veritate corporis phantasma substitueret, Samosatenus nobilioris naturæ gloriam eriperet, & humanæ superbiæ ebuccinator Pelagius beneficia everteret, ea quâ decuit industriâ, Ecclesia Christiana istos errores sæliciter oppressit, & victrice veritate de illis triumphavit. At nunquam interea quieuit nec quiescit Satanas: hinc illæ hæresium recidivæ. Videmus proh dolor Pelagium, videmus Samosatenu redivivos: in vno Socino vtrumq; , qui cū nihil pene in

AD LECTOREM.

Christiana doctrina inviolatum relinquat, veram etiā divinitatis gloriā, ijs quibus potuit viribus, Dei Filio ademitt; cum alijs scriptis, tum imprimis eo, quod adversus Wiekum exaravit. Dum nō filescit heresis nequaquam tacendum Dei servis: reptanti errori panoplia divini verbi opponenda: hoc meo examine, si pro dignitate non præstiti, saltem quantū potui conatus, Ego impugno, expugnet doctior & peritior. Diu mihi animus fuit, argumenta Sociniis contra hoc dogma, de Filij Deitate excutere, vt in alijs quibusdam Theologiæ capitibus, prout se tulit opportunitas a me factum; non alio tamē consilio, quam vt mihi musisq; meis, ut ajunt, canerem, non vt publicū iudicium subirem; aliorum votis tamen morem gerēs, consilium mutavi: sit ex utilitate Ecclesiæ voveo. Textum Socini integrum scripto meo non inserui, ne nimis prolixum fieret opus: nunc Socini verba κατὰ τὸ πρῶτον recenseo, nunc mentem & sententiam, eā quā potui semper integritate & bonā fide: nullius mihi calumniæ aut doli mali conscius sum: in primā operis parte brevior fui, quia privatos vsus cogitabā: nihil tamen præterijisse me puto, quod ad causæ iugulum: postea prolixior fui, pressi ea quæ premenda videbantur, resectis à corpore superfluis: Quantumcūq; est Christiane Lector, quod præstiti; quod sentio quā sit exiguum, tuo iudicio permitto. Cætera vale, nostris laboribus fruiere, dirigatq; te æterna lux per tenebras huius seculi euntem.

— clara tue præpendens lumina menti
Rex quibus occultas penitus conspiciere possis.

ILLUSTRISSIMIS ET POTEN-
tissimis Fæderatarum Belgij Provinciarum Or-
dinibus Generalibus, Patronis ac Do-
minis meis clementissimis.

ILLUSTRISSIMI DOMINI.



*Sicuti unus in superis Deus est, qui totâ hanc
machinâ ex suo arbitrio moderatur; ita, quæ
ejus est magnifica beneficentia, in terris Im-
peratores, Reges, Principes, Magistra-
tus collocavit, ut per vicariâ operam eam in
partibus administrarent. Ad hanc imperij dignitatē Am-
plitudines vestras etiam, Illustrissimi Proceres, universi
rector Deus vocavit, admovitq; ad gerendam Rempub.
cum ipsâ gente natâ, à majoribus autē ad vos temporū suc-
cessionibus devolutâ. Ut verò rerum vices esse solent, tabu-
lis fatorū sic volentibus, ita quoq; Reipub. vestræ alia
subinde facies, quæ ab istis temporibus, quod in arma coge-
batur, Hispanæ potentie intollerabili tyrânide maximum
splendoris & felicitatis incrementū consecuta est. Magna
animo, contra oppressa privilegia, jura, religionem, sumta
arma. Equitas causæ hostem, quamvis totius orbis terrorē,
cōtemni jussit; & cum nullus exitus videretur, virtus inve-
nit, Deo Opt. Max. annuente sacræ & justæ causæ. Exinde
aucta bello fama, cumulata opes, regum & populorū amici-
tiæ stabilitæ, hostis fidei, patriæ, legū, juris aviti, stupente
orbe, fractus & comminutus. Miracula hîc quis non agno-
scat? Deo auctore, Christo illo Rege Regum Duce hæc tam
felicitè gesta sunt, quæ nunquā edax vetustas abolevit, nun-
quam annalium volumina tacebunt. Dom. Iesus Christus
ille Rex Regū, qui vestras Dominationes ita extulit &*

EPISTOLA DEDICATORIA.

magnificavit, cū nuperis dissidijs res religionis & patriæ tã
validè concuterentur, ut præsens exitiū cervicibus nostris
imminere videretur, vestras etiã Dominationes cum ma-
ximo rerū discrimine excitatas animavit, ut labantē reli-
gionē & nutantē Rempub. eirgerent. Felices dixerim non
immeritò gravissimas illas procellas, quæ vestrā authorita-
tē & potentiã invenerunt, quibus cōponerentur. Nullus po-
test diffiteri superbus livor, vestrū hoc opus vestrū hoc beno-
ficiū esse, committente in eundē finem, nunquā satis laudatā
Illust. Arausici Principis generosā industriā. In tam
divino & heroico opere vindicandæ & promovendæ pietatis
perennate Illust. Domini. Sacra defensa, æternā famam,
stabile regnū & perpetuā potentiam pollicētur. Liceat mi-
hi Amplitudines vestras regijs vestris verbis appellare,
fundamentum Reipub. vestræ celeberrimæ unionem esse,
unionis verum Dei cultum. Aurea & verè dicta.

Dij multa neglecti dederunt
Hesperix mala luctuosę.

Cultus verus Dei nullus, sine cultu & cognitione Filij Dei, cu-
jus jura & æternam majestatem defendit hic libellus meus, quem
demissā dedicatione vestris Dominationibus offero, spe mihi
factā, Amplitudines vestras, favore & patrocinio suo nō indi-
gnū judicaturas, cū argumentū quod tractat, sit dignitate max-
imum & augustissimū Dei Filius, qui authoritatis vestre, qui
salutis Reipub. & Ecclesię principiū ac fons, patriæ protector
& unicus tutelarior Deus: veræ religionis author, objectum, ani-
ma, fundamentū, & quicquid dici potest. Pergite porro eminē-
tissimi Proceres Filiū osculari, veræ religionis & pietatis sta-
tores ac vindices esse, idq; maximam partē gloria & imperij ve-
stri reputate, quod ut fiat Deum Optim. Max. supplex oro, qui
vestras Illustrissimas Dominationes servet diu florentes ad
religionis, patriæ ac Reipub. incolumitatem. Scriptum Af-
fendelphi quarto Non. May. MDC XXVIII.

HONORI

D. IOANNI JUNIO,

Honorem veræ atq; æternæ Deitatis Filij Dei, &
Spiritus S. contrà Fausti Socini, Christophori Ostorodij,
& Valentini Smalcij, propudiosissimorum Hæretico-
rum, execrandas blasphemias, ex Dei Verbo
fortissimè asserenti, ac propugnanti.

Socinus, malè vasfrorum caput hæreticorum,
Æterni Christum fraudat honore Dei.
Sic nec Sancte minus protervè injurias in te
Spiritus, & verum te negat esse Deum.
Samosatenus nihil hîc nihil Arius olim
Ex Orci puteis hausit, & evomuit,
Quod non majori molimine profligatum hoc
Mancipium Satana proferat, ac refriset.
Vah queis pigmentis figmenta horrenda ministrat!
Quæ portenta crepat! dissimulatque tamen.
Obtrudit quidvis veri sub imagine, nec vult
Audire hæreticus pessimus hæreticus.
Quam verè infastus inverso nomine Faustus!
Diceris hoc quod non, & quod es hoc minimè.
Nec dirus melior quicquam Ostorodius illo
Versat idem virus, pestiferumque nefas.
Non fert Christophorus Christum, verum impius aufert:
Hoc tu Ostorodi quàm malè nomen habes!
Vel bene! is idolum est Papa, tu Samosatenum;
Mole is, tu hæresibus plus quoq; monstrum hominis.
Smalcus his comitem se pingit talibus ansis,
Conatuq; pari, perfidiâ, ac rabie.
Hoc quoq; cum tentes malus impietate nefandâ,
Valentine vales impietate minus.
O quæ monstra hominum! quàm perdita! qualia nunquam,
Qualia ab antiquis non dedit Orcus avis.

*Tu contra Juni, quàm verâ voce Iohannes !
 Gratum opus hoc præstas, gratior ipse Deo.
 Fortiter his sistis te monstris obuius ultro,
 Et verbi gladio conficis illa Dei.
 Quàm validè veram propugnas religionem !
 Quàm fulcis sanctam cum ratione fidem !
 Quæ vis is verbis ! quod pondus is argumentis !
 Quod scripti robur præsidiumq; tui !
 Maxime sacrorum assertor, vindexq; locorum,
 O quàm hac hæreticis excutis è manibus !
 O quantâ elidis spinosa sophismata mole !
 Argutasq; strophas & petis, & jugulas !
 Maeste heros ! ô maeste ! tibi, tibi militat æther :
 Cujus penna uni militat usque Deo.
 Nil te clamores nil te vibrata morentur
 Spicula ab hereticâ conglomerata manu.
 Urge, insta intrepidus : victori palmâ parata est.
 Et quantam à Domino, quantam equidem referes !*

ALITER.

*Faustus Socinus, Christophorus Ostorodus,
 Et Valentinus Smalcus, hæretici.
 Quod Natus Deus est, quod Sanctus Spiritus, uno
 Immanè quantum sacrilego ore negant !
 Haud tulit hic noster divino Iunius æstu,
 Obturatq; sacro hoc ora scelestâ libro.*

Amoris ergo iussit
 SAMUEL AMPZINGIUS,
 Ecclesiastes Harlemensis.



EXAMEN

Responsionis *Fausti Socini*

A D

Librum *Iacobi Wicki*, de Divinitate Filij.
Dei & Spiritus Sancti.

*Vbi simul nonnunquam aliorum etiam Samosa-
tenicorum rationes discutuntur.*

Cap. I. Primæ Classis argum.

*Paucis attinguntur quæ Socinus primis duobus
Capitibus proposuit, & simul locus primus
Classis primæ Num. 21. v. 5. 1. Cor.
10. v. 9. examinatur.*



Ntequam ad ipsam controver-
siæ disceptationem veniat Soci-
nus, primo capite libri sui, pro-
posito quæstionis statu, suam
suorumque de Filio Dei confes-
sionem purgat a varijs eidem a
Wieko obiectis criminibus, eam nempe Satani-
cam Iudaicam Ethnicam Sabellianam Mahome-
tanam non esse: quia verò quæ & qualis Socini
& asseclarum de Filio Dei confessio sit, ex toto
A disputa-

disputationis opere patebit, an Deum an Sathanam authorem habent, ex examinatis Scripturæ testimonijs & rationibus inde petitis, manifestum fiet : quia similiter, de Iudaismo Paganismoq; sententię, Socini verba facienda erunt, in examine locorum, & quomodo, aut quatenus alijs, a veritate Dei ab alienatis accedat, ipsum examen sit demonstraturum, ad hoc caput primum nihil adfero; præsertim cum loca illa 1. cor. 8. v. 6. Phil. 2. v. 9. & alia ejus argumenti, multis in ipso conflictu discutiantur. Caput secundum, in quo refellit ea, quæ in quatuor capitibus prioribus a Wieko sunt scripta, si quid continet, quod ad materiam controversam spectat, de eo disputabitur in ipso opere passim. Pleraque huius cap. historica sunt de Serveto Gentili, Mathæo Gribaldo, Francisco Lismanino, Preuologo, Blandrata, Francisco Davidis, de eorum moribus, vita, studijs, exitu, quæ quia rem parum aut nihil attingunt, ea etiam examinare prætermitto. Tertio capite acciem instruere incipit, & ad pugnam venire. Hoc capite recenset argumentum quinti cap. apud Wiek. id nihil habere ait præter enumeratas argumentorum Bellarmini classes : primam eorū esse quæ ex Veteri & Novo Testam. simul ducuntur, ijs exponendis ac confirmandis Wiekum totum caput sextum insumere. In ipso vero sexti cap. initio Wiekus (referente Socino) ait hoc genus argumentorum, ubi, videlicet, ea, quæ in V. Testam. de vno illo vero Deo Israelis sunt dicta, de Christo in Novo Testam. exponuntur, non habere ullam respon-

sionem;

sionem; ex ijs enim certò demonstrari, Christum esse illum unum verum Deum Israelis. Socin. pag. 6.

Ad hoc generatim respondens adversarius ait. Si quanta Christi hominis divina majestas, & cum illo uno Deo, non quidem per essentie communionem, aut in unam personam unionem, quorum neutrum vlllo pacto esse fieri potest, sed per imperij ac potestatis communicationem & sibi subordinationem, ex dono & gratia ipsius unius Dei factam, conjunctio & unitas sit, Bellarm. & Wiek. vel rectè intelligerent, vel satis perpenderent; visuros tantum abesse, ut istud genus argumentorum, quatenus expositio ista de Christo (quæ applicatio potius & accommodatio ad Christum dici debet, ad novi fœderis & Christi, jam ex Virgine nati, tempora refertur, nullam habeat solutionem, ut nihil magis in promptu sit, quam ea solve: quemadmodum suis locis, Deo adjutore, demonstrabimus. Hujusmodi autem pleraque sunt hujus primæ classis argumenta, quæ non satis consultò Bellarm. cum ijs miscuit ac confudit, præsertim nobiscum disputans) in quibus dicitur, ea, quæ de vno illo Deo, pro eo tempore, quod isti ex Virgine nativitatem antecessit, & non tanquam futura, sed ut vel præterita, vel præsentia in V.T. dicuntur, in Novo, de Christo, pro eodem illo tempore exponi, quæ sine dubio aliam responsionem requirunt; maximò verò a nobis, qui Christum, antequam ex Virgine nasceretur, revera existisse negamus. In illis enim argumentis refellendis facile conceditur expositio, vel potius, ut diximus, applicatio sive accommodatio ista ad Christum, sed negatur, inde sequi, Christum esse illum unum Deum: in his verò refutandis nobis omnino negandum est, expositi-

tionem istam fieri, & ad rationes adversariorum respondendum, quibus illam fieri, probare conantur, vjam ad primum argumentum, quod huius generis est, refutandum faciemus.

Resp. Illa loca commodam & veram expositionem habere non posse, per novam istam ex gratiâ communicatam divinitatem & supremę subordinatam, quod singulorum locorum examine, Deo adjuvante planum faciemus. Nec necesse habuit Bellarminus loca V. T. secundum rationes, temporis futuri, & presentis, aut præteriti distinguere; cum hoc accidentarium & indifferens sit, ad argumenti rationem, quod impresentiarum inde petit Bellarminus: quam rectè autem Socinus, loca prioris generis, exponat per suam quandam accommodationem, in locis posterioris generis expositionem de Christo fieri neget, jam dispiciendum.

Socin.

pag. 57.

Primus autem in hoc argumenti genere, vt & primæ classis locus est, Num. 21. vers. 5. cui respondet locus 1. Cor. 10. vers. 9. Locus apud Moysen ita habet. *Locutus populus contra Dominum & Moysen ait: cur eduxisti nos de Egypto, ut moreremur in solitudine? deest panis non sunt aque &c. quamobrem immisit Dominus in populum ignitos serpentes.* Apud Paulum sic. *Ne tentemus Christum*, sic vt quidam eorum tentaverunt & a serpentibus perierunt.

Socin.

pag. 58.

Quid adhuc Socinus? Prima ejus Responsio est. *In fonte esse nomen Elohim*, unde quis hand immerito suspicari possit, non Deum ipsum illa voce significari sed Angelum: imò concludens ea, qua hic excipit, de Angelo & communicatione nominis Ie-

Socin.

pag. 61.

hoya,

*Iehova, verisimile hoc ipsum esse; ac proinde si Mo-
ses nominatus non fuisset, inde tantum colligi posse,
Christum jam tum reipsa fuisse.*

Ad istam exceptionem Socini retundendam,
hoc tantum requiritur ut commonstrem, sine
verisimilitudine, voce Elohim, ab eo intelligi an-
gelum creatum, in hoc enim videtur tota exce-
ptionis vis: nam etiamsi vox Iehovæ aliquando
angelis communicaretur, & loci illi Exod. 3.2.
6. & Act. 7.v. 35. rectè de angelo aliquo creato
intelligerentur, nulla in ijs illationis vis ad præ-
sens argumentum; nisi verisimiliter probetur
angelum creatum hoc loco, hac voce significa-
tum, hoc enim hoc loco istis omnibus intendit
Socin.

Dico ergo, sine verisimilitudine, per vocem
Elohim, hic ab eo intelligi angelum creatum. 1.
ratio est, quia nullum est in textu fundamen-
tum pro hac opinione, ex nudâ voce Elohim,
quæ de Deo vero passim vsurpatur, ita præsu-
mere, frivolum est, præsertim cum versu sequen-
ti, Elohim ille Iehova dicatur, & vers. 7. rursus
peccavimus, quod locuti sumus contra Ieho-
vam, vbi Socin. confitente, Iehova est Deus ipse,
omnes itaque circumstantiæ huius loci suadent,
Iehovam intelligere, per vocem Elohim. 2. Nus-
quam ni fallor, vbi Israelitarum peccata adver-
sus Dominum recensentur à Mose, angelus ali-
quis creatus intelligitur sed semper verus Deus.
3. Quia sic angelus ille, Christus esset, & Salva-
tor noster Christus, angelus, sumto hic quod
nostrum probaturi sumus, Mosen, hic, ab Apostolo
non intelligi. Hoc ipsum non diffitetur Socin.

cum scribit pag. 61. *Si Moses nominatus non fuisset, colligi inde videri posset, Christum jam tū reipsa fuisse.* Æquè etiam insulsum esset, hunc sensum Apost. verbis affingere, ne tentemus nos Iesum Christum sicut illi tentârunt angelum, qui illis Christus fuit, sic enim Socin. explicat locum cum de Mose hæc verba vult intelligi, nam vntio angelis non tribuitur, nec angelus creatus ullibi appellatur Christus, hæc dicta sunt ad primam exceptionem Socini.

Socin.

pag. 63.

Alterum ejus effugium est, *Mosen hic posse intelligi, per Christum quem tentârunt Israelitæ.* Nos id negamus, nam 1. nomen Christi per se sumtum, est nomen proprium Personæ Iesu Christi, non alterius personæ: ejus vocis in Nov Testam. Usurpatio est frequentissima, proferatur vel vnus locus ab adversario, vbi vox ista secus accipiatur, vel pro Mose vt hic temerè ab illo affirmatur. Cum enim de Mose loquuntur Apostoli, semper eum proprio nomine appellant neque quicquam ad rem facit, quod Apost. nomen Iesu non adjecit, nam siuè hoc adjiciatur siuè secus, personam Iesu Christi eo notari, apud Apostolos perpetuum est. Nec plus valet quod dicit, *articulum ab Apostolo adjectum* quasi propterea, ipse tantum Iesus Christus intelligi non debeat, quod is Christi simplice nomine, sine vilo articulo sæpissimè significetur: hoc prorsus nihil est, nam vox *χριστός* in sacris, tum sine, tum cum articulo indifferenter enuntiatur, sicut hoc ex quamplurium locorum inspectione manifestum esse potest. 2. Moses non est tentatus ab Israelitis, sed solus Deus Israel, itaque Christus

no

non potest esse Moses. Exod. 17. vers. 2. inquit Moses, *quid contenditis mecum quid tentatis Iehovam* Num. 14. vers. 22. *tentârunt me jam decies* Psalm. 78. v. 41. 56. & Psalm. 106. 14. Heb. 3. 9. &c. Hisce sic positis, non est necesse ad cætera, in quibus Socin. latius persequitur hoc commentum suum, quicquam respondere; cum per ista, quæ hætenus attulimus, satis vindicatum sit argumentum, a secundo ejus effugio.

Tertium quod adfert est: *Christum tentatum a populo veteri, quatenus Moses tentatus, qui Christi typus erat.* Contra istam exceptionem procedat ratio prima allata, adversus effugium superius: confirmatio, quam adfert, ab exemplo Petræ, quæ Christus dicitur, invalida est, nam Petra erat Christus sacramentaliter, & expressè ac disertè ab Apostolo propterea sic nominatur; at Moses quia typus Christi, non propterea Christus appellatus est ab Apostolo unquam: consequentia itaque ista nulla est: & sanè præter omnem rationem est, sensum quem verba contextus vltro & apertè ingerunt deferere, & alium quendam valdè remotum a simplice & aperto verborum sensu, sine vlla evidēte ratione, ejus loco reponere. Deniq; dato ab adversarijs, sententiam nostrā esse veram, verbis magis perspicuis enuntiari non potuit, quam hîc aut passim alibi enuntiata est: nihil verò tam recte dici potest, quod in pravum sensum detorqueri non possit. Concludimus itaq; cum in loco subjecto de quo agimus, tantum fiat Dei & Mosi mentio, & Christus sit tentatus teste Apostolo, Christum esse verum illum & vnum Deum.

Socin.
pag. 65.

Socin.
pag. 71.

Respondent alij teste Bellarm. lib. primo de Christo cap. 4. verba illa, sicut quidam eorum tentaverunt, de Deo intelligenda: at si hoc voluisset Apostolus, fane vocem Dei addidisset? quinimo interpretatio ista negantem facit Apostolum, quod ab ipso disertè affirmatur. Urgent quis amplius, verba illa sicut quidam tentaverunt intransitivè sumenda esse, aut saltem sumi posse? at nec vocis significatio transitiva, nec usus permittunt, nec obstat in simili casu locus Ioh. 8. v. 40. *nunc autem studetis me trucidare, hominem, qui veritatem vobis loquutus sum, quam audiavi a Deo, hoc Abraham non fecit*: nam ibi vox trucidandi de Abrahamo negata, non sumitur intransitivè sed transitivè, scilicet Abrahamum non studuisse trucidare hominem probum & innocentem, sicut impij Iudæi id conabantur in personâ Salvatoris.

Cap. II. Primæ Classis argum.

De loco Psalmi 68. vers. 19. & Eph. 4. v. 8.

Socin.
pag. 75.

Locus secundus nobis esto Psalm. 68. v. 19. cui parallelus locus apud Paul. Eph. 4. v. 8. objectio prima contra argumentum ex istorum locorum collatione formatū est. *Verba ista esse prophetiā de Christo futuro, ejusque supra omnes celos exaltatione, nihilque esse, quod suadere possit, ista nihilominus de vno illo Deo Israelis fuisse dicta.*

Resp. Præter rationem esse, hæc verba de Deo non intelligere; nam hîc Dei compellatio perpetua

perpetua est & quidem solius, de eo versu præcedente dictum, *curruum Dei* &c. Et rursum *Dominus in eis*, ut verba in fonte sonant, ubi vox *adonai* per kamets, quæ ad solum unum illum Deum Israelis significandum usurpari solet ut agnoscit Socin. in respons. sua ad hunc locum pag. 76. hisce subjungitur *ascendens in sublime*, ergo illa verba non sunt referenda aliò quam ad Deum illum. Quod ipsum fit adhuc evidentius, ex gratiarum actione, quæ dirigitur ad verum Deum Israelis, nam dicitur *barúch adonai* per kamets ibidemque beneficia superiori versu enarrata, illi hic tribuuntur, nam dicitur, *qui quotidie onerat donis*, neque ista mutatio personarum quicquam arguit pro opinione contrariâ, nam ista etiam occurrit v. 3. 8. 10. & tamen semper intelligitur Deus Israelis.

Secunda eius evasio est, *concesso hæc referri de Socin. bere ad Deum, non tamen evinci hunc esse unum il-* pag. 75.
lum Deum Israelis, quia in Hebræo nomen Deus est Elohim. Respond. Vocem *adonai* per kamets scriptam, hic aliquoties usurpatam; cum ergo hic nominetur tum Elohim, tum *adonai* promiscue, planum est de vno vero Deo loqui hic Davidem. 2. Quæ huic Deo in hoc Psalmo tribuuntur, sunt veri Dei propria, hæc enim sunt ista, quæ vno ore semper, viri sancti de Deo vero Israelis prædicant. 3. Multa sunt in hoc Psalmo prædicata de Deo quæ in Christum competere non possunt, qui juxta Socinianos nondum realiter existeret, nedum erat Deus.

Nondum hic subsistit Socin. sed tendit ulterius conatu irrito. Ut persuadcat nobis hunc

Deum non esse Deum illum vnum, audiamus: Deo cum suis curribus nominato inquit statim subiungitur, Dominus in eis; verisimile enim est prorsus hunc Dominum alium esse, ab illo Deo: at hoc argumentum prorsus nullum: quid enim verat, eundem Deum, cujus sunt currus, in curribus esse. Hæc sunt illa quæ Socinus movet contra argumentum, in reliquis Bellarmin. impetit, cujus defensionem nos hîc non suscipimus. Concludimus itaque verba illa Psalmi de Deo illo vno intelligenda, & cum Paulus ad Christum illa accommodet, Christum esse vnum illum Deum. Consequentiam negari posse putat Socin. sed eò devenire supervacaneum illi videtur, quia putat se satis evertisse basin illam cui ista consequentia superstruitur (nimirum locum Psalmi de vno illo Deo non loqui) non est itaque quod firmemus cum non labefectet ille. Ad ea verò quæ in fine cap. reponit cum nihil contineant nisi gloriationem vanam, quâ jactat refutata quæ non sunt refutata, probata quæ non sunt probata, nihil dicimus, sed nos ad ea quæ jam dicta sunt provocamus.

Socin.
pag. 78.

Socin.
pag. 79.

Cap. III. Primæ Classis argum.

De loco Psalmi 97. vers. 7. & Heb. 1. v. 10.

Tertius locus est Psalm 97. v. 7. cui parallelus Hebr. 1. v. 7. Syllogismus ex hoc loco in formâ categoricâ sic habet. *Qui adorari jubetur ab angelis est verus Deus ille Israelis: Christus est*

*stus est ille qui jubetur ab angelis adorari : minor est Heb. 1. Ergo, vel in formâ hypotheticâ. Si Psaltes loquitur, de uno illo Deo Israelis adorando, tum Christus ille unus Deus, asserente Apostolo hunc, secundum Davidem, esse Deum illum ab angelis adorandum, atqui. Ergo. Adversarius primò negat minorem syllogismi hypothetici. Ratio negationis prima est, quia hæc verba sine dubio referenda sunt ad illum, qui paulò ante v. 5. postremò nominatus est, nempe ad Dominum universæ terræ si-
vè ad Dominum simpliciter, ut vulgata habet. Concedimus totum veruntamen non efficitur hinc quod vult Socin. ad alium Dominum, quàm ad Iehovam hoc referendum esse; imò contrarium, nihil enim totus Psalmi contextus, nisi vnum Deum suggerit. Instat adversarius Hebraicè legitur Adon; quod nomen ita simpliciter & absolutè positum, nimis absurdum esset ut post Iehovæ sequeretur, si ad eundem Iehovam referendum esset; cum ipsum nomen per se multo inferius sit nomine Iehovæ, & rebus creatis quacunque vel minimâ dominatione præditis passim accomodetur.*

Resp. Absurdè nobis videri absurdum, quod Sp. S. non est absurdum: non enim est insolens in sacris nomina creaturis communicabilia voci Iehovæ conjungi & post eam sequi, & tamen ad eundem Iehovam referri, vide Psalm 86. v. 11. vbi vox Iehovæ & v. 12. vox Adonai 2. patet absurdum hic nullum esse, uti fingit adversarius, ex eo quod Adon inferioris multo significationis, nam adjecta denominatio cœli & terræ facit, ut vox Adon non sit inferioris significationis voce Iehovæ, adeo ut Deo optimo

maximo

*Socin.
pag. 80*

maximo titulus major & excellentior ascribi non possit.

Socin.

pag. 81.

Secunda negationis primæ ratio est, quod verba hæc possint intelligi *de dominatione, quam Christus homo est consecutus*, quod nos non negamus, sed negamus inde evinci, jam tum non fuisse Dominum, cuius Dominatio aliquando futura a Propheta prænuntiatur; subjectum, de quo ista prænuntiatio fit, dicimus verum Iehovam esse; & ille cujus adoratio imperatur, jam tum erat: ille enim est Iehova æternus, vt demonstratum jam.

Et sic astructa est propositio Syllogismi categorici & assumptio hypothetici qui implicite Socini.

Socin.

pag. 82.

83. 84.

85.

Secundò negat Faustus consequentiam maioris, multaque movet de adoratione Christi hominis, de adorationis causis; quod in adoratione Christi Dei adoratio contineatur, de loco ad Phil. vbi de exaltatione Christi; quæ jam prætereo, quia fusè postmodum de illis agetur. Vnum imprimis monet quod hic prætereundum non videtur: hoc verò illud est, *de futuro Christo, sub illius unius Dei nomine agi, non quia Christus ipse futurus esset, ille unus Deus, sed quia unius illius Dei personam, singulari quadam ratione sustinere debebat.* Hactenus antagonista. Nos respondemus, hæc quatenus de Davide dicuntur contra assumptionem facere, & velle, hic alium revera indicatum nomine Iehovæ, quam ipsum Iehovam: at contrarium supra ostendimus. 2. Apostolus, Christum dicit illum Deum clarè & rotundè, contradicit: ergo Apostolo Socinus,

cinus, dum hoc negat: verba accipienda ut sonant. Cum dico hic est Petrus, hic est Paulus, simpliciter intelligimus, hunc, quem denotat articulus, esse Petrum, & Paulum, sic hic sensum nostrum parit τὸ ἐν τὸν luculenter quàm obscurus contra Socini sensus, & ab intellectu quem verba ultro offerunt remota Socini explicatio? quod quidem hic non novum sed solenne illi. 3. Res ipsa non permittit ut dicatur Christus Deus ille vnus, quia vnus illius Dei personam sustinebat singulari quadam ratione, nam nec legati nec vicarij regis, nec qui habent potestatem aliquam sibi a rege & principe communicatam, proprium sibi regis aut principis nomen sumunt; illud tantum in ludis scenicis obtinet. 4. Ille de quo Apostolus, a Davide appellatur Iehova, hoc autem nomen est proprium & incommunicabile, ut hic supponemus, suo loco postea id probaturi. 5. Iuxta hanc rationem appellationis a Socino assignatam dici posset Dei Filium esse Patrem & Patrem esse Filium; quia nemo alius præter Patrem, si Socinianis credimus, est vnus ille Deus, ut habet titulus catechismi Racoviensis, & Psalmista Patrem Filium dixit, Christum enim sub vnus Dei nomine intellexit ut mox audivimus ex Socin, & Paulus Filium Patrem appellavit tacitè, dum vnum illum Deum Israelis dixit, ita verò loqui quàm esset a sacris alienum. Quæ vltèrius obijcit de collato creatore cum creaturis de scopo Apostoli non attingimus, quia non est necesse.

Cap. IV. Primæ Classis argum.

De loco Psalm 102. vers. 26. & Heb. 1. v. 10.

FRanciscus David, Ostorodius, Socinus hîc & alibi contendunt verba illa Psalm 102. v. 26. de Christo non accipienda. Syllogismus noster formatus ex locis illis sic habet. *Ille de quo David, quod terram fundaverit &c. Ille est verus Deus, atqui Christus est ille: ergo; vel potest in formâ hypotheticâ construi ut supra.*

Prima evaluatio Socini, quæ Transylvanorum communis, contra minorem procedit, eam negando, ut jam artigimus, & quidem integram; mox ex opinione propriâ, concessio membro posteriore, negat membrum prius. Antequam autem accedam ad diluenda ea quæ adfert Socin. pro negatione; confirmabo prius, Deo juvante, affirmationem integrè & secundum partes sumptam esse veram. Hoc verò sic doceo: 1. quia Psalmus hic continet prædictiones de Iehova regnatura & Tzyonem ædificatura, & consideratione natum ejus æternæ & immutabilis, erigit se Ecclesia in perpetuæ stabilitatis spem v. 29. &c. Omniaque De vno & eodem Iehova dicuntur continet ergo vaticinium de Christo: 2. confirmatur affirmatio, quia quicquid in toto cap. ab Apostolo profertur adducitur ad ostendendam gloriam & majestatem Filij Dei, antecedentia omnia & consequentia eò collimant, vndè citra violentiam, verba hæc aliorum torqueri non possunt. 3. probatur ex conjunctione copulativâ & : 4. quod verba posteriora non tantum ad Christum accommodanda

danda sint, sed & priora, patet. 1. Quia vno & eodem tenore continuatæ orationis, tum creationis tum abolitionis opus, vni & eidem Domino tribuuntur. 2. Quia ne minimus quidem apex in textu Apostoli, pro istâ quam hic comminiscitur Socin. pag. 94. divulsionem. Ita profectò quidlibet de quolibet fingere, est ludere in scripturis & non ex scripturis discere, sed ad eas cerebri sui commenta adferre. 2. Quia posteriora illa, tu permanes & circumvolues &c. Nullum hic inveniunt subjectum, de quo prædicari possunt, nisi illud de quo creatio prædicatur: aut ergo illa prædicata de nullo prædicantur, quod absurdum; aut prædicationis subiectum est Dominus, qui terram fundavit & cuius manuum opera sunt cœli.

Accedimus jam ad rationes pro negatione alatas, ac primò quidem examinabo quæ adfert pro negatione minoris illimitatè acceptæ. Ait ergo *continere hac verba apostrophem ad Deum Patrem, ut ostendat, hoc admirabile opus, Filij divini regno donati, Deo possibile fuisse.* Sed contra Socin. pag. 90. est, quod apostrophe sit manifesta orationis ad alienam personam conversio; hic apostrophem esse ne verisimiliter quidem ostenditur. Instat vocem *καὶ* notam apostrophes esse: sed quomodo hoc subodoratus Socinus? cur non vsus Apostolus nota disjunctivâ *ἀλλὰ* vel *δὲ*: voci *καὶ* & nativum est copulare & hic semper copulat v. 5. 6. 7. denique apostrophem hic non esse liquet indè, quia causa apostrophis est non causa: nunquam enim Apostoli quando de glorificatione Christi loquuntur, causam hanc aut
 simi-

similem adferunt, ut Deo illam possibilem fuisse ostendant.

Socin.

pag. 91.

Secundò excipit, *quod nulla distinctionis nota sit inter particulam &, & Psalmi verba, ut supra &c. Et propterea de Christo hoc testimonium non accipiendum.* Respondeo reperiri in antiquissimis Stephani codicibus, deinde etiamsi hoc verum esset, obstaret ipsa coniunctio copulativa: nec non rerum connexio: & si copulativa coniunctio deesset, non sequeretur hoc testimonium, non esse testimonium de Christo.

Tertiò excipit *parum verisimile esse, simplicem istam particulam, sine ullo addito distinguere.* At hoc frivolum. Haftenus de negatione minoris illimitatâ.

Socin.

pag. 93.

94.

Jam de negatione minoris limitatâ. Vis primæ exceptionis, quam ibidem prolixè proponit, præcipuè videtur in hisce verbis: *Quamvis igitur in Psalmo, hujus mundi abolitio atque mutatio ipsi Deo tribuatur, nec Filij Dei ulla mentio aperta fiat; tamen, quia Deus, non nisi per Filium suum illam factururus est propterea ad Filium vaticinatio ista ab Apostolo merito accommodatur: hinc Christo concedit abolitionem mundi, verum illam in Psalmo hoc de eo non prædicari.* At sic respondendo disertè negat, quod affirmat Apostolus: ineptum autem est dicere, actionem aut rem aliquam, de aliquo prædicatam esse, propterea quod res aut actio illi competit. Consequenter etiamsi millies hoc verum sit, Christum aboliturum mundum, si tamen hoc in Psalmo illo scriptum non est de eo non verè dicitur scriptum esse: sane quam illud absonum & longè peti-
tum

tum Christum hic appellatum Dominum illum qui aboliturus mundum, quia Dominus Deus per Christum hoc facturum; si hoc voluisset Apostolus omnino aliter loqui debuisset: aut nulla est verborum significatio aut id tantum significant, quod quis fingit ad libitum, quæ amplius hic dici possent, repeti possunt ex ijs quæ dicta pag. 9. scripti nostri.

Sequuntur jam rationes adversarij, contra membrum prius. Prima est, *ideo adducta hæc verba tantum, ut posteriora intelligerentur.* Resp. falsum, contrarium demonstratum. 2. Nulla necessitas allegationis. Fallit adversarius fallaciâ non causæ ut causæ; loco enim relativi αὐτοῖ potuisset Apostolus vocem cæli sumere.

Secunda evasio sic habet. *Dico ab omni verisimilitudine abesse, quod Apostolus protulerit testimonium, unde probetur Christum cali & terre creatorem fuisse &c. ratio est, quod Filius quæ creatura cum angelis comparatur.* Resp. Falsum: neque hic Apostoli scopus quod fingit antagonista ut supra: probatio ex voce factus nulla est; nam factus præstantior, quia ejus præstantia patefacta: sic Deus glorificatur & exaltatur, *Filius accepit honorem & gloriam à Patre voce ad eum delatâ 2. Pet. i. v. 16. Hic est Filius meus dilectus:* Nihilo plus valet probatio à voce κληρονομεῖν ducta; negamus ejus significationem hîc ex e-tymo ductam locum habere.

Tertiò inquit *absurdum, creaturam conferre cum suo creatore, tanto testimoniorum apparatu, etiam quatenus creator est.* Resp. Creatorem esse Christum, non sumit sibi Apostolus, sed

hoc est illud, quod adducit, ad demonstrandum ejus super angelos excellentiam. 2. Erat homo & fuerat ex infirmitate carnis crucifixus 2. Cor. 13. v. 4. Mortis perpeffione angelis inferior. Heb. 2. v. 9; Non ergo supervacaneus ille testimoniorum apparatus, ad ostendendam Filij Dei super angelos excellentiam : quæ hic contra Bellarm. adfert nos præstare opus non habemus.

Socin. Evasio tertia. *Verba prima ad Christum non*
pag. 102. pertinere, quia nusquam alibi Christus deserte legi-
tur cælum & terram creasse. Resp. Leguntur
æquipollentia ut postea suo loco demonstrabi-
tur. 2. Ait creatio quando Christo tribuitur (quæ-
cunque tandem illa sit) nunquam Christo ita tri-
buitur, ut dicatur ipse creasse, sed per ipsum creatio
facta esse. Resp. Hoc nimis elumbe ad everten-
da ea, quæ in contrarium attulimus. Accedit,
quod nusquam et iam in Novo Testa. expressè
legitur Christum Mundum aut Cælos aboli-
turum.

Socin. Quarta evasio, quod hac expositio pugnaret
pag. 103. cum fide Symboli Apostolici, quæ Deum Patrem
tantum creatorem confitetur; Resp. injuriam
antiquitati facit, dum vult Patrem creatorem
exclusivè dici: quæ quæso antiquitas illa? quæ
professa fidem in Sp. S. Filium non est confessa
creatorem; omnes sanè quotquot hodiè ex-
tant antiquitatis testes, vel ipso Socino teste
pag. 477. Filium confitentur creatorem orbis.

Catech. Restat ut diluam ea quæ à Catechismo Ra-
Racovi. coviensi contra proferuntur, ut ostendat prius
cap. de cognitione Christi. membrum non esse testimonium de Christo.
 Ejus

Ejus verba sic sonant. Quæ posterior oratio, cum sine verbis superioribus, in quibus fit cœli terræque mentio, intelligi non potuerit, cum sit cum eis per vocem ipsi conjuncta, eadem illa verba priora idem antea commemorare necesse habuit. Nam si alij scriptores sacri ad eum modum citant testimonia scripturæ, nulla adducti necessitate, multò magis, huic necessitate compulso id faciendum fuit. Sed de rationibus hisce & quod momentum habeant, ex dictis iudicium fiat.

Objicit ibidem articulo sequenti, similia scripturæ loca, in quibus, non omnia quæ allegantur, ad præsentem scopum spectant: veluti Mat. 12. v. 18. 19. 20. 21. ubi nimis apertum est inquit versiculum 19. tantum ad propositum Evangelistæ pertinere, cum id voluerit probare, cur Christus, ne palam fieret, interdiceret. Deinde Act. 2. v. 17. 18. 19. 20. 21. ubi etiam tantum vers. 17. 18. ad propositum Petri Apostoli faciunt; quod quidem est, ut Sp. S. effusum supra Apostolos doceat & ibidem v. 25. 26. 27. 28. ubi palam est tantum v. 27. ad propositum facere: quandoquidem id probat Apostolus Christum à morte detineri fuisse impossibile. Denique in hoc ipso capite v. 9. ubi verba hæc dilexisti justitiam & odio habuisti iniquitatem, apparet nihil pertinere ad rem quam probat Apostolus, quod est Christum præstantiorem factum angelis.

Resp. Primò generatim, totum hoc si detur nihil inde efficitur, nam inter probationes nostras, prius membrum etiam ad Christum pertinere, non est id nec tacitè nec expressè, in omnibus allegationibus hoc perpetuum esse, ut

quicquid adfertur, directè faciat ad probandum id, quod probandum proponitur, quemadmodum hic totus discursus supponit. 2. Magna dissimilitudo inter ista & hunc locum Apostoli; nam hic locus, aut sensum non habet, aut ad scopum quem diximus est referendus præcisè. 3. Non est usquequaque verum, quod de locis illis dicitur, nam locus Psalm. 16. totus agit de resurrectione Christi. 4. In locis allegatis omnia de eadem personâ intelliguntur, quod hic est τὸ κρινόμενον, hic ergo idem fieri oportet, cum hoc scopus Apostoli & conjunctio καὶ & continuatæ orationis tenor & subjecti utrobique identitas postulent.

CAP. V. Primæ Classis argum.

De loco Esa. 6. v. 1. & Ioh. 20. v. 41.

Argumentum in formâ Hypotheticâ sic habet. *Si Christus est ille, cujus gloriam Esaias se vidisse dicit, tum Christus est unus ille Deus Israelis. At verum prius, ergo & posterius.*

Duplici ratione obnititur Socinus, negatione minoris, inde negationē consequentiæ majoris. De negatione minoris primò, dicit Iohannis verba ad Deum commode referri posse, & quatuor a vers. 37. consequentes versiculos per parenthesin legi aut debere aut saltem posse, apertissimum esse, versiculum demum 42. cum isto 37. & sensu & verbis conjungi, cum alijs quatuor intermedijs videri possint aliquantum à proposito digredi.

Resp.

Resp. Ex concessu parenthesi non sequitur, verba hæc sine incommodo aliò referri posse, quam ad Christum, nam continent disertè probationem incredulitatis Iudæorum, ejusque causas exponunt, & in hunc ipsum finem, ab Evangelista allata sunt; propterea & hic frustra est Socinus, relationem, quæ possit fieri, ad Deum, in pronomibus ejus & eo, potissimum ex verbo sanem colligens: probat enim Iohannes ex Esaia quod dixerat, non credebant in eum. Mox causas exponens, subdit alterum vaticinium de eo v. 41. *Hæc dixit Esai.* qui versus de Christo exponendus, cum consequens, de eo agat: πολλοὶ ἐπίστευσαν εἰς αὐτόν: & verba illa, locutus est de eo, sensum habent planum nempe de Christo accipienda esse, hîc enim de eo perpetuò sermocinatur Evangelista.

Socin.

pag. 110.

Hiscæ sic positis, concidunt & illa quæ subdit Socinus exemplum illud, ex Evangelio Ioha. cap. 9. impertinens est: nam ibi disertè Christus nominatur v. 22. II. Sæpius in antecedentibus nominatus est, adeò ut si quis de alio hoc vellet intelligere ille oculos ad claram lucem occluderet; ita & hic omnes circumstantiæ indicant de Christo accipi debere hæc verba.

Postremò addit, legi in quibusdam exemplaribus pro τὴν δόξαν αὐτοῦ, τὴν δόξαν τοῦ Ἰησοῦ, in codice nimirum quodam vetustissimo cujus meminit editio Græca Rob. Steph. in Folio & codex Græcus editus à Christophoro Eroschovero Tyguri anno 1559. Resp. Lectio communis secus habet, & etiam si hæc peculiaris lectio probaretur, tamē nihilominus per vocē τοῦ Ἰησοῦ Christus intelligendus esset.

Consequentiam sibi impugnandam sumit adversarius, cum dicit. *Verum demus adversariis, omninò pronomina ejus & eo Christū referre: num continuò sequetur Christum esse illū Dominum, ab Esaia in visione illā conspectum.* Ratione negatæ consequentiæ est, quam multis persequitur Socinus, *atrumque testimonium Esaie ad rem futurā respicere: verba Iohannis ad utrumque referri debere, præsertim cum dicat, hæc dixit, non hoc dixit.*

Omnia quæ antagonista in prima hac impugnatione consequentiæ dicit, eò recidunt, ut ostendat gloriam illam, quam Iohannes hoc loco Esaia vidisse dicit, non esse illam, cujus visio describitur apud Esaia initio cap. 6. Vult Socinus utrumque illud, vidisse gloriam ejus, & locutum fuisse de eo, ad utrumque spectare locum. Nos dicimus verba illa, vidit gloriam ejus, referenda esse tantum ad posterius, moti planā convenientiā quæ est inter principium Esa. 6. & visionem hanc gloriæ, de qua Iohannes hoc loco; alterum illud, convenienter de testimonio priori intelligitur, in quo Esaia admodum luculenter de Christo est vaticinatus.

Socin.

pag. 111.

Neque etiam verum est, gloriam ab Esaia visam, fuisse gloriam non præsentem: Falsum hoc esse apparet ex omnibus & singulis, quæ disertè extant in contextu Esaie. Vidit enim Dominum sedentem Seraphim: astantes acclamantes angelos, &c. At verò hanc gloriam quam vidisse Esaia Iohannes affirmat, referre ad aliam quandam gloriam, quam Christus post passiones suas erat consecuturus, & per admirabilem obduratorum Iudeorum conversionem, hoc

hoc sanè nimis longè petatum est, & ex rebus perspicuis, enigmata cudere; imò Iohannes cum dicit hæc dixit Esa. quando vidit gloriam ejus, apertè satis indicat, se ad celebrem illam & decantatam visionem Esa. 6. tam graphicè descriptam respexisse.

Secundò ait, *concesso agi hîc de gloriâ illa in visione illâ Esa. conspectâ, inde tamen non sequi, Christum esse illum Dominum seu Iehovam, quem Esa. tunc se vidisse ait.* Inane *ἡμεῖς* est illud, quod hîc objectat Socinus, aliud esse videre gloriam alicujus, aliud verò aliquem videre & quod Iohannes dicat Esa. non quidem ipsum Christum vidisse, sed gloriam ejus: nam hic certè ista sunt æquipollentia, Dominum videre & gloriam ejus videre. Nam quod Esaïas dicit, *vidi Dominum*, & postea v. 5. *cum illum regem Iehovam exercituum viderint oculi mei*, hoc Iohannes reddidit, *vidit gloriam ejus*: hoc ipsum insuper ex re ipsa patet, non enim vidit Esa. gloriam Dei, nisi quia vidit Dominum folio insidentem angelorum satellitio stipatum, & maiestate maxima decoratum.

Socin.

pag. 112.

Socin.

pag. 113.

Instat amplius, hanc gloriam accipiendam, de gloria illa Evangelij Iudæis annuntiati & postmodum gentibus patefacti. Negamus propter rationes hætenus expositas, neque quia in locis istis allegatis, nempe Esa. 35. v. 2. v. 40. v. 51. v. 12. 66. v. 18, & Esa. 6. agitur de illa, sequitur illa verba v. 3. implet totâ terrâ gloriâ ejus, de eadem accipienda esse; aut si de ea accipiantur, non tamen obtinebit quod vult Socinus, tum enim sensus erit Dominum Iehovam,

quem tum videbat Esa. plenum majestate & gloriâ, fore aliquando gloriosum, per Iudæorum & gentium vocationem.

Cap. VI. Primæ Classis argum.

De loco Esa.8. vers. 13. 14. Luc.2. v. 34. ad Rom.9. vers.30. 1.Petr.2. vers.6.

Locus ille Esa.8. passim Christo applicatur. *Negat adversarius verba Simeonis esse applicationem istius vaticinii*: quanquam verò aperta mentio loci Esa. non fiat, nihilominus est accommodatio certissima; nam in rebus consensus est, & in verbis convenientia; admodum frequens hoc est, omitti allegationem loci, unde desumpta sunt, quæ ab Apostolis & Evangelistis producuntur imò quandoque, ne in genere quidem indicatur, hoc scriptum esse, quod adducitur: ut Matt.21. v.9. ubi illud *Hosanna Filio David*, &c. ex Psalm.118. v.25.26. Gen.21. v.12. Roman.9. v.7. Esa.40. v.6. 1.Petr.1.24..

Socin. pag.123. 124. Quod attinet ad locum Pauli ad Roman.9. summa responsionis Socini huc redit: *Istum locum Esa.8. de Christo non loqui, neque Paulum istum locum revera hic citare.* Oppono Esaiâ non vaticinatum isto loco de Christo, non demonstravit adversarius, imò contrarium est verum ex autoritate Apostoli, qui verba Esa.8. ut vaticinium de Christo, cum verbis illis Esa.28. in unam sententiam congeffit: nec Apostolus ita distin-

distinguit ut Socin. hic distingui cupit temere; nam Apostolus veteris scripturæ authoritate, munivit totum hoc, quod v. 33. protulit: ubi lex non distinguit, nos distinguere non debemus.

In loco Petri dicit, *ea a Petro, non de Christo ipso exponi, sed ad ipsum accommodari, propter eventum quendam similem*, nam inquit, *is quæ de Christo apparet dicta fuisse, non interseruntur sed distinctè ab illis ponuntur*. At contra non ista fuit ordinis ab Apostolo servati ratio, sed methodica rerum dicendarum tractatio. Secundò instat hæc verba, non esse prophetiam de Christo, *quia multò ante Christi adventum & ejus tempora impleta fuerit*. Ad quod respondetur ista ita tum non accidisse ut non fuerint implenda necessario post adventum Christi in carnem; nam & Simeon & Apostoli duo Petrus & Paulus verba hæc, vaticinium esse de Christo, & de eventibus duum generum ad prædicationem Evangelij ipsius exstituris, nobis exposuerunt.

Cap. VII. Primæ Classis argum.

De loco Esa. 40. v. 3. Mal. 3. v. 3, Marc. 1. vers. 3. Luc. 3. vers. 3.

HUic argumento Socinus cum tantum logi- Socin.
 ca vitia objiciat ut à Iesuitis proponitur, pag. 126.
 de eo nihil amplius præsentī loco dicemus, re-
 servaturi, quæ hîc dicenda essent, ad ejus vin-
 dicationem, ad locum vltimi argumenti primæ

hujus Classis, quia ibi vires suas tentaturus Socin. ad argumentum etiam hoc nostrum enervandum ut promittit pag. 127.

Cap. VIII. Primæ Classis argum.

De loco Esa. 45. v. 22. 23. & Rom. 14. v. 10.

Locus Esa. sic habet. *Ego Iehova nullus Deus præter me, juravi quod mihi curvabitur omne genu & omnis lingua jurabit* : Hoc Apostolus Paulus de Christo scriptum testatur Rom. 14. v. 11. & sic reddidit : *Scriptum est enim, vivo ego dicit Dominus, certè mihi flectet omne genu & omnis lingua palam agnoscet Deum.* Syllogismus Hypotheticus pro orthodoxa sententia sit talis. *Si Christus est ille, qui & de quo apud Esa. mihi curvabitur omne genu, tum Christus est Deus ille unus. At Christus est ille qui & de quo apud Esa. mihi curvabitur omne genu, Ergò.* Adduxit hæc verba Apostolus ad probandam judiciariam Christi in omnes potestatem; ac propterea necesse est, ea quæ adduxit ad stabiliendam illam judiciariam Christi potestatem, isti potestati aut æquipollere, aut ambitu suo eam comprehendere, aut isti potestati identitate subjecti conjuncta esse : at sic revera omnia quæ hîc ex Propheta citat Apostolus, isti potestati aut æquipollent, eamque suo ambitu comprehendunt, *ut illud decurvatione genuum, quo adoranda & divina majestas Christi proponetur : aut identitate subjecti isti potestati conjungitur, ut illud*
omnis

omnis lingua palam agnoscet Deum: si quis agnitionem illam strictè interpretetur, pro eo quod dixit Propheta, *jurabit omnis lingua*: sin verò in latâ suâ significatione, verba illa accipiantur, ut certò accipi possunt, tum potestatis judicariæ Christi agnitio in ista generali agnitione comprehenditur.

Hæc dicta sunt ad ea quæ Socinus hic occinuit de quatuor terminis, & quod aliud sit 128. curvare genua alicui, aliud verò ante tribunal ejus stare, & posse quempiam uno & eodem tempore, uni curvare genua & ante tribunal alterius stare. Nam resp. posse ita inter homines esse comparatum, sic verò rem apud Deum habere nego, si enim cui competit genuflexio, non etiam competit potestas judicaria, malè Apostolus contra boni disputatoris leges ex genuflexione intulit judicariam Christo potestatem competere.

Jam ad partes Syllogismi a nobis positi accedamus pressius minor est Christum esse illum, de quo scriptum est apud Esa. *Mihi curvabitur omne genu, & omnis lingua palam agnoscet Deum.* Socinus minorem fidenter negat, sed hæret aqua, quia verba Prophetæ probare debent, nos omnes sistendos Christi tribunali, quod non probant, nisi de Christo loquantur. Dicit Socin. quod, cum Christus in tribunali suo sedebit mundum indicaturus, ibi Dei majestas vehementissimè & clarissimè imò magis quam unquam antea elucebit; & consequenter, ab ijs qui ante tribunal stabunt, agnoscetur & approbabitur, itaque istis Deus, ut mortalibus esse potest, planè erit præsens,

Socin.

pag. 129.

130.

sens, presente autem Deo genua ipsi flectenda esse nemo est qui neget; ergo qui ante Christi tribunal stabunt, genua Deo flectent, stabunt autem omnes, omne igitur genu se Deo flectet tunc, cum ante tribunal Christi stabitur, atque hoc pacto, verba illa, ipsius Dei apud Esa. de curvando sibi omne genu ad effectum perducuntur. Vidis conclusum esse id ipsum, quod Paulus concludere voluit? haecenus Socinus. Tanto verborum apparatu, tot ambagibus & circumlocutionibus Socino opus, antequam fictitium suum sensum, tum hic tum alibi passim eliciat; cum interim orthodoxa explicatio, brevibus planis & paucis verbis consistat & ab ipso textu offeratur.

Dico ergo Apostolo non fuisse ostendendum, nec ab eo ostensum esse, quomodo Christo judicante omnes, Deo Patri omni genu flecteretur, sed probandum ei fuisse & ab eo probatum esse, omnes a Christo judicandos, quia scriptum est mihi flectet omne genu: at si Christus est judicaturus & uni illi Deo Israelis non Christo competat genuflexio, dissolutæ sunt scopæ: genuflexio Patri non Filio debita (ut in hac argumentatione supponit antagonista) judiciariam potestatem Filij non probat; at verba v. 11. debent explicari, ut sint probatio judiciariæ potestatis Christi, quam antecedente versu asseruit Apostolus; quod & liquet, ex conjunctione causali, nam Socinus verò suâ interpretatione, vim probationis sustulit. Nam si sic dicam, si Patri genu flectetur, tum oportet omnes sibi ante tribunal Christi, consequentia nulla erit: si sic, si Patri genua flectentur, tum
Chri-

Christo judicanti præsens erit, ergo Christus judicabit, neque hîc est ulla consequentiæ vis, nisi prorsus ridicula : sive resolves illa verba Christo judicanti per conditionalem si, sive categoricè, erit enim petitio principij. Adde quod sic in minore etiã erit *τὸ* judicare Christi (quod est in quæstione) cum tantum debeat esse *τὸ* genuflecti, sicut hoc ipsum tantum est in testimonio Prophetæ, denique si hic dicas, si Patri genuflectetur, cum erit in majestate maximâ, ergo Christus judicaturus orbem etiam prorsus inconsequens erit argumentatio. Verlet se ergo quantum volet Socinus interpretamento suo, frustra laborabit. Reliqua quæ hic habet Socinus, cum tantum sint instituta ad declarandum & confirmandum, ut quidem ille existimat, quomodo Christo judicante Deo illi uni genuflectetur; non verò quomodo illud ex hoc, in hac sententia inferatur, quâ hæc verba *mibi flectet omne genu*, de Christo non exponuntur, præterimus, idque eo magis, quia de ijs quæ hîc ex sua sententia immiscet, postea suo loco necessario dicendum erit.

Inde pergit Socinus. *Finge inquit, sic ferem Socin. habere, Christo omnia genua flectenda esse; num-* pag. 131.
quid hinc necessario sequetur Christum esse illum ipsum Dominum, qui apud Esa. dixit, mihi curvabitur omne genu, quia videlicet Paulus ex hoc Esa. loco, istud de Christo concludit? Negat ergo hæc esse verba Christi apud Prophetam. Ego vero sic probo: ille, cui competit, ex vi testimonij Prophetici genuflexio, ille dixit, mihi incurvabitur omne genu. Major est Esa. atqui Christus
 est

Socin.

pag. 132.

est ille, cui competit ex vi testimonij Prophetici genuflexio, minor est Apostoli; firma ergo conclusio, Christum esse, qui dixit apud Esa. mihi curvabitur omne genu: nec contrarium ostenditur ab adversario ex illustri illo loco ad Philip. 2. de quo postmodum prolixè disceptabitur. Urget amplius, *propter communicationem gratiosam majestatis a Patre factam Christo, ejusque ab eo dependentiam, & subordinationem ad illum, esse, ut quicumque Christo genua flectit, ille uni Deo genua flectat, & ex eo consequi jure potuisse Paulum affirmare, impletum iri vaticinationem illam apud Esa. de curvando illi uni Deo omne genu, hac ratione, quod Christo omne genu curvabitur, etiamsi Christus non sit ille unus Deus. Haftenus Faustus.*

Nos sic respondemus, quod ista ratiocinatio Socini negat quod disertè affirmat Apostolus, negat Socin. prædictam genuflexionem de Christo, etsi in eo implendam fateatur, contra quam Apostolus, qui implendam dicit, quia prædicta est. 2. Negat sic respondendo Christum de se dixisse, quæ de se dixisse jam demonstra-
vi. 3. Si verba ista non sunt prædictio de Christo, non sunt probatio, dum omnium esse judicem, contra quàm supra probatum est. 4. Ista communicatio, subordinatio, cum illam saltem hoc loco non doceat Apostolus, quicquid sit de alijs, neque inde probationemumat, nihili est faciendâ hîc; adducit enim ad probandam judiciariam majestatem Christi verba Prophetæ, quibus illa communicatio, subordinatio, quam fingit adversarius, nec tacitè nec expressè docetur,

tur, imò ea dicuntur quæ cum ijs sunt incompatibilia : nam dicit ibi Deus v. 21. *Ego Iehova nullus Deus præter me*, & rursus vers. 22. *Ego Deus fortis, nullus præterea* : ex hoc fundamento unitatis suæ, ait, mihi curvabitur omne genu. Jam verò *nullus Deus præter me* & vt alibi *Iehova solus Deus* Esa. 47. v. 16. *audi Israel, Iehova Deus noster, Iehova vnus est* Deut. 6. vers. 4. non possunt habere sensum illum, quem Sociniani passim istis, in scriptis suis, affingunt (nam hæc exponunt, quod ipse tantum sit ex seipso Deus, quod nullus sit illi æqualis, quod sit independens; hæc verò non excludere, Deum ex gratiâ talem, à Deo illo vno dependentem eique subordinatū.) Ratio est, quia scriptura omnibus illis & similibus dictis, hoc perpetuò satagit, vt vni simpliciter individuali unitate adoranda & colenda, religioso cultu, divinitas tribuatur: hoc clamat omnis sacra pag. V. Test. 2. Si istis dictis, non excluderetur Deus dependens ab illo vno & subordinatus illi, potuissent Israelitæ, salvis, vnus Dei agnitione, ejusque solius cultu, vt omnibus mandatis eò spectantibus, etiam colere eum, qui non erat Deus ille vnus. 1. Ratio sequelæ est, quia iste conceptus Dei vnus solius præter quem non est alius Deus, non dicit ex vi suâ, non esse Deum subordinatum & dependentem : deindè mandata de vno Deo adorando, non volunt hoc, ne Deus in alio & per alium adoretur, nam sic etiam, Deus ille vnus adoratur secundum Socinian. cum Christus adoratur, etiamsi Christus non est ille vnus Deus : hoc itaque evincitur, ista omnia,

nec

*Catechis.
Racovi. c.
de essentia
Dei. Ostro-
rod. cap.
10. instit.
German.*

nec dualitatem, nec pluralitatem colendorum tollere: non fuit ergo populo Vet. facta, clara & sufficiens objecti colendi revelatio, posito quod Socinus cum suis, unitatem Dei rectè interpretantur: non enim ista de vno Deo doctrina, deque illo solo adorando clarè determinavit, cui σεβάζονται deberent esse allegati: & an in vnum numen deberent defixi esse an plura: quo profecto nihil est absurdius, & magis ex diametro cum totius V. Testam. doctrina pugnans. Concludo itaque ex hisce sic positis, cum in V. Testam. Deus vnus dicatur, quia vnus numero simpliciter, vt & hoc loco vnus dicitur, & ille vnus solus colendus, sequitur, si Christus colendus, esse Deum illum vnum. Et sic vindicatum confido argumentum ex collatione Esa. 45. & Rom. 14. v. 11. desumptum; de loco ad Philip. quem vrget hic aduersarius, aduersus sententiã nostram, suo loco postea videbitur, & simul examinabuntur ibi ea, quæ aduersarius tum hîc, tum eo loco, pro opinione suã, aduersus sententiã orthodoxam, ex isto loco conatur producere.

Cap. IX. Primæ Classis argum.

De loco Esa. 44. v. 6. Esa. 48. v. 12. Apocal. 1. v. 11. 21. Apocal. 22. v. 13.

Socin.

pag. 143.

CUM hoc argumentum sit ex collatione institutum vt superiora, dicimus respici ad illa Esa. loca: nam quod Deus Israel de se dicit, hic

hic Christus iisdem verbis, sibi aliquoties tribuit, videantur plenæ probationis ergo, quæ dicta sunt in examine loci sexti, vbi de vaticinio Simeonis actum. Quia verò Socinus hæc parvi facit, negans Iohannem ad verba Esa. respexisse, videbimus, quam vim habeant hæc verba per se sumpta.

Dico ergo, quod tituli hi hîc Christo attributi secundum vsum eorum in S. litteris, tales sint, vt soli & vni illi Deo tantum competant, quod ita comprobatur. 1. Quia tituli isti a Deo ipso, cum aliis summis Dei nominibus & titulis ex professo sunt vsurpati ad descriptionem sui Esa. 44. v. 6, sic etiam Apocal. 1. v. 8. adiunguntur hæc verba, ijs vocibus, quibus aliquoties ibi Dei maiestas decorata est, vt eodem cap. v. 4. & Apocal. 4. v. 8. item Apoc. 11. v. 16. 17. itaque nihil magis ex ratione est, quam titulos istos eodem sensu intelligere, quando de Christo vsurpatur cum pro ista vsurpatione nostra pugnet, perpetuus istarum vocum vsus, pro vsurpatione Socini exemplum nullum. Et siquidē hic diversitas sensus admittēda, ea nulla alia esse potest, quàm quæ promanat ex consideratione nominum non absolutâ & prout se habent a parte rei, vt loquuntur, sed relativâ: sicut enim Deus, ista descriptione sui, Ecclesiam Judaicam voluit confirmare in fide & spe liberationis temporalis ex captivitate Babylonica, ita Christus suos, in fide gratiosæ præsentiae suæ, & æternæ vitæ ab ipso & per ipsum obtinendæ. Hæc diversitas tota, vt ita dicam materialis est, secundum sensum formalem identitas hîc est

Socin.

pag. 144.

141.

utriusque enim ordinis actus, tales sunt ut non cadant in Deum aut Christum nisi secundum Deitatis excellentiam, istis titulis propositam, consideratos. Et quamvis hi tituli usurpantur cum habitudine ad Ecclesiam ad eam nempe in fide & spe confirmadam, sensus tamen absolutus non est negandus; nam ille basis & fundamentum sensus relativi, sive secundum quid: sic quicquid de Deo in sacris habemus, ad praxin dirigitur. *α* & *ω* non esse absolutè primum & ultimum, nemo est qui nesciat, imò nihil in rerum universitate tale aut esse, aut esse posse, sed propterea angustis rerum creatarum cancellis, infinita Dei majestas non est concludenda, ut videtur hîc velle Socinus, eò quod denominatur Deus principium & finis a literis Alphabetarijs.

Antequam finem faciam, libet nonnihil monere de loco Apocal. prim. v. 8. cui loco, miror Socinum pag. 144. tantum detulisse, ut dicat, si ibi de Christo sermo esset, jam vicissent adversarij: vix ac ne vix quidem, habeo homini fidem. Quot sunt enim de Christo testimonia, non minus illustria hoc loco! ad Christum verò hunc locum referre nihil prohibet, quicquid jactet Socin. ridiculè ac ineptè detortum esse eo, nam Christo mox post hæc verba vers. 8. disertè eadem in terminis tribuuntur v. 11. nam idem ille dicitur *Filius Hominis* v. 13. & rursus v. 17. Apocal. 21. vers. 6. & cap. 22. v. 13. de Deo autem Patre nusquam in Apocal. hæc verba leguntur. Rectius ergo de Christo, quàm de Deo Patre exponuntur. Addo quod & voces istas,

istas, ἀρχὴ καὶ τέλος, perpetuos titulos Christi,
& ne semel quidem Patris fecit Apocal. 21. v. 6
& cap. 22. v. 13. vt ex circumstantijs locorum
apparet.

Cap. X. Primæ Classis argum.

De loco Malach. 3. v. 1. Mal. 11. v. 10. Luc. 1.
v. 76. Mar. 1. v. 2. 3.

Malachias habet ante faciem meam. Ecce
ego missurus sum angelum meum, qui expe-
diat viam ante me: Mat. Ecce ego mitto nuntium
meum, ante faciem tuam, qui preparabit viam
tuam, coram te: ita & Mar. verba sonant. Za-
chariæ verba sunt: tu vero puerule Propheta al-
tissimi vocaberis, praebis enim ante faciem Domini,
vt pares vias eius. Argumentum in formâ hy-
potheticâ sic habet. Si est ille vnus Deus, de quo
Malach. qui expedit viam ante me, tum Iesus
Christus est Deus ille vnus: At verum prius, ergo
& posterius.

Tria sunt in vniversum, ad quæ reduci pos-
sunt pleraque quæ hic contra movet Socin.
quantum quidem mihi, ex ipsius verbis obser-
vare licuit; duo contra maiorem, vnum contra
minorem obijcit. Minor est Malach. de Deo
Jehova intelligendum, cum dicit ante me, vel vt
verba sonant, *lepanai*, ante faciem meam. Contē-
dit Socin. legi posse etiâ, ante faciem tuam, quia
tum temporis, in vulgatis cōdicibus, ita disertè
scriptum extitit: nam Christus recitans verba
C 2 Malach.

Socin.

pag. 150.

Malach. dicit ante faciem tuam, & sic nihil referre utroque modo legas: cum certum sit Iohannem & ante Deum ipsum, & ante Christum viam præparasse.

Ref. Hæc verba hoc videntur velle, tam de Deo, quàm de Christo. Hæc verba, *ante faciem* accipi posse: temeraria planè assertio est, quod dicit in vulgatis codicibus, tum temporis secus scriptum extitisse, quàm hodie legitur, nec ratio pro hac opinione peti potest, ex eo, quod Christus hæc verba aliter citat: nam non tantum Dominus, pro *meam* dixit *tuam*, sed hæc verba, bis habet in utroque testimonio, *ante faciem*, cum Malach. semel tantum habeat: quid frequentius, quàm verba V. Testam. in Novo verbotenus non referri, quando citantur: sed tantum ad sensum respici? hoc itaque argumentum Socini, si bonum esset, loca quamplurima V. Testam. aliter legenda essent; & tota authoritas hodiernæ lectionis Bibliorum, non parum in dubium hac ratione vocaretur.

De vno vero Deo Israel, hæc verba accipienda esse, apertum est ex eo, quod scriptum est Luc. i. v. 17. vbi de hoc angelo qui Ioh. Baptista est (ut est in confesso) legitur, *quod præcedet in conspectu ejus*, quo relativo denotatur Dominus Deus filiorum Israel vers. 16: jam verò Baptista non ante alterius faciem paravit vias, quàm in cuius conspectu præcessit, nam Zachariæ verba sunt, *præibis ante faciem Domini, ut pares vias ejus*, quod moneo, ne quis excipiat, vnum & eundem non fuisse, ante cuius conspectum præcessit angelus, & cuius paravit vias. Ineptus
essem,

essem, si pluribus hoc conarer ostendere, nam ipse Socinus, maximè responsione sua hoc intendit Malachiæ prophetiam de Deo illo accipiendam & in eodem illo impletam esse, ideoque ad maiorem transeo.

Adversus maiorem duas movet difficultates, I. est, Malach. prophetiā in Christo non impletam esse & propterea invalidam esse majoris consequentiam: hoc ex multis locis resp. ad Socin. versarij est manifestum, non quod hoc neget, pag. 150. sed ut ostendat ex vi eorum, quæ hic adferuntur illud non sequi. 153.

Primò obijcit ut hoc probet: Christum non dicere, Malach. prophetiam in se completam, *dicturum alioqui ante faciem meam*: Respon. non video, quomodo in illa mutatione personarum, vlla sit vis, pro hac opinione, imò potius id firmat sententiam nostram, illa verba, *ante te*, de Christo accipienda, nam cum illa verba, *ecce mitto nuntium meum* &c. sint verba Dei, & subdat *ante faciem tuam*, quid convenientius quàm Christum hic intelligere? miror Socino hoc durum non esse, *mitto ante faciem tuam*, exponere *mitto ante faciem meam*. Vice versa si dixisset Christus, *ecce mitto angelum meum ante faciem meam*, hoc magis visum fuisset pro adversario facere, Deum, non Christum intelligendum. Tetiò si sic legit Christus, quia apud Malach. tum sic lectum fuit, sequetur & de Christo hoc prædictum fuisse & in eodem impletum esse, quod agnoscit adversarius, cum dicit pag. 150. nihil referre, utroque modo legas. Denique Evangelista Marcus, Evangelij sui exordio, satis

Marc. 1. cap. 1. v. 12. apertè indicavit prædictam prophetiam in Christo impletam esse, cum dixit principium Euangelij Jesu Christi Filij Dei, vt scriptum est in Prophetis, *ecce ego mitto nuntium meum.*

Socin. pag. 150. Secundò obijcit pro hac prima evasione contra consequentiam majoris. *Ex Zachariae verbis nihil necessario colligi, quàm Iohannem præcessisse, ante faciem ipsius Dei ad preparandā viam ejus* Resp. Est quidem altissimus & Dominus Israel cujus Propheta Iohan. foret ejusdemque vias paraturus, sed dicimus Christum esse illum: Iohannem Domino vias non parasse, nisi quia Christo præparavit, nam Patris & Filij viæ non distinguuntur, adeo vt Malach. prædictio de Deo, qui missurus esset angelum, ad præparandam viam, ante faciem suam, nonnisi in persona Christi impleta sit, quod quia negat Socinus, confirmo ex Evangelistarum testimonijs & concionibus Johan. Baptiste præcursoris: Johannes non fuit præcursor nisi Christi, Deus ille adventurus inter Judeos, erat Christus nec Deus adveniebat, nisi quia Christus adveniebat: Johannes Baptista suo ministerio totus in eo erat, vt viæ pararentur adventanti Christo, vt ex omnibus, quæ de Johanne leguntur, manifestum est; itaque sine errore, nullam hic viarum præparationem, imaginari possumus, quæ Christum non respexerit, aut eundem excludat: nec ista viarum paratio, quæ per veram ad Deum conversionem fieri debet, vt quis in iudicio consistat, evincit, Iohannem Deo viam parasse, non parando Christo, vt vult adversarius *pag. 152. nec probat id verbis Luc. cap. primo v. 16. vbi*

v. 16. vbi ille, cuius viæ erant parandæ, *per conversionem cordium patrum &c.* ut Malachias loquitur, *vocatur Dominus Deus*: nos enim Christum hunc dicimus: nam Christus is est, *cujus dies instat qui veniet & terram anathemate percussiet*, vt testatur Malachias, de eo cuius vias, Elias Propheta erat paraturus. Et hæc putamus de primâ difficultate satis esse quâ evertere conatur majoris consequentiam.

Sequitur altera, quæ hæc est, vaticinium hoc Malachiæ de Deo, in Christo impletum iri, *non Socin.*
quod Christus sit ipse Deus, sed quia Dei personam pag. 153.
excellentissimâ ratione sustinuit. Resp. De hac exceptione visum supra pag. 9. examinis nostri. Quod attingit pag. 149. de Deo, qui in Christo fuerit id eo ad Corinth. loco 2. nempe Cor. 5. v. 19. non dicitur, sed reconciliationem a Deo in Christo peractam esse, de hac phrasi nunc nihil amplius dicam, quia postmodum de eâ agendum erit. Nec vt ad rem redeam, qui alterius personam sustinent, sibi tribuunt, quæ ejus personæ sunt propria, hoc ipso, quod alterius personam sustinent: regnum regis, non dicitur vicarij regis: at Dei templum, Christi est, regnum verò regis si vicarius suum diceret, crimen lesæ majestatis committeret. Subditi non sunt ejus, qui principem repræsentat, nec ejus dicuntur, sed sunt & dicuntur principis esse: at Dominus Christus venit *vt salvet populum suum* Mat. 1. v. 21. & Johan. dicit eis τὰ ἰδὲα ἡλεα.

CAP. I. Secundæ Classis argum.

De loco Psalm. 2. vers. 12.

HActenus prima Classis argumētorum fuit, sequitur jam secunda, quæ continet varia testimonia pro Deitate Christi, ex solo V. Test. deprompta; inter illa autem primum occurrit ex Psalm. 2. Argumentum quâ quidem hujus loci est ex versu ultimo desumptū est; ubi sic legitur. *Osculamini Filium, ut non irascatur, & pereatis in viâ, cum exarserit vel minimum ira ejus, beati omnes qui confidunt in eo*: argumentum hujus loci geminum facit Socinus pro sententia nostra, prius est illud, de perditione & beatitudine; alterum est fiducia in Messia collocanda. Syllogismus, ex primo argumento formatus, sic habet: *solius Dei est servare & perdere: at Christi est hoc ut testatur hic locus Psalmi.* Socinus primò assumptionem negat, quia in *Psalmo quidem dicitur, perituros illos, quibus Messias irascitur & beatos fore qui confidunt in illo, non verò Messia esse istam potestatem beandi & perdendi,*

Socin.

pag. 155.

Resp. Nihil hîc assumptum quod ex Psalm 2. revera non desumptum, nam cum dicitur, *ut non irascatur & pereatis in via cum exarserit vel minimum ira ejus*, satis profecto indicatur, iram illam causam esse perditionis impiorum, & quamvis verba in rigore sumpta hoc non dicant, quod assumptum est, satis intera manifestum est plus quam ex mille sacrarum literarum locis ejus esse punire & præmio afficere, cujus

cujus mandatis homines morem gerunt aut immorigeri sunt ; imo non aliter impios exitio dandos quàm ab ipso Messia , cui sunt rebelles, hoc eodem Psalm. v. 9. satis indicatum est, vbi scriptum est *confringes istos virgâ ferreâ*. Instat Socinus , *posse Dei beneficio prius Messia esse, ut non sit alterum*. Respon. Punire ob neglectum Messia cultum aut ei confidentem beare , Messia necessariò est vt jam ostendi ; neutrum ejus communicatione gratia : est enim illud æternum exitium infligere & vitâ æternâ donare, proprium majestatis divinæ summæque potestatis ; hanc verò potestatem dicimus esse tantum ejus qui per naturam & essentiam Deus est.

Secundò responder , majorem dupliciter distinguendo. Primò *Dei imperium prorsus illimitatum esse ; Christi verò regni sui cancellis conclusum esse & limitatum*, & sic assumptionem non esse veram. Verum dicimus, hanc distinctionem, eo sensu, quo, eam adversarius proponit, ex humani cerebri lacunis haustam esse : nam cum dux tantum in tota vniversitate hominum classes sint , justorum & injustorum , qui omnes & singuli subsunt potestati vitæ & necis , quam Dominus noster Jesus Christus habet ; quod apparet ex judiciali potestate ejus ; cui si subducat quosdam Socinus, falsi convincitur apertissimis sacrarum literarum testimonijs ; nam ille *judex vivorum & mortuorum* Act. 10. v. 42. *judicaturus orbem* Act. 17. vers. 31. omne genu quod Deo curvabitur , Christo curvabitur , testante hoc Apostolo Rom. 14. v. 11, Hec certè

Socin. pag. 156.

C S & alia

*Mat. 25.
v. 34. 41.*

& alia complura loca, nullam patiuntur limitationem aut exceptionem: imperium autem vitæ & mortis tam latè extenditur, quàm iudicii potestas, imò nulli iudicii vis aut authoritas esset sine hoc imperio: vnde & imperij istius maximè mortalibus suspiciendi, notæ manifestæ sunt: execrati abite à me in ignem æternum: & adeste benedicti Patris mei, possidete regnum. Cedò Socin. an abituri in ignem æternum, in quos Christus, sententiam condemnatoriam non laturus, an beandi qui à Christo non beandi? an Pater judicabit aliquos quos non judicabit Filius? contra quàm scriptum est, Pater non judicat quemquam, sed omne iudicium dedit Filio Ioh. 5. v. 11.

*Resp. ad
defens.
Francisci
Puccij
cap. 10.
pag. 325.
326.*

Deindè cum ex sententiâ Socini, hoc Christi imperium vitæ & mortis, extendat se ad ea quæ quacunque tandem ratione ad regnum ejus pertinent (sic enim ille loquitur) tum si commonstrem ex ipsius, quam alibi nobis exponit opinione, omnes & singulos homines aliquâ ratione ad regnum ejus pertinere, evicero hanc distinctionem adversarij ineptam esse. Quod autem omnes & singuli ad Christi regnum aliquo modo pertineant patet ex eo, quod scribit, omnibus hominibus satis predicatum fuisse, cum ipse Christus, primum quasi in medio terrarum orbe illud annuntiaverit, & suos Discipulos deinde in universum mundum miserit, ut predicarent Euangelium omni creaturæ & sibi testes essent usque ad ultimum terræ: quare consilium Dei fuisse dici potest, ut omnes prorsus homines Christum nossent eique fidem haberent: proinde si non pauci sunt, qui de Christo

de Christo nunquam audierunt, id justo Dei judicio, quamquam illi soli verè cognito, contra primum ejus decretum factum fuisse, statuendum omnino videtur. Haftenus Socin. Si ergo tale decretum aliquando fecit Christus, de præscribenda omnibus & singulis fide, ejusdemque vitæ æterna promittenda, & de interdicenda incredulitate sub pœna mortis, profectò hoc non potuit sine imperio vitæ & mortis in omnes & singulos; aut alioqui, plus sibi authoritatis sumpsit quam par esset, quod nefas cogitare. Deindè cum dicat adversarius, si sunt, qui de Christo nunquam audiverunt, id justo Dei judicio, contra primum ejus decretum factum esse, satis ostendit, causas justæ istius judicij in hominum improbitate latere, utpotè, qui soleat semper, totum negotium dispositionis divinæ de salute hominum, ad humani arbitrij libripendem referre: hæc enim est illa Helena pro qua ille semper quoque pugnat, & sic veniunt considerandi ut inobedientes Christo; ergo ad regnum ejus spectant ut immorigeri, in quos proinde regi Christo jus mortis. Denique sentit adversarius cum suis, Christum omnium Salvatorem, quia omnibus vitam æternam est daturus, quod ille prorsus illimitatè accipit. Est itaque hæc prima distinctio extra & contra scripturas excogitata. Secundò majorem ita supplet; ille qui ex se habet imperium, scilicet vitæ & mortis, vel quod idem est perdendi & salvandi potestatem, ille est Deus ille unus: at sic si assumatur falsum esse hoc de Christo, cum ille ex Dei dono habeat: jure verò major illimitatè accipiat, tum illam falsam esse;

esse; nam inquit illa propositio solus verus Deus habet imperium vitæ & mortis, non aliter intelligi debet, quam illa solus verus Deus habet immortalitatem 1. Tim. 6. v. 16.

Ad enervandam distinctionem istam, qua dissolutam totius argumenti vim putat adversarius, ostendam imperium illud rei creatæ incommunicabile esse: Deo illi vni quarto modo proprium; non esse imperium ex gratia & dono, in qua responsione pronum & puppim causæ suæ semper collocant Sociniani. Hoc imperium ergo subjectum suum non egredi, ita doceo. Ea ratione & modo Deus est Dominus vitæ & mortis, qua est Deus vnus; at vnus est simpliciter, ergo & ea ratione Dominus vitæ & mortis: quod & desertè dicit Esaias 45. v. 21. sicut enim ibi dicit *nullus Deus prater me, sic & se Servatorem dicit*, & postea *michi curvabitur omne genu*, ergo Christus aut est Deus ille & Dominus, aut non est Dominus. Nullum porro est attributum, nulla actio, nullus titulus, qui magis, nobis ob oculos ponat Dei super res omnes eminentiam, ergo illud dominium non est alterius, quam huius Dei. Profecto si quid est, in quo Dei sublimitas apparet, certe hoc est: nec adversarius hoc diffitetur; ergo necesse est statuamus, aut hoc Deum sibi servare, tanquam proprium insigne maiestatis suæ, aut rem creatam sibi exæquare: aut si hoc donat ei qui non est Deus, sequetur, posse eum, se prorsus auctoritate suâ & prærogativâ omni privare, a quo vel ipse Socinus abhorreere videtur pag. 25. nec sequetur æqualitatem non induci, quia statuit

Soci-

us quod Deus est Dominus a se, Christus
tione. Minime sequetur inquam, quid e-
mpedit exequari re donatâ, eum cui dona-
i, a quo dono accepit, imò supra eum exal-
quod si rex aliquem admitteret in regia-
tatis consortium, rex eum sibi dono & li-
tate suâ exæquaret; quod si in totum ce-
t imperium jam dono suo supra se exalta-
Tum verò rex quoque quamdiu rex est &
po se non abdicat, regie majestatis insignia
ini communicat, ergo nec Deus. Accedit
vnus tantum in sensu antisociniano Deus
nctis patribus in V. Testam. fuerit agnitus,
que solius cultus præscriptus, & nullus præ-
eum prædicetur ibi Dominus vitæ & mor-
cumque ista Deorum dualitas a Socinianis
ecta, ipsis sit præcipuum Christianæ religio-
mysterium, Davidi proinde incognitum, ne-
te est fateamur, cum Christus ibi prædice-
r Dominus vitæ & mortis, fuisse a patribus
nitum naturâ & essentiâ Dominum. Quod
tem Socinus ait, solum Deum habere impe-
am vitæ & mortis, sicuti habet immortalita-
m; id sine veritate dicitur: dispar enim in-
er hæc duo ratio est.

Transeo ad alterum argumentum ex loco *Alterum*
psalm 2. formatum quod sic habet. *Ille in quo argum. ex*
est confidendum, est Deus ille vnus: at in Christo Psalm.
est confidendum: Ergo: minor in textu est, ma- v. 12.
ior est in nobili loco Hieremię 17. per bonam
consequentiam, imò etiam expresse valde: nam
futile est quod Socin. adfert; non sequi ex eo,
quod maledictus est, qui confidit in homine, in Deo
solo

Socin. *solo confidendum esse : eo inquit non excluduntur*
 pag. 157. *angeli , nec Christus homo divinus , præsertim post*
 158. *glorificationem , postquam revera capit habere lo-*
cum id, quod in Psalm. 2. de ei confidendo , dictum
est. Potuisset Socinus eadem operâ, multo plu-
ra nominare, qualia sunt, aurum, argentum, be-
stie , angeli mali , & alia infinita, idolatricæ fi-
ducie objecta. Dico ergo unâ re nominatâ, per
judicium de reliquis omnibus faciendum esse,
quibus communis est ratio illa , propter quam,
res illa excluditur , cur enim maledictus , qui
confidit in homine, certè quia non est Deus ille
Israel ; procedit ergo hoc contra omnia , quæ
non sunt ille Deus. Quod ex verbis apud Pro-
phetam sequentibus facile colligitur , à Iehovâ
autem recedit animus ejus : prosyllogismus er-
go ex Jeremia petitus bonus : quod de Christo
hic reponit , prætereo , ne eadem nimium sæpè
repetere cogamur.

Dicit secundò , non simpliciter pronunciari
maledictum hominem illum qui in homine confidit ;
sed qui ita confidit , ut ponat carnem brachium su-
um, id est in ipsis humanis viribus spem suam collo-
cet , seu in homine ipso per se citra spiritum ac vir-
tutis divina opera : Hoc ubi affirmavit Socinus,
mox negat , cum statim subdat post hæc verba
& cum neque hoc videretur satis , ad absolutè
pronunciandum quemquam maledictum additur
postremò expressè & à Domino recedit cor ejus: ut
scilicet intelligatur , Deum habiturum aliquam ra-
tionem illorum, qui licet homini cuiquam plus æquo
confidant , humanis viribus id tribuentes , quod ip-
sus Dei proprium est , tamen interea ab ipso Deo
non

defficiunt, nec mentem ab ipso averſam aut alie-
gerunt : iſtam expoſitionem ſuam tum ap-
cat ad fiduciam quam ille cum ſuis in Chri-
locant.

Reſp. Socinus ita exponit Prophetam, ac ſi
mā prepoſitionē ſuā, maledictus &c. reſtrin-
ret per ſecundā, ſecundā per teriam, cum ſe-
entia, vel explicent antecedentia, vel æqui-
lleant ijs, quod frequens apud ſacros ſcripto-
s. Et quis credat Prophetam ita propoſitio-
em primam contraxiſſe, vt ſic circumciſam &
odificatam vt ita dicam, contradictoriam fa-
eret tum ſuę tum univerſæ V. Teſtam. doctri-
ę, de fidendo in vno illo Deo Iſraelis. Incom-
atibilia proſectò ſunt in homine credere, &
Iehova non recedere ſicut *ἀσύνετα* ſunt Deo
& idolis ſervire. Nec vllum apud Prophetas
ut Moſen extat exemplum hominis, qui eo
modo credidit in Deum laudatā fide, quā Socin.
hic contendit credi poſſe. Addo ſi licuiſſet confi-
dere in hominibus, cum Spiritibus ac virtutis
divinę ope conſideratis; licuiſſet populo veteri
in pluribus fiduciam ſuam collocare; hoc verò
falſiſſimum eſt: nam conſequenter eoſdem &
adorare & invocare licuiſſet, fiducia enim & a-
doratio termini convertibiles ſunt. Cætera quę
vibrat in Pontificios Mariælatras, Pontificijs re-
inqui mus, illi viderint.

Caput II. Secundæ claſſis argum,

De loco Eſa. 35. v. 4.

SECUNDUM ſecundæ claſſis argumentum no-
bis eſto Eſa. 35. v. 4. *ipſe adveniet & ſalvabit*
vos

vos & v. 5. tunc aperient se oculi cecorum. Ille qui veniet & salvabit est Deus ille unus : atqui Christus est ille qui venturus & salvaturus. Primò excipit adversarius negando majorem : potuit enim inquit Christus homo qui nasciturus erat , illorumque Deus futurus istâ appellatione insigniri.

Socin.

Resp. v. 2. dicit Propheta , videbunt gloriam pag. 169. Iehova, decorem Dei nostri, hîc nisi quis ultro desipere velit , necesse est fateatur , illa Prophetæ verba æqui pollētia esse : rursus v. 4. subdit, ecce Deus vester, & postea ipse veniet , nullus hic tergiversationi locus ; manifestum Prophetam loqui de Deo illo vno : præterea cum toties apud Prophetam inculcetur illud unus Deus : ego Iehova Deus tuus sanctus Israelis Servator tuus Esa. 43. v. 3. Ego Iehova , nullus præterea, præter me, nullus Deus Es. 45. v. 5. nullusque amplius Deus præter me , fortis justus & Servator ; nullus præterquam ego : non ergo sentiendum, prædicari hîc Deum futurum , qui nondum existeret. Porro si Deus vester , non erat Deus ille unus Israelis, qui jam tum erat , sed Deus futurus Israelis , jam hoc mysterium non fuit demum in Christiana religione revelatum, sed & in Judaica, cum clara hic si Socino credimus , prædictio contineatur hominis deificandi. Et vt magis commonstrem adhuc quàm vanum sit glossema Socini, dico illam hac suâ explicatione Prophetas facere quasi collatis signis & aperto Marte inter se confligentes. Clamat Ierem. de Deorum excidio, qui cælum & terram non fecerunt, Es. contra de Deo tali, qui in Deum exaltandus esset & ipsius Israel Deus & Servator foret. Denique

Ierem.

10. v. 11.

Socin.

170.

ut hoc postremo dicam, hinc agitur de
qui iam tum erat, ut ex textus inspectione
tum. Omitto quæ hic interferit de Deo
, metaphorico, de nomine Dei, alibi enim
tis.

Secundo excipit negando minorem contra
m varia obijcit. 1. *Non liquere ex Mat. 11.*
in Esa. de Christo explicandum. 2. *Quæ Chri-*
ibi de se prædicat, satis per se esse, ad demon-
ndum illum esse Messiam a Deo promissum. 3.
non tantum ista ibi commemorari, sed & alia, quæ
loco illo Esa. non leguntur. 4. *Argumentum hoc*
superiorem classem referendum.

Resp. Ad primum, accommodationem ma- Socin.
festam esse ex convenientia verborum & sen- pag. 171.
s, in Propheta dicitur *veniet & salvabit*, apud
angelistam, num ille qui venturus esset: re-
sondet Christus Prophetæ verbis, respexit er-
o ed. Ad secundum respondeo ipsa quidem
miracula per se satis demonstrare, illum esse
Messiam a Deo promissum: nemo enim potest
ec signa edere, nisi Deus sit cum eo Ioh. 3. vers. 1.
Christus ad ea tanquam ad argumentum apo-
dicticum veracitatis suæ provocat Ioh. 10. v. 37:
interea tamen hoc argumentum fortius proce-
dit si commonstretur in Christo impletas Pro-
phetarum prædictiones, quod hinc fit, ut alibi
sæpe ab Apostolis efficacissimæ rationes inde
deducuntur, ad persuadendam maximam istam
Christianæ fidei thesin, Iesum nempe esse Chri-
stum Act. 17. v. 2. 3. Act. 28. v. 23. & alibi. Sic
Servator noster, qui dixit, *opera quæ ego facio,*
restantur de me, quod Pater miserit me Ioh. 5. v. 36.

dixit quoque ibidem, *scrutamini scripturas, quia vos videmini vobis vitam eternam in ipsis habere; & illa sunt quæ testificantur de me.* Ad tertium dico ea quæ non sunt in loco Esa. 35. legi in locis alijs, apud eundem Prophetam: quartum leve est, de ordine loci agens.

Urget ulterius, *hæc commodè posse, vel debere etiam, ad temporal liberationis ex captivitate Babylonica referri.* Nos respondemus cum doctissimo Francisco Junio parallelorum primo ad hunc locum: verba ejus sunt, *non debent loci ejusmodi typicè potius quàm historicè accipi, ubi demonstratur historicum eorum complementum, hoc autem demonstratur hîc.* 2. Nihil hoc contra assumptionem nostram, nam si hæc referenda sunt ad vtramque liberationem tum typicam tum veram, quæ Christi est, perstat assumptio. Possem
Socin. pag. 172. ergo præterire cætera, quæ hîc prolixius persequitur Socin. quia minorem nostram non convellunt; libet tamen nonnulla illi reponere, ad ea quæ hic profert satis inconsideratè.

Disputat hîc nonnulla de verbo veniendi, *Quod si inquit, ad liberationem ex captivitate Babylonica, fateamur Esa. prædictionem referri posse, jam constabit, quid in ea significet, ipsum Deum venturum, & salutem daturum, si de uno Deo sermo est; id est, non quidem, ipsius Dei personam venturam, sed Dei favorem præsentissimum futurum, est sane aut prorsus impossibile, aut certè Dei majestate indignissimum, ipsum aliter venire ut servet, quàm per sui favoris ac virtutis præsentiam, & turpiter errat quicumque aliter sentit.*

Resp. Hoc si ad captivitatem Babylonicam
 referra-

atur ex suppositione Socini, quomodo du-
illi esse potest, an Deus ille venturus Deus
nus? nota autem dubij sermonis est, si de
illo Deo sermo est: nam cum hîc dicatur
servaturus ex captivitate Babylonicâ,
verò Christus, post multa demum secula
evehendus, nullum alium, hunc Sal-
em fore, qui salvet ex captivitate Babylo-
Socino cogitare promptum erit, nisi
illum vnum, nisi forte tertium, aut quar-
Deum imaginetur, inter angelos aut homi-
cui competant hæc. Ad id quod dicit de
veniendi, eam non signare adventum per-
Dei sed favoris ac virtutis præsentiam,
indeo distinguendo: si Socin. intelligat a-
& non Deum ipsum servasse, sed tantum
entiâ favoris & virtutis adfuisse; ita vt ille
maximè propria & principalis istius ope-
n fuerit, & ipsa Dei persona ab hoc actu
tionis propriè denominari non possit, tum
s ille falsus: sin tantum excludat motum
em, non est quod reprehendo, sed sic nec
r, nec minor nostra, per istam vocis venien-
terpretationem, vlllo modo conculitur, nam
eres cum illâ voce veniendi habeat, illud
cussum manet & manere debet, eum qui
et & salvabit, esse Deum illum vnum.

ontendit vltcrius, *prorsus impossibile, aut cer-*
ri maiestate indignissimum esse, ipsum aliter
e. Verum sic occurritur, eo si tacitè fugit-
ysterium incarnationis Filij Dei, qui mo-
d nos veniendi, vt nos salvet, illi inter per-
divinas est proprius, turpiter errat sic

sentiens : quod si meus ejus est , simpliciter hoc impossibile esse , aut Deo indignum, rogo unde sciat hoc ? nam cum ille sentiat cum suis Deum essentiâ finitum & spatijs circumscriptum esse , quæ ratio , cui primas alioqui deferunt, illi dictare potest, Deum loco moveri non posse , cum sola essentiæ infinitas motum localem a Deo removeat. Quære deinde, qui sentiat indignum Dei majestate motum localem, cum non sentiat, adventum per motum indignum eo cui Deus ille vnus per glorificationem & exaltationem ad dextram majestatis suæ communicavit ea , in quibus maximè divinæ majestatis gloria & excellentia consistit.

Rursum contra majorem pugnat , implicite negando illam : cum dicit verba illa, *ipse veniet, explicari posse, quod per ministrum aliquem venturus, & non quod per se.*

Resp. Falsum hoc esse , tum in liberatione typicâ, tum vera , nam utrobique , Deus causa propria salvationis , & Deus ab adventu & salvatione denominatur , quia ipse venit & salvavit , quod utrobique eventus comprobavit, vide Esa. 43. vers. 14. & c. Esa. 45. v. 1. & alibi passim : utraque liberatio tales & tam eximias continet actiones, ut si de Deo & operibus ejus, ex verbo ejus sapere velimus , sine manifesta in Deum contumelia , eas ad creaturas transferre non possimus, nisi quatenus fuerunt causæ instrumentales , Deo, ut causæ propriæ & principali inservientes. Accedit quod tenendus sensus verborum proprius , nisi obstat ratio in contrarium ; verba de Deo, non de ministro Dei loquuntur:

ur : quod si ego sequens interpretatio-
is modum, dixero Christum non ventu-
ad judicandum viuos & mortuos per se,
antum per ministrum, quomodo si sibi
t, me redarguet?

fert & illud pronomen ipse, vel singularem
in insinuare vel superfluum esse. Ad primum
quando Deus venit ad benefaciendum,
ille suos quidem habet gradus secundum
e beneficentiæ modum : non tamen ver-
ex vi suâ nativâ, aut hoc loco aut alibi
aritatem favoris insinuant. Ad secundum
voculam istam emphaticam esse, hîc nam
paret hoc ex contextu. 2. Apparet ex æ-
llentibus locis Esa. 42. vers. 6. Esa. 43. v. 2.
45. v. 13. Postremò ait se contra majorem
gere potuisse, ostendendo Deum tunc venire
um aliquis ejus loco venit, & propterea sin-
quadam ratione Deum venturum dictum
cum Christus venturus esset, quippe, quod
us singulari quadam ratione, ejus loco ventu-
at, sed de hoc se dixisse dicit supra, quantum
ad præsens argumentum dissolvendum satis
tat, & postea amplius fortasse de hoc dicen-
propterea eâ de re se noluisse hoc loco dis-
re.

es. Videantur dicta a nobis supra. Addo si
dicatur Deum venire, quia Christus ve-
credendum erit, Deum Patrem venisse in
dum, pro qua tamen opinione, ne vnus
em apud Evangelistas apex, & mirum,
l Filius qui toties de suo, ne semel quidem
atris adventu monuit : quinimo si credi-

Iob. 6. v.
39. 40.
44.

mus Fillum, adventu suo in mundum Dei Patris vices supplevisse, adventus ille non tam Filij, quam Patris adventus reputandus erit. Accedit falsum hoc esse, Christum venisse Dei Patris loco, venit ille, non ad Patris munus obeundum sed suum, quod ipsius erat ex arcano & æterno Patris consilio, & voluntariâ ejusdem Filij submissione: hinc enatæ istæ voces: hæc est autem voluntas ejus qui misit me. Amen amen dico vobis, nequaquam dedit vobis Moses panem illum cœlestem, sed Pater meus dat vobis panem illum cœlestem verum, non dicit se in panem cœlestem datum vice aut loco Patris non venit ut sibi ministraretur, sed ut ministraret καὶ δοῦναι τὴν ψυχὴν αὐτῆς ὑπὲρ πολλῶν, quid? an suas hic vices obit an paternas supplet.

Caput III. Secundæ classis argum,
De loco Esa. 52. vers. 5. 6.

Locus apud Esa. cap. 52. v. 5. 6. sic habet. *Nunc autem, quid mihi hic est? dictum Iehovæ; nam captus est populus meus gratis, dominatores ejus ejulant, dictum Iehovæ, & jugiter quotidie nomen meum irritatur v. 6. idcirco experietur populus meus nomen meum, idcirco illo ipso die, me cum, qui proloquitur, ecce me &c.*

Summa capitis est, Ecclesiam consolari, & ad spirituale gaudium excitare, adventu & præsentia Salvatoris Euangelizantis: nam hoc complementum historicum prædictionis hujus, teste Apostolo

Apostolo Paulo Rom. 10. v. 15. & v. 13. 14. 15. apertissimis verbis loquitur Propheta, de abjectione & ignominia Christi Servatoris nostri ejusdemque in excelsam gloriam, post perfectiones ejectione, qui duplex status Christi prolixè & graphicè describitur cap. sequente. Si cui ergo hæc referre placet ad captivitatem Babylonicam, ad veram tamen & realem omnino referri debere, certum & indubitatum est, quia hoc suadet Apostolica autoritas omni exceptione major. Pro Socini explicatione, nulla militat evidens ratio. Itaque vis argumenti nostri non est, in hac aut illa voculâ præcise consideratâ, sed in toto contextu; deductio totius sermonis Prophetici, suggerit satis Deum in carne patefactum, nam ille fuit Evangelizationis hujus author & objectum Rom. 10. vers. 12. 13. 14. 15. ille *Deus in Zion regnans* ut Propheta v. 7. Socinus in eo multus est ut ostendat v. 6. agi de fideli præstatione promissorum Dei? sed quid tum, Deus in carne patefactus, hoc pacto fidem exolvit suam, nam *πιστὸς ὁ λόγος*, ut insignis Pauli locus ad Timoth. 1. cap. 1. v. 15. habet, καὶ πάσης ἀποδοχῆς ἄξιον, Iesum Christum venisse in mundum, ut peccatores servaret. Particulatim non persequar, quæ hîc habet Socinus, in quibus multa interserit de liberatione ex captivitate Babilonica.

CAP. IV. Secundæ Classis argum.

De loco Esa. 45. vers. 14. 15.

Quartus locus est apud Esa. 45. vers. 14. 15. Socini: *hæc dicit Dominus labor Egypti & negotiatio* pag. 178. 183.

*tiatio Ethiopia & Sabaim viri prestantes & sub-
limes ad te accedent, & tui erunt post te ambula-
bunt, vincti compedibus incedent & te adorabunt
teque deprecabuntur. Tantum in te est Deus &
absque te non est Deus: verò tu es Deus abscondi-
tus, Deus Israel Salvator. Tractationi hujus loci
non immorabimur. Dico breviter: Quamquam
pronomen te in istis verbis sit fæminini gene-
ris, vt & nomen possessivum tui, ac propterea
hæc ad Ecclesiam & non ad Christum refe-
renda videantur: verba nihilominus illa in te
est Deus, Deus Israel Salvator de Christo expo-
nenda, quia Christus proprijsimâ ratione Salva-
tor, æternæ salutis author, eidem curvanda ge-
nua, quod vt supra intelleximus, Paulus Christo
tribuit, hoc verò simul cum ijs quæ antecedunt
tribuitur ei qui v. 15. est nominatus & descri-
ptus. Locum Baruchi qui ex libro Apocrypho
producitur Pontificijs relinquimus.*

CAP. V. Secundæ Classis argum.

De loco Zachar. 2. vers. 8. 12.

Socin.

pag. 186.

Locus sic habet sic ait Iehova exercituum,
post gloriam misit me contra gentes istas, quæ
depradata sunt vos: quia qui tangit vos, tangit pu-
pillam oculi ipsius v. 13. nam ecce ego manum
meam agitaturus sum contra illas, & erunt prada
servis suis, ita agnoscetis Iehovam exercituum mi-
sisse me. v. 14. cane & letare filia Ziionis, quia ecce
venturus & habitaturus in medio tui, dictum Ie-
hova

Ihova v. 15. & adjungentes se gentes multa Iehova, die illo erunt mihi populus, & habitante in medio tui me, agnosces Iehovam exercituum mittere me ad te.

Argumentum, quod ex hoc loco colligitur, sic habet. *Ille qui missus est ad gentes, est Iehova exercituum. At Dominus noster Iesus Christus est ille missus ad gentes, ergo ille est Iehova exercituum*: Socinus varia obijcit, tum contra propositionem, tum contra assumptionem Syllogismi huius, in primis verò contra propositionem.

Primò obijcit, *etiamsi sententia nostra de tribus Socin. personis, in uno Deo vera esset, & quantumvis cer-* pag. 187.
tum quoque esset, istum & vocare se, & esse Dominum exercituum, qui se dicit missum a Domino exercituum, illationem tamen nec bonam, nec necessariam esse, Christum esse eum Dominum exercituum: ratio negata consequentia est, quia potest esse Sp. S. vel etiam Pater: nam verba ejus sunt: *ut nihil dicam, quod ut supra movi, nulla causa est, cur Pater ipse, sive a Filio, sive a Sp. S. mitti non possit, si modo omnium trium & uniuscuiusque ipsorum eadem per omnia est dignitas, potentia atque majestas, ut ipsi Trinitarii contendunt, hæc ille.*

Resp. Incongruum esse de Sp. S. hæc intelligere, ut commonstrant circumstantiæ contextus huius, & non pauca alia, quæ apud Zachariam leguntur, quæ lucem adferunt ijs, quæ hic dicuntur; nam ille de quo hic est sermo, est ille *Zach. 1. v. 8.*
vir, qui insidebat equo rufo: hic vir versu sequente dicitur angelus, nam pro eo quod Zacharias dixit versu 9. dixit mihi angelus, qui allocutus est me, dicit versu 10. tunc respondens vir ille, qui
D 5 stabat

stabat inter myrtos, dixit: quo clarè exponitur nobis, angelum illum, qui allocutus est Propheetam, esse virum illum, qui stabat inter myrtos, & sicut τὸ alloqui angeli vt sic dicam, tribuitur viro stanti inter myrtos, sic vicissim τὸ stare viri inter myrtos v. 11. angelo Iehovæ tribuitur: ille angelus Iehovæ, pro Ecclesiâ intercedit apud Deum vers. 12. iam verò non Sp. S. sed solus Christus angelus foederis, vt est apud Mala. 3. v. 1. Hic angelus est ille, qui dicit v. 12. & sequentibus: *nam sic ait Iehova exercituum* &c. nam aut intelligitur angelus ille, qui Propheetam alloquebatur Zach. 2. v. 7. aut angelus ille, qui ibidem huic angelo obviam processisse dicitur: at non intelligitur angelus ille, ergo hic angelus, de quo nos dicimus; actiones enim sub metaphoricâ locutione deprædationis & prædæ descriptæ, apertissimè huic angelo conveniunt: nam ipse supra cap. prim. descriptus est, sub formâ viri equo rufo insidentis, & comparati ad bellum & prædandum: est ergo ille angelus Iehovæ, Christus: nam ille ita habitavit in medio suorum, vt essent populus ejus; hoc verò de Christo in Novo Testam. disertè prædicatur; illi enim hoc Dominum peculiare est.

Ioh. 1.

v. 11.

Ioh. 10.

v. 16.

Act. 8.

v. 10.

Psalm. 2.

v. 8.

Esa. 53.

v. 12.

Alterum membrum, primæ objectionis, adversus assumptionem, factæ est; *Patrem etiam posse mitti*, posito sententiam Trinitariorum esse veram, de equali dignitate ac maiestate trium, & consequenter Patrem intelligi posse.

Resp. Etiam si Pater mitti posset, non sequeretur missum esse, a potentiâ enim ad actum

non

non valet consequentia : quinimo nunquam est missus ; nunquam ita habitavit in medio populi, vt inde agnosceretur ipsum a Iehova exercituum esse missum, quod vtrumque affirmatur hoc loco, de eo de quo hic agitur. Nego itidem ex sententiâ orthodoxâ de trinitate sequi, Patrem posse mitti, nam quod Socinus ait in tractatione secundi argum. secundę classis pag. 167. vt aliquis posset quempiam mittere, satis esse: vt non sit minor ipso, quemadmodum aduersarijs placet : hoc inquam sine veritate dicitur, præter hoc enim requirunt originem, sic enim Thomas Scholasticorum coryphęus prim. part. sum. quęst. 43. arti. 4. missio in sui ratione, importat processionem ab alio, & in divinis secundum originem, vnde cum Pater non sit ab alio, nullo modo convenit ipsi mitti, sed solum Filio & Spiritui S. quibus convenit esse ab alio. Secundò cum Pater non mittatur, nec unquam missus sit, nec Scriptura doceat, positâ æqualitate trium, Patrem posse mitti, nec expressè, nec per consequentiam, rogo vnde aduersarius hoc sciat, cum sana ratio hoc non dicat, sed potius eum qui mittitur ab alio, ab alio esse in divinis, cum in rebus creatis ita comparatum sit, vt modus operandi secundum modum essendi sit, & quę naturâ prius sunt, naturâ prius operentur. Cum itaque & naturalis rationis dictamini sit convenientissimum hoc, quod statuunt hæc vere orthodoxi, & ex scripturis habeamus Patrem non mitti, profecto non ineptè dicitur, Patrem non posse mitti, nam etiam, quę ex Dei decreto & voluntate futura sunt, nunquam,

quam, dicuntur, fieri non posse. Sic dicitur
 ὥστε πλανῆσαι ἢ δυνατόν καὶ τὰς ἐκλεκτὰς Math.
 24. vers. 24.

Hæc de primâ Socini contra assumptionem
 nostram objectionem, sequitur altera,

Altera contra assumptionem objectio est ;
 hæc de Christo non accipienda, *quia post glori-
 ficationem ejus acciderunt, postquam sicut Christus,
 non potest dici missus, nisi in personâ Apostolorum,
 sic Sp.S. ipsemet dicitur esse missus: consequenter
 potius concludendum esse, istum alterum Dominum
 exercituum esse Sp.S.*

Resp. Non rectè dicitur, Christus in persona
 Apostolorum esse missus, si ipse tum non erat
 missus, sed tantum mittens Apostolos: non di-
 citur principem in persona legati sui esse mis-
 sum, quia legatum misit: nec ferri hoc posset,
 Patrem esse missum in persona Filij, quia Filium
 misit: itaq; Christus non missus in persona A-
 postolorum, nisi absolute missus, ab activa enim
 missione non potest denominari missus. Quam-
 vis verò Dominus noster Iesus Christus in terris
 versans, & munere Mediatorio fungens, fre-
 quenter eatenus dixerit, se missum esse a Patre,
 vis tamen & autoritas illi hac missione collata,
 non tantū ad tempus, quo in terris versatus est,
 sed etiam ad tempus exaltationis extenditur:
 nam secundum quod, missio illa dicit ablegatio-
 nem quandam, quâ Filius, derelictâ sede & glo-
 ria majestatis suæ, venit in hunc mundum, desijt
 illa postquam ad Patrem profectus est, deserto
 mundo & confedit ad dextram majestatis eius:
 secundum quod verò missio illa dicit aut com-
 prendit

prehendit in se designationem & vocationē, ad
unus mediatorium, post glorificationē etiam
a perduravit. Dico amplius etiam legi in sa-
is literis Christum post glorificationem suam
missū esse, nam Act. 3. v. 20. legitur καὶ ἀποστείλη
ὡς κεκηρυγμένον ὑμῖν Jesum Christum &
ultimo ejusdē cap. vobis primū Deus suscita-
Filium suū Iesum misit, qui benediceret vo-
s, vnoquoq; se avertēte a pravitatibus vestris.

Nunc de majore propositione, vbi verba Socin.
ni sunt. *Istum qui dicit se esse missum a Domino*
exercituum, ex loci ipsius verbis, non constare, esse
dominum exercituum: neque id ne semel quidem,
dum sæpius hīc fuisse dictum. Tota autem vis est
ipsis primis verbis; quibus rectē explicatis & in-
lectis veritas patebit. pag. 188.

Resp. Etiam si hæc verba: *nam sic ait Jehova*
exercituum post gloriam misit me, non videantur
hinc habere sensum, Jehovam exercituum mis-
m esse, sed potius, hunc, angelum narrare ijs se
Jehova exercituum missum esse (est enim con-
uatio sermonis, quo narratur quomodo ange-
s angelum allocutus sit, quod apparet ex par-
cula causali *ki*) firma manet nihilominus ma-
r, eum qui missus est, esse Jehovam exercituū,
m vt supra probavi, angelus hīc, est Christus,
on aliquis angelus creatus, quod probatur
nplius. 1. Angelo huic opus redemptionis &
lvationis tribuitur, quod est Dei Jehovæ
roprium, vt hic sumimus suo loco id demon-
raturi Deo volente *misit me contra gentes istas,*
ce ego agitaturus sum manum meam contra illas.

bijcit Socinus hæc de angelo creato intelligi
posse;

Socin.

pag. 191.

posse ; certum enim inquit est & posse & solere a Deo mitti angelos , non ut simplices nuntios, sed tali potestate præditos ut ista & majora etiam de se affirmare possint, quod probat ex Gen. 18. & sequentibus, ex ijs qua in Aegypto in deserto sub Davide acciderunt cum populum numerasset : & sub Ezechia contra exercitum Senacherib. Verum respondetur, etsi Deus angelorum operâ , tum in liberandis suis, tum puniendis hostibus usus , opera tamen eorum tantum ministerialis fuit , ista verò opera prædicare tanquam sua angelis , ac si causæ principis operis essent , non legitur. 2. Opera quæ de angelis narrantur, sunt opera singularia , hoc verò opus liberationis , quâ illud de typicâ liberatione accipitur , est opus valde universale , multos particulares actus comprehendens, ergo hoc non est angeli creati, nam hoc semper de se Iehova prædicat, proinde negatur, quod Socinus dicit, ista aut majora etiam angelos de se affirmare posse.

Secundò confirmatur , hunc angelum , non esse angelum creatum, nam vers. 14. dicit *Ecce vēturus & habitaturus in medio tui*; quæ verba de eo accipienda, qui dixit supra se missum esse, nam quod Socinus ait pag. 192. Iehovam jam indutum loquentem istis verbis *canta & latare Filia Zion* nulla ratio probat : jam verò angelus creatus , non venit aut habitavit in medio Ecclesiæ Dei, ergo hic est increatus : interea illud etiam hîc animadversione dignum, istam Soci-
ni expositionem, hæc verba de Iehova exponen-
tis, firmare maiorem nostram ex toto hoc loco
desumptam , cum nempe , cujus missio & ad-
ventus

ventus hîc promittitur, Iehovam esse. Tertiò confirmatur major ex v. 15. *quia gentes, quæ adjungentur Iehova, populus ipsius erunt*: ergo & ille, qui dicit, *erunt mihi populus*, non est angelus creatus, nam illi sunt ministratorij spiritus, non Domini populi Dei Heb. 1, 13. 14. subditur & *habitante in medio tui me*; hic alius esse non potest, quàm qui dixit, *erunt mihi populus*; additur, *agnosces Iehovam exercituum mittere me ad te*. Socinus ex v. 14. & antecedente parte v. 15. hyperbaton facit, & dicit angelum hisce verbis ad suam ipsius personam redire. Sed hoc inane est, habent enim hæc verba evidentem relationem ad immediatè antecedentia, & alioqui nihil operantur, si hîc tale sit hyperbaton.

CAP. VI. Secundæ Classis argum.

De loco Zachar. 3. vers. 1.

Locus sic habet. *Ostendit mihi Sacerdotem maximum stantem coram angelo Iehovæ, & Satanam stantem ad dexteram ejus, ut adversaretur ei & dixit Iehova Satana, increpet Iehova te Satan, increpet Iehova te*. Argumentum desumptū, ex hoc loco tale sit: *cum duo hîc nominentur Iehova, sequitur Filium esse alterutrum, cum neque Sp. S. alter ille Iehova esse possit, neque creatus aliquis angelus. At duo hic nominantur nomine Iehovæ, ergo.*

Quæcunque respondet Socinus ad hoc argumentum, ea tendunt ad enervandam consequentiam

quentiam majoris : responsio ejus in duobus consistit. Primum est, *alterum illum posse esse Spiritum S.* Secundum est, *unum tantum ex duobus revera Iehovam esse, alterum angelum creatum.* Primum responsum Socini consistere non potest, nam cum Sp. S. angeli nomine non veniat in scripturis, & Jehova ille, de quo, inter nos & adversarium, controversatur, sit a Propheta angelus aliquoties appellatus, ut adversarius, confitetur pag. 196. necesse est, Filium Dei alterum illum Iehovam esse : nec est quod metuamus hanc causam nostram, a Socino retorquente, argumentum, a Theodoreto formatum, ex hoc loco, pro Deitate Filij, quia causa Filij, hic magis agi videbatur quam Sp. S. nam pontifex hic erat Filij Dei typus. Hoc verò ita retorquet adversarius : *fieri non posse, ut in ipsa eadem visione, eodem temporis momento, quis & in sua propria persona verè, & in altera representative sive adumbrate appareat, altera ab altera manifestè distincta.* At respondetur hoc tam facile rejici, quam adferri, quid enim impedit repræsentari in typo, ut futurum, eo modo, quo nondum erat, & interea alio modo præsentem esse.

Secundum ejus responsum est, ut dixi, *alterum angelum, creatum angelum esse.* Missa disputatione illa sceptica, quam Socinus hic format nobis de angelis, nunc probans de hoc, nunc de illo angelo, accipienda hæc verba ; istud tantum necessum est ostendere, angelum hunc non esse creatum angelum, hoc enim si obtineamus, consequentia majoris inexpugnata manet ; hunc autem, non esse angelum creatum, proba-

Socin.

pag. 196.

nus ex nomine Iehovæ creaturis incom-
cabili, sed hoc est illud τὸ ξενόμενον in-
s & adversarium, de quo ex professo erit
um, in quarta classe argumentorum, ubi,
adjuvante, spero me commonstraturum
fario, principium nos non petere, cum sic
ndemus.

C A P. VII. Secundæ Classis argum.

De loco Zachar. 12. vers. 10.

Ēgitur Zach. 12. vers. 10. *Effundam super
domum David & super habitatores Hierusa-
spiritum gratiæ & precum & aspicient ad me,
m confixerunt. Syllogismus hypotheticus sic ha-
Si ille, de quo dicit Zacharias effundam super
um David & super habitatores Hierusalem,
ritum &c. & respicient ad me quem confixe-
t, est verus Deus ille Israel, tum Christus est
us ille Deus, utpote de quo hæc dicuntur. At ve-
m prius, ergo & posterius. Respondet primò Socin.
cinus, hoc argumentum revera ad superiorem, pag. 200,
assem pertinere, nisi enim inquit locus Iohannis es-
, nihil prohiberet, quominus de metaphorica tan-
um, eaque jam factâ confixione, hæc Dei verba ac-
perentur. At contra hoc argumentum perti-
et ad classem præsentem, nam totum sumitur
x loco Prophetiæ; hîc enim habemus Deum a
Judæis transfixum: habemus hîc descriptam
personam Θεανθρώπου passam; tantum no-
men Christi desideratur: vna propositio hic*

non est V. altera Novi Testam. vt supra ; sed vtraque huius syllogismi , quo ad substantiam , in Propheta continetur , quamvis enim istius transfixionis , quæ narratur a Propheta , luculentam expositionem habeamus , in verbis Johannis , ipsa nihilominus Dei Imanuelis nostri transfixio tradita fuit in V. Testam. vt complura alia , quibus tamen , clara intelligentiæ lux immissa , per Euangelij revelationem. Hac responsione præmissa , quæ litem de ordine movet , venit ad ipsum Syllogismum vt argumentationem factam labefactet.

Ac primò quidem maiorem aggreditur , negando ejus consequentiam : contendit nimirum antagonista , confixione Christi Deum confixum dici , *non quia Christus essentia Deus , sed propter mysticam conjunctionem & amorem Dei ; vult ergo Deum non in se confixum sed in alio , qui conjunctus illi & quem amabat , cuius confixionem suam reputaret : huic explicationi probanda tria affert loca similia , ubi uni tribuitur , quod alteri competit propriè ob ejusmodi conjunctionem & reputationem , vt I. qui vos tangit , tangit pupillam oculi mei Zach. 2. cap. 2. v. 12. II. Saule Saule quid persequeris me , & ego sum Iesus Nazarenus quem tu persequeris Act. 9. v. 45. III. Esurivi & dedistis mihi , & rursus , esurivi , & non dedistis mihi manducare Mat. 25. v. 32. 42.*

Verum respondetur. 1. Apertissimum discrimen esse inter hoc , de quo hic controvertitur , & exempla allata , nam in exemplis allatis , vel amorem tenerrimum , vel mysticam conjunctionem istius denominationis causam esse , nemo tam

mo tam cæcus, quin videat, aut essentiaë vnitatem inde concluderit; adeo hæc clara, vt nullam aliam interpretationem ferre possint, talem verò aut amorem aut conjunctionem hic prædicationis istius causam esse, nullus aut hic, aut alibi in scriptura apex est qui indicet. Sicut ergo aperta ratio dicat illa allata sic accipienda, sic etiam hæc verba propriè accipienda: sensus enim verborum proprius retinendus, vbi impropriaë acceptionis ratio non est evidens. Secundò in exemplis allatis distinctè aut nominantur, aut satis apertè indicantur distinctæ personæ, quarum vni, hæc propriè tribuuntur, alteri nempe Deo & Christo impropriè. Nam in primo, populus Judaicus & Deus expressè nominantur. In secundo, Dominus & fidelis ejus. In tertio fratres Domini & Dominus; hic verò vnus tantum transfixus narratur. Tertio quodocunque afflictiones eorum, qui Deo carissimi, Deus sibi tribuit & suas reputat, tum semper fit eorum mentio, at hoc loco id non fit, ergo. Adversarij explicatio nova & insolens est, imo mutilum & imperfectum relinquit sensum, nam fingit Deum dicere se transfixum esse, citra quod declaret in quo transfixus sit, aut se transfixione affici, nulla facta mentione propter quam illud fiat, aut cujus illa sit. Quarto contortam esse hanc interpretationem, præterquam quod simplex & planus verborum sensus satis ostendit, evincitur Apostoli Johannis auctoritate, qui duobus in locis, mentione de hac transfixione facta, neutro in loco, hoc transfigi interpretatus est, alterius transfixionem suam

reputare aut eâ affici; sed in sensu exponit proprio, de Christo qui in passione sua transfixus est. Facessat igitur hæc portentosa interpretatio Socini, vel ipsis Judæorum magistris incognita, qui de Messia interficiendo dictum hoc exposuerunt, ut testatur Petrus Galatinus lib. 4. cap. 2. de arcanis Catholicæ veritatis. Postremò illam divinorum oraculorum interpretationem stolidam esse necesse est, quâ admixta monstra ac portenta opinionum ac dogmatum invehuntur (ut Socini verbis utar). Talis autem hæc Socini, quod sic ostenditur: si Pater transfixus, quia Filius transfixus, jam non est quod explodam, si quis dixerit Patrem passum, mortuum: nec portentosum erit in Christianâ fide credere in Deum Patrem sub Pontio Pilato passum. Dicam Christum non crucifixum in persona sua, sed alterius crucifixionē & mortem suam reputasse. Sic tota scriptura, in Bæotiū ænigma transformari posset.

Socin.

pag. 202.

Contra minorem objicit. Primò negando hæc de Deo dici, quæ refert Zacharias. i. ratio est, quia vocula illæ, ad me, sunt irreptitæ, & quod ex Iohan. verbis satis constet, ipsius tempore voculas illas, in isto loco non fuisse lectas; aut certè quod a Iohan. locus iste ad Christum accommodatus fuerit, secundum eam lectionem, quæ illas non haberet, cur enim, inquit, alioquin eas planè omisisset?

Resp. Ut supra responsum est ad similem exceptionem adversarij super locum Malachiæ. Quod dicit secundò, saltem a Iohanne, locum istum accommodatum fuisse, secundum eam lectionem, quæ illas non haberet (cur enim alioquin eas planè omisisset?) revera nihil est. Nam primò pugnat in
bisce

hisce verbis secum ipse adversarius ; nam si Iohannes vsus lectione, quæ illas nō haberet, vt ad Christum accommodaret, non est cur denuo quarat, cur eas omiserit ; eo enim vult significatum, voculas illas non esse probatæ lectionis, aut nihil operantur. Dico secundo vnā tantum lectionem reuera esse probam ; est ergo illa lectio incorrupta, quæ illas voculas habet, aut illa quæ illas non habet ; cum ergo sine errore dici non potest, Johannem Apostolum aut malā fide aut ignorantia peccasse, in producendo hoc testimonio, dicendum est eum locum accommodasse secundum lectionem incorruptam, siue vt reuera apud Prophetam extitit, etsi locum ad verbum non reddidit.

Secundo probat has voculas in textum irrepsisse, quia statim subiungitur : & plangent super eum, vt in planctu super unigenitum : ex quibus inquit verbis apparet, non de eo ipso, qui loquitur, sed de alio supra verba fieri, & sic redundare illud, ad me, quod ibi legitur. Socin. pag. 203.

Resp. Fallit adversarius fallaciā non causæ vt causæ ; non enim mutatio personarum infrequens in sacris, meminisse etiam debebat Socin. scriptum a se, in responsione ad argum. ex Zach. 2. v. 8. pag. 192. haud raro apud Prophetas Iehovam de seipso in tertiā personā loqui ; ibidemque pag. sequenti ad locum istum Hierem. cap. 27. in quā similis enallage reperitur, qualem Zachariæ 12. esse dicimus : verba sunt vers. 1. & sequente : fuit verbum hoc ad Hierem. a Iehova edicendo, sic edixit Iehova mihi. Viden? Propheta, qui in tertiā personā de se locutus,

mox in prima persona loquitur. Talis enallage personarum occurrit Esa. 1.v. 29. nam pudefient propter lucos quos desiderastis *ypscha* in tertia persona pudefient, pro *tipscha* in secunda persona, pudefietis : item Malach. 2. v. 15. vbi scriptum reperitur & in uxorem adolescentie tuæ ne perfidè agat *ijbegod* pro *tibegod* perfide agas. Talis enallage personarum occurrit Esa. 42.v.20. Mich. 7.v.15.19. Sophon. 2. v. 12. & alibi : sic Luc. 1.v. 42. dicit Elisabeta *benedicta tu*, de matre Domini in secunda persona : mox per enallagen in tertia persona vers. sequente, *unde hoc mihi ut mater Domini veniat ad me.* Talis enallage ibidem denuo occurrit v. 44. & sequente, ita ad Rom. 7. vers. 4. dicitur vos estis mortificati in secunda persona, mox in prima *ἐνα καρποφορήσωμεν τῷ θεῷ.* Talis enallage occurrit 1. Cor. 10.v. 6. in prima persona, ne concupiscamus res malas, mox vers. sequente cum mutatione persone, ne igitur idololatræ estotè & rursus ne scortemur neque tentemus neque murmurate.

Tertia negationis ratio est, locum hunc a Iudeis corruptum esse admodum verisimile esse, quia erat predictio in signis de Iesu Nazareno clavis confixo : sicut inquit similem locum corruerunt. Psalm 22.v. 17. ita ut quamvis vera lectionis, etiam in quibusdam hebraicis codicibus, testimonia appareant, tamen vulgò apud eos profoderunt manus meas & pedes meos legatur sicut Leo manus meas & pedes meos. Cujus lectionis ineptitudo similiter ut hic ejus falsitatem prodit.

Resp. Temeraria nimis hæc opinio est, obstat

stat codicum consensus, qui non est super locum Psalm. 22. propterea exemplum hoc impertinens est. Secundò probationes non desunt, locum illum Psalmi aliter legendum esse, Masora magna notat scribendum *caran*, vitium ergo Masoræ autoritas hîc indicat. Deinde etiamsi illa lectio probetur *caari*, interpretatio tamen illa Judæorum nullo modo ferenda, *sicut leo*, obstat enim masoræ parvæ autoritas quæ notat, duo caari cum kamets esse in duplici significatione, semel hoc loco iterum Esa. 38. v. 13. vbi extra controversiam significat leonem, unde sequitur in Psalmo accipiendam illam vocem in alia significatione, quæ aliâ esse non potest, quam foderunt, ut græci & chaldæus paraphrastes sunt interpretati, quocunque ergo modo scribatur in fonte, evincitur Masoræ autoritate de perfossione pedum & manuum hæc accipienda. Locum quidem confidenter affirmat adversarius a Judæis corruptum esse, quod si verum est voluntariâ Judeorum culpâ factum esse mirari subit tanta religione Masoram hujus loci ab ipsis traditam & conservatam, quâ loci integritas restitui possit & corruptio detegi. Addo postremo loco utramque vocem aut textualem aut marginalem esse in Biblijs caru autem textuale esse oportere, ratio grammaticæ etiam evincit, quia in hoc loco servile non est, quia kamets habet ante literam gutturalē cui sub scribitur cateph pathach, cum deberet habere patach, omitto quod scriptio illa sicut leo orationem truncat. Nihil ergo in eo, quod ad hunc Psalmi locum

attulit Socinus, virium, ad probandum, locum Zachariæ corruptum esse.

Haftenus de prima objectione adversus minorem, sequitur altera, quæ sicut præcedens negavit, hæc de Deo dici, sic hæc negat confixionem illam de Deo accipiendam.

Verba ejus sunt in appendice libri, *Etiam si hebraica lectio, quam hodie habemus, omnino in corrupta esse statuatur, posse tamen ex hebraeo verti ita, ut nulla in eo, quemadmodum nec in loco apud Iohan. cap. 19. Dei Israelis confixi memio fiat, hoc nimirum pacto: & aspicient ad me cum illo quem confixerunt, quam lectionem probat auctoritate Marci Marini Canonici regularis.*

Resp. Primò istam lectionem, affixi ellipsin hic fingere, sine causa, 2. Obstat huic lectioni maximè nativa & communis vocis *Eib* significatio: est enim articulus accusandi casus communiter, personam notans patientem; at lectio hæc vculæ istius lectionem activam facit. 3. Obstat communis omnium autoritas, qui de Messiae passione hunc locum exposuerunt omnes. 4. Obstat denique autoritas Evangelistæ & Apostoli, omni exceptione major, quem apparet locum illum ita non legisse: nam verba ejus sunt: *ὁψονται εἰς ὃν ἐξεκέντησαν*: quæ ad verbum sonant, aspicient ad quem transfixerunt, non ergo legit Apostolus Johannes, cum eo aspicient. Sic in Apoc. videbit eū omnis oculus, etiam qui eum transfixerunt: utroq; loco, Apostolus Ioh. eum, qui transfixus est, objectū aspectus facit, non aspicientem; quæ duo toto cœlo differunt. Est ergo manifesta detorsio.

Ioh. 19.

v. 37.

Apoc. 1.

v. 7.

Secun-

Secunda classis argumentorum sic fuit : pervenimus jam ad tertiam argumentorum classis, quæ ex varijs locis N. Testam. sumuntur.

C A P. I. Tertiæ Classis argum.

De loco Math. 16. vers. 17.

Verba loci sunt $\Sigma\upsilon\grave{\epsilon}\iota\ \acute{\omicron}\ \chi\epsilon\iota\varsigma\ \acute{\omicron}\ \upsilon\acute{\iota}\acute{\omicron}\varsigma\ \tau\grave{\alpha}\ \theta\epsilon\acute{\omicron}\varsigma\ \tau\grave{\alpha}\ \zeta\omega\upsilon\tau\omicron$. Cum nos Jesum Christum, Dei Filium dicimus, intelligimus a Patre genitum per communicationem ejusdem essentię divinę, quam Pater a seipso vel sine origine habet, hanc unam & solam, causam esse dicimus, cur Dei Filius dicitur, proprius, naturalis, vnigenitus &c. Socinus verò negat præfractè hanc causam, & Iesum Christum Dei Filium dicit, ratione naturæ humanæ, quia miraculosè Sp.S. operâ conceptus & natus est, catenus esse vni-genitum & naturalem Dei Filium. 2. Ratione unctionis seu similitudinis cum Deo, in sanctitate, sapientiâ, immortalitate & in primis cœlesti & supremâ potestate, & quia ea ex Dei dono habet, hanc potiore causam esse putat, cur vnigenitus Dei Filius dicatur. Breviter totâ rationē filiationis Filij Dei generatim consideratâ in duobus ponit. 1. in miraculosa nativitate 2. in officio & donis, sive in eo, quod Christus ille. Huc omnia recidunt aut ad hæc referuntur quodammodo, quæ prolixè & operosè admodum hic disputat, varias rationes, causas, modos progressus, gradus, filiationis excogitando. Ego

verò si ostendero , Filij Dei ope fretus , cujus causam hîc ago, fictitia esse quæ adfert, in cerebro humano nata, non ex scripturæ fontibus deprompta evicero Dei Filium esse , quia a Patre genitus per essentiæ ejusdem communicationem, hoc autem confido me facturum non humanæ rationis præsidij innixum sed principiis altioribus Scripturæ sacræ , facessere enim debet in rebus fidei humana ratiocinatio, quæ se attollit adversus cognitionem Dei.

Syllogismus sic habet. *Si Christus est genitus ex Patris substantiâ , est ille unus & idem Deus cum Patre : at Christus sic est genitus , ergo est unus & idem ille Deus cum Patre.* Ad hunc Syllogismum bifariam respondet adversarius, primo negando assumptionem , deinde etiam negando majoris consequentiam.

Socin.

pag. 205.

Minoris negationem in univërsa sua disputatione firmat tripliciter. Primò probando talem generationem esse , *ἐκ τῶν ἀφύωντων*, secundò refutando prosyllogismos varios, quibus orthodoxi istam propositionem stabiliunt : tertio aperiendo veriores modos , ut ille quidem existimat prætumidè , secundum quos Jesus Christus dicatur genitus a Patre. Prima ejus prolatio, quâ suadere conatur negationem factam, est , *impossibile esse , Christum sic esse genitum, quia si sic genitus esset , necesse esset essentiam divinam, aut partibilem , aut multiplicabilem , aut eandem numero pluribus personis communicabilem : at nullum horum est possibile , ut de duobus primis modis fatentur adversarij & postremum implicat.*

Resp. Essentiam nec partibilem in partes,
nec

nec multiplicabilem esse confitemur : interim hoc addo si sibi constet in sua sententia Socinus, mirum non immeritò videri posse, quomodo ille sentiat essentiam non multiplicabilem, per veram & realem productionem, cum proprietates Dei præstantissimæ, per quas vita Dei se actuat, sint multiplicabiles & multiplicatæ, vt habet adversarij sententia de Filio Dei : non enim magis essentia constituit Deitatis conceptum, quàm vita & nobilissimæ Dei proprietates, imò illa & hæ excellentius, quam essentia, prout illa distinguuntur nostro concipiendi modo, per formales conceptus. Secundò cum adversarius ait implicare, essentiam vnâ numero, in pluribus personis esse, non probat nisi petitione principij; nudam tamen affirmationem suam, fundamentum certissimum ac firmissimum causæ suæ facit; sed bene se habet, quod hoc fundamentum ex scripturis non astringat, sed ex ratione petat, quam non oportet esse Dominum, sed pedissequam scripture, non ratio fidei norma, sed fides rationis, quam propterea sancti Patres, non malè appellârunt rationem rationis. Profecto satis ex his & alijs Socini & asseclarum locis apparet, tum hoc, tum Trinitatis dogma, & alia fidei mysteria, primitus rejecta ab ipsis, quia ab eorum religioso assensu, naturalis eorum ratio abhorruit; inde scripturas sacras, per novas violentas & detortas interpretationes, ad suam commenta, per pravam rationem concepta, quadrare coegerunt. Sed ad rem. Hoc falso itaque fundamento posito, super angu-

lari

lari lapide rationis suæ, aggreditur evertere rationes minoris.

Socin.
pag. 206. Prima inquit ratio, quam afferunt ad probandum, quod Christus sit genitus ex substantia Dei Patris, est, *quia est Filius Dei vivi; proprium autem viventium est, gignere sibi simile in naturâ.*

Socin.
pag. 207. Resp. Cum Petrus dicit *ὁ υἱὸς τοῦ θεοῦ ζῶντος*, separat illum ab omnibus alijs filijs, & procul dubio cum eum talem confitetur, putet intelligendam confessionem istam eo sensu, quo revera passim in scripturis docetur esse Dei Filius. Quod autem dicit Socinus vocem viventis, nomini Dei, sive in verbis Petri, sive alibi addi, ad distinguendum Deum verum, & vitam in seipso habentem, ab idolis & falsis Dijs, qui res sunt mortuæ, vel certe vitam in seipsis non habentes, & ostendere hoc Dei Epitheton, in verbis Petri, cujus & qualis Dei Christus sit Filius, non autem qualis Filius, hoc non est prorsus verum: nam Joh. 6. vers. 57. Pater non opponitur idolis cum dicit Christus *καθὼς ἀπέστειλέ με ὁ ζῶν πατήρ* & subdit & ego vivo per Patrem: potuit ergo & hoc loco illud epitheton viventis, in verbis Petri ostendere, qualis ille Filius esset.

Socin.
pag. 207. Secunda ratio est, *quia Christus est Filius Dei unigenitus*, cum a generatione Filium dici certum sit, rationem generationis hîc concipiendam propriam statuimus, quâ genitum essentiam suam & naturam habet a generante, abstrahendo tamen ab hac incomprehensibili generatione, proprietates varias naturalis generationis.

rationis. Fundamentum hujus thesios nostræ est quoad prius : nimirum generationem hanc, esse actum, quo generatum essentiam & naturam habet a generante, quia maximè nativa vocum significatio retinenda est, vbi non obstat ratio in contrarium : hîc nulla talis. Quod ad secundum attinet, varias nempe proprietates physicæ generationis abstrahendas esse, ab hoc altissimo mysterio, cui nihil in naturâ simile, eo probatur, quia scriptura hoc docet & suadet fieri : exempli gratiâ, in naturali generatione duo concurrunt principia, mas & femina, in hac divina generatione Patrem tantum principium statuimus, quia solus Pater a Filio agnoscitur, & in scripturis prædicatur : in naturali generatione gignens & genitum specie non essentiâ individuâ unum sunt, in hac hyperphysica generatione res secus se habet, nam scriptura vnâ tantum Deitatem prædicat, quam tamen de Patre & Filio prædicat. In natura generans tempore antecedit genitum ; hic gignens & genitum annis pares, nam egressus ejus a diebus seculi Mich. 5. v. 2. & scriptura cum aliorum generationes narrat, exordium temporis satis indicat : at hunc nobis inducit vnigenitum, nullum nobis tempus signans, quo generatio illa contigit. Physica generatio fit propter conservationem speciei vt natura in individuis caduca, per continuatam individuum successionem, perpetuitatem quandam consequeretur : vt non obscure etiam indicatum est a Christo Domino, Luc 20. v. 36. Hæc divina, nō quæ procedit ex naturali necessitate,

fitate, ac propterea blasphemè ineptit Ostorod. cum cap. 7. institut. Ierm. ex hac generatione, quam nos in divinis esse dicimus, infert sequi Deum mortalem esse: quamvis autem tam putida argumentatio vix responsione digna videatur & manifestâ consequentiæ falsitate laboret, libet tamen hîc hominem ex proprijs ipforum hypothesebus retundere. Dicit ex generatione Filij Dei ex substantia Patris concludi posse Dei mortalitatem: regero, ergo Sociniani statuunt Filium a Patre genitum Deum, per communicationem gratiosam Deitatis, quia Pater (absit dicto blasphemia) mortalis est: iterum statuunt Jesum a Deo Patre ex Maria virgine natum, quia sibi a morte metuebat: adoptio est actus legitimus naturam imitans ad liberorum solatium inductus Romanis non tantum sed & Græcis & veteribus Judæis solenne fuit alienos adoptione adsciscere: dicant ergo Deum non habere filios adoptivos, quia æternus & immutabilis est. Sed ad rem redeo, dicimus itaque Dei Filium esse, quia ex Dei substantia genitus est, & ratione hujus vnigenitum dici, quod apparet ex eo, quod isti vnigenituræ modi, quos novos excogitavit Socinus, cum veritate non consistunt.

Socin. Obijcit Socinus primò *Dei Filium dici vnigenitum, quia pluribus modis, alijs Dei Filijs omnibus antecellit, licet non ipse solus sit ex eo genitus, siquidem & alij inquit ex Deo geniti sunt; addit alibi etiam in sacris literis vnigenitum Filium, sive unicum dici illum, qui non solus ex Patre suo est genitus, probat exemplum Isaaci qui vnigenitus*
Abra-

Abrahami Filius appellatur Gen. 22. v. 2. & 12. Heb. 11. v. 17. certum si quidem est eo ipso tempore, pro quo ita appellatur, non solum ipsum Isaacum extitisse, ex Abrahamo genitum, sed etiam Ismaelem: hæc ille.

Vult ergo hîc Christum vnigenitum dici, non quia solus genitus generatione, toto genere & ratione, differente, a generatione aliorum filiorum Dei, hoc est, non hoc dici, quia ex substantia Dei Patris est genitus, sed generatione gradu excellentiæ, a generatione reliquorum filiorum Dei differente, vt Isaac qui generatus generatione Ismaeli communi, dicitur tamen vnigenitus, quia Ismaeli antecellebat.

Resp. Primo consequentiam negari posse, dato Isaacum vnigenitum dici ratione præcellentię in vna & eadem ratione generationis, Filium Dei sic quoque vnigenitum dici: do rationem negationis hanc, apertissimum est Isaacum non tantum ex Abrahamo genitum, sed & Ismaelem & alios, at alios etiam genitos ea generatione ex Deo, qua Filius Dei, hoc est illud quod nos negamus. Accedit, quod ipsi adversarij negant, Filium Dei vnigenitum esse, eo modo, quo Isaac vnigenitus est, cum dicunt ipsum etiam vnigenitum dici, quia virtute Dei ex virgine natus est, nam propter hanc causam nominat Socinus Dei Filium naturalem Dei Socin. Filium ac propterea vnigenitum, sic Isaac non fuit vnigenitus Patris, nam non solus ex Patre Abrahamo genitus. Deinde respondeo negando Isaacum vnigenitum Abrahami appellari Filium nam in fonte non est vox vnigenitus sed

sed *jachid*, quod Hebræis est vnicus geniturâ, successionem, solitudine, *jechidccha* sonat ad verbum vnicum tuum : habet quidem Apostolus ad Hebr. vocem *μονογενῆ*, sed cum respexerit ille, ad loca illa Genes. vbi habetur vox, vnicum, dicimus non strictè & propriè redditam istam vocem, per vocem *μονογενῆ* : potest enim esse vnicus, qui non sit vnigenitus, mortuis reliquis. Dices, Ismael non erat mortuus, ergo adhuc obstat difficultas, quam sic diluo : Ismael pro filio non reputabatur, solus Isaac admissus ad hæreditatem, & vnicus ille, in quo promissiones Abrahamo factæ erant complendæ, quò manifestè respexit Apostolus ad Hebr. cum istâ descriptione additâ (qui promissiones acceperat) tantopere nobis exaggerari voluit admirabilem illam Abrahami obedientiam ; vnicum ergo non simpliciter appellavit, sed vnicum, cui promissiones factæ, & in quo illi semen vocaretur. Postremò respondeo dici posse vnigenitum Abrahami Filium (quamquam vt jam ostensum est, hoc revera scriptum non reperiatur) quia illi ex Sarâ erat vnigenitus. Non probavit ergo Socinus, quod probare intenderat, Isaacum vnigenitum dici : & sic nondum patet, Filium vnigenitum dici ratione excellentiæ alicujus in generatione cum alijs communi, sive vnigenitum dici, quia alijs cum ipso genitis antecellit.

Socin.
pag. 208.
209. Secunda evasio Socini est, *vnigenitum dici, quia Patri carissimus fuit, quod probat ex Salom. Proverb. 4. vers. 3. qui dicit se vnigenitum fuisse coram matre suâ, quamvis non esset solus, ex eadem matre, Davidi natus, ut expressè habetur 1. Paral. 3 v. 5. græ-*

v. 5. Græcam translationem, propterea, tam in duobus locis Gen. quam Proverb. habere ἀγάπῃτον, seu ἀγαπώμενον.

Resp. Primò negari posse consequentiam, ut de exemplo superiori dixi. 2. Nego Salomonem vnigenitum dici, (nam quod Lyra & Vatablus hîc adferunt, illos fuisse non Davidis, sed Uriæ filios, non videtur textui satis convenire) vnicus dicitur, non vnigenitus, illa autem multum differre jam ostensum est. Neque vnicus simpliciter dicitur, sed secundum quid, quia vnicè dilectus, ut verba textus indicant: ita Latini dicunt, amat me vnicè: & sic Isaacus Abrahamo erat vnicè dilectus: quo respexerunt Græci, cum transtulerunt vocem Hebraicam *Iachid* ἀγάπῃτον: Christus absolutè semper dicitur vnigenitus, nec unquam dicitur hujus vel illius rei respectu vnigenitus, sed semper in sensu absoluto.

Subdit Socinus, *vnici vocem cum ad Filium* Socin. refertur, idem valere quod vox vnigenitus, & præter pag. 209. manifestam rationem id docere locum ad Hebr. 11.

v. 17. ubi in Latinâ versione vox vnigenitus est, in Græcâ μονογενῆς. Resp. Quantum hæc valeant, iudicet lèctor ex dictis. Pergit Socinus, ut fidem nobis faciat, vnigenitum idem esse quod dilectum, dicens *vnici vocem usurpatam quandoque pro dilectione unicâ*, ut Psalm. 22. v. 20. Psalm. 35. v. 13. At respondeo. 1. Hoc ἔδει πρὸς ἐπὶ ὅτι esse, nostra controversia non est de vnico, sed vnigenito. 2. Dico expositionem istam non esse ejus loci, sed significare vult David animam suam solitariam & derelictam esse, ac propterea

divinæ opis indigam. Sic Psalm. 25. v. 16. respice ad me, gratiam mihi fac, quia solitarius & pauper sum.

Instat amplius a Deo Patre declaratam videri vocem unigeniti per vocem dilecti, cum tam in baptismo, quam in transfiguratione, ubi illum, quam maxime commendare voluit, Filium illum suum dilectum, eum appellavit, in quo sibi complacuisse: nec quicquam amplius illi tribuit, ex quo concludi potest unigeniti appellationem, utpote ad eum commendandum omnium appositissimam, appellatione ista illius dilecti Filij fuisse expressam.

Resp. Uterque titulus summopere nobis commendat Filium, sed quia uterque de Filio usurpatus, nullo modo sequitur eandem utriusque significationem esse, & quid si Pater vocem unigeniti addidisset, nihil apud præfractos adversarios proficeretur, quibus hoc impossibile Deum habere Filium per generationem propriam; qui enim persuasissimum habet rem impossibilem esse, ille non credet eam factam, quacunque tandem ratione illa enuntietur in scripturis, semper enim alium sensum verbis affinget, ut præconceptum suum de impossibilitate thema mordicus retineat. 2. Dico, a Socino res diversissimas confundi, amari & generari, amantur non tantum geniti, sed & non geniti a nobis: rursum non tantum unigeniti diliguntur a parentibus, sed & plures geniti (datur venia vocabulo) quomodo ergo amatum esse, diceret unigenitum esse. Nemo mortalium me intellexerit sic loquentem, si per hic dilectus meus, intelligam, unigenitus meus: non est dubium

bium quin Filius Dei Patri dilectus, sed propterea hæc non sunt confundenda. 3. Si vox vnigeniti notat dilectum, tum non habemus in scripturis, claris & proprijs terminis expositum, Filium originem habere a Patre, quā Filius est, quatenus enim quis generatur, Filius est, & quā Filius est genitus est ab alio, aut ergo Filij origo a Patre non est exposita nobis, aut istis vocibus nobis exposita est. 4. Hac interpretatione vnigeniti propria vineta cadit adversarius, si enim notat hæc vox vnicè dilectum Deo, non autem qui solus ex Deo genitus est, jam non est dicendus vnigenitus, quia solus a Deo ex virgine natus, jam nec Salomon sic vnigenitus, nec Isaac quoque secundum adversarium. 5. Si vnigenitum esse, valeret dilectum esse, jam dilectionis divinæ non objectum diceretur, sed terminus, sic enim de nobis loquitur scriptura, qui per dilectionem sumus Dei Filij 1. Ioh. 1. v. 3. at Filius non per dilectionem Dei Patris Filius, sed paternæ dilectionis objectum. 6. Sequeretur inde electos Dei tam, imò magis esse vnigenitos, quàm Dei Filium: nam summa Dei charitas, non illa quā Filium dilexit, sed quā nos dilexit: commendat suam erga nos charitatem Deus eo, quod cum adhuc peccatores essemus, Christus pro nobis mortuus sit. Rom. 5. v. 8. Profectò si Deo vnicè dilectum esse, est vnigenitum esse, non Dei Filius, sed nos Dei vnigeniti, & cum Deus sic dilexerit mundum vt Filium suum vnigenitum dederit, jam maximè mundus erit vnigenitus Dei Filius. Ioh. 3. v. 7. Cum juxta hanc explica-

tionem plurimi sint Filij vnigeniti, non ita illimitatè, absolutè & generaliter loqui debuisset Scriptura, vnum aliquem certum & definitum intelligens, hoc tamen facit Scriptura, vnum aliquem certum & definitum intelligens, effert tamen simpliciter & absolutè, sic Deus dilexit mundum vt Filium suum vnigenitum dederit, quod sane non faceret si plures essent.

Socin. Tertia evasio est, *Christum vnigenitum dici, quia solus hæres constitutus, & in illo solo semen filiorum Dei vocandum fuit, Gal. 3. v. 17. vt Isaac propterea vnigenitus Abrahami Filius vocatus.* pag. 210.

Resp. 1. Cum tantum legatur, quod ille vnicus successor futurus, vt patet ex historiâ Genes. & vnicus cui promissiones factæ, vt explicat scriptor ad Hebr. nihil hoc contra nos, nam de Christo non tantum hæc dicuntur, sed & quod vnigenitus Dei Filius. 2. Et si hæc connexa sunt in Filio Dei, sunt tamen res distinctæ, sic cum Apostolus Isaac τὸν μονογενῆ appellavit, aliud quid intellexit, quam cum dixit promissiones illi fuisse factas, non a promissionibus dicitur genitus, sed a generatione, nam promissio Dei fuit, generatio parentum: sic etsi in Dei Filio conjuncta sint, vnigenitum esse, & hæredem omnium esse, non sunt tamen vnum & idem: filiatio hæreditatis fundamentum est non idem cum illâ: filiatio antecedit, hæreditas sequitur: tota hominum vniversitas, jura & natura hæc distinguunt: scriptum est, *quod si Filij etiam heredes*, Roman. 8. vers. 17. 3. Eadem ratione vnigenitum esse, & posse alijs conferre jus filiorum Dei, etsi ejusdem sint

sint subjecti, differunt tamen inter se, & suos distinctos conceptus habent.

Quarta evasio Socini est, *appellationem vnigeniti Christo convenisse, quia eo tempore, quo interris mortalis egit, nullus alius homo, adhuc talis Dei Filius erat, qualem esse oportet eum, qui sub N. Testam. istâ appellatione sit dignus.* Resp. Juxta hoc commentum, desijt Christus vnigenitus Dei Filius esse, post resurrectionem & glorificationem. Stoica paradoxa hoc superat, & re-clamat Scriptura, quæ de illâ vnigeniturâ, vt re præteritâ non loquitur, sed vt de re ad huc durante & præsentissimâ, non enim dicitur fuisse, sed esse Filius Dei vnigenitus. 2. Si a cœlesti prorsus & divinâ vivendi ratione Christus diceretur Filius Dei vnigenitus, jam non fuisset Filius vnigenitus cum mitteretur, sed posteaquam missus est, per divinam & sanctissimam vivendi rationem, istum titulum sibi paulatim comparasset: sed hæc alienissima a Scripturis sunt, ergo & illud quod comminiscitur Socinus. 3. Quâ fronte negat Socinus ante resurrectionem Christi fuisse filios, qui istâ appellatione sub N. Testam. digni, cum omnes credentes, perpetuâ N. Testam. & ipsius Filij Dei sententiâ, ista appellatione digni sint: aut ergo nulli fideles fuerunt ante resurrectionem Christi, aut falsa Socini assertio, fideles fuisse apparet ex cap. Ioh. 17. vt alia omittam.

Hisce missis, venit ad titulum proprij, fide prius datâ, antequam hanc responsionem concludat, se alias causas allaturum, cur Christus, vnigenitus Dei Filius dicatur: nos verò

quia illa huc spectant, etiam hoc loco examinabimus.

Socin.

pag. 236.
218.

Quinta ergo evasio est, Christum ideo esse & dici Filium Dei vnigenitum, *quia a Deo genitus est ex Mariâ virgine, per talem actionem, qua aliquatenus respondeat, substantiali generationi, sive actioni illius, ex cuius substantiâ quis generatus: vult ergo vnigenitum dici, quia solus miraculosè a Sp.S. conceptus.*

Resp. 1. Si hæc esset causa effectiva filiationis Christi, sicut generatio naturalis, causa est effectiva filiationis nostræ, tum Christus esset Filius Dei secundum carnem, factus non tantum ex semine Davidis, Rom. 1. v. 3. sed & Dei, non tantum ex Patribus quod ad carnem attinet, Rom. 9. v. 5. sed & ex Deo. Sic non tantum suscitatus esset, ex fructu lumbi Davidis, sed & Dei, suo modo. Nec genealogia ejus, satis bene ab Euangelistis contexta, qui atavos, abavos, proavos, ejus narrantes, parentis proximi & præcipui non meminerunt. Memento inquit Apostolus, 2. Tim. 2. v. 6. Jesum Christum suscitatum fuisse ex mortuis, ex semine Davidis, secundum Euangelium meum, mirum Apostolum non meminisse substantiæ a Deo immissæ, si hujus novi dogmatistæ Euangelium, cum Paulino consentit. 2. Ineptum est sentire Christum Dei Filium vnigenitum esse eo sensu quo nunquam appellatus fuit Filius, cum toties tamen Filius Dei appellatus sit. 3. Cum generatio carnalis, opponatur generationi ex Deo, generatio carnalis non est dicenda generatio ex Deo. Et cum Filij Dei ex Deo nati, opponantur

ponantur ex carne natis, sane non sunt audiendi illi, qui vnigenitum Filium Dei, ex Deo natum fingunt carnaliter. 4. Si Christus ratione carnalis generationis, Filius Dei vnigenitus, non fuit quā talis hæ res æternæ vitæ, nam carnali generatione, ad vitam æternam non proficitur. Rom. 9. v. 6. 7. 8. 5. Si Christus ratione istius generationis secundum carnem, Dei Filius vnigenitus, tum fideles excellentiori ratione filij Dei, quàm vnigenitus Dei Filius : confirmatur, nam excellentius est regeneratum esse secundum gratiam, quam ita generatum esse secundum naturam, nam sic pronunciavit hac de re Salvator ipse, Luc. 11. v. 27. 28. si enim magis beat renatum esse (hoc enim eorum est, qui audiunt & observant sermonem Domini) quàm sic matrem esse Domini; beat etiam magis renatum esse, quàm sic natum esse. 6. Si propter miraculosam conceptionem vnigenitus Dei Filius, tum Isaac & Johannes Baptista etiam vnigeniti Dei Filij, & si modo quodam imperfectiore, nam natus vterque ex parentibus, secundum naturam e mortuis, vnde & hîc Dei virtus defectum naturæ supplere debuit in vtroque; cum tantum in generatione Filij, supplendæ fuerint viri partes, nam Dei Filius ex virgine natus. 7. Nec malè etiam probatur Christum non esse Dei Filium carnaliter, ex loco ad Heb. 7. v. 3. vbi Melchisedec inducitur, sine Patre, sine Matre, sine genere : nec initium dierum neque finem habens; sed assimilatus Filio Dei manere sacerdos in æternum.

Chrysostymus, Theophylactus, Ambrosius,

in libro de ijs qui myſterijs initiantur, Gregorius Naziazenus in calce orationis quartæ de Theologiâ, & reliqui, tam Græci quàm Latini expoſitores, communiter hoc interpretantur, ratione divinitatis ejus æternæ & humanitatis : ἀγενεαλόγητ & eſt, quia ratione æternæ ex Patre generationis, ſeriem generis non habet. Hanc Patrum expoſitionem, tanquam puerilem ridet Socinus cum ſuo Smalcio, quæ tamen expoſitio probatur hiſce rationibus. Primò quia verba ſimpliciter ſonant de æternitate Melchifedechi & quod originis expers; & cum revera hoc non fuerit, nihil aliud iſta volunt, quàm majores ejus, ortum, obitumque ejus non narrari : ſacerdotij promiſſionem generi Melchifedechi non fuiſſe factam, aut extraordinariam ejus institutionem iſtis verbis fuiſſe ſignificatam, aſſerre, minis proſecto longè petitum eſt : ſi enim hoc voluiſſet Apoſtolus, non dixiſſet nec parentes, nec genus ejus narrari, ſed dixiſſet potius, nihil de ſacerdotio familiæ ejus locutum fuiſſe Sp.S. Quàm dura & inconcinna hæc interpretatio, ſine Patre ſine Matre, exponere, majores quidem habuit, ſed ſacerdotij dignitas ad eos non ſpectavit; & ſi hoc Scriptura Moſaica intendiſſet, non reliquiſſet eum agenealogeton; ſed de genere & familiâ ejus loquens, nihil de ſacerdotio ejus locuta fuiſſet: ſic Scriptura non tacuit de tribu Iuda, quamvis ſacerdotium Filij, qui ad ſimilitudinem Melchifedechi exortur, non pertinuit ad tribum Iuda, nam dicit Apoſtolus verſ. 14. *palam eſt enim, e tribu Iuda exortum eſſe Dominum noſtrum, cui tribui nihil de*

ſacer-

Socin.

pag. 222.

223.

sacerdotio locutus est Moses. Secundò, hæc prima verba, sine fundamento, ad sacerdotium referri patet, quia Apostolus eò non retulit, sed tantùm verba postrema : nam in vitæ perpetuitate a parte post, tantùm dicit Melchisedechum assimilatũ Filio Dei, ad perpetuitatem sacerdotij significandam: ideoque neque illa etiam verba, nec initium dierum habens, sunt restringenda, ad initium in functione sacerdotali : non enim in scripturis reticetur tantum tempus, quo incepit sacerdotium, sed & quo vita incepit : Accedit, quod in istâ imaginariâ sacerdotij perpetuitate a parte ante, nulla est assimilatio Melchisedeci ad Christum, quæ hîc ex mente Socii esse debet, qui istis verbis adumbratam vult perpetuitatem sacerdotij, quam Christus revera habet, Christus enim Sacerdos est in æternum, non ab æterno : at in perpetuitate imaginariâ, secundum essentiam & vitam a parte ante, optima est assimilatio Melchisedeci ad Christum, qui a parte ante, essentiâ & vitâ æternus est, secundum divinitatem, non secundum sacerdotium. Itaque assimilatio in sacerdotio non est alia, quàm ratione æternitatis a parte post, sicut expressè author ad Hebr. aliquoties hanc rem, hoc Capit. nobis explicavit, nam hoc versu 3. dicit assimilatum Filio Dei manere sacerdotem in perpetuum, ita & verba Psalm. 110. sonant : *Tu es Sacerdos in æternum secundum ordinem Melchisedec.* Et sic in sacerdotio successorem non habere, est Apostolo ad similitudinem Melchisedeci exoriri, vt patet ex vers. 15. sic vers. 24. iste, propterea, quod in æternum ma-

F 5 net,

net, ἀπαράβατον habet sacerdotium; non agit de antecessore, sed successore, non de existentia ab æterno, sed de existentia in æternum, tractans hoc grave argumentum, de sacerdotio Christi, ejusdemque cum Melchisedeci sacerdotio convenientiam.

Tertiò verba ista sine Patre sine Matre, de sacerdotio non accipienda patet, quia sic contra naturam typi & umbræ tota rei veritas, tam esset in typo & umbrâ, quàm in re, typo significatâ: at si hæc referantur ad originem, tum quod de typo secundum quandam similitudinem verum, secundum substantiam & veritatem, verum erit de re typo significatâ.

Obijcit Socinus, *quod si de initio vitæ, auctor loqueretur, vox dierum fuisset omissa, & dictum, nec initium, nec vitæ finem habens.* Resp. Frivola subtilitas est: synonyma sunt initium dierum & initium vitæ, usitatâ scripturæ phrasi, dies hominis sunt univèrsum vitæ ejus tempus, Psalm. 39. v. 5. *fac ut experiar Iehova, finem meum, mensura dierum meorum quid sit, experiar quàm durabilis sim.* Psalm 90. v. 12. *Doce nos numerare dies nostros,* sic etiam cœlorum duratio nomine dierum exprimitur.

Obijcit secundò, *impertinentia hac esse, nisi de sacerdotio intelligantur*: nego, faciunt ad illustrandam dignitatem sacerdotis Christi, ergo faciunt ad rem, de quâ ibi agitur; nam dignitas sacerdotij, pendet ex dignitate sacerdotis, quam ut ob oculos, nobis ponat Apostolus, tam multa de Melchisedeco narrat, ut, quod rex Salem, rex justitiæ, decimas ab Abrahamo accepit;

perit; hinc Apostolus, spectate verò quantus hic fuerit; sic hoc ad Melchisedeci dignitatem facit, quod æternus inducatur.

Loci hujus tractationem concludens Socinus, ait, *animadvertendum esse, non dixisse divinum istum scriptorem Christum seu Filium Dei, fuisse assimilatum Melchisedeco, sed contra Melchisedecum Filio Dei: ut sc. intelligamus, non omnia quæ de Melchisedeco dicit, eadem in Christo esse: sed illis ea omnia contineri, quæ de Christo in Melchisedeco vult fuisse adumbrata.* Resp. Cum similitudo nihil aliud sit, quàm convenientia quæ est inter duo, idem est, siue dicam, Filium Dei assimilatum Melchisedeco, siue contra Melchisedecum Filio: exempli gratiâ, si hic paries albedine illi assimilatur, eo ipso ille paries, etiam assimilatur huic, ac propterea quod ex vnâ loquendi formulâ intelligitur, intelligitur etiam ex alterâ; & si ex eâ qua vsus Apostolus, intelligendum, non omnia, quæ de Melchisedeco dicit, eadem in Christo esse, idem intelligendum foret de locutione alterâ. At verò hoc Apostolum intendisse, illo loquendi modo, nullo modo apparet, scilicet vt intelligeremus, assimilationem non esse in omnibus, nam ipse adversarius putat, jam se ostendisse, quomodo ijs omnibus, quæ de Melchisedeco dicuntur in Christo aliquid adumbratum sit.

Et hætenus ostendi contra quintam evasionem Socini, Christum non esse Filium Dei vni-genitum, per generationem ex Mariâ virgine, quia verò adversarij pro sententiâ suâ vnum proferunt locum, de eo videre operæ pretium erit.

erit. Locus est apud Lucam cap. primo v. 35. *Sp.S. superveniet in te & virtus altissimi inumbrabit te, propterea etiam, quod nascetur ex te sanctum, vocabitur Filius Dei.*

Socin.

pag. 223.
228.

Resp. 1. Operationem istam Sp. S. causam esse, quæ dedit Christo homini, Filium esse Dei: quia per istam operationem, facta est hypostatica unio duarum naturarum. 2. Dico consequenter istam Sp. S. operationem, non esse causam, per quam Dei Filius est Dei Filius, sed esse causam illationis, ex quâ hoc infertur, vel non esse causam consequentis sed consequentiæ. 3. Dico hanc expositionem probandam propter rationes expositas pag. 61. 4. Dico Socini expositionem adulterinam esse, quia nullum locum profert nec proferre potest, ubi Christus dicatur unigenitus Dei Filius, propter humanam naturam, ut sic, vel ob eam nudè & præcisè consideratam.

At contra insurgit Socinus, dicens, interpretationem istam coactissimam esse, & ratiocinationem continere pessimè conclusam. Dixerat Bellarm. libro primo de Christo cap. 6. conceptionem de Sp. S. signum, non causam esse, cur Christus dicatur Dei Filius, confirmatâ responsione suâ ex Bernardo. Cujus verba sunt, *decurrit enim, ut si Dei Filius, hominis filius fieri veller, non nisi ex virgine nasceretur, & si virgo paritura esset, non nisi Deum pareret.*

Hæc arrodit Socinus, tria opponens. 1. Concesso decuisse Filium Dei ex virgine nasci, hoc tamen non converti, alium quempiam, ex Dei voluntate, etiam ex virgine nasci potuisse. 2. Quod ex
priori

priori dependet , potuisse virginem decentissime , ex Dei voluntate, cum parere , qui non sit Deus. 3. Si parere debuit Deum , non sequitur Filium esse debuisse.

Resp. Primò, hoc non tam de absolutâ potentia Dei dici, cujus viæ impervestigabiles, quàm, de congruitate, quam mens humana, hîc excogitare potest. Ad tertium si *parere debuit Deum, non sequi Filium esse debuisse*, pro solutione dico, illationem istam bonam esse, positâ revelatione, quod nemo alius, quam Dei Filius ex virgine nasceretur : propterea etiam angelus ex operatione Sp. S. virgini superventum efficaciter inferre potuit, quod ille, qui ex virgine nasceretur, Filius Dei esset : potuit inquam angelus sic inferre, quia revelatum illi erat, quod Dei Filius ex virgine nasceretur, per virtutem Dei, cum itaque sic nasci, proprium quarto modo Filij, recte inde infertur. Dico amplius, cum non sit revelatus, nec promissus ullus alius partus virginis, quàm ille vnus, quo Filius, vt Iesus noster esset, pareretur, colligitur profecto ex partu virginis non alium, quàm Filium parituram, ac propterea angelus recte ex operatione Sp. S. conclusit, quod ille qui ab illâ nasceretur, Filius Dei vocandus esset. Dicēs, prædictum quidem erat ab Esa. virginem parituram, sed non erat prædictum per operationem Sp. S. parituram, ac propterea, posito, quod ex loco Esa. inferatur, virginem non nisi Filijparam fore, idem inferri non posse ex hac operatione Sp. S. Verùm respondeo æquipollere hæc, & alterum in altero implicite contineri, virginem enim
conci-

concupere aliter, quam per virtutem Dei impossibile est. Quod ad Patrum expositionem attinet, qui hanc virtutem altissimi, ipsum verbum sunt interpretati, quam prolixè infectatur Socinus pag. 224. 225. dico quamvis simplicissimum sit per virtutem altissimi non verbum sed Sp.S. intelligere, ea tamen quæ Socinus adfert ad istam sententiam refutandam, arguens, propter sententiam vnius, non necessariam præsentiam alterius, ex obumbratione, verbum in virginem descendisse, non concludi, aut sequi hinc angelum ineptivisse vel Nestorianismum hinc induci &c. Ea omnia tam facile reiiciuntur quam afferuntur; ideoque non videntur omnia & singula pressiori responsione, digna. Hæc ergo de quintâ Socini evasione dicta, sunt.

Socin.

pag. 238.

239. 240.

241. 242.

243.

Sextò contendit, *Christum unigenitum dici, propter similitudinem cum Deo, in sanctitate, sapientiâ, immortalitate, & cœlesti dominatione, ei a Deo illo uno per gratiam collatâ: hanc filiationem ait, suos habuisse gradus & progressus, secundum quos non semel neque unâ ratione a Deo genitus sit, & filiationem istam sentit consummatam, per sessionem ad Dei dextram.* Quia verò in hac sextâ evasione, potissimum expositum habemus, omne id, propter quod Jesum Christum Dominum nostrum, Deum, Dei Filium, Dei unigenitum Filium Christomachi Sociniani continentur, imò in totum comprehensum, omne id, quod illi divini tribuunt, sequestratâ solius naturæ humanæ, admirabili origine, pravam illam fidem in Deum & Filium ejus contumeliosam, & profun-

& profunditates illas non Dei, sed Satanæ, subdolo artificio, humani ingenij fucatas, spero me fretum auxilio ejus (cujus causam hic propugno) conscius tenuitatis meæ, per scripturas sacras & detecturū & everfurum. Ut autem hoc tantò melius procedat, confirmabimus primo sententiam orthodoxam. 2. Adversariorum evertam. 3. Refutabo Deo volente, quæ adfert antagonista.

Confirmatur itaque primò veritas sententiæ orthodoxæ, ex ijs omnibus, quæ in primâ & secundâ argumentorum classe hætenus attulimus. 2. Probatur ex ijs scripturæ locis, quæ Christo divinitatem & filiationem tribuunt; non solum ante hanc deificationem & filiationem, cujus exordium non altius, quam tempus baptismi aut tentationis in deserto; verum etiam ante incarnationem, ante Abrahamum, ante mundum & rerum creatarum primordia, Spiritus Prophetarum πνεῦμα χριστοῦ fuit 1. Pet. 1. v. 11. hoc est Spiritus qui Christi, non Spiritus Christi, quia de eo prophetavit; nam hoc sequentibus verbis dicitur ab Apostolo πρὸμαρτυροῦμεν & τὰ εἰς χριστόν; & cum Spiritus Christi dicitur vox Christi, nunquam est objectum Rom. 8. v. 9. Gal. 4. v. 6. Christus ante diluvium fuit Dei Filius, nam in diebus Noe per Spiritum suum prædicavit 1. Pet. 3. v. 19. priusquam Abraham existeret ego sum: Christum verò esse, & Dei Filium vnigenitum esse, tempore non distinguunt Sociniani, cum idem & existentia & filiationis exordium ponant, generationem ex virgine: at erat Deus & apud Deum
in prin-

in principio, Ioh. 1. v. 1. &c. Hodie genui te. Psal. 2. v. 7. Egressus ejus inde a principio, a diebus seculi Mich. 5. v. 2. Hunc locum postremum animus est hic vindicare a Socinianorum elusionibus.

Primo excipit Ostorod. cap. 7. Institut. Germ. *Etiam si versio Germanica Lutheri probaretur, quæ sonat, welchs außgang von anfang und von ewichkeit her geweest ist, hunc locum tamen, pro æternâ Filij Dei generatione non concludere, quia generationis mentio non sit, sed tantum existentiam ejus ab æterno probare: ad eundem fere modum excipit Catechism. Racov. ubi de cognitione Christi: id inquit testimonium, de generatione ex essentiâ nihil prorsus habet: generationem verò præternam nullâ probat ratione.*

Resp. 1. Negando, hinc non tam inferri æternam Filij generationem, quàm hinc infertur æterna ejus existentia; imò tantum ab est ut æterna generatio hinc non inferatur, ut æternitas existentia non inferatur, nisi ob æternam generationem: non enim ex hoc loco concluditur ab æterno esse, nisi quia egressus ejus ab æterno. 2. Dico disertè indicatam esse generationem, voce egressus, aliud enim quid per istum egressum concipi non potest, qui factus est antequam hic mundus esset. 3. Egressum illum de nativitate exponendum, dubium esse non potest, nam sacerdotes & scribæ ab Herode requisiti, ubi nasciturus esset Christus, illum egressum Messiaë, nativitatem ejus sunt interpretati, ergo, egressus ille alter, etiam de generatione exponendus. 4. Dico ex hypothsesibus adversariorum, contra quos agitur, qui gregales Serveti & similium
audire

audire nolunt, sequi, si existit ab æterno, genitum esse ab æterno, quia illi non dividunt in Christo esse, & Filium esse; præterea sequi dico, si genitus est ab æterno, ex essentiâ esse genitum; nam confitentur ipsi, nihil ante mundum, præter Deum fuisse.

Secunda exceptio est, in Hebræo esse, *a diebus seculi*, dies verò seculi, idem esse quod dies antiquos, ut Esa. 63. v. 9. 11. Malach. 3. v. 4. mentionem hîc fieri initij & dierum quæ in æternitate locum non habent: consequenter Ostorodius hoc est ex profapia Iudæ, & domo Davidis exortum esse: ita etiam Catechismus Racov. hunc locum eludit, scribens sententiam huius loci esse, Christum originem, nativitatis suæ, ab ipso principio, & antiquis annis ducturum, ab eo tempore quo Deus in populo suo, regem stabilivit, quod reipsa in Davide factum est, qui, & Bethlemita fuit, & auctor stirpis & familie Christi.

Resp. Verum quidem esse *Gnolam* notare, non tantum æternitatem sed & longi temporis durationem, sed interea ex naturâ rei, de quâ agitur, deducenda est vocis significatio: Esa. 63. v. 9. legitur *Ieme gnolam*, diebus seculi, sed loci circumstantia & subiecta materia satis ostendunt, per dies seculi, non nisi longi temporis durationem intelligi posse: nam dicitur, *Angelus faciei ejus; servavit eos dilectione suâ; & clementiâ suâ ipse vindicavit eos, & imponens sibi, bajulavit eos, omnibus diebus seculi*: at hîc contra, res de quâ agitur, evincit hoc *gnolam* æternitatem esse. Vox *Kedem* notat etiam ante, antequam, æternitatem, Deus *Kedem* prioritatis,

G qui

qui à principio, id est ab æterno. Sic Ps. 55. vers. 20. *Ioscheb Kedem, habitans æternum Thargum habet min le Kedamin, ab initio sedenti super solium suum, in cælis cælorum.* Opinionem ergo contrariam, non juvat quod dicitur, mentionem hîc fieri, initij & dierum quæ in æternitate locum non habent; nam non dicitur egressus ejus à principio, eâ mente, ac si tum demum contigisset, tum temporis & rerum omnium principium fuit, sed egressum jam tum fuisse factum: Dies verò in æternitate non esse, juxta phrasin Scripturæ non dicitur, nam apud Iobum habemus, cap. 10. v. 5. *An similes, diebus mortaliū, dies tui sunt? aut anni tui similes diebus viri?*

Jam pressius ad rem, contendunt itaque adversarij, nihil aliud istis verbis significatum, quam Christum hominem ex veteri prosapia Judæ, & ex Davidis stirpe oriundum fore. Verum hunc sensum, ne fidiculis quidem istis verbis extorseris, nam illa nullo modo agunt, de antiquitate stirpis, ex quâ Messias erat oriundus: locus nativitatis hîc indicatur: quod de tribu Juda exoriturus, aut ex Davide genus duceret, hîc ne verbum quidem. Et quis non videt hæc adferri à Propheta, ad describendam & illustrandam dignitatem ejus, qui in Israele Dominator futurus erat? omnes Judæi habebant olim genealogias suas? Apostolus Paulus ex tribu Benjamin, Philip. 3. v. 5: quæ ergo in eo dignitas, quod quis ex tribu Juda natus. Dicent hoc summopere ad commendationem ejus facere, quod ex regiâ Davidis stirpe erat oriundus: at hoc etiam infimæ sortis hominum fuit

fuit ut notum est. Hisce sic dissectis, restat hîc doceri, æternam Filij, ex Deo Patre, generationem. Nam primò verba illa *holam* & *kedem*, tam posse notare æternitatem, quam principium temporis & durationem longam; vocem dierum additum voci *holam* æternitati non obesse, satis confido à me demonstratum esse. Significatio æternitatis materiæ subjectæ accommodari tantùm hîc potest, quod hîc probare non est opus, cum Sociniani nullam generationem Filij Dei agnoscant, ante eam, quæ est ex virgine. Hæc ergo de loco Micheæ dicta sunt.

Tertiò ergo veritas sententiæ orthodoxæ confirmatur, ex eo, quia illi soli dictum, *Filius meus es tu, ego hodie genui te*, ac rursum, *ego ero ei Pater & ipse erit mihi Filius*: quæ verba, nisi accipiantur de generatione, specie distinctâ, ab ijs modis, secundum quos, angeli & homines, filij Dei sunt, hoc est de generatione ex substantiâ, non vera erit hæc assertio Apostoli: confirmatur, nam alij modi communes sunt, & in ijs tantum distinctio secundum gradus, at si Dei Filius diceretur filius secundum eminentiæ gradum, in generatione communi, non diceretur simpliciter Filius, nec simpliciter negandum esset, angelos esse filios: sic Dei filij, qui regeneratione filij sunt, omnes, indiscriminatim dicuntur filij Dei, etsi maximum discrimen inter Apostolum Paulum & vnum ex parvulis istis, de quibus Christus Dominus, Mat. 8. vers. 35: nec proferre potest adversarius locum aliquem ex Scripturis sacris, ubi quis, ob singularitatem

laritatem quandam, in eodem filiationis genere, dicatur solus filius, filius vnigenitus, aut simpliciter filius, vt qui sic non filius, negetur esse filius: fundamentum itaque tantæ in Apostolo confidentiæ est quod dicimus.

Quartò confirmatur ex eo, quod toties & tam frequenter appelletur nomine Filij Dei, simpliciter sine ullo addito: Math. 14, vers. 33. *verè Dei Filius es*: Mar. 1. v. 1. *principium Euangelij Iesu Christi Filij Dei*: Mar. 5. v. 7. *Filij Dei altissimi*: Ioh. 5. v. 25. *mortui audient vocem Filij Dei*, &c. Confirmatur ex eo quod toties, & tam frequenter, appellatur simplici nomine filij, factâ Dei mentione, sub nudo nomine Patris, Ioh. 3. v. 35. *Pater diligit Filium*, & vers. 36. *qui credit in Filium*, & qui non obtemperat Filio, Ioh. 5. v. 19. *non potest Filius a semetipso operari, nisi viderit Patrem operantem: quæcunque ille facit, Filius pariter facit*, & v. 20. *Pater amat Filium*, & omnia monstrat ei, & v. 21. *sicut Pater suscitatur mortuos, ita & Filius, quos vult vivificat* &c. Tales locutiones apud Iohan. frequentissimæ: hæc sanè & similes locutiones, si simplici Dei verbo, humanos sensus submittamus, quid aliud nobis ingerunt, quàm illos prorsus naturâ esse pares, & solâ origine distingui: nam etiam voces illæ Patris & Filij, in humanis naturæ & essentiæ vnitatem & paritatem, per omnia iudicant.

Quintò non obscure innuitur, hæc ex Dei substantiâ generatio, quoties Christi hominis, generatio limitativè enuntiatur: verbi gratiâ, cum dicitur, *ex fructu lumbi Davidis esse, quod ad carnem attinet*, Act. 2. v. 30. item, *de Filio suo, facto*

facto ex semine Davidis secundum carnem, declarato Filio Dei potenter, secundum Spiritum sanctificationis, Rom. i. v. 3. 4. sic dicitur ex patribus esse secundum carnem, qui est Deus super omnia benedictus. Duæ itaque naturæ in Christo, & duæ generationes secundum essentiam: nam sunt alioqui ineptæ istiusmodi restrictiones, si non sit Dei Filius, nisi ratione vñctionis & collationis divinarum qualitatuni, quibus rebus sublime hoc filiationis genus, secundum Socinianos & comprehenditur & absolvitur: nihil inquam istiusmodi restrictiones operantur, nisi concedamus esse factas à Sp. S. ad distinguendas duas secundum essentiam generationes; sequetur enim alioquin, nullum hominum esse, cujus generatio sic limitativè enuntiari non possit: nam cum homines parentibus debeant quod sint, ab alijs aut artibus sunt imbuti, aut ad virtutem instituti, aut ad munus aliquod & dignitatem promoti; cum itaque non ita limitentur generationes aliorum hominum propter causas huiusmodi; sed id solùm observatum sit, quando sermo est de Filio Dei, necesse est causam hinc peculiarem & propriam esse. Quid enim cæteroquin impedit de Davide, Saule idem dicere, illos nimirum, ex Patribus secundum carnem esse; quia filiatio regię dignitatis, ex Dei dono, illis contigit: Salomon sic etiam, ex Patribus secundum carnem, quia sapientiam, divitias & gloriam, Dei munificentia est consecutus. Dico amplius istas restrictiones, necessariò indicare, duas naturas substantiales, quia collateraliter & juxta se invicem positæ, de vno &

eodem supposito, quod est Dominus noster Iesus Christus, prædicantur; nam vnus & idem dicitur homo esse, *ex semine Davidis*, iuxta quod collateraliter, alterum illud ponitur, *quod Filius Dei*: ita ad Rom. 9. idem qui quatenus homo *ex Patribus* esse, dicitur, etiam dicitur esse *Deus benedictus*, vtrumque collateraliter prædicatur: at si Christi Deitas & filiatio divina, tantum essent humanitatis qualitates, jam persona Christi, non posset ab illis denominari, nisi per denominatam ab ijs humanam naturam, at in istis loquendi modis contra fit: verbi gratia, non dicimus, ille est homo & dives, sed homo dives: est homo & sapiens, sed homo sapiens; ita qualitates non prædicantur de suppositis suis collateraliter cum substantijs, & distinctè ab iisdem, sed tantum cum substantijs suis, ab ijs denominatis; hinc verò immediata vtriusque prædicatio vt dixi; non ergo Christus, quâ homo, est Filius Dei iuxta hanc quintam evasionem, secundum quam, tota Christi Deitas humanitatis quoddam accidens est.

Sextò ostenditur, Filium ex Dei essentiâ genitum, & vnum essentiâ cum Patre Deum, ex ijs locis, qui dicunt, *in cælis fuisse, ex supernis venisse, supra omnes esse, exivi inquit à Patre, & veni in mundum, iterum relinquo mundum & proficiscor ad Patrem*. Ioh. 3. v. 13. 31. Ioh. 6. v. 62. Ioh. 16. v. 28. Dicitur *in sinu Patris esse* Ioh. 1. v. 18, quæ causa quod arcana Patris habeat perspectissima, dicit *se esse in cælis* cum in terris ageret: quæ evincunt, aliam fuisse in Christo essentiâ præter humanam.

Hæc

Hæc adversarij varijs exceptionibus illudunt. *Excipit Catechismus cap. de personâ Christi, descendere de cælo, posse figuratè accipi, quemadmodum Iacob. 1. v. 17. omne datum bonum: & Apocal. 21. v. 2. 10. vidi civitatem sanctam, Hierusalem novam descendentem a Deo, e cælo, &c.* Resp. Nos non argumentari, ex nudâ descensionis voce, sed quia ita dicitur descendisse, ut in cœlis tamen esset; quod si verum, necesse est, Christum, qui sic descendit, præter humanam essentiam, etiam divinam habuisse, ideoque hoc totum, quod in descensione Christi, per incarnationem comprehenditur, non sufficienter, per donationem a Deo factam, exponitur; quamvis verissimum sit, maximum Dei donum in eo esse, quod Christus de cælo descenderit, & θεῶν υἱὸς sit factus. Socin. resp. primâ ad Volanum pag. 28. hoc refert, ad miraculosam ex virgine conceptionem, quod nos non negamus sed ἀμφοτέρως amplectimur, descensionem Christi miraculosâ Dei virtute contigisse, sed neque per hoc infringitur, ut liquet cuilibet, discursus à me factus.

Excipit idem Catechismus secundò, hæc dici de filio hominis, qui cum personam inquit humanam necessariò habeat, Deus naturâ esse non potest: sed exceptio sic formata, nihil nisi petitionem quaesiti crepat. Ostorod. in Institut. Germ. cap. 16. ait illud ὁ υἱὸς ἐν τῷ ἕρξῳ vers. 13. & illud Ioh. 6. vers. 62. ὁ υἱὸς τοῦ ἀνθρώπου contigisse posteaquam Christus incarnatus; ac proinde hoc respectu naturæ ejus humanæ intelligendum esse: sed neque sic hoc argumentum de

manu nobis excutitur; nam falsum est Christum in coelis fuisse; secundum humanitatem, antequam eò post resurrectionem ex mortuis ascenderet. Pergit dicens *participium dñi veri posse per erat*: sed quid tum? nihilominus inde evincitur præexistentia ejus, antequam filius hominis fieret. At replicat Smalcus cap. 4. libri de divinitate Christi, Ostorodius loco dicto, magnum arcanum in scenam allaturi, *Christum secundum humanam naturam in coelis fuisse, ibique edoctum a Deo Patre & institutum, exemplo Moysi, qui in monte Sinai, per quadraginta dies conversatus & collocutus fuit, priusquam Deus, per eum, populo suo, voluntatem suam exponeret & prescriberet* Exod. 34. vers. 18: idem confirmant exemplo Pauli, qui in tertium cœlum raptus; istam verò ascensionem Christi contigisse putat Smalcus cum fuit in deserto.

Resp. Nimis ficulnea sunt argumenta illa ad fidem faciendam isti thesi: quinimò audacem illam assertionem, & novam fidem, Sociniani cerebri figmentum esse, probamus hisce nixi rationibus. 1. Hæc ascensio, non est revelata, nec in totum, nec ex parte, nec tempus narratur, nec locus ubi, nec quandiu in coelis conversatus sit, nec quando redierit, nec ulli oculati testes aut ascensionis aut reditus narrantur; hinc profecto inferre possumus, hanc ascensionem, merum ens rationis esse, quod nullibi existentiam habet, nisi in intellectu Sociniano: nam cum ista res, maximum contineat mysterium, non tam altum, apud omnes Evangelistas, eà de re silentium esset. 2. Narrant Evangelistæ,

gelistæ, vbi egerit Dominus, per quadraginta dies, nempe in cœlis non hæsisse, sed in deserto fuisse, ibi jejunasse & a Diabolo tentatum fuisse: nihil hîc memorabile contigit, quod non narrent, istius jejunii tempore, in cœlis fuisse, cogitare fas non est; nam etiam eo tempore, a Diabolo tentatus fuit, vt testatur Lucas cap. 4. v. 2. 3. Dico, cessante causâ cessat effectus, causâ propter quam adversarij suspicantur, imò id planè se ita habere, persuasissimum habent, vt Smalcus testatur cap. 4. de divinitate Jesu Christi, nulla est: nam voluntas Dei mundo revelanda, non poterat illi incognita esse, jam tum enim antequam in desertum ageretur, aderat ei Spiritus plenitudo, Luc. 4. v. 1. quâ Spiritus plenitudine hoc effectum esse, vt verba Dei loqueretur, Johannes Baptista disertè testis est, Ioh. 3. v. 33. 4. Quam hoc ab omni vero abhorret, Christum solenniter a Patre suo creatum, & inauguratum esse, doctorem orbis; postmodum paternis colloquijs, cœlesti sapientiâ, quam profiteretur, imbuendum, & cum hæc res tanti momenti sit ad conciliandâ authoritatem Filio Dei & doctrinæ ejus, mirum Petrum non meminisse, cum scriberet, 2. Pet. 1. vers. 16. Neque juvatur hæc opinio exemplis istis Moysi & Apostoli Pauli, nam ista in sacris revelata sunt clarissimè, nec etiam Apostolus Paulus in tertium cœlum raptus, vt gentium doctor fieret 2. Cor. 12. v. 4.

Tertiò obijcit Ostorod. Instit. Germ. cap. 16. falsos Prophetas in mundum quoque exiisse, & Christi verba ad Apostolos esse: sicut misit me in

*Socin.**pag. 244.*

nem Euangelij, & dono regenerationis factum esse Filium : nam cum , si Socino fides habeatur, Christus cum iustitiâ natus non est, quæ illi in infantem non cadit , & rationis vsum in homine ejusque actionem requirit ; necesse est, vt talis regeneratione sit, quæ in adultis non est alia, quàm per sermonem Euangelij , cuius illis nucleus & anima in præceptis & promissis consistit.

Secundò, si Christus ratione sapientiæ & sanctitatis divinæ, Dei Filius esset , sequeretur inde, cum esse Filium Dei & Deum , vnum sint realiter, Christum esse Deum, quâ iustus & sanctus: consequenter etiam Apostoli Dij fuerunt, quorum sapientia & sanctimonia admirabilis, dono Dei & Christi, vt Christus Dei.

Tertiò, si Christus Dei dono Filius esset, jam prædestinatus esset, vt adoptaretur in Filium vnigenitum : imò tam admirandus esset Dei amor erga Jesum Christum, quàm erga nos.

Quartò, si totus Christus, quantus qualis est, secundum gratiosum Dei beneplacitum est id, quod est , tum magis est Christus & Mediator sui, quàm nostri causâ : nam sibi comparavit hoc pacto divina omnia, aded vt in Deum exaltatus sit : at Scripturæ prædicant perpetuò, totam hanc mediationis rationem , nostri causâ à Deo ordinatam, & à Christo susceptam esse.

Quintò , si Filium vnigenitum esse , est nomen officij, qualitatum & actionum, nudus homo mirabiliter ex virgine natus, missus in mundum : & Dei charitas , quæ tantopere prædicatur , in eo non erit, quod Filium suum vnigenitum

tum nobis dederit, sed quod hominem dederit ex Mariâ virgine natum, vt esset & fieret Filius vnigenitus, eundemque nos docuisse, miracula fecisse, sanctè vixisse, Deo nos reconciliasse, erunt exegetica tantùm, nobis declarantia, quid sit esse Filium vnigenitum. Quin etiam, per istam filiationis rationem perit & evanescit, quod tantâ admiratione protulit Apostolus, Rom. 8. v. 32: nam adeo jam mirum non est, Deum proprio Filio non pepercisse, vt mirum potius fuisset, si pepercisset. An mirum eum mori, qui moriturum se prædixerat? An mirum illum vitæ innocentia & passione comprobasse veritatem doctrinæ, qui hoc ipso erat Dei Filius? & quomodo non esset passus, cum sic pati, sit esse Filium? adeo, vt si passus non fuisset, Filius non fuisset: & quomodo non traderetur morti, qui aliâ ratione, nec verus Deus, nec perfectâ ratione unquam Filius esse potuit?

Postremò, eò profligatur hic error, quod contra Scripturæ authoritatem, Christum factum esse Filium contendit, paulatim adolevisse in perfectum Dei Filium, vt internus noster homo renovatur indies: quia enim sanctificatio filiorum Dei, suos hîc habet progressus, multæ sunt in Scripturis voces, quæ illud satis apertè indicant; vt cum dicuntur fideles *renovari indies*, 2. Cor. 4. v. 16: *crescere, vt sint templum sanctum Domino*, Eph. 2. v. 21: *in Christum adolescere*, Ephes. 4. v. 15. nihil tale de Filio Dei legitur; quem tamen volunt Sociniani, quotidianos progressus in istâ filiatione fecisse: Et quæso, vbi didice-

laritatem quandam, in eodem filiationis genere, dicatur solus filius, filius vnigenitus, aut simpliciter filius, vt qui sic non filius, negetur esse filius: fundamentum itaque tantæ in Apostolo confidentiæ est quod dicimus.

Quartò confirmatur ex eo, quod toties & tam frequenter appelletur nomine Filij Dei, simpliciter sine ullo addito: Math. 14. vers. 33. *verè Dei Filius es*: Mar. 1. v. 1. *principium Euangelij Iesu Christi Filij Dei*: Mar. 5. v. 7. *Filij Dei altissimi*: Ioh. 5. v. 25. *mortui audient vocem Filij Dei*, &c. Confirmatur ex eo quod toties, & tam frequenter, appellatur simplici nomine filij, factâ Dei mentione, sub nudo nomine Patris, Ioh. 3. v. 35. *Pater diligit Filium*, & vers. 36. *qui credit in Filium, & qui non obtemperat Filio*, Ioh. 5. v. 19. *non potest Filius a semetipso operari, nisi viderit Patrem operantem: quæcunque ille facit, Filius pariter facit*, & v. 20. *Pater amat Filium, & omnia monstrat ei*, & v. 21. *sicut Pater suscitatur mortuos, ita & Filius, quos vult vivificat* &c. Tales locutiones apud Iohan. frequentissimæ: hæc sanè & similes locutiones, si simplici Dei verbo, humanos sensus submittamus, quid aliud nobis ingerunt, quàm illos prorsus naturâ esse pares, & solâ origine distingui: nam etiam voces illæ Patris & Filij, in humanis naturæ & essentiæ vnitatem & paritatem, per omnia iudicant.

Quintò non obscure innuitur, hæc ex Dei substantiâ generatio, quoties Christi hominis, generatio limitativè enuntiatur: verbi gratiâ, cum dicitur, *ex fructu lumbi Davidis esse, quod ad carnem attinet*, Act. 2. v. 30. item, *de Filio suo, facto*

facto ex semine Davidis secundum carnem, declarato Filio Dei potenter, secundum Spiritum sanctificationis, Rom. i. v. 3. 4. sic dicitur ex patribus esse secundum carnem, qui est Deus super omnia benedictus. Duæ itaque naturæ in Christo, & duæ generationes secundum essentiam: nam sunt alioqui ineptæ istiusmodi restrictiones, si non sit Dei Filius, nisi ratione vñctionis & collationis divinarum qualitatuni, quibus rebus sublime hoc filiationis genus, secundum Socinianos & comprehenditur & absolvitur: nihil inquam istiusmodi restrictiones operantur, nisi concedamus esse factas à Sp. S. ad distinguendas duas secundum essentiam generationes; sequetur enim alioquin, nullum hominum esse, cujus generatio sic limitativè enuntiari non possit: nam cum homines parentibus debeant quod sint, ab alijs aut artibus sunt imbuti, aut ad virtutem instituti, aut ad munus aliquod & dignitatem promoti; cum itaque non ita limitentur generationes aliorum hominum propter causas hujusmodi; sed id solùm observatum sit, quando sermo est de Filio Dei, necesse est causam hinc peculiarem & propriam esse. Quid enim cæteroquin impedit de Davide, Saule idem dicere, illos nimirum, ex Patribus secundum carnem esse; quia filiatio regię dignitatis, ex Dei dono, illis contigit: Salomon sic etiam, ex Patribus secundum carnem, quia sapientiam, divitias & gloriam, Dei munificentia est consecutus. Dico amplius istas restrictiones, necessario indicare, duas naturas substantiales, quia collateraliter & juxta se invicem positæ, de vno &

G 3 eodem

eodem supposito, quod est Dominus noster Iesus Christus, prædicantur; nam vnus & idem dicitur homo esse, *ex semine Davidis*, iuxta quod collateraliter, alterum illud ponitur, *quod Filius Dei*: ita ad Rom. 9. idem qui quatenus homo *ex Patribus esse*, dicitur, etiam dicitur esse *Deus benedictus*, vtrumque collateraliter prædicatur: at si Christi Deitas & filiatio divina, tantum essent humanitatis qualitates, jam persona Christi, non posset ab illis denominari, nisi per denominatam ab ijs humanam naturam, at in istis loquendi modis contra fit: verbi gratia, non dicimus, ille est homo & dives, sed homo dives: est homo & sapiens, sed homo sapiens; ita qualitates non prædicantur de suppositis suis collateraliter cum substantijs, & distinctè ab ijsdem, sed tantum cum substantijs suis, ab ijs denominatis; hinc verò immediata vtriusque prædicatio vt dixi; non ergo Christus, quâ homo, est Filius Dei iuxta hanc quintam evasionem, secundum quam, tota Christi Deitas humanitatis quoddam accidens est.

Sextò ostenditur, Filium ex Dei essentiâ genitum, & vnum essentiâ cum Patre Deum, ex ijs locis, qui dicunt, *in cælis fuisse, ex supernis venisse, supra omnes esse, exiri inquit à Patre, & veni in mundum, iterum relinquo mundum & proficiscor ad Patrem*. Ioh. 3. v. 13. 31. Ioh. 6. v. 62. Ioh. 16. v. 28. Dicitur *in sinu Patris esse* Ioh. 1. v. 18, quæ causa quod arcana Patris habeat perspectissima, dicit *se esse in cælis* cum in terris ageret: quæ evincunt, aliam fuisse in Christo essentiam præter humanam.

Hæc

Hæc adversarij varijs exceptionibus illudunt. *Excipit Catechismus cap. de personâ Christi, descendere de cælo, posse figuratè accipi, quemadmodum Iacob. 1. v. 17. omne datum bonum: & Apocal. 21. v. 2. 10. vidi civitatem sanctam, Hierusalem novam descendentem a Deo, e cælo, &c.* Resp. Nos non argumentari, ex nudâ descensionis voce, sed quia ita dicitur descendisse, ut in cælis tamen esset; quod si verum, necesse est, Christum, qui sic descendit, præter humanam essentiam, etiam divinam habuisse, ideoque hoc totum, quod in descensione Christi, per incarnationem comprehenditur, non sufficienter, per donationem a Deo factam, exponitur; quamvis verissimum sit, maximum Dei donum in eo esse, quod Christus de cælo descenderit, & θεάνθρωπος sit factus. Socin. resp. primâ ad Volanum pag. 28. hoc refert, ad miraculosam ex virgine conceptionem, quod nos non negamus sed αἰμωπείῃς amplectimur, descensionem Christi miraculosâ Dei virtute contigisse, sed neque per hoc infringitur, ut liquet cuilibet, discursus à me factus.

Excipit idem Catechismus secundò, *hac dici de filio hominis, qui cum personam inquit humanam necessario habeat, Deus naturâ esse non potest: sed exceptio sic formata, nihil nisi petitionem quaesiti crepat.* Ostorod. in Institut. Germ. cap. 16. ait illud ὁ υἱὸς ἐν τῷ σῶματι vers. 13. & illud Ioh. 6. vers. 62. ὁ υἱὸς τοῦ ἀνθρώπου contigisse posteaquam Christus incarnatus; ac proinde hoc respectu naturæ ejus humanæ intelligendum esse: sed neque sic hoc argumentum de

manu nobis executitur; nam falsum est Christum in coelis fuisse, secundum humanitatem, antequam eò post resurrectionem ex mortuis ascenderet. Pergit dicens *participium dñi veri posse per erat*: sed quid tum? nihilominus inde evincitur præexistentia ejus, antequam filius hominis fieret. At replicat Smalcus cap. 4. libri de divinitate Christi, Ostorodius loco dicto, magnum arcanum in scenam allaturi, *Christum secundum humanam naturam in coelis fuisse, ibique edoctum a Deo Patre & institutum, exemplo Moysis, qui in monte Sinai, per quadraginta dies conversatus & collocutus fuit, priusquam Deus, per eum, populo suo, voluntatem suam exponeret & prescriberet* Exod. 34. vers. 18: idem confirmant exemplo Pauli, qui in tertium cœlum raptus; istam verò ascensionem Christi contigisse putat Smalcus cum fuit in deserto.

Resp. Nimis ficulnea sunt argumenta illa ad fidem faciendam isti thesi: quinimò audacem illam assertionem, & novam fidem, Sociniani cerebri figmentum esse, probamus hisce nixi rationibus. 1. Hæc ascensio, non est revelata, nec in totum, nec ex parte, nec tempus narratur, nec locus ubi, nec quandiu in coelis conversatus sit, nec quando redierit, nec ulli oculati testes aut ascensionis aut reditus narrantur; hinc profecto inferre possumus, hanc ascensionem, merum ens rationis esse, quod nullibi existentiam habet, nisi in intellectu Sociniano: nam cum ista res, maximum contineat mysterium, non tam altum, apud omnes Evangelistas, eà de re silentium esset. 2. Narrant Evangelistæ,

gelistæ, vbi egerit Dominus, per quadraginta dies, nempe in cœlis non hæsisse, sed in deserto fuisse, ibi jejunasse & a Diabolo tentatum fuisse: nihil hîc memorabile contigit, quod non narrent, istius jejunii tempore, in cœlis fuisse, cogitare fas non est; nam etiam eo tempore, a Diabolo tentatus fuit, vt testatur Lucas cap. 4. v. 2. 3. Dico, cessante causâ cessat effectus, causâ propter quam adversarij suspicantur, imò id planè se ita habere, persuasissimum habent, vt Smalcus testatur cap. 4. de divinitate Jesu Christi, nulla est: nam voluntas Dei mundo revelanda, non poterat illi incognita esse, jam tum enim antequam in desertum ageretur, aderat ei Spiritus plenitudo, Luc. 4. v. 1. quâ Spiritus plenitudine hoc effectum esse, vt verba Dei loqueretur, Johannes Baptista disertè testis est, Ioh. 3. v. 33. 4. Quam hoc ab omni vero abhorret, Christum solenniter a Patre suo creatum, & inauguratum esse, doctorem orbis; postmodum paternis colloquijs, cœlesti sapientiâ, quam profiteretur, imbuendum, & cum hæc res tanti momenti sit ad conciliandâ authoritatem Filio Dei & doctrinæ ejus, mirum Petrum non meminisse, cum scriberet, 2. Pet. 1. vers. 16. Neque juvatur hæc opinio exemplis istis Moïsi & Apostoli Pauli, nam ista in sacris revelata sunt clarissimè, nec etiam Apostolus Paulus in tertium cœlum raptus, vt gentium doctor fieret 2. Cor. 12. v. 4.

Tertiò obijcit Ostorod. Instit. Germ. cap. 16. falsos Prophetas in mundum quoque exisse, & Christi verba ad Apostolos esse: sicut misit me in

mundum, ita & ego eos in mundum misi, nec eos extra mundum fuisse, cum exierunt in mundum.

Resp. Vis argumenti nostri non est in verbis veniendi, missionis, exeundi, per se sumptis, sed in eo, quod dicitur, exiisse, venisse, missus esse, qui erat in cœlis, cum exiret, mitteretur: & cum hoc secundum humanam, non competat Christo, necesse est secundum divinam extitisse, nisi cum Ario velit Spiritum creatum fuisse Christum. 2. Aliâ ratione exivisse Christum quàm Apostolos, eo probatur, quia Christus ita exijt in mundum vt à Patre exierit, quo non tantùm missio significatur, sed notatur, personam missam fuisse apud Deum, cum mitteretur; quod lex contrariorum evincit; nam exij à Patre, opponit proficiscor ad Patrem: consequenter manifestum est, hîc inter Christum & Apostolos ejus discrimen; propterea ex missione, exitu à Patre, esse in cœlis rectè infertur, Christum fuisse antequam ex virgine nasceretur. Urget amplius ibidem, *probari non posse, Christum esse missum, antequam natus est.* Verùm hoc nodum non tangit; nam hoc est illud quod asserimus; Christum exiisse, missum esse per incarnationē & vnionem hypostaticam. Aliam adhuc putat esse rimam, quâ elabatur: probari à se posse gloriatur, *missionem Christi esse factam, posteaquam natus ex Mariâ virgine*: duplici Scripturæ testimonio hoc confirmare studet: primò verbis Christi ad Pilatum, *ego adhuc natus sum, & in mundum veni, ut testimonium perhiberem veritati,* Ioh. 18. v. 37. secundò Apostoli Pauli ad Gal. 4. v. 14. *Deus emisit Filium suum factum ex muliere.*

Resp.

Resp. 1. Ex dicto Christi evinci non posse, illa tempore distingui, imò ne quidem re, alterum alterius exegeticum. 2. Dico, missionem tempore nativitate non posteriorem, evinci, ex fine missionis, qui est functio muneris Prophetici; ad quam obeundam vt missus, ita & natus est: in loco Pauli quoque non dicitur, natum jam fuisse, cum à Deo mitteretur, imò verba Pauli sic accipienda non esse doceo, quia eadem ratione ab Apostolo additur *γενόμενον ὑπὸ νόμῳ*: si velint ergo, Christum natum, missionis factæ objectum esse; pari jure coguntur fateri, Christum legi subjectum, vt eos qui legi erant subjecti, redimeret, vt adoptionē acciperemus, vt ibidem subjungit Apostolus, hujus missionis objectum fuisse; at hoc falsum est, ergo & illud prius; missus enim est, vt Mediator & redemptor noster esset, ita & Christus missus & factus, est ex muliere: nec aliud voluit significare Paulus, quàm Filium Dei missum esse, qui ex muliere natus est. 3. Dico, etiamsi totum concederetur, exiisse à Patre, missum esse, venisse in mundum, posteaquam ex virgine natus est; nihilominus tamen inde concluderetur æterna Christi præexistentia: nam ille qui exijt, venit, missus est in mundum, dicit se esse vel fuisse in cœlis.

Sic se ergo habet confirmatio sententiæ orthodoxæ: sequitur jam everasio sententiæ Socinide Filio Dei vnigenito, quæ sexta evasione continetur.

Primò, si Christus, ratione sanctitatis, Dei Filius vnigenitus esset, sequeretur per sermonem

*Socin.**pag. 244.*

nem Euangelij, & dono regenerationis factum esse Filium : nam cum , si Socino fides habeatur, Christus cum iustitiâ natus non est, quæ illi in infantem non cadit , & rationis vsum in homine ejusque actionem requirit ; necesse est, vt talis regeneratione sit, quæ in adultis non est alia, quàm per sermonem Euangelij , cuius illis nucleus & anima in præceptis & promissis consistit.

Secundò, si Christus ratione sapientiæ & sanctitatis divinæ, Dei Filius esset , sequeretur inde, cùm esse Filium Dei & Deum , vnum sint realiter, Christum esse Deum, quâ iustus & sanctus: consequenter etiam Apostoli Dij fuerunt, quorum sapientia & sanctimonia admirabilis, dono Dei & Christi, vt Christus Dei.

Tertiò, si Christus Dei dono Filius esset, jam prædestinatus esset, vt adoptaretur in Filium vnigenitum : imò tam admirandus esset Dei amor erga Jesum Christum, quàm erga nos.

Quartò, si totus Christus, quantus qualis est, secundum gratiosum Dei beneplacitum est id, quod est , tum magis est Christus & Mediator sui, quàm nostri causâ : nam sibi comparavit hoc pacto divina omnia, aded vt in Deum exaltatus sit : at Scripturæ prædicant perpetuò , totam hanc mediationis rationem , nostri causâ à Deo ordinatam, & à Christo susceptam esse.

Quintò , si Filium vnigenitum esse , est nomen officij, qualitatum & actionum, nudus homo mirabiliter ex virgine natus, missus in mundum : & Dei charitas , quæ tantopere prædicatur , in eo non erit, quod Filium suum vnigenitum

tum nobis dederit, sed quod hominem dederit ex Mariâ virgine natum, vt esset & fieret Filius vnigenitus, eundemque nos docuisse, miracula fecisse, sanctè vixisse, Deo nos reconciliasse, erunt exegetica tantùm, nobis declarantia, quid sit esse Filium vnigenitum. Quin etiam, per istam filiationis rationem perit & evanescit, quod tantâ admiratione protulit Apostolus, Rom. 8, v. 32: nam adeo jam mirum non est, Deum proprio Filio non pepercisse, vt mirum potius fuisset, si pepercisset. An mirum eum mori, qui moriturum se prædixerat? An mirum illum vitæ innocentia & passione comprobasse veritatem doctrinæ, qui hoc ipso erat Dei Filius? & quomodo non esset passus, cum sic pati, sit esse Filium? adeo, vt si passus non fuisset, Filius non fuisset: & quomodo non traderetur morti, qui aliâ ratione, nec verus Deus, nec perfectâ ratione unquam Filius esse potuit?

Postremò, eò profligatur hic error, quod contra Scripturæ authoritatem, Christum factum esse Filium contendit, paulatim adolevisse in perfectum Dei Filium, vt internus noster homo renovatur indies: quia enim sanctificatio filiorum Dei, suos hîc habet progressus, multæ sunt in Scripturis voces, quæ illud satis apertè indicant; vt cum dicuntur fideles *renovari indies*, 2. Cor. 4. v. 16: *crescere, vt sint templum sanctum Domino*, Eph. 2. v. 21: *in Christum adolescere*, Ephes. 4. v. 15. nihil tale de Filio Dei legitur; quem tamen volunt Sociniani, quotidianos progressus in istâ filiatione fecisse: Et quæso, vbi didice-

didicerunt, cum, cum esset Filius Dei vnigenitus, vnigenitum tamen Filium Dei non fuisse? natum fuisse Filium Dei vnigenitum, & gignendum postmodum? Precatus quidem est Dei Filius Ioh. 17. v. 5. vt Pater ipsum glorificaret; sed nusquam vt filiatione consummata se dignaretur: ideoque cum Christus ante resurrectionem, fuerit Dei Filius vnigenitus; nec vllum argumentum in Scripturâ sit pro eo, quod factus sit Dei Filius vnigenitus, colloca- tione ad dextram Dei, ineptè etiam in eo collo- catur: Nec etiam beata immortalitas, propriè loquendo, filios Dei facit, nedum vnigenitum, cum communis sit: sed est filiationis conse- quens, & hæreditas filiorum Dei. Sic Aposto- lus Rom. 8. v. 23. *redemptionem corporis nostri*, adoptionem impropriè appellavit, quia fructus & effectus est adoptionis. Ita filij Dei dicun- tur, qui filij resurrectionis: quia resurrectio ef- fectus & fructus filiationis est; vel in improp- ria significatione, filij Dei dicuntur oppositè ad filios huius seculi.

Sed ne nimium prolixi simus, jam tertio lo- co examinabimus ea, quæ attulit adversarius, ad stabiliendam opinionem suam; quæ quidem responsione adhuc opus habere videbuntur.

Socin.

Primò producit Hilarium in Psalm. 2. *qui ex m, inquit, & in nativitate ex virgine, & in bapti- smo, & in resurrectione à mortuis generatum fuisse agnoscit, non declaratione tantum; sed etiam effectu ipso, per adeptionem ejus cum Deo similitudinis, quam antea vel omnino non habebat, vel non tantam*

Resp.

Resp. Injuriam fieri Hilario, dum Socinus authoritate Patris errorem suum palliat: nam ille fautor Photinianismi non fuit, ut qui libros duodecim de Trinitate scripsit, & modi illi varij, secundum quos statuit, Filium Dei aliquoties genitum, nullâ ratione Socinianismum sapiunt: nam ille mystica quadam ratione, sæpius à Patre nasci intellexit, ut nihil interim accederet divinæ naturæ, sed tantum humanæ: *aut in hoc, inquit, dicatur nasci, quod esse declaratur: nobis enim quodammodo gignitur, cum hoc intelligimus esse, quod prius ignorabamus.*

Secundò producit locum Psalm. 2. Act. 13. v. 33. Rom. 1. v. 4. Locus ille, Psalm. 2. *Filius meus es tu, ego hodie genui te*, intelligendus, innuere arcanam illam generationem, quâ Filius Patri ὁμοούσιος; quod ex sequentibus demonstratur: nā regibus Filij hujus cultus religiosus imperatur; nomen Dei tetragrammaton ei tribuitur, & beati dicuntur, qui confidunt in eum. Hodie dici potest, Deum Filium genuisse, quia est ens permanens & immutabile ab æterno in æternum. Scio multos esse, tum veterum, tum recentiorū, qui ipsum locum Psalmi intelligunt, de generatione *ἐκ πατρίσιν*: verum proprietas verborum pugnat magis pro sensu proprio, à quo non esse recedendum, nisi gravibus de causis, commune Theologorum pronuntiatum est. Suadet præterea hanc interpretationem gravissima Apostoli autoritas, qui istum locum nobis sic interpretatus est, Hebr. 1. v. 5. ut in nullum, nec angelum, nec hominem quadret, quod eo est comprehensum: hoc autem non est resurgere

*De loco
Psalm. 2.
v. 7.*

gere ex mortuis, etiamsi Apostolus, hoc dicto Psalmi est usus pro resurrectione Christi: nam ille intelligendus de generatione secundum manifestationem. Dices ergo, & dictum Davidicum sic exponendum. Resp. Ratio dispar est: ibi nulla cogit necessitas, hic aperta ratio: ille locus quasi primitivus est, hic ex eo derivatus, & expressè ad resurrectionem Christi ex mortuis relatus: & quid convenientius, quàm vno loco, rem ipsam cōtineri κατ' ἀλήθειαν, in altero καὶ φανέρωσιν. Ut Mal. 8. vers. 17. Iacob. 2. v. 23. Nego itaque, illa Psalmi verba ad Chri-

Socin.

pag. 239.

Socin.

pag. 241.

stum accommodari eā mente, ac si revera in Filium Dei fuisset genitus per resurrectionem ex mortuis. Nec probat hoc gravis ille ad Rom. locus, ad quem locum verba Socini sunt. Idem Paulus, qui Psalmi verba, *Filius meus es tu, ego hodie genui te*, ad Christi resurrectionem accommodaverat; ad Rom. scribens, disertè ait, Christum ex resurrectione mortuorum definitum, id est, constitutum fuisse Filium Dei, est enim Græcè ὁρισθέντος: quæ vox non prædestinatum aut declaratum, ut Latinæ interpretationes ferè habent; sed definitum, ut Castellio vertit, id est, constitutum propriè significat.

Tota hujus rationationis vis est in voce ὁρισθέντος, quam dicit non declaratum, sed constitutum significare: in quo fallitur aut fallit: nam ὁρος vsitatā significatione Græcis est definitio. Aristot. lib. primo Topic. cap. 4. ὁρος μὲν λόγος ὃ τὸ τί ἦν εἶναι σημαίνει: & non tantum vox ista notat, definiendo declarare, sed declarare simpliciter etiam; nam Græcis ὁρίσκει dicun-

dicuntur, quæ Latinis indicativa : neque etiam *ὁρίζομαι* significat, constituo, eo sensu quo Filium hîc constitutum vult, hoc est reipsâ factum; sed notat tantum constitutiones mentales & immanentes, quæ decreta & destinationes : quod Socinus agnovisse videtur, cum mutato consilio, arripit vocem *prædestinati*, in patrocinium causæ suæ. Nam verba ejus sunt. *Quamquam, si vocem, prædestinati, retineas, quam vulgata editio habet, multò magis apparebit, Christum ante resurrectionem, Filium Dei plenè ac perfectè non fuisse, cum hac ratione, ne ex ipsâ quidem resurrectione talis continuò extiterit; sed tantum ut talis esset prædestinatus fuerit : id quod verè dici potest, si resurrectionis nomen, pro ipsâ modò, (ut Pauli verba sonant) resurrectione à mortuis accipias, citra ea, quæ illam postmodum sunt consecuta.*

Resp. Etiam si ista lectio probaretur, non propterea hinc efficitur, quod vult Socinus, Christum non fuisse Filium cum resurgeret, aut per resurrectionem Christum fuisse prædestinatum ad istam perfectissimam filiationem : est enim ejusmodi interpretatio vocis *prædestinati* prorsus violenta : non enim resurrectione prædestinatur Christus, nam illa tantum medium executivum esset in hac sententia : *prædestinatio est decretum ipsum* : hoc immanens & internum est, & opus mentale; at resuscitatio actio transiens est & potentiæ.

Socinus, qui pro arbitrio quidlibet hîc ex quolibet elicit, & instar Chamæleontis se habet; postquam dixisset ex loco hoc ad Rom. i. immortalitatis similitudinem Christum resur-

H

rectione

Socin.

pag. 240.

rectione ex mortuis adeptum ; mox, immutatâ sententâ, negat rursum , resurrectione ex mortuis naturam immortalem reipsâ induisse : rursum cum resurrectio hoc loco ad Rom. 1. nunc immortalitatem contulerit , nunc gradum tantum illi, ad immortalitatem consequendam, fecerit ; & locus ille Psalmi, & hic ad Rom. ejusdem sint argumenti , illum tamen , vt citatur Actor. 13. placuit Socino non immortalitatem tantum , sed plenam simul Christi glorificationem , & ad Dei dexteram sessionem significasse : de quibus dispiciendum , quas habeant vires.

Socin.

pag. 239.

Oppono itaque , quod verius , resurrectione subsecutos exaltationis gradus , isto Psalmi dicto ex mente Apostoli , non fuisse connotatos ; aut saltem ex ijs, quæ ibi adfert Apostolus, non liquere ipsum hoc intendisse : nam si sensisset assertum à se hoc dicto Davidico , cœlestem Christi dominationem, & æternum in cœlis regnum, non subjunxisset alterum testimonium ex Esa. Propheta , ad probandum Christum veram & æternam immortalitatem consecutum resurrectione ex mortuis , quam testimonio Psalmi secundi astruxerat ; tantum abest ergo vt Apostolus intellexerit immortale & cœleste regnum, isto Christi testimonio à se comprobatum, vt ne quidem veram immortalitatem, sed resurrectionem ipsam tantummodo isto dicto à se comprobata existimaverit. Nec verba antecedentia pro adversario concludunt : & nos vobis Evangelizamus eam promissionem , quæ Patribus facta est , Deum videlicet eam explevisse filiis.

filijs illorum , nobis suscitato Iesu : nam etiam promissio Patribus expleta est , resurrectione Christi ex mortuis, vt & incarnatione, vt suprâ legitur : hujus è semine Deus , secundum promissionem , excitavit Israeli Servatorem Jesum. Porro Christum post resurrectionem , eâ demum potestate præditum, vt planè servare posset, suis benedicere ac beatos reddere, hoc est πῶτον illud ψεύδεται, quod nos negamus : nam & benedixit remittens peccata , dum in terris ageret, & unicâ oblatione conservavit in perpetuum, qui sanctificantur , & omne judicium sibi datum dixit , & se in seipso habere vitam ; quam potestatem Domini nostri, malè Socinus, & contra veritatem , ausus est terminis rerum præsentis vitæ circumscribere : nam istam suam vivificandi potentiam , & judicij authoritatem , Christus ipse, optimus dignitatum suarum interpres , sic non circumscripsit ; sed disertè ad mortem & vitam extendit, cum dixit. Amen , amen , dico vobis, adventat tempus, & nunc est , quum mortui audient vocem Filij Dei , & qui audierint vivent : sicut enim Pater habet vitam in seipso , sic dedit & Filio habere vitam in seipso, & authoritatem ei dedit, etiam judicium exercendi, quatenus filius hominis est. Ne hoc miramini, nam veniet hora , quâ omnes qui in monumentis sunt, audient vocem ejus : & prodibunt, qui bona fecerint , in resurrectionem vice : qui mala egerint , in resurrectionem condemnationis. Ergo nulla fuit Christi potestas post resurrectionem, quam antea revera non habuit, etsi non exerta & manifestata , vt post ejus ad dexteram sessionem ; nec defuit ei in angelos

Luc. 5.

v. 20.

Heb. 10.

v. 14.

Ioh. 5.

v. 22.

Socin.

pag. 239.

Ioh. 5.

v. 25. 26.

27. 28.

29.

imperium Mat.4. vers. 11. & vt suprâ demonstratum tractatione loci Psalm.97.

Obijcit locum Act.2,v.36. *ubi legitur, Iesum Nazarenum, qui crucifixus fuerat, factum à Deo Dominum & Christum.* Resp. Actu secundo: nam hoc effectum Dei virtute, vt morte hostibusq; ejus profligatis omnibus, gloriosissime dominaretur: inde verò non sequitur, dignitatem illam regiam, quoad actum primum, in illo non resedisse. Addo quod Deus illum Christum, hoc est Messiam fecit: nulla enim necessitas cogit hanc vocem Christi, ad solam regiam dignitatem restringere; dum sic potenter asseruit esse Christum, quod etiam fuit, dum in terris ageret. Quod si adversarius contendat, eum factum esse Christum, ita vt antea non fuerit, quod hîc factus dicitur; dicam nos habere pontificem qui consedit ad dexteram throni majestatis illius, in cœlis; qui sanctuarij minister, ac veri illius tabernaculi: sanctuarij autem minister est pontificali intercessione suâ, quam tum revera obire cœpit, postquam cœlum ingressus est.

Heb.8.
v.12.

Quia verò, vt suprâ dixi, sentit Socinus cum suis, Christum ab ipsâ resurrectione suâ, non fuisse immortalem; placet etiam advertere ad ea, quæ in hanc rem adfert. Eum ergo revera immortalem non fuisse, probat primò, quia revera comedit ac bibit; quod ij inquit facere nequeunt, qui naturam immortalem habent.

Socin.

pag. 242.

Resp. Christus non edit & bibit, ex naturali necessitate vt antea, sed ex dispensatione voluntariâ, in resurrectionis argumentum, vt probant loca vbi edisse aut bibisse legitur. Luc.24.v.30. 41. Ioh.21.v.13.

Secun-

Secundum ejus argumentum est ; quod discipuli eum aspicere aut agnoscere non potuissent , si fuisset immortalis. Resp. Christum corporis sui gloriam ex dispensatione non exeruisse ; neque hoc pacto Apostolorum sensibus imposuit , ut malè argumentatur Socinus.

Tertiò contra Christi immortalitatem obijcit *vestigia vulnerum* quæ non sunt corporis immortalis. Resp. Nulla est ratio , propter quam magis credibile sit, vestigia vulnerum in glorificatis corporibus non futura, quàm futura ; nam vulnerum vestigia, militum qui strenuè pugnaverunt , ornamenta sunt : sic Apostolus noster gloriatur , se circumferre in suo corpore , signa peractæ pugnæ , pro causâ Christi : ego enim stigmata Domini Jesu in corpore meo porto, Gal. 6 .v. 17. Quocirca irrationale non est, martyres circumlaturus vulnerum suorum cicatrices post resurrectionem ; in quam sententiam inclinât Augustinus lib. 22. de civitate Dei cap. 20: verba ejus sunt. *Nescio, quo autem modo, sic afficimur, amore martyrum beatorum, ut velimus in illo regno in eorum corporibus, videre vulnerum cicatrices , quæ pro Christi nomine pertulerunt, & fortasse videbimus : non enim deformitas in eis, sed dignitas erit, & quadam quamvis in corpore, non corporis, sed virtutis pulchritudo fulgebit : hæc Augustinus.* Deinde respondere possumus , æconomice hoc factum. Post hæc redit ad filiationem suam, quam statuit in sapientiâ & sanctitate consistere ; utramque perfectam in hoc mundo fuisse asserit , neutram tamen Christo naturalem fuisse. Hoc primum , quod ad sapientiam.

Socin.

pag. 243.

attinet, probat testimonio Luc. 2. v. 52. subdit, de justitiâ & integritate vite divinâ ac cœlesti res ipsa loquitur : quandoquidem ea in infantem non cadit, & rationis usum in homine, ejusque actionem requirit ; hancque non minus, quam sapientiam, unâ cum ætate in Christo auctam fuisse, quamvis prout ferebat ætas, semper perfecta fuerit.

Resp. 1. Quomodo vobis, qui humanam tantum naturam in Christo agnoscitis, sapientia Christi hîc perfecta fuit, cum diem judicij ignoraverit ? 2. Sapientiam profecisse secundum divinitatem negamus. 3. Justitiam nullam esse, quam quæ in actione consistit, id quidem secundum Socini hypotheses ita est, qui & creationem hominis in justitiâ negat, & corruptionem originariam, & veram regenerationis gratiam, sed secus se res habet secundum veritatem : quæ omnia & singula, adversus ipsum & ipsius similes demonstrare, non est præsentis loci. 4. Justitiam habitualement in Christo auctam fuisse, non probat locus allatus, etiamsi Christus per continuatum, & non interruptum obedientiæ cursum, sanctitatem suam exerendo, se magis magisque Deo & bonis omnibus probaverit.

Haftenus de sextâ evasione Socini, contra titulum vnigeniti, ex quâ voce formata fuit secunda ratio, pro sententiâ Orthodoxâ de generatione Filij, ex substantia Patris. Sequitur jam tertiæ rationis examen, quæ est quod proprius Dei Filius vocatur.

Socin.

Socinus contendit vocem *proprius* in N. Test. pag. 211. non habere aliam vim majorem, quam interdum signifi-

significandi aliquid omnino suum, id est, quale nemo alius habeat, ut in loco illo, & unicuique seminum, proprium corpus. 1. Cor. 15. v. 38. & sæpiissime nihil aliud significare, quam simpliciter suum, aut suum ipsius, id est non alienum: ut cum dicitur Christum non per sanguinem hircorum & taurorum; sed per proprium sanguinem ingressum fuisse in sancta, Hebr. 9. vers. 12: aut cum Paulus dicit 1. Cor. 6. vers. 18. eum qui scortatur, in proprium (idior enim est in Græco) corpus peccare: ubi Latina editio habet, suum: tertiam aliam significationem, non credo hujus vocabuli in N. Testam. inveniri: utracunque autem significatione dixerit Paulus, Deum non pepercisse proprio Filio, nihil, ex ipsius vocabuli vi, concludi potest, de generatione ex Dei Patris substantiâ: nihil enim vetat, quominus Christus sit Dei Filius peculiaris & suus, non autem alienus, & tamen non sit generatus ex ipsius Dei substantiâ.

Resp. Cum filius, alicujus proprius filius dicitur, intelligitur ejus esse filius, non alienus: quamvis verò in acquirendo rerum dominio, varij sunt modi, secundum quos, quis rem, quæ non est sua, suam facere potest, vnus tamen tantum modus est, quo quis proprius alicujus filius fieri potest: hic modus est generatio naturalis ex substantiâ parentis. Aut ergo Filius Dei ex substantiâ Patris est genitus, aut non est proprius Dei Filius.

Dicit adversarius, nihil vetat, quominus Christus sit Dei Filius peculiaris & suus, non autem alienus, & tamen non sit generatus ex ipsius Dei substantiâ: hoc est quod nego, quia

aperta ratio , & ipsissima definitio proprii filij reclamationat ; non enim proprium filium appellamus eum , in quem quis jus & potestatem habet, sed proprium dicimus eum, qui naturaliter ex nobis est genitus : quod autem dicit , filius peculiaris & suus, hoc amphiboliâ laborat ; nam non explicat, quid per istam peculiaritatem intelligat : filius enim adoptivus , peculiari ratione filius est : qui peculiaris filius est , non est hoc ipso proprius filius : vice versa, qui proprius filius est , non est hoc ipso peculiaris filius : sola generatio proprium filium facit , & nisi Filius Dei peculiaris Dei Filius à generatione denominetur, proprius filius non erit.

Et cum proprius Dei filius , vnus tantum sit (quod nec adversarius negat , aut in dubium vocat) non potest à modo filiationis communi, secundum gradum Filio Dei peculiaritantum, ille solus Filius Dei proprius dici: nã sic, tam Deus est Dominus & proprietarius aliorum filiorum suorum , quàm Filij ejus Domini nostri Jesu Christi ; imò magis, pretio enim empti sumus. Quod si intendat, nomine peculiaris, generationem ex virgine, per operationem Sp. S. ? 1. Respondebo , istum productionis modum filium non facere. 2. Cum respectu istius generationis , nunquam sit dictus Dei Filius , certum est ob istam causam hîc non dictum proprium filium. 3. Sic periret & evanesceret prorsus energia Apostolicæ argumentationis, per istiusmodi proprietatis explicationem ; quod absit.

Rota. 8.

v. 33.

Hoc quod Deus proprio Filio non pepercit, tam est admirandum & incomparabile Apostolo, vt
irrefra-

irrefragabiliter hinc inferri persuasissimum habeat : Deum omnia nobis cum eo gratificaturum ; hujus verò illationis vis non confurget, ex illâ proprij Filij ratione, quâ homo ille Jesus Christus, ex Mariâ virgine natus : ergo Apostolus ad aliud quid, longè augustius respexit, cum Dominum nostrum, Dei Filium proprium dixit : nam, vt suprâ demonstratum confido, majus est regeneratione esse Dei Filium, quàm isto admirabili modo, à Deo secundum naturalia productum esse : & sic plus esset, Apostolum Paulum pro nobis esse passum, quàm Deum Filio proprio non pepercisse, quod quàm paradoxum sit in fide, nemo est, quin facillè videat.

Subdit Socinus, *vis rationis adversariorum in Socin. eo tota est, quod proprius opponatur metaphorico. pag. 212.*

Resp. Vis nostræ rationis est in definitione proprij Filij ; & qui proprius filius est, consequenter est propriè, & non metaphoricè filius.

Smalcus apud Smigloci. pag. 55. lib. primo de Christo vero & naturali Dei Filio, proprium opponit communi: at sic si loquatur, quia Filius Dei non communi, sed propriâ ratione Filius, ridiculus est : nemo enim sic proprium filium dixerit : sin intelligat filium proprium, hoc est talem, quem Deus non habet cum alijs communem, sic ridiculè argutus est : nam nullum Dei jus in filios suos commune est, & nullus est Dei filius communis ; nec filius Dei diceretur rectè proprius filius à ratione & modo filiationis, illi cum alijs communi.

Quartam rationem, quod Christus verus Dei Filius, præterimus, tum quia in textu non di-

1. Ioh. 5.
v. 20.

fertè sic scriptum extat, tum quia ex ijs, quæ jam dicta sunt, respondendum erit ad ea, quæ hîc ab adversario, quod causam principalem attinget, reponuntur.

Quinta ratio est, quod Christus dicatur naturalis Dei Filius, non quidem expressè, sed secundum rem; quod Bellarminus voluit tantum, cum scriberet lib. prim. de Christ. cap. 6. *dicitur naturalis, nam dicitur imago, seu character hypostasis paterna.*

Socin.

Socinus duo hîc agit. Primò respondet ad pag. 215. locum illum ad Heb. i. v. 3: inde agit de titulo ipso *naturalis & adoptivi.*

Locus sic habet: *ὅς ὡν ἀπαύγασμα τῆς δόξης, καὶ χαρακτήρ τῆς ὑποστάσεως αὐτοῦ*: quamvis autem vox *paterna* non legatur hîc conjuncta voci *hypostasis*; ex ijs tamen, quæ hîc dicuntur, colligitur, hîc Patrem subintelligendum esse: etsi enim relativum ejus, non Patris vocem sed Dei, quæ antecessit, refert, vt scribit Socinus, evidenter tamen ex loci circumstantijs colligitur, voce Dei Patrem insinuari; nam Deus, de quo loquitur Apostolus, est Deus, qui locutus est nobis in Filio; est ille, qui nulli angelorum dixit, Filius meus es tu. At Filius Patris tantum Filius est.

Socin.

Sententia ejus de hoc loco est, *Christum characterem hypostasis ejus dici, non quia ex substantiâ ipsius sit generatus; sed quia ipsum Deum, alioqui inaspectabilem nobis aspiciendum exhibet, id est ejus voluntatem atque potentiam, sibi perfectissimè patefactam, & secum quatenus fieri potest, & quatenus ad nos pertinet, perfectissimè communicatam, nobis*

nobis ostendit, & quoad licet ob oculos ponit; ita ut Deum ipsum contemplemur, cum Christum contemplemur, quod quidem attinet ad salutem nostram, ubi non requiritur, ut ipsam Dei substantiam, expressam ante oculos habeamus, sed tantum voluntatem ac potentiam: nec verbum hypostasis, cum hoc loco Dei hypostasis nominatur, ipsam Dei substantiam verè ac propriè significat, sed perinde est, ac si scriptum fuisset, ipsiusmet Dei.

Totum hoc, ratione cujus, splendor gloriæ & character hypostasis ejus dicitur, refert Socius, quantum quidem ex hisce verbis colligi potest, ad patefactionem voluntatis & potentiae divinæ, nimirum quod Deus velit obedientiam & æternam vitam cultoris, eamque conferre potens, hæc enim intelligere solent Socii, passim nomine voluntatis & potentiae. Ob duplicem itaque patefactionem, passivam quâ Deus voluntatem & potentiam suam Christo revelavit; activam quâ ille illam nobis revelavit, dicit splendorem sive refulgentiam gloriæ & characterem hypostasis vocatum.

Sed quo pacto Deus, se & voluntatem suam, nobis revelavit in Filio, claris verbis Apostolus proposuit, v. primo: non est ergo existimandum, verbis obscuris, idem hoc vers. repetere. 2. Non qui revelat alteri gloriam suam, & sibi revelatam alijs sermone manifestat, propterea splendor seu refulgentia gloriæ ipsius est; nisi cum illo gloria splendescens communicetur. Cui insignia principis decreta revelantur, aut qui revelat ea, hoc ipso non habet in se refulgentem principis gloriam; sed ille tantum, in quem

in quem princeps gloriam suam transfundit: ita Christus non est paternæ gloriæ ἀπαύγασμα, nisi quia illa ipsa gloria in illo refulget: Radius solaris participat de luce solis, & fulgor solaris etiam in radio splendet: ita propria notio characteris est, rem à quâ deducitur, assimilatione quadam repræsentare, vt sculptilia & imagines pictæ, similitudine quadam repræsentant aliquid. Cui principis arcana revelantur, nō ob hoc principis imago dicitur: aut is ex quo voluntas & potentia principis cognoscitur, non est hoc ipso imago principis: legati non sunt regum imagines. 3. Peccat in eo Socinus, quod ex hypostasi hac præcepta & promissa cudit Evangelica, cum Apostolus simpliciter dixerit substantiæ ipsius, cum dicitur ille est res subsistens, sine vlllo additamento, non intelligam, nisi desipere velim, eum decretum aliquod fecisse, de re aliquâ dandâ aut faciendâ, & me ad id præstandum potentiam habere, sed intelligam id naturâ & revera subsistens: tutius ergo simplicem verbi divini ductum sequi, quam ad glossas tam longè petitas confugere. 4. Et profecto per sententiam istam, quâ Filius dicitur essentialis splendor, & substantialis imago Patris; dignitati horum verborum, in quibus incomparabilem Filij Dei excellentiam, tam graphicè descriptam habemus, satisficit; non verò per istam Socini, per quam commune redditur hoc, in quo proprius & incommunicabilis Christi honor situs est; sic enim etiam Apostoli splendor gloriæ & character hypostasis Dei, vbi enim Deus nobis, quoad salvificam cognitionem,

nem, se magis & plenius aspiciendum exhibuit, quam in divinissimâ illâ Epistola ad Rom. & hac ad Hebr. quas ab Apostolis accepimus? Socinus qui alienas excogitavit rationes, propter quas Jesus Christus propriè Servator noster dicatur, sublatis veris primam in eo ponit lib. prim. de Servat. cap. 2, quod salutis viam nobis anuntiavit, & cum istam inde difficultatem enasci videret, ita dissolvere conatus est. Verba ejus sic sonant.

Is propriè aliquid annuntiare dicitur, qui primus aliquid novum verbis affert, aut patefacit, quique solus ab initio ad ejusmodi munus obeundem delectus est, cuique ceteros deligendi, qui ab eo edocti, ejus vice ac nomine, idem deinde munus obeunt, est data authoritas, talis autem est Christus. At qui postea idem afferunt quidem, vel patefaciunt, sed nomine & vice illius qui eos edocuit, & auctoritate sibi traditâ huic muneri destinavit, minus propriè annuntiare dicuntur; tales sunt Apostoli & ceteri Iesu Christi Discipuli.

Resp. Nulla ratio evincit, hæc omnia requiri, ut quis propriâ ratione dicatur aliquid annuntiasse; nam si plures nuntij novi aliquid habeant ab vno nuntio, ab eo sint edocti, & ejus vice ac nomine idem obeant, & divulgent, quod à primo nuntio acceperunt, propriè nihilominus annuntiare dicuntur: quod ni concedat Socinus, ne Christus quidem annuntiavit propriè, nam illi primū hoc arcanū à Deo fuit revelatū, ut Apostolis à Christo, & vice ac nomine Dei & Patris sui idem munus obijt, ad quod nulla illi per naturam authoritas, sed tota ex gratioſo
Dei

Dei Patris dono derivata : ita ergo Apostoli effulgentia gloriæ Dei & character hypostasis ejus ; ipsis enim Deus voluntatem & potentiam revelavit suam, eamque alijs ob oculos posuit : nam si patefactio illa duplex , causa istius denominationis , ad rem non facit , sive alicui primò contingat , sive non ; sive refulgentia mediata sit, sive immediata. Hinc efficitur necesse esse ad tutandam propheticam Christi dignitatem in revelatione mysteriorum Dei , pro fundamento ponere, esse Filium Dei per naturam, & ut ratione propriâ ipsi Deum nobis conspiciendum exhibeat, sit imago Dei substantialis, quæ in carnata deducit nos ad incomprehensibilem Dei cognitionem. Unde Tertullianus contra Praxeam, *Vicarium se Patris ostenderit, per quem Pater & videretur in factis, & audiretur in verbis, & cognosceretur in Filio, facta & verba Patris administrante quia invisibilis Pater.*

Ex hisce sic dictis de loco ad Corinth. 2. Cor. 4. v. 4. & Col. 1. v. 15. iudicium fiat. Quod verò hîc ait Socinus , non substantiæ Dei sed tantum voluntatis ac potentiæ cognitionem, attingere ad salutem nostram, ita crudè & illimitatè enuntiatur, non est verum : quod quia adversarius simpliciter affirmat, nos negare illud contenti erimus , quia hoc disputare non est præsentis argumenti.

Sequitur jam alterum membrum exceptionis Socini, ad quintam rationem , in quo disceptat, de titulo naturalis & adoptivi.

Socin. Socinus. *Dico igitur naturalem Filium, hîc se-
pag. 217. cundum ipsorum adversariorum verba, opponi ado-
ptivo*

ptivo sive ascititio Filio, id est ei, qui, cum aliquando non esset Filius, postea ex gratiâ & beneficio factus est Filius: ergo qui Filius natus est, & Filius semper fuit, is profecto adoptivus sive ascititius Filius non erit, & consequenter erit naturalis Filius, nam quid alioqui etiam naturalis est, quam naturâ suâ talis, id est natus talis? hinc apparet adversariorum error, qui sibi ipsis contradicentes & oppositionem adoptivi & naturalis, quam ipsimet statuunt, minimè servantes, progrediente disputatione, naturalem Filium eum tantum intelligunt, qui ejusdem nature atque essentia omnino sit, cujus est Pater: & Bellarminus hic satis aperte negat, Christum fore verum, ac naturalem Dei Filium, nisi sit ex Dei substantiâ genitus. Et, cum manifestè ut in alijs etiam questionibus sit, gratia naturam in hac questione opponant tamen postea, non quidem naturam, sed necessitatem quandam videntur gratia opponere, dum concludunt Christum gratiâ fore Dei Filium nisi sit ex Dei substantiâ genitus.

Resp. Filius naturalis est, qui ex substantiâ parentum genitus est. Sic jurisconsultis libri naturales tantum sunt, qui ex nullis penitus nuptijs justis vel injustis, sed ex quasi soluto legibus commercio nati sunt; sic dicti, quia naturali conjunctione, ac velut conniventibus legumlatoribus, nascuntur. Naturales liberi opponuntur adoptivis, hinc adoptare est, alienum sibi adsciscere in Filium: sic Moses a filiâ Pharaonis adoptatus, & Theseus ab Rege: unde & nomen sortitus est; Græci enim thesin appellant adoptionem, ut Plutarchus in Theleo; hinc in sacris vox *νόθεος*, cum de gratiosa nostri,

nostri, in Dei filios adoptione, agitur : jurisconsultis etiam adoptio nomen generale est, nihil aliud significans, quàm gratuitam quandam electionem alicujus in filium. Quia verò homines, ab hominibus non sunt, nisi per generationem ; hinc necesse est, quòd, qui adoptantur ab hominibus, prius naturales aliorum filij sint, nam potestas creandi aut producendi eos, quos adoptant in filios, dceat illis, quæ si adesset, possent non alienos tantùm, hoc est ab alijs natos adoptare, sed & creatos & productos à se adoptare : nam hoc tantùm de intrinseco conceptu filij adoptivi est, vt non sit per naturalem generationem ex substantiâ parentum filius, sed per gratuitam electionem adoptantis : consequenter filium adoptatum aliquando non fuisse Filium, adoptioni non essentiale, sed accidentarium est : nec qui filius adoptatus est, necesse est vt prioritate temporis, prius sit filius naturalis : ergo & angeli filij adoptivi quamvis creati Filij, & non malè locutus Bellarm. & vnâ cum ipso Wiekus, cum angelos Dei Filios adoptivos nominârunt, sed potius Socinus, qui satis inconsideratè hoc negat.

Nihilo plus valet, quod ibidem dicit ; *proprie loquendo, ne homines quidem ipsi, qui Dei filij adoptivi, filij dici debent, quamvis nec nati sint ab initio, nec creati Dei filij, adoptivus enim filius is est, qui pro filio quidem habetur, sed tamen revera non est filius : atqui homines qui Dei filij sunt, aut dicuntur, praesertim Christiani, revera sunt filij Dei, vt quidem filios Deus generat : propterea eos genuisse Deus dicitur.*

Rcsp.

Resp. Adoptivum esse filium, qui pro filio quidem habetur, sed non est filius naturalis; ideoque propriè loquendo, homines qui Dei filij sunt adoptivi filij dici debent: adoptivus enim filius is est, qui pro filio quidem habetur, sed tamen revera naturalis filius non est: quod autem filij adoptivi, gratiâ regenerationis, etiam sunt filij, hoc ipsum essentialem adoptionis formam nec tollit, nec vitiat; sed ex gratiâ adoptionis fluit, & beneficium est in gratiosâ illâ adoptione comprehensum: sic in humanis, quem adoptat Pater bonus, ad virtutem format & formari curat; nemo tamen propterea, nisi insulsè, dixerit, eum filium propriè adoptivum filium non esse.

Per hanc veram naturalis & adoptivi filij tum descriptionem tum distinctionem, patet similiter erroneum hoc esse: *qui filius natus & filius semper fuit, is adoptivus filius non erit*: nam hoc absque limitatione non est verum; naturalis enim non est, nisi natus ex substantiâ ejus, cujus naturalis filius est & dicitur per veram & propriam generationem; ideoque non adversariorum contradictio aut error hîc est, sed Socini, qui naturalem filium intelligit eum, qui ejusdem naturæ atque essentiæ omnino non est, cujus est Pater. Distinctionem gratiæ & naturæ in subjectâ materiâ generationis Filij Dei observamus religiosè, & si hoc statuatur naturali generationi Filij Dei peculiare esse, quod sit ex substantiâ Patris necessariò genitus; gratia nihilominus necessariæ & naturali Filij Dei generationi non opponitur, quâ necessaria est, sed

Socin.
pag. 217.

I quâ

quâ naturalis : illam verò distinctionem negligit Socin. quam minimè negligere debuit : nam filium Dei , qui ex gratiâ natus est filius hominis, propter istam causam, naturalem Dei Filium vocat : rursus naturalem filium , vocat Dei Filium , qui tamen ex Patris sui substantiâ est, vt jam audiemus.

Socin.

pag. 218.

Sic enim progreditur adversarius. *Dico igitur, Christum meritò dici posse Dei Filium naturalem, quia natus est Dei Filius , tametsi ex ipsâ Dei substantiâ non fuerit generatus, natum autem illum fuisse Dei Filium, aliâ ratione, quam per generationem ex ipsius Dei substantiâ , probant angeli verba Luc. 1. v. 55. Idem Socin. plenius & apertius exponens, quomodo Dei virtus , in Christo homine in Mariæ virginis utero formando , seminis viri, vel potius viri ipsius vicem suppleverit; sic ait: Nec sanè consequitur , quia Christus homo in virginis utero , ex ipsâ Dei substantiâ non sit genitus , idcirco ex solâ virginis substantiâ cum fuisse generatum : nec Mennonitis danda est occasio ejusmodi malè conclusis rationibus , in suo errore perseverandi. Sed quemadmodum urgendum est, Christum hominem ex virgine matre , non minus sumpsisse , quàm alij homines ex matribus suis sumant : sumere autem ex ipsis sacris Literis , & physicis etiam, si opus sit , rationibus demonstrandum : sic non est negandum Dei virtutem in virginis uterum substantiam aliquam creatâ immisisse, aut ibi creasse, ex quo Christus, juncto eo, quod ex ipsius virginis substantiâ sumpsit, verus homo generatus fuerit : qui propterea vt homo, non matrem tantum, nempe virginem ipsam habuerit; sed patrem quoq, nēpe ipsum Deum.*

Resp.

Resp. De verbis angeli, & hac confictâ filiationis ratione copiosè actum in examine quintæ rationis, propter quam Socin. Dei Filius v-nigenitus Dei Filius: ista verò producendi ratio, posito quod vera esset, nullo modo Christum Filium Dei naturalem faceret, cum sic productus, non sit ex Dei substantiâ genitus, sed ex substantiâ à Deo creatâ productus, quod evertit veritatem naturalis generationis, in quâ omne generatum de substantiâ generantis: & hic filiationis modus, Filium Dei supra angelos, qui creati ex nihilo, aut primos homines, quorum vnus de terrâ formatus, alter ex costâ viri, non attollit: nam ex nihilo formare angelos, nobilissimas essentias, hominem de luto aut costâ formare, majus omnipotentia divinæ opus, quam hominem ex virgine producere: in quâ naturæ vigor est ad generandum. Accedit quod mera sit asseverandi audacia in Socino & suis, dicere creatâ esse à Deo in vtero virginis substantiam, aut creatam immissam esse, ex quâ juncto eo, quod ex virginis substantiâ sumpsit, Christus homo formatus sit. Prophetæ & Apostoli vno ore, hîc nonnisi seminis Abrahami, Isaaci, Iacobi, Davidis &c. meminerunt: hinc tamen aliud Euangelium nobis anuntiat, de materiâ creata aut immissa à Deo, hoc solo tibi-cine nixus, quod virgo conceptura dicitur, quia Sp. S. superveniret, & virtus altissimi inumbraret; cum hoc nihil aliud, quàm quod virginis substantia sit sanctificata, eidemque vis plastica indita. Hactenus de quintâ ratione.

Sexta ratio est, quam impugnandam sibi su-

mit: quod videlicet talis Dei Filius sit Christus, ut angeli præ ipso appellentur servi: qui tamen alioqui sunt filij adoptivi.

Socin.

pag. 228. Respondet Socinus, in hac ratione pro cesso sumi, nullum esse Dei filium, nisi vel adoptivum; vel ex ipsius Dei substantiâ genitum, quod tamen falsum esse, in ipsâ Christi personâ suprâ demonstratum est.

Antithesis, nullus est Dei Filius, nisi vel adoptivus, vel ex ipsius Dei substantiâ genitus, quod verum esse suprâ demonstratum est.

Socin.

pag. 229. Progredimur ad ultimam & septimam rationem, quæ sic habet. Quod Christus propterea fuit à Iudæis accusatus, quod se faceret Dei Filium; non fuit autem accusatus, quod se faceret Filium Dei non proprium, seu adoptivum; ipsi siquidem Iudæi se tales Dei Filios appellabant, qui etiam legis suæ meminerunt, secundum quam mori deberet, quia Filium Dei se fecisset. Hanc autem accusationem Christus non deluit, sed ut veram admisit: & in istâ confessione, quod nimirum esset talis Dei filius, qualem se eum fecisse Iudæi dicebant, mortuus est.

Socinus duplicem responsionem adfert; vnam ad illam Iudæorum accusationem, quod se faceret & diceret Filium Dei. Summa responsionis est, *Filium Dei esse idem esse re & ratione, quod Christum.* Secundò tractat de lege illâ, quam Iudæi urgebant apud Pilatum adversus Christum, ex eâ nihil concludi ait, quam Jesum

Soci. pag. se dixisse, & fecisse Christum.

230. 231. Prima responsio proponitur *pag. 230. 231.*
Hanc

Hanc sic exorditur : *ex istâ ratione , nihil aliud concludi potest , quàm Christum se fecisse singularem quendam Dei Filium : istud autem nos constanter agnoscimus & confitemur.*

Resp. Qualis sit illa singularitas , jam sæpè est inculcatum : Filium Dei aliâ ratione singularem Dei Filium esse, hinc concludi potest : & hoc est illud ipsum , quod Christianus orbis , in sinceritate fidei persistens , semper & constanter agnovit, & confessus est , & adhuc per Dei Patris & Filij ejus gratiam agnoscit & confitetur.

Pergit Socinus. *Iam si quis diligenter inspiciat factam ad Christum à Caipha & alijs Iudeis interrogationem, an esset Dei Filius, intelligit omnino, aliud nihil eos , Filij Dei , & quidem singularis cujusdam Filij Dei nomine, intellexisse quàm Christum: apud Mat. enim cap. 26. v. 63. & Marc. 14. v. 61. Caiphas illum interrogat, an sit Christus ille Dei, seu benedicti Filius? est enim in Græco adhibitus articulus ad nomen Filius , qui singularem istum Dei Filium omnino declarat. Hunc autem eundem esse cum Christo, seu, qui Christus est, eum esse singularem istum Dei Filium, ipsa interrogationis verba manifestè docent, ex quibus constat unicam esse interrogationem, & verba illa, ille Dei Filius, fuisse adhibita , ad magis declarandam illius, qui Christus sit, dignitatem atque præstantiam : non autem ad aliquid addendum, quod Christi appellatio per se non complectatur : hoc amplius probat ex loco Joh. 20. v. 31. & ex hoc loco Mat. 16. v. 16, quibus aequipollent Marc. 8. v. 29. Luc. 9. v. 20, ubi nihil amplius habetur , quàm tu es Christus*

I 3

Dei.

*Dei. Luc. 22. v. 67. cum prius eum interrogassent, an esset Christus, & ille ita respondisset, ut appareret eum fateri se esse: denuo illum interrogant, & quodammodo confessionem jam ab ipso factam illi exprobrāt, dicētes omnes, tu ergo es ille Filius Dei? idem inquit, colligitur ex confessione Nathanielis Joh. 1. v. 49. Summa huc redit, Christum esse, & Dei Filium esse, synonyma esse sive ἰσοδυναμῶντα, ut loquitur Philosophus 3. Rhet. cap. 2. Respondetur articulum illum præpositivum & non semper ἐξυλὴν denotare, aut designativum rei alicujus esse. Socinus fatetur cum scribit pag. 62. tractans classis primæ argumentum primum, ubi verba ejus sunt. Articulum Græcè scribens apposuit, non ut intelligeretur, eum Christi nomen in potiore significatione accipere, id est, ita ut ipse tantum Jesus Christus intelligi deberet; sed potius, ne quis de ipso tantum Christo Jesu eum loqui suspicaretur. Is enim Christi simplici nomine, sine ullo articulo, tanquam si proprium ejus nomen esset, sæpissimè significatur. Dico itaque, non necesse esse, statuere articulum præpositivum singularitatem Filij Dei, inter omnes Dei filios expressisse, nihil prohibet simpliciter legere, Filius Dei: sic enim Filius Dei, Dominus noster Jesus Christus, sæpissimè est appellatus, ut ostendi supra in quarto argumento confirmationis sententiæ orthodoxæ, contra sextam evasionem Socini, ad titulum *unigeniti*. Vox Dei sine articulo sæpe summum Deum notat, cum articulo, alios. Rogat Pontifex maximus Marc. 14. vers. 61. *tu ne Christus filius ille τὸ εὐλογητῆς*, non tamen Iudæi plures*

plures vno Deos benedictos agnoscebant. Iudæi sine articulo, hoc Christo impegerunt Ioh. 19. v. 7, & Christus respondens, ad objectum hoc tanquam blasphemiae crimen; dixit sine articulo, *quia dixi Filius Dei sum*. Ioh. 10. vers. 37. Non sequitur ergo, ex istius articuli additamento, credidisse Iudæos, Dei Filium esse rem falsam & imaginariam, vt malè ex huius articuli vi conclusit Socin. pag. 233. vt in secundæ responsionis examine, hoc magis planum faciemus.

Secundò dico, & si Dei Filium esse & Christum esse, vnius & ejusdem suppositi sit, ex rei veritate, & termini affirmativè & negativè sint convertibiles, sunt tamen res distinctæ. Nam Dei Filius nomen personæ est; Christus officij. Dei Filius est per divinam generationem ab æterno; Christus factus in tempore ex ordinatione & promissione Dei: dignitas personæ, basis est dignitatis officij: personam enim Filij Dei tantæ dignitati præfici decuit, vnde pontificatum collatum illi legimus, ab eo qui dixerat ei, *Filius meus es tu, ego hodie genui te*, Heb. 5. v. 5. dices, hoc illud est quod controvertitur, hæc distinguenda & sic distinguenda esse: sic ergo thesin istam verissimam demonstro, quæ fixa trabali clavo verbi Dei, corruent illa, quibus hîc tenebras luci offudit Socinus, hæc confundens.

Primò itaque, hæc re & ratione distinguenda esse, probatur ex rationibus allatis supra ad refutationem quintæ evasionis, quod lectorem remittimus.

Secundò probatur, quia Christus, eo sensu,

erat Filius Dei, ex rei veritate & iudicio suo, quo sensu Iudæi, tanquam crimen blasphemiae illi hoc impingebant : hæc agnoscit adversarius, in ratiocinationibus suis, super hac re factis. Syllogismus talis sit. Si Christus eo sensu Dei Filius, quo Iudæi illi, tanquam crimen hoc impingebant, tum verba sunt quæ dixi de distinctione, quæ est inter esse Filium, & esse Christum. At verum prius, ergo & posterius. Negat maioris consequentiam adversarius, qui vult ex mente Iudæorum, nihil aliud esse Filium Dei esse, quam Christum esse, & vnam non duas quæstiones revera istis verbis esse motas. Hic ergo pes figendus. Dico itaque ex mente Iudæorum hæc Christo obijcientium distinguenda esse : quod probatur primò ex appropriato titulo Filij Dei, seu, quod idem est, à parte rei, ex eo, quod Deum diceret *πατέρας ἑαυτοῦ*, ex eo iudicârunt Iudæi, æqualitatem induci inter eum & Patrem : ex quo efficitur credidisse Iudæos, per Filium Dei talem intelligendum, qui cum Patre Deus esset vnus : nam non intellexerunt æqualem Deo in sensu Soci-niano, nunquam enim talem crediderunt Iudæi Dei Filium fore. Nec Iudæi infideles, odio Christi excæcati, eo sensu existimant, Christum se Dei Filium dixisse. Dico ergo hinc liquere, Iudæos hæc distinxisse : nam Dei Filium esse, illis est Deo æqualem esse : at Messiam esse, non est Deo æqualem esse, ex mente Iudæorum hoc obijcientium. Porro Iudæi, qui tum temporis erant, aut credebant, & existimabant aliquem esse Filium, qui cum ipso Deo Deus esset, aut
non

non credebant. Nullum talem esse Filium credebant Iudæi, vt vult Socin. pag. 233. cuius verba sunt ; *nec sanè, vt arbitror, vnquam probabunt, aut verisimile efficient aduersarij, Iudeos de aliquo Dei Filio, ex substantiâ ipsius Dei generato vel cogitasse quidem, nedum persuasos fuisse.* Sic Socinus : hinc argumentor ergo, si nullum existimabant in rerum naturâ talem Dei Filium, hoc est aliquem Patri æqualem, vt ipsi Iudæi interpretantur hoc esse filium, ergo ex mente Iudæorum distincta sunt, filium Dei esse & Christum esse ; nam filius Dei sic conceptus erat illis figmentum: at Christus revera futurus ipsis; ergo hæc distinguuntur : nam sic filium esse Iudæis, est ens rationis merum & imaginarium: at Messiam & Christum esse, aut futurum esse, hoc verissimum Iudæis.

Secundò probatur consequentia syllogismi à nobis facti ex loco Ioh. 10. vers. 33. vbi dicunt Iudæi : *ob bonum opus non lapidamus te, sed ob blasphemiam, id est, quia tu homo cum sis, facis te ipsum Deum* : hoc crimen blasphemiae objectabant Iudæi, quia Deum hic aliquoties nominaverat Patrem suum vers. 29. *se & Patrem unum esse*, hoc est, quia se filium Dei profitebatur, quod præter alia satis indicat sermo Christi: quo impactum sibi falsò crimen blasphemiae amolitur, concludens se non blasphemasse, sed confessionem verissimam edidisse : *vos dicitis blasphemare, quia dixi Filius Dei sum* : hinc sic argumentor : Messias est homo ex mente Iudæorum, hæc propositio Iudæis tum temporis certissima, Messiam fore hominem : Dei filius

non est homo ex mente Iudæorum : nam ista duo Iudæis sunt incompatibila , Dei Filium esse & hominem esse : ergo Dei Filius non est, nec erit Messias ex mente Iudæorum : voluerunt Iudei Christum lapidare, quod cum homo esset, se Deum, seu Dei Filium fecisset : ergo hæc multum secundum Iudæos distinguuntur; sive existimârint aliquem esse Dei Filium, sive secus.

Hinc ulterius efficitur, Filium Dei non dixisse, se Dei Filium, ex mente Socini, neque Iudæos doctrinam de divinitate Christi sic apprehendisse, vt Sociniani apprehendunt : nam ex mente Iudeorum hæc valde pugnant: hominem esse, & Dei Filium esse : at si ex mente Socini hoc esse Filium explicemus, perit hîc omnis difficultas : nam si Dei filium esse idem est, quod Christum & regem Israelis esse, quam speciem habet obiectio, *Tu cum homo sis, &c.* an hîc aliqua absurditatis species? nulla profecto. Nihil enim convenientius, nec magis necessarium Christo regi, quàm hominem esse : tu cum homo sis, dicis te sanctum, sapientem : quæ hîc rationi Iudaicæ difficultas oboriri potuit? nulla fane. Tu cum homo sis, dicis te ex virgine natum: an Iudei, nisi prorsus deliri, sic obiectare potuissent? cui enim mirum esse potest, hominem esse eum, qui ex virgine natus est? sic nec hominem ex mortuis resurgere & beatâ immortalitate donari, vlllo modo cuiquam mortalium mirum esse potest; inò nemo est qui nesciat, hoc prorsus ad illud necessarium esse.

Tertiò dico, hæc distinguenda esse, Christum
esse

esse, & Dei filium esse; nam hoc notarunt Iudæi crimen capite plectendum, quod filium Dei se fecerat Joh. 19. v. 7: Pilatum verò eo argumento adegerunt ad sententiam condemnatoriam, quod se regem fecisset: istam confessionem blasphemam iudicârunt Iudæi, quod se Dei filium profiteretur, hanc in primis calculo nigro notaverunt, & promptissimè, ob istam confessionis partem, vnanimi consensu sententiam condemnatoriam in illum tulerunt Luc. 22. v. 70. Et si ergo Iudæi, nunc hanc, nunc illam confessionis partem, nunc totam Christo opposuerunt promiscue, non sequitur tamen hæc vnum & idem esse, nam Christus vt erat vtrumque, sic se & Dei filium & Christum profitebatur.

Hæc de primâ adversarij responsione ad rationem septimam; sequitur altera. Hanc sic proponit pag. 231. *Iam quod ad legem attinet, quam Iudæi se habere dicebant, secundum quâ Iesus mori deberet, quia Filium Dei se fecerat; non est intelligendum legem istam, vt fortasse adversarij putant, fuisse eam quâ morte plectebantur, qui ad alienos deos adorandos populum hortabantur, quasi Christus hoc fecisset, prædicans se Filium Dei, quia scilicet ex ipsâ Dei substantiâ genitum se dixisset, atq; hac ratione se Deum fecisset: nimis enim longe petita fuisset ista accusatio, præsertim cum Christus ad vnum illum Deum Israelis omnia referret.*

Resp. Concedi posse Iudeos non respexisse ad legem illam Deut. 13. v. 2. quamquam id ex allatâ à Socino ratione non concludatur. Nam nihil prohibet, Deum alienū, referre diuinitatē suam

suam ad Deum illum vnum. Pontificij sanctorum cultus & honores ad Deum illum vnum referunt : & Papa Romanus omnem potestatem à Christo in se derivatam dicit. Quid ? hæc ipsa erat Iudæorum accusatio , quod ita se Deum diceret , vt se Dei filium , & Deum Patrem suum agnosceret , tantum abest ergo , vt relatio illa ex opinione Iudæorum , objectum alieni Dei crimen refellere potuisset ; vt illa ipsa sit causa justissimæ accusationis , vt quidem arbitrantur Iudæi.

Socin.

pag. 232.

Post hanc legem profert alteram , ad quam respexisse putat Iudæos , quæ scripta extat Deut. 18. v. 20. *Propheta qui arrogantia depravatus , voluerit loqui in nomine meo , quæ ego non præcepi illi , vt diceret , aut ex nomine alienorum Deorum , interficietur* : summa eorum quæ amplius adfert vt legem hanc applicet , est , Christum reum mortis esse Iudæorum opinione , quia se falsò dicebat Christum esse , quod illi à Deo minimè præceptum.

Resp. Hanc legem statui etiam posse Levit. 24. v. 14 : collatio enim legis & criminum & sententiæ Iudæorum , apertum videtur facere , eos eò respexisse. 2. Esto respexerint ad legem illam Deut. 18. (quod non malè affirmatur) reū tamen Christum pronuntiant ex vi legis illius , non quia se Christum , sed Dei filium dixisset.

Tertiò ait , potuisse Iudæos falso iactare illam legem ; aut non fuisse expressam legem ; sed à Patribus datam ex interpretatione verborum Moysis , & in specie constitutam in eum , qui se Christum predicasset.

Resp.

Resp. Esto, falsò jactaverint Iudæi legem illam, & sit lex Patrum, non lex Moſis expreſſa; manebit tamen hoc, filium Dei eſſe, & Chriſtum eſſe, in Chriſto diſtinguenda eſſe, vt dixi.

2. Non falsò jactaverunt Iudæi ſe legem habere, adverſus blaſphemos Pſeudoprophetas &c. Erat lex illa expreſſa, & ſi qua lex fuit, conſtituta ſpecialiter in eum, qui Meſſiam ſe falsò prædicaret: lex tamen illa, ſecundum quam agunt adverſus Chriſtum, quatenus ſe Dei filium fecit, ab illâ lege diſtinguenda eſt.

Ex hiſce ſic poſitis, deducit Socinus hoc conſectarium, *eos non ſimpliciter ob id, quod talem ſe quis vocâſſet, illum dignum morte cenſuiſſe, ſed quia falsò vocaſſet.*

Resp. Per antithelin, ex hiſce ſic poſitis à nobis, ſequitur eos ſimpliciter, ob id quod ſe Dei filium diceret, dignum morte cenſuiſſe: non poterat enim, qui homo erat, vt opinabantur Iudæi, ſine falſitate, ſe Dei filium vocare.

Mox alterum apponit conſectarium: *adverſarios vehementer falli, ſi vt quidem omnino videntur, exiſtimant, Chriſtum propterea accuſatum fuiſſe à Iudæis, quod ſe Dei Filium feciſſet, quia id videlicet dixiſſet de ſe, quod fieri nullo modo poterat, vt quidem ipsis videbatur.*

Resp. Hoc non eſt mirum, vt quis ſibi tribuat ea, quæ ei competere poſſe, adverſarius judicat impoſſibile eſſe: Iudæi Chriſtum de eo accuſabant, quod ſe Chriſtum diceret, & tamen nullo modo fieri poſſe putabant, vt talis, qualis ille erat, Chriſtus eſſet, ſicut Iudæi iſtâ opinione excæcati ſunt, & manent vſque in hodiernum

num diem. Dices, judicant hoc quidem impos-
sibile esse, ut Iesus noster Messias sit; non ta-
men absolutè Messiam esse: sed neque hoc no-
vum est, ut quis accusetur de eo, quod accusans
nullo modo esse posse, persuasissimum habet.
Adversarius nobiscum in Pontificijs reprehen-
dit dogma transubstantiationis, quod tamen
sic se habere nullo modo posse credit. Quin tu
Socine, Christianum orbem de hoc ipso accusas,
quod credat Iesum Christum Patri ὁμοῖον esse;
quod fieri nullo modo posse, tibi & Racovien-
sibus tuis videtur. Denique non est certum,
quod adversarius præsupponit tanquam certū:
nam etsi credebant, eum qui homo est, Deum
aut Dei filium esse non posse, non sequitur cre-
didisse simpliciter aut absolutè, Deum non ha-
bere filium.

Socin.

pag. 233.

Posthec sequitur nunquam probaturos, aut ve-
rissimile effecturos adversarios, Iudeos de aliquo Dei
Filio, ex substantiâ ipsius Dei generato vel cogitas-
se, nedum persuasos fuisse, quod tamen necesse esse di-
cit, si nomen Filij Dei, quod Christum sibi arro-
gasse dicebant, & propterea illum accusabant, istam
generationem ex ipsâ Dei substantiâ, apud ipsos
significasset, propter id, ut putat, quod dixit de arti-
culo illo, qui omnino demonstrat, Iudeos ipsum Dei
Filium, quem se faciebat Christus, minimè rem
falsam aut imaginariam esse, existimasse, sed de eo
aliquando exituro persuasissimum fuisse.

Resp. Ad questionem propositam, pro nobis
concludendam, non requiritur istius probatio:
probandum nobis erat, distinguere illa, Christum
esse & Dei filium esse, & Iudeos intellexisse,
quod

quod Filium Dei diceret se ita ut Deus esset, ac proinde quod naturalis Dei Filius, in sensu orthodoxo: ad istam Iudeorum accusationem, non est necesse, eos vel cogitasse vel credidisse, esse talem Dei Filium: nam siue crediderint siue non crediderint, ad istam accusationem non facit; ideoque ejus probatio immerito à nobis in hac controversiâ requiritur: ratio propter quam adversarius existimat, sic statuendum esse, nulla est: nam articulus aliquando additus, aliquando omisus, etiam tum, ubi legem urgent Iudæi, & quando additur, vim istiusmodi designandi ei non inesse supra demonstratum est, ut inde concludi posset, existimasse Iudæos, ipsum Dei Filium, rem falsam, aut imaginariam non esse.

Concludo itaque contra Socinum: cum Christus se Dei Filium professus sit, in istâ confessione, quod ex Dei substantiâ esset genitus, mortuum esse.

Haftenus tractata minor Syllogismi, formati ex loco primo classis tertiæ, in quâ tractatione, tum rerum tractandarum copia & dignitas, tum necessitas & materiæ gravitas prolixiores nos esse coegit. Dixi, etsi in enervandâ assumptione potissimum defudet adversarius; majoris tamen consequentiam prorsus intactam non relinqui. Sic enim adversus majorem excipit. *Posito quod Socin. Christus genitus sit ex substantiâ Dei Patris, non tamen sequitur, eum esse unum & eundem Deum cum Patre: ut enim hoc sequitur, necesse est, ut in generatione totam & eandem numero substantiâ Patris acceperit. Hoc autem, cum omnino alia sit persona Patris, alia Filij, nullo pacto fieri posse supra breviter docuimus.* pag. 234.

Resp.

Resp. De his visum supra, in primâ objectionē contra minorem primi argumenti tertię classis, vt & de ijs, quæ hic subjungit, de multiplicatione essentiæ, ejusdemque partitione. Tantum hîc nonnihil annotabo ad id, quod movet de partitione essentiæ: sic enim ait: *si statuatur, Christum ex Dei substantiâ fuisse genitum, portionem ex Dei Patris substantiâ derivatam fuisse, ex quâ Christus constet: quemadmodum ex antiquioribus Theologis Christianis, Tertullianus, Lactantius & alij sensisse videntur.*

Tertullianus religiosè fidem Dei vnus, in trinitate personarum coluit, quod ad rem ipsam attinet: nec duos Deos credidit, sed vnum: nec negavit Patris & Filij essentiam vnā & eandem esse. Quia verò Socinus mentionem facit, de portione ex Dei Patris substantiâ derivatâ, videtur respexisse ad locum illum Tertulliani contra Praxeam. *Pater enim tota substantia est, Filius verò derivatio totius & portio.* Tertulliani verba durè quidem sonant in auribus hujus ævi, sed ex mente authoris commodè & sanè sunt interpretanda. Nam mens Tertulliani non est, essentiam sectilem in partes esse (sic enim Filius ex parte Deus esset) aut Patri decessisse divinitatis partem, per istam derivationem totius; nec voluit eo inducere Tertull. duos Deos essentiâ numericâ distinctos. Restat ergo, quod sic locutus, ratione personalis originis, & quia Pater fons & principium personarum. Et propter hanc personalem derivationem, addidit ibi & hæc verba, *quia Pater major me est.* Mox post hæc verba, *Pater alius à Filio,*
dum

dum Filio major ; dum alius , qui generat , alius qui generatur : & ante hæc verba satis seipsum interpretatur : ita inquit , trinitas per confertos & connexos gradus , à Patre decurrens , & monarchiæ nihil obstrepat , & οἰκονομίας statum protegit , hic unitatem Dei , sub voce vnici imperij indicavit , & sub œconomix statu pluralitatem personarum. Sic pag. 405. edit. Basil. quasi non sic quoque vnus sit omnia , dum ex vno omnia , per substantie scilicet unitatem , & nihilominus custodiatur οἰκονομίας sacramentum , quæ unitatem in Trinitatem disponit. Hoc in Tertulliano perpetuum , quod dictionis duriores difficultate & obscuritate quadam sit involutus : decet ergo hæc & alia quædam , commodius quàm sonant interpretari , & condonare nonnihil vetustati : nam ante hunc apud Latinos , nemo hoc argumentum tractauit ; ideoque non tam ad vocabulorum sonos , quam ad rerum sensus , attendere oportet. Lactantium hic etiam citat , ac si & illi bipartitus Deus fuerit : sed nihil facilius , quàm innoxijs labem hæresios aspergere. Transylvani , qui patrociniū aliquod erroris sui studiosè ex Patribus conquisiuisse videntur , nihil apud Bellarminum , vbi de Patrum auctoritatibus , in hoc argumento disceptat , ni fallor , proferrunt ex Lactantio ; quem tamen causæ suæ patronum invenit Socinus. Is ergo lib. quart. divin. instit. qui de verâ sapientiâ inscribitur , docet , quod Deus creator omnium omnipotentem , genuit filium , & per eum creauit vniuersa : sic enim titulus & argumentum capitis habet , & mox in initio cap. Deus igitur machinator , constitutorque

K rerum ;

rerum, sicuti in secundo libro diximus, antequam preclarum hoc opus mundi adoriretur, sanctum, & in corruptibilem, & incomprehensibilem Spiritum genuit, quem filium nuncupârunt. Sic cap. septim. ejusdem libri, bis natum docet, *eternaliter de Patre temporaliter de virgine*, nihil hîc aut alibi, ex quo suspicari possimus, tam crassè philosophatum de Deo Lactantium: immeritò ergo carbone hîc notatus.

Antequam autem Socinus, hanc disputationem suam, super hoc loco primo classis tertiæ, concludat, visum illi fuit, hoc telum generationis ex ipsâ Dei substantiâ in nos retorquere; hoc pacto. *Nemo sui ipsius filius esse potest, quare si Christus est unius illius veri Dei Filius, nequit ullo pacto fieri, ut ipse Christus sit ille unus verus Deus*: sed de hac retorsione minus, quàm de ranis palustribus laboratur: nam falsum est, Christum sui ipsius Filium esse. Nec Christus est Filius unius Dei absolutè sumpti sed relativè, nempe Patris; & cum omnis filius ejus sit naturæ cujus est Pater, necesse est & hunc filium Deum esse, cum Pater ejus Deus sit. Ait hoc Socin. argumento Ignatium fuisse usum, aut quisquis fuit pag. 245. auctor illius epistola, quæ sub ejus nomine, ad Tarsenses inscribitur: disputans enim, ut ex ipsius epistola propositione apparet, adversus illos, inter alia, qui dicebant, Christum esse illum Deum, qui est super omnia, sic ait (ut quidem habet Latina editio,) quæ ante Græcam, ni fallor, apparuit, & quia non est ipse ille, qui est super omnia Deus, sed filius ipsius.

Verùm responderi potest, vocem Dei non absolutè fuisse sumptâ sed relativè: quod si Ignatio

tio magistro gaudent Sociniani; audiant ipsius adversus sententiam ipsorum iudicium in Epistol. ad Philadelph. Si quis dicat vnum esse Deum, & confiteatur Christum Iesum, sed eundem nudum esse hominem putet; huiusmodi serpens est, fraudem & errorem prædicans in exitium hominum, & est ejusmodi inops sensu cognomento Ebion.

C A P. II. Tertiæ Classis argum.

De loco Luc. i. vers. 16. 17.

EX hoc loco tale argumentum in formâ extruitur. *Ille qui est Dominus Deus Israel, est Deus ille unus: at Iesus Christus est Dom. Deus Israel, ergo est Deus ille unus: Minor probatur dupliciter. 1. Quia Iesus Christus est ille, in cujus conspectu præcessit Iohannes. 2. Quia Iohannes filios Israel ad Christum convertit, & Deum annunciavit, dicens ecce agnus Dei. Hæc summa argumenti cum suis prosyllogismis.*

Socinus tripliciter respondet. *Primò negando minorem syllogismi principalis; Iesum Christum non Socin. esse illū Dom. Deum Israel, sed Deum Patrem esse pag. 247. illum Dominū, ante quē præcessit Ioh. propter causas supra à se explicatas. Deinde ait, in hoc ipso loco, ex quo hoc argumentū ductū est, satis expressum fuisse, quomodo Iohannes, ante Deum ipsum Patrē præcesserit, & quid sibi velint ista verba: & ipse præcedet ante illū, ad finē enim versiculi legitur parare Domino plebē perfectā. Ecce quid fuerit, præcessisse Iohannē ante illū, id est Deum, & quidē Deū Patrem; nempe venisse paratū illi populum perfectum, vel potius, ut Græcum verbū sonat, instructū.*

Nomen enim Domini, ad Christū referri non debere, id suadet, quod in Græco est κυρίω sine articulo.

Resp. Primò per antithesin, Jesum Christum esse Dominum Deum Israel propter causas, supra à me propositas, in responsione ad primam difficultatem, quam adversarius suprà movebat, contra majorem syllogismi ex loco Malach. consulatur locus decimus primę classis. 2. Respondeo Iohannem quidem Deo Patri vias parasse, sed nego Filium excludendum. Nam vias Deo Patri paravit, eo quod & quia Christo paravit, ut ostensum supra in tractatione Malachię; & propterea expressè angelus ad Christum respexit: malè verò contrarium probat adversarius, ex eo, quod in Græco, vox κύριω sine articulo: ad quod cum non sit responsum in examine loci Malach. & non parum præsidij adversarius causę suę esse putat, in hac voculâ additâ vel omisâ, nos hoc loco respondemus.

Socin. pag. 151. Dixit ibi adversarius, in N.T. voce κύριω, sine articulo, substantivè acceptâ, rarè admodum Christum significari, in Lucę Evangelio nunquam, quamvis in eo frequenter Christus solo τὸ κυρίω nomine appelletur, sed ferè semper Deum, nempe, quia in V. Test. Gręcâ translatione, nomen κύριω, sine vlllo articulo, tanquam si proprium nomen esset, ad Iehovam, proprium Dei nomen, exprimendum, ferè usurpatū fuerat.

Resp. Sine articulo legitur substantivè accepta vox κύριω Act. 2. v. 20. priusquam veniat dies ille Domini, magnus & illustris, & 21. quicumque invocaverit nomen Domini: Act. 5. v. 19. angelus Domini: Act. 8. v. 28. angelus autem Domini

ni loquutus est Philippo, v. 39. Spiritus Domini rapuit Philippum : Act. 11. v. 16. recordatus sum verò illius dicti Domini, quum diceret, Ioannes quidem baptizavit aqua, & 21. fuit autem manus Domini cum eis : Act. 12. v. 7. & ecce angelus Domini supervenit, rursum v. 12. nunc verò scio Dominum emisisse angelum suum : Act. 13. v. 10. non cessabis pervertere vias Domini rectas : & Rom. 1. vers. 7. sine articulo. Rom. 10. v. 9. 12. 13. Rom. 19. vers. 6. ter sine articulo : Rom. 16. v. 2. 1. Cor. 1. v. 3. & 31. 1. Cor. 1. v. 16. 1. Cor. 4. v. 4. & 17. 1. Cor. 7. v. 22. bis, & 25. & 39. 1. Cor. 9. v. 1. & 2. 1. Cor. 10. v. 21. bis sine articulo : 1. Cor. 11. v. 11. & 32. 1. Cor. 12. v. 3. & 5. 1. Cor. 16. v. 10. & 19. 2. Cor. 1. v. 2. 2. Cor. 2. v. 12. 2. Cor. 3. v. 16. & v. 18. bis : 2. Cor. 10. v. 17. 2. Cor. 11. v. 17. ad Gal. 1. v. 3. Eph. 1. v. 32. cap. 2. v. 21. cap. 4. v. 1. & 5. & 17. cap. 5. v. 8. cap. 6. v. 10. & 21. Philip. 1. v. 2. 14. cap. 2. v. 24. & 29. cap. 3. v. 1. cap. 4. v. 1. & 2. Col. 1. v. 2. Sed quid diutius his immoror ? fallit hæc adversarij regula, & planè erronea hæc ejus observatio est, voce *κύριος* sine articulo substantivè acceptâ, rarò admodum Christum significari : nam jam commonstratum est & multò copiosius demonstrari posset, si vlla ejus rei vtilitas aut necessitas esset. Non ergo intendit Sp. S. additione vel omissione istius articuli, hoc discrimen inter Deum Patrem & Dominum nostrum Jesum Christum, nam quod ad Deum Patrem attinet, admodum promiscuè vox illa *κύριος*, tum cum articulo, tum sine articulo legitur passim, per totum N. Test. quod adeo obvium,

vium & frequens est, vt neminem, modò cum aliquà animadversione contextum Græcū legat, latere possit : minimè ergo cogitandū est, Apostolos, cum de Deo Patre loquerētur, & articulum omitterent, ideo omisisse, quia ille per vocem *κύριος* expressus, sine articulo exprimendus fuit; nam sic vitio non careret, articulū addidisset. Hæc vocula Socino semper in acie, pròpta ad omne obsequium, per potentiam obedientialē, vt loquuntur in Scholis, & in quosuis tonos flexilis. In superiori argumento hæc vox erat designativa, & singularitatis cuiusdā nota necessariò; hīc verò non Patris illa, sed Filij. In loco ad Cor. 10. *neque tentemus τὸν χριστόν*, additus erat ab Apostolo, ne quis de ipso tantū Christo Iesu eum loqui suspicaretur: is enim Christi simplici nomine, sine vlllo articulo, tanquam si proprium ejus nomen esset, sæpissimè significatur. Vana prorsus observatio, vt eo loco dictum; nā promiscuè legitur, nunc cum nunc sine articulo. Hactenus de minore syllogismi principalis.

Socin.

pag. 248.

Prosyllogismus primus, quo firmatur minor, in formā sic habet. Ille, in cuius conspectu præcessit Ioh. est Dom. Deus Israel. At Iesus Christus est ille, in cuius conspectu præcessit Iohan. Ergo. Hanc majoris negationē proponit adversarius, cum sic scribit. *Deinde dicimus, pronomen ejus relativum, hebraico more, potuisse poni pro antecedente: vt scilicet non referatur ad Deum Israelis, proximè nominatum, sed Christum ipsum, quāvis antea non nominatū, significet: hunc hebraica lingue usum in ipso N. Test. alibi inueniri ait, præsertim apud Ioh. 1. Epist. cap. 2. v. 3. potissimum autem c. 3. v. 2. vbi*

v.2. ubi similiter ut hic, quamvis Deus, & Deus quidem Pater nominatus antea fuisset, subjunguntur tamen illa verba, scimus quoniam cum apparuerit, similes ei erimus, quoniam videbimus eum sicuti est. Certum est enim verbum apparuerit, & consequenter pronomina ei & eum, ad Christum referenda esse, non autem ad Deum Patrem.

Resp. Quando relativum refert antecedens, quod non præcessit, & pro eo ponitur, tum facile intelligi potest ex loci circumstantiis, & naturâ rei, de quâ agitur, quodnam illud antecedens sit: hîc verò, ad istiusmodi antecedentis Eclipsin confugere, præter rationem est: nam nec loci circumstantia id suadet, nec in rei subjæctæ materiâ ullum pro hac opinione argumentum. Deinde in loco Ioh. Christus fuit nominatus, nam v.28. cap. præced. dixit Ioh. *nunc igitur filioli manete in eo, ut cum patefactus fuerit habeamus fiduciam, neque pudeamus coram eo, in ipsius adventu.* 2. Hîc de patefactione agitur, ex quâ intelligitur, de Christo hæc intelligenda: at in loco Luc. agitur de re, quæ tam Filij quàm Patris, in id quæ non Patris, nisi quæ Filij, & quæ Filio à Malach. Zach. & Ioh. Baptista tribuitur.

Secundò hîc multus est in eo, ut probet hisce vocibus angeli, *μεγαλύνει τὴν ἐνώπιον αὐτῆς*, sanctionem baptistæ, non autem functionem præparatoriam viarum Domini significatam esse. Sed hîc illi figendus gradus non fuit: nam vis argumenti, ut eo probetur, Christum esse Do-

Socin.

pag. 248.

249. 250.

minum Deum illum Israel, non est in eo, quod præcessio ista notat functionem præparatoriam Iohannis; sed in præcessionis actu, quicquid

tandem ille præcessionis actus sit. Nodus ergo argumenti istâ responsione non tangitur : nam neutram partem syllogismi vlllo modo concutit. Quamquam ergo hoc totum , tanquam *ἀπερὶ-
δόντων* præterire possemus , tamen non in con-
sultum videtur ostendere, Socinū interpretatio-
nem attulisse horum verborum minimè veram.
Ait Socinus pag. 249. *si vocis ἐνώπιον vis & usus
consideretur , quæ nunquam aliud significat , quàm,
ut dictum est , coram sive in conspectu , non modo ap-
posita , sed necessaria videbitur interpretatio , si non
planè ista quam attulimus , saltē ei non absimilis : per
quā videlicet , non præcessio vlla ante Deum Israelis
significetur ; sed progressio aliqua in ejus conspectu.*

Resp. Nec vox ἐνώπιον , vllâ ratione probat
hanc opinionem, nec altera illa. Non prior vox
ἐνώπιον : nam & Malachias & Evangelistæ &
Zacharias, imò Christus ipse, istam vocem retu-
lerunt ad functionem præparatoriam Iohannis.
Quin & ipse adversarius hanc interpretationē
tum agnovit appositam , cum de loco Malach.
ageret. Nec altera illa vox pro hac opinione
militat , nam ἀπερχομαι progredior , procedo,
quidem Græcis est , sed cum jungitur hisce ver-
bis, *coram me, coram es*, annon evidenter conno-
tat præcessionem , vel saltem connotare potest ?
integritatem vitæ nusquam notat, ut phrasis illa
ambulare in conspectu Dei. Deinde dato vocem
illam, ex nativâ suâ vi, præcessionem non dicere,
aut functionem præparatoriam , evidens tamen
est , hoc eâ voce angelum hîc significatum vo-
luisse. Quid tergiversatur in re clarâ ? Malach.
habet , *preparabit viam ante faciem meam* : Mat.
& Marc.

& Marc. habent : *Ecce ego mitto nuntium ante faciem meam , qui preparabit viam tuam coram te : Iohannes vt nuntius præcessit , præcessit ergo : quomodo nuntius ante faciem ? Exponit Saluator , præparando viam , nec aliter Zacharias , præibis ante faciem Domini , vt pares vias eius : & Iohannes ipse optimus verborum angeli interpres 1. Iohan. 1. 6. 7. 8. & hîc dicitur , præcedet , vt paret Domino populum instructum . Sunt ergo omnino hæc verba exponenda de præcursoriâ functione Iohannis , quamquam simul verum sit , isti præcursoriæ functioni inclusam fuisse sanctimoniam Baptistæ .*

Instat , de præcessione Baptistæ hæc verba nō exponenda , *quia de eâ non agitur Mal. 4. v. 5. ad quem angelum respexisse constat . Resp. in eo loco quidem hæc verba expressè non legi , virtute tamē contineri in ijs , quæ ibi expressa sunt . 2. Respondere possum in istis suis verbis , præcedet in conspectu eius , angelū non respexisse ad hūc locum Malach , sed ad locum Malach. 3. v. 1 : nā præcedendo præparavit , & præparando præcessit Baptista . Hunc locum etiam Socinus de manu nobis excussurus , respondet , sed ita , vt secum ipse pugnet ; nec quicquam adferat , quod vim aliquam novam habeat .*

Socin.
pag. 249.

Socin.

Verba ejus sunt. *Cap. porrò 3. v. 1. Malach. pag. 250. si quis eò angelum respexisse velit , etiamsi suprâ tacite quodammodo concesserimus , ibi agi de præcessione quadam , tamen hîc apertè monemus , verba ante faciem meam , idem significare posse , quod in conspectu meo , quemadmodum ipsa sonant , & apud omnes tres Euangelistas Mat. 11. v. 10. Marc. 1.*

v. 2. Luc. 7. v. 27. ubi istius vaticinationis fit mentio, est in Græco vox ἐμωγεοθεν, quæ rectissime coram sive in conspectu verti potest.

Resp. Ita secum decertet Socin. qui suprâ de præcessionem exposuit Euangelistas & Zachariam, unâ cum Malach. cum de hoc loco ageret; nunc verò monet, alium esse sensum horum verborum: sed straminea esse, quæ adfert, ostensum spero. Quod subjungit denique Zachariam cum diceret, Iohannem præitutum ante faciem Domini, tantum ad Malach. locum alluisse, & similem sententiam tantum attulisse, præter & contra omnem rationem dicit, nam apertè & Zacharias & Euangelistæ & angelus & Christus ipse ad locum Malach. respexerunt, & verum prophetiæ sensum nobis exposuerunt.

Prosyllogismus alter sic habet. Ille, ad quem Johannes filios Israel convertit, ille est Dominus Deus ipsorum: at Christus est ille, ad quem Johannes filios Israel convertit. Ergo.

Socin.

pag. 251.

Hujus prosyllogismi Socinus minorē negat. Adeo non convertisse ait, ut ne quidem potuerit; convertitur enim inquit quis ad eum, cui antea meritò aliquâ ratione adhærebat, & postea ab ipso, sine justâ causâ alienus factus est, aut saltem, cui adhaerendum esse, jam aliquâ ratione apertè ac publicè confirmatum sit. Atqui Israelitæ, quos ad frugem revocavit Iohan. nunquam Christo prius ullâ ratione adhaeserant, nec Christo adhaerendum esse, apertè ac publicè ante Iohan. prædicationem, ullâ ratione confirmatum fuerat: quare nec illos ad Christum convertere potuit: sed tantum, sicut fecit, eos ad illum mittere, utque in ipsum crederent, monere. Ad De-

um igitur, non autem ad Christum, convertebat homines Iohannes, & Paulo post, pœnitentiam propriè ad Deum, quatenus à Christo distinguitur, referri docent verba illa Pauli. Act. 20.v.21.

Resp. Probari non posse, omnes qui erant à Iohanne convertendi, aliquando revera Deo adhæsisse, imò multo verius est, eos maximam partem, semper fuisse alienatos à vitâ Dei, quod ipsum non obscurè indicatum est, cum scopus Iohannis fuerit, cor Patrum ad filios, & filiorum ad Patres convertere: Patrum ergo integritas, in filiis non fuerat. Prior ergo hæc conditio, nō necessariò ad conversionem requiritur, at propterea, etiamsi Christo hæc conditio decisset, nihilominus verò dici posset, Israelitas à Iohanne ad Christum convertendos. 2. Dico verum non esse, Israelitas veros antea non adhæsisse Christo; aut antea non fuisse confirmatum, aliquâ ratione ei adhærendum esse: nam spes & fides in illum venturum præscripta fuit: duobus enim V. Testam. doctrina concluditur à Malachia, *recordatione legis Moysi; & ecce ego missurus sum vobis alium Prophetam.* 3. Dato apertè ac publicè confirmatum non fuisse, ante Iohannis prædicationem, Christo adhærendum esse; nego inde sequi Iohannem Iudæos ad Christum convertere non potuisse. Ratio negationis est, quia Iohannes hoc ipsum ac apertè publicè confirmare potuit, ei adhærendum esse, & hoc facto adhortari vt adhærerent; quinimo ipsa adhortatio, facta à viro, qui Dei Spiritus ductu infallibili ducebatur, indicabat justas esse causas, cur esset adhærendū Christo. Denique si Iohan. ad
fidem

fidem adducere potuit in eum, in quem credendum esse, juxta adversarij Hypotheses, non constabat, propter apertam ac publicam confirmationem, ante Iohannis prædicationem factam; etiam convertere potuit ad Christum, etsi hoc antea apertè ac publicè confirmatum non fuit. Iohannis autem fuisse ad fidem adducere, docet Paulus Act. 19. vers. 4. *Iohannes baptizavit baptismo resipiscentiae, dicens populo, ut in eum, qui veniebat post ipsum, crederent, hoc est in Christum Iesum; quod & hoc loco agnoscit adversarius, cum ait, monuisse eos, ut in ipsum crederent. Jam verò hortari ad fidem, est ministerialiter ad fidem adducere, & sic etiam ad Dominum Christum convertit: nam via illa, quæ erat paranda Domino, in poenitentiam consistebat, & hæc Domini via, quia Dominus ad illos accessurus per hanc viam, ut capaces salutis & remissionis peccatorum. Dices, conversio quidem homines præparabat ad Christum debitè excipiendum, erat tamen conversio non ad Christum, sed ad Deum. At contra contendo Iohannem conversionem postulasse etiam nomine Christi, ipsi, ut Domino Salvatori & iudici debitam: nam poenas pertinacibus à Christo iudice impendentes denuntiabat, ut habetur Luc. 3. v. 17. & remissionem peccatorum in melius conversis, in eodem Christo monstrabat. Accedit, quod cum rebellio Iudæorum duplex fuerit, una adversus legem, altera adversus pactum promissionis; Iohannes autem venerit ad convertendum rebelles, ad prudentiam justorum, meritò in illa conversione, conversio ab utraque rebellionis parte*

parte comprehenditur.

In loco Act. 20. v. 21, ubi Paulus testificatur, *Judeis atque gentilibus pœnitentiam in Deum, & fidem in Dominum nostrum Iesum Christum* istam Socini mentem non intendit Apostolus sic loquens. Nam fides in Dominum Jesum, est etiam fides in Deum. 2. Pœnitentia Iudeorum in Deum erat etiam pœnitentia in Christum ut Mediatorem, qui in V. Fœdere illis erat promissus, & quia Iudei hunc Dominum glorię crucifixerant, pœnitentiâ illis in Dominū tam opus erat, quàm quod maximè, ut apparet ex Act. 2. v. 37. 38. Act. 3. v. 19. Act. 5. v. 30. 31. 3. Et quamvis hac in parte inter Iudæos & gentiles discrimen sit, quod ad pœnitentię mandatum, quia hi verbum promissionis non habuerunt, nihilominus tamen hæc non tantum voluntas Dei, sed & Christi erat, ut converterentur à peccatis suis. Nec præceptū pœnitentię non tantum Dei erat, sed & Christi: nam ille juxta adversariorum hypotheses, divinum imperium, ac potestatem absolutam in omnes in cælo & terrâ existentes, erat consecutus: ergo & ille secundum legislatoriam potestatem suam, legem non tantum fidei, sed & pœnitentię tulit. Dixit enim Apostolis suis, ut docerent gentes servare omnia, quæ mandaverat ipsis, & in suo nomine resipiscentiam ac remissionem prædicari iussit apud omnes gentes.

CAP. III. Tertiæ Classis argum.

De loco Iohan. 5. vers. 8.

ARgumentum ejus loci sic habet. *Qui est æqualis Deo summo, est Deus ille unus: at Christus est æqualis Deo summo: ergo.* Major patet, quia si Iudæorum, hoc proferentium, opinio falsa fuisset, Euangelista, aut Christus, virgâ censoriâ notavissent, ut Ioh. 2. v. 21. & Ioh. 21. v. 23: at Christus adeo non reprobavit, ut responso suo potius comprobaverit.

Socin.

pag. 253.

Socinus primò majorē negat, eum, qui summo Deo æqualis est, esse Deum illum summum: ille invertit, & ex eo consequi ait, non esse Deum illum summum, quia nemo sibi æqualis.

Resp. Majorem verissimam esse, hoc isto dilemmate probo. Aut ille, qui Deo summo æqualis, habet essentiam realiter distinctam ab essentia illius Dei summi, ratione cujus, ille Deo summo est æqualis: aut habet cum eo, in personali distinctione, essentiæ unitatem: nulla alia ad æqualitatem via est: at duæ naturæ divinæ adversario non sunt, ergo æqualitas hæc fundatur in unitate naturæ, cum distinctione personali; per quod etiam retunditur illud, nemo sibi ipsi æqualis, Filius hîc non Deo æqualis, sed Deo Patri æqualis dicitur.

Secundò multis adversus minorem disputat, eam limitando & restringendo, ut inde deducatur æqualitas, quâ multis modis summo Deo minor.

Socin.

pag. 254.

Primò dicit *æqualitatem tantum in operatione hîc poni; in æqualem in eo, quod Filius nihil à seipso facere*

facere possit, vers. 19. & hoc satis esse, ad demonstrandum, Filium non esse illum summum Deum, quia nihil absurdius aut magis impossibile, quam summum illum Deum, nihil à seipso facere posse.

Resp. 1. negando æqualitatem tantum in operatione poni, non enim Iudæi strictè æqualitatem in operando illi tribuunt, sed quod se æqualem Deo faceret, Deum dicens Patrem suum. 2. Æqualitas in operando inducit æqualitatem in rebus alijs. 3. Inæqualitas illa, quod Pater à se, Filius à semetipso non potest operari, non inducit inæqualitatem potentiæ in se; sed tantum indicat in Patre, sine origine esse; in Filio originem habere: nec istam disparitatem inter Patrem & Filium diffitebantur Iudæi; sed agnoscebant: nam hoc ipsum stomachabantur, quod Deum dixisset Patrem suum: hoc illud est, quod sententia orthodoxa profitetur, Filium à Patre esse: & tantum abest ut hoc absurdum & impossibile sit, Filium esse, & non esse ab alio; sic enim contradicens in adjecto esset.

Secundò amplius exponens, quid sit illud, Filium à se ipso non posse operari, ait hoc esse, necessarium illi esse, videre Patrem facientem; opera illi à Patre monstrari, id est, nihil se posse, nisi concessa à Patre potestate ejusdemque jussu.

Resp. Phrasibus istis videndi, demonstrandi, Socin. notari quidem Filium, quoad operationem, relationem ad Patrem habere, & per consequens etiam quoad potentiam: at ista Filio concessa esse precario, cū jam esset Filius, negamus: non enim preponunt nobis Scripturæ Filiū, qui aliquando fuerit impotens: est illi congenitum & naturale

naturale posse, quæ Pater potest. 2. Sententiâ Socini de concessâ potentiâ, iuducit potentiam Filij realiter distinctam à potentiâ Patris; vult potentiam Filij causatam à potentiâ Patris, & sic Patrem non operari, nisi quia Filius operatur, per potestatem à Patre acceptam, & ipsius jussu: at Christus hîc non duas potentias nobis ob oculos ponit, sed vnâ & eandem: nâ Patris operari dicit esse filij operari. Actus primus & secundus hîc exprimitur, nomine actus secûdi. Socinus hæc ita exponit, ut ex vi expositionis ejus sequatur Patrem non operatû cum Christo, nec jam in Ecclesiâ operari: nam si Patrem operari, aut Filium videre Patrem operantem, aliud nihil sit, quàm Filium operari per potestatem à Patre concessam, & juxta mandata Patris; jam Pater potuit & potest, concessâ potestate & datis mandatis, quiescere, & sic habebimus otiosum Patrem vt Franciscus Davidis cum suis, sessionem Christi ad dexterâ Dei, per otium & quietem exponunt, expectantis regnum suo tempore revelandum; imò etiamsi Pater non esset, sed esse desisset (posito quod impossibile) dici posset nihilominus operari, quia Filius operaretur, per potentiam productam aliquando, & juxta mandata à Patre acceptâ. 3. Istis modis loquendi, *videre Patrem operantem, omnia monstrari ei, indicari*, Christum omnia ex alieno præscripto & arbitrio agere, negamus: nam quâ homo, est alieni arbitrij, non quâ Deus: in mandatis Patris, quæ exequitur vt θεῶν υἱὸς & mediator, est voluntarius Filij consensus, & potestatis arbitrium.

Et si Filius omnia agit, juxta mandatum alienum (quod etiam ad tempus glorificationis extendit hîc Socinus) ubi ergo divinum illius imperium ac absoluta in omnia potestas?

Tertiò argumentatur hîc contra æternam, & necessariam ex Patre generationem, voce *demonstrandi*, quæ futuri temporis; nam ex eo colligit *demonstrationem istam aliud esse, quàm aliquid, quod jam ab æterno perfectè extiterit.*

Resp. Demonstrationem illam, quæ tum futura erat, non docere collationem potentiæ, ad actum requisitæ; sed exercitium actus: nam potentia æterna, non actus potentiæ. 2. Pater operabitur, sicuti Filius operabitur, nam Filius non operatur, nisi Patrem operantem viderit: futura autem Patris operatio, non negat, sed supponit æternam potentiam Patris; ergo etiam futura Filij operatio, non arguit potentiam futuram.

Post hæc paraphrasi quadam totum locum Socin. explanavit, cujus in summam contractæ sensus pag. 256. est, *Christum profiteri, se quicquid facit ex concessione & jussu Patris facere; nihil tamen adeo excellens esse, ex ijs quæ Pater facit, ut ipse quoque non faciat: se adeo diligere à Patre, ut nihil faciat ipse, quod & se non jubeat, & concedat facere, & majora mandaturum & concessurum esse.*

Resp. Hanc interpretationem coactam, & inconcinnam in multis esse. 1. Coactum & durum est, quæcunq; facit Pater, exponere, Pater jubet & concedit me facere. 2. Coactum plane est: quæcunque ille facit, hæc etiam filius pariter facit, exponere: facio illa quæ concedit
L faciendæ

facienda mihi Pater, & in mandatis mihi dat: si enim Patris operari, aliud nihil est, quàm potestatem operandi concedere, Filij erit, per potestatem concessam operari: sic certè operari Patris & Filij toto genere differunt: at Christi verba indicant duo illa agentia, habere unum, commune & indistinctum opus: tale ergo operari Filij, quale Patris; ergo si Patris operari est potestatem concedere, & Filij operari hoc erit. Rursus si Dominus mandat, & servus exequitur; ineptit sane, si dicat quæcunque Dominus meus facit, ego similiter facio; nam mandare & obedire sunt diversissima, nec æqualium ut hæc, *quæ Pater facit, Filius similiter facit*, sed dignitate & gradu prorsus imparium. 3. Est animadvertendum, Filium non dicere his verbis, in fine vers. 19. Se quicquid facit, & concessione & jussu Patris facere; *sed quacunque facit Pater, se similiter facere*: quæ verba non originem aut derivationem potentia Filij à Patre indicant, sed ejusdem amplitudinem, & cum paternâ æqualitatem. 4. Socinus, naturâ rei subjectæ, & vi veritatis compulsus, istam vocis faciendi significationem in paraphrasi vers. 20. non retinuit: nam ibi facere Patris, distinguit à mandato & concessione.

Socin. Postremò, concludens hanc totam suam rationationem, ait falli adversarios, qui putant, pag. 257. *ex Christi verbis, quæ subjunxit sententia Iudeorum, constare, eum professum fuisse, se simpliciter & absolute Deo æqualem esse, cum potius contrarium manifestè fuerit professus.*

Resp. Liquere ex dictis, Christum professum

sum fuisse & demonstrasse id, quod Iudæi blasphemum putabant, verissimum esse: nam ostendit nihil esse excellens & divinum Patri, quod non sit suum; & se nullà in re à Patre distinguit, nisi in eo, quod Pater: ac proinde potentia vivificandi ad æternam vitam, non defuit illi, cum in terris ageret, quamquam Socinus hoc neget sine ratione, qui verbis temporis presentis enuntiatur, per futurum interpretatur. Videat hac de re lector suprà, in examine loci Psalm. 2. vers. 7. & Rom. 1. v. 4: neque illud futurum *demonstrabit*, indicat potentiam futuram, quæ non esset: nec voce demonstrandi indicatur directè communicatio potentiæ; sed Filium non operari, nisi operante Patre, nec aliter operari posse: ex quo per consequens efficitur, potentiam ipsam à Patre communicari, cum modus agendi sequatur modum essendi, ut loquuntur; & demonstratio futura, non magis arguit novam potentiam Filij, quàm Patris.

Hæc de primâ contra minorem difficultate, sequitur altera, quam se movere potuisse ait, negando Evangelistam verba illa, faciens se aqualem Deo, ex suo & non potius ex Iudæorum tantum sensu protulisse: nam narrat etiam Iesum Sabbathum soluisse: satis enim constat, Iudæis tantum ita visum fuisse.

Resp. Satis ostenditur, per subjectam à Christo explicationem non parum discriminis esse inter hæc duo; nam Sabbathum soluisse Christum falsum erat, & Christus se hoc crimine purgavit, per apologiam sub-

Socin.

pag. 159.

sequentem : propterea non potest præsumi, hoc Iohannem ex sensu proprio protulisse : at quod ad objectam cum Deo æqualitatem attinet, Christus hoc non tantum non diluit, sed ut verum, multis egregijs argumentis confirmavit : sentiendum propterea Evangelistam hoc ex sensu proprio retulisse ; in quo assentientem habemus Socinum, qui rejectâ illâ suâ propositione, ex modo illo loquendi, quo usus est Evangelista, sentit, *eum omnino unâ cum Iudeis censuisse Christum, verbis illis, se æqualem fecisse Deo, quia si Evangelista de opinione tantum Iudeorum loqui voluisset, quam ipse penitus improbasset, sentit additurum fuisse verbum aliquod, quo id significaret.* Quod ad sabbati solutionem attinet, idem sentit: verba ejus sunt, *dico revera Christum solvisse Sabbatum, antiquis Iudeorum traditionibus inspectis : ad quam aliquo modo veram sabbati solutionem, non autem ad falsam aliquam Christo à Iudeis objectam, Evangelista respexit, ejusque, cum ita locutus est, rationem habuit.*

Resp. Malè dici Iudaicarum traditionum neglectum, veram sabbati solutionem : sabbatum non solvitur nisi violatâ lege, quam Deus de sabbato tulit. Neque crediderim Christum operibus suis miraculosis, in Iudeorum de Sabbato traditiones, quæ quidem tum revera obtinebant, peccâsse; imo prorsus contrarium mihi ex eo persuadeo, quod Christus Iudeis, eum quoddie sabbatino ægrotos sanaret, accusantibus, objecit. *Quis vestrum si asinus aut bos in puteum incidat, non statim extrahat eum die Sabbati? si ergo hoc tum licuit juxta traditiones Iudaicas*

Iudaicas, ergo & hominem sanare : licuisse verò hoc Iudæis inde patet ; quod Christus mendacij à Iudæis non fuit coargutus. Concludo itaque, quod sanans Sabbato, non solverit Sabbathum Iudæorum traditiones transgrediendo : hodiernæ quidem Iudæorum traditiones non permittunt, pecudem Sabbato puteo extrahere, sed illæ sunt novellæ, in corpus *mischnaios* & traditionem veterum relatæ, odio Christianæ fidei, multis post nativitatem Christi annis, vt rerum ignaris persuaderent, Christum falsiloquum esse. Hinc patere potest, vt hoc obiter dicam, quàm inanis sit gloriatio Rabbi Lipmanni, in libro, quem Triumphum de historiâ quatuor Euangelist. reportatum inscripsit, & edidit an. 1459, cum Christum accusat quod hoc falsò de Iudæis dixerit: *quis vestrum, si asinus aut bos in puteum incidat, non statim extrahat eum die Sabbati ?*

C A P. IV. Tertiæ Classis argum.

De loco Iohan. 10. v. 30.

E Go & Pater unum sumus : Hujus loci sententiam, non minus nervosè quam brevitur, exponit Cyrillus, utrumque inquit audi, & unum, & sumus : quod dixit *unum*, liberat te ab Ario, separante Filium à substantiâ Patris: quod dixit *sumus*, liberat te à Sabellio, confundente personam Patris & Filij, sine discretione.

Syllogismus hujus loci in formâ sic habet.
*Qui unus est essentiâ cum Patre, idem Deus est
 qui Pater: at Christus unus est essentiâ cûm Pa-
 tre. Ergo.*

Minor triplici ratione munitur à Bellarmino
 & Wiekio. Prima est, si est vnitas potentiae,
 ergo & essentiæ. Secunda est, quod Iudei eum
 lapidare voluerunt, quod hoc diceret: intellex-
 erunt ergo se verè Deum unâ cum Patre præ-
 dicare. Tertia, Christus ipse de vnitâte natu-
 re exposuit vers. 16. *Vos dicitis blasphemare, quia
 dixi Filius Dei sum.*

Negat Socinus argumenti assumptionem:
*cum aliunde constet, (verba Socini sunt) hoc ipsum,
 quod Christus & Pater unum sint, nullo modo ad
 essentiæ unitatem referendum esse, ex verbis videli-
 cet illis ipsius Christi ad Patrem Ioh. 17. vers. 22.
 Et ego claritatem, quam dedisti mihi, dedi eis, ut
 sint unum, sicut & nos unum sumus. Apostolis,
 inquit, Christus non dedit claritatem illam, ut fi-
 erent unum essentiâ: & sub finem pag. 62. ait,
 dictio enim, sicut quæ in Christi verbis habetur, o-
 stendit ejusdem generis esse unitatem illâ, quâ Chri-
 stus & Pater sunt unum, cujus ea est, quâ Christus
 curabat, ut sui discipuli unum essent. Satis ergo
 putat, negationis suæ tractationem concludens,
 ostensum ex loco Johan. 17. verba illa. Ego &*

Socin.

*Pater unum, non loqui de essentiæ unitate: quam-
 pag. 264 quam interim, inquit, phrasis illa ad quoscunq; ali-
 os relata inveniatur, si aliud significare deprehendi-
 tur (quam scilicet unitatem essentiæ) hoc similiter
 fitis est, ad argumentum, ex illis tantummodo
 Christi verbis extractum, penitus dissolvendum,
 ut cum*

ut cum Paulus ait. 1. Cor. 3. vers. 8. *Eum qui plantat, & eum qui regat, unum esse*: Gal. 3. v. 28. *Omnes vos unum estis in Christo Iesu*: Hæc summa Socinianæ negationis est: Argumentum ejus est: sic Deus Pater, & Christus unum sunt & dicuntur, ut Christus Apostolis dedit esse unum: at Christus dedit Apostolis esse unum consensu voluntatis. Ergo.

Resp. Ad majorem, me negare eam, Christum & Patrem non esse aliâ ratione unum, quàm Apostolos: nam Pater & Christus essentiâ etiam unum sunt; nam ita unum sunt, ut Iudæi rectè judicarint ipsum dicere, se Deum esse: & Filius ipse ait, Patrem, Patrem suum esse, & se sic unum cum eo esse, ut asseueret se Deum, & Dei Filium esse: meritò ergo negatur major: nam si addatur particula *tantum*, falsa erit, quam addi debere, jam ostendi, ex expositione loci Ioh. 10. Quocunque ergo modo exponantur illa Iohannis verba; sive primò de potentiæ & voluntatis unitate, ut à nonnullis, & per illationem de unitate essentiæ; sive primò de essentiæ unitate, & illativè de potentiæ & voluntatis; ut ab alijs; illud fixum manere debet, essentiæ unitatem hinc concludendam, propter Iudæorum de istis verbis iudicium, à Christo non damnatum, sed approbatum & confirmatum.

Quamvis verò Christus & Deus Pater, essentiâ etiam, non consensu voluntatis tantum unum sint, nec nota comparisonis evincat contrarium, optimè tamen consistit comparatio, relata etiam ad unitatem essentiæ: nam etsi

hæc Patris & Filij vnitas, ad essentiam relata, specificè differat ab unitate concordia & voluntatis quæ in Apostolis, conveniunt tamen in ratione genericâ vnitatis; quod sufficit ad comparationem. Ita Mat. 17. vers. 20. *si habeatis fidem, ut granum sinapi*, hîc quantitas fidei & quantitas sinapi comparantur, illæ tamen quantitates non sunt ejusdem generis, in sensu quo Socinus hoc loco verba hæc ejusdem generis accepit: intelligis enim specificam unitatem, cum contendit, unitatem Patris & Filij ejusdem generis esse.

Ex hisce sic positis infertur, contra ea quæ præcedentibus subjungit adversarius; etsi phrasis illa, ad alios relata, aliud quid significat, quam essentia vnitatem, vim hoc nullam habere, ad argumentum, ex illis Christi verbis Ioh. 10. vers. 3. exstructum, dissoluendum: non enim ex istis verbis, nudè prolatis, argumentantur Orthodoxi, sed illustratis ex loci circumstantijs. Dicta itaque illa Paulina 1. Cor. 3. vers. 8. & Gal. 3. vers. 28, aliter quàm de essentia vnitatem exponenda: argumentum, ex hoc loco nobili ductum, nullo modo conuellunt propter rationes expositas, ad quas refutandas, post confutationem assumptionis argumenti nostri, accingit se Socinus: quas verò vires habeat ejus refutatio, Deo adjuvante, examinabimus.

Ad primam rationem, in quâ dicitur de unitate potentia & essentia, duo respondet. Pri-

Socin. mō exponi posse Christi verba *de aliâ, quàm po-*
pag. 265. *tentia vnitatem.* Secundò ait, *non valere conse-*
quen-

quentiam à potentiâ ad essentiam.

Ad primam exceptionem respondeo: Etiam-
si Christus tam efficaciter argumentari potuit
in præsentī causâ ab unitate consensus, quàm
unitate potentiæ, & revera Pater & Filius vo-
luntate quoque vnum sint; hinc tamen non se-
quitur, voluisse hoc loco concludere, pro unita-
te consensus Patris & Filij: nam in præceden-
tibus, ad quorum confirmationem hoc adfertur,
non agit Christus de suo & Patris erga oves
suas affectu; sed de suâ & Patris ad salvandas
oves potentiâ, ut illa verba *neque rapier eas quis-*
quam è manu meâ: neque quisquam potest eas
eripere è manu Patris mei, demonstrant clarissi-
mè. Et sic primæ exceptioni, quod ad rem præ-
cipuam, satisfactum puto.

Altera exceptio est, *potentiæ unitatem esse, se- Socin.*
cundum quid, in regendis & servandis ovibus, tam pag. 266.
magnam illi communicatam, quàm Deus habet.
Vnde porro vult effici, rectè ab hac unitate potentiæ,
ad unitatem essentiae non concludi.

Respon. Ubi lex non distinguit, aut limitat,
nos non distinguere aut limitare debemus:
Scriptura nec hîc nec alibi Christi potentiam
alijs circumscribit limitibus, quàm Patris. 2.
Christi potentiâ non alia quàm Patris, sed vna
& eadem, est enim Deus ille, qui Pater, ut se-
quentia demonstrant, in quibus *διαρρήδην* affir-
matur, eum & Deum, & Dei Filium esse. Er-
go, si primò & directè hæc verba sumantur de
unitate potentiæ, unitas essentiae aut supponen-
da aut inferenda erit.

Ad secundam rationem excipit primò, po-

tuisse Iudeos, ad lapidandum impelli, intelligentes Christum non de voluntatis modo, sed & rerum conjunctione loqui. Resp. Bellarm. sic argumentatur adversus eos, cum quibus illi negotiū; nam illi non de essentiæ unitate, sed de concordia voluntatis hæc accipiebant: rectè ergo Bellarm. intulit, cum dogma de unitate consensus tantæ bilis in Iudæis causa esse non possit, statuendum esse, propter dogma de unitate essentiæ tanto-
pere excanduisse. 2. Dico, vt huic etiam exceptioni adversarij occurratur, non rerum quandā conjunctionem, sed unitatē essentię propositam à Christo, & ab ipsis apprehensam, lapidationis hujus causam fuisse; & si etiam alium lapidationis prætextum quærere potuissent.

Socin. pag. 267. Secundò excipit, Christum correxisse sententiam Iudæorum, in interpretandis illis verbis, *ego & Pater unum sumus*: nam ait: *cum illi hoc intelligerent de tali Deo, qualis homo esse nequeat, seu de divinitate loquerentur, quæ cum homine communicari non possit, Christus ostendit, se minimè talem Deum seipsum fecisse unquam, sed tantummodo Filium Dei se appellasse, quia sanctificatus à Patre & missus in mundum fuisset, & consequenter hac ratione & non aliâ se Deum fecisse.*

Resp. Falsum hoc esse; nam non negat Iudæorum de se dictum esse verum, sed negat blasphemum esse: non negat Christus se dixisse hoc, aut Iudeos verum verborum suorum sensum non affecutos; sed in eo eos vehementer errare asserit, quod in eo ipsum blasphemasse arbitrabantur, quod directè negat Christus, & eo probat, quia sanctificatus, & missus à Patre in mun-

mundum : consequenter per missionem & sanctificationem non est Dei Filius ; sed cognoscitur esse Dei Filius : nam cum sit vnus ille cum Patre Deus, vt existimant Iudæi , & non neget dictum de se , sed dicti blasphemiam , non potest missio & sanctificatio illa principium essendi esse, per quod Dei Filius est Dei Filius ; sed necessariò hæc verba *missio & sanctificatio* exponenda sunt, principium cognoscendi.

Ad tertiam rationem excipit Socinus : *primò Socin. ex ijs, quæ disputavit contra primum huiusce classis argumentum intelligi posse , non modo non probari, eum esse illum vnum Deum, verum etiam necessariò concludi, Christum non esse illum vnum Deum.* pag. 268.

Resp. Negando : imò Christus , etiam hoc loco , cum vult dicere se esse Deum illum vnum , dixit se esse Dei Filium : non ergo ex eo meritò concluditur, eum non esse Deum illum, sed contrà, vt nos constanter affirmamus , eum esse Deum illum vnum.

Secundò ait , *cum Christus dixit , Filius Dei sum, non esse necesse , imò ne verisimile quidem, vt respexerit ad illa verba sua, Ego & Pater vnum sumus : cum potius, inquit , ex his verbis appareat (quod & verissimum est) eum alibi antea se Dei Filium appellasse : Christi sanè mentem in suâ responsione fuisse constat, docere , se non modo in istis, sed in nullis alijs suis verbis , Deum talem seipsum fecisse, qualem intelligere præ se ferebant Iudæi.*

Resp. Necessarium esse causas intentati criminis blasphemix non alibi, sed hîc quærendas ; etiamsi non hic tantum sed & alibi Christus se Dei Filium dixerit. Cōtrarium sentire prorsus irra-

irrationalē est: obstat, vt omittam alia, connexio narrationis facti Iudæorum v. 31. cum doctrinā Christi: respexerunt ergo ad hæc & alia Christi verba Iudæi, in quibus Christus hoc loco v. 29. & 30. Patrem dixit Deum suum: ac propterea malè infert Socin. id quod jam satis confutatum.

Socin.

pag. 269.

Idem hoc thema, de vnitāte sui cum Patre secundum essentiam, stabilit Filius Dei ab operibus Deitati veræ proprijs: & cum prius dixisset, *ego & Pater unum sumus*; jam verbis tantundem valentibus ait: *ego in Patre & Pater in me*. Quod rectè propterea per *ἡμεῖς ὅμοιοι* diuinarum personarum exponitur, & in essentiæ identitate fundatum esse dicitur.

Adversarius contra hoc obijcit locum 1. Ioh. 4. vers. 15. 16. *ex istā ratiocinatione sequi, eum qui credit, quod Iesus Christus est Dei Filius, & qui in charitate manet, eum ejusdem naturæ & essentiæ cum Deo esse*. Verūm respondetur, hæc non dici eodem sensu: de Patre & Filio sic accipienda, vt dixi, propter rationes expositas: de fidelibus & Deo dici, in sensu mystico similiter apertum est.

Hanc doctrinam de mutuā Patris & Filij immanentia, impugnandam sibi sumens Ostorod. cap. 9. Institution. Germ. obijcit primò *hoc ex concessione adversariorum impossibile esse, quoniam Trinitatis personas nullatenus permixtas esse; sed prorsus distinctas affirmant*. Respondetur, consequentiam illam nullam esse. Nam etiam in rebus physicis, res se mutuo permeant sæpissime, vt naturā & essentiā interea distinctæ sint: quali-

qualitatis diversæ in eodem subiecto sine confusione sunt, vt color & sapor : in intellectu patiente rerum distinctarum, distinctæ sunt species intelligibiles : nec quia se mutuò permeant, vt sic dicam, veram propterea permixtionem aut confusionem patiuntur, vt nec species visibiles in oculo, nec objecta visibilia in speculis confunduntur : quæ si videmus in naturalibus contingere, quantò magis in Deo possibilia?

Excipit secundò, in hac reciproca personarum immanentia in idem valere, quod *cum*: hoc multis exemplis demonstrari posse : & Christum in presenti materia vocationem illam elegisse, ad exprimendum Patrem Filio presentem, & omnia per ipsum operari.

Resp. 1. Etsi sint complura loca, in quibus particula *iv* æquè commodè, quoad sensum rei de quâ agitur, exponi potuisset per particulam *ovv*; non propterea ad enallagen illam in pro *cum* confugiendum necessariò. Consulatur locus Mat. 3. v. 11. Mat. 6. v. 29. Mat. 11. v. 21. Mat. 16. v. 27. Mat. 25. v. 31. 2. Tim. 1. v. 13. 2. Etsi loca quædam, per eiusmodi enallagen, in pro *cum* sint exponenda, vt exempli gratia locus ille 2. Cor. 13. v. 4. in casu tamen præsentis illa enallage admitti non potest, quia nulla ratio cogit aut suadet. Hæc verba de fidelibus usurpata, mysticam quidem conjunctionem significant, quæ inter Christum & fideles, membra eius; sed particula *iv* in illis non significat *cum*, sed potius *in*, tum quia hæc nativa eius significatio; tum etiam, quia illa accommodatior est ad

ad arctissimam illam conjunctionem Christi & fidelium denotandam, vt res ipsa per se loquitur: major enim vnio est per immanentiam, quam commanētiam, vt sic dicam. Taceo, quod Salvator noster hanc spirituales conjunctionem exposuit similitudine vitis & palmitum, ad quam etiam significatio vocis *in* convenientior.

3. Dato enallagen esse in hisce de Patre & Filio dictis, tamen hæc de præsentia & conjunctione exponenda essent, quâ sunt secundum essentiam vnum: nam Christus hisce verbis *Pater in me & ego in eo*, vrget illud, quod antea propositum: & thesin illam suæ cum Patre *ὁμοσίας* mordicus retinet, nec alius sensus in verbis Iohan. 14. vers. 10. 11. 12: eodem enim modo argumentatur, vt hîc. Postremò de operatione Patris per Filium, quam statuunt Sociniani, quid iudicij faciendum, videat lector in examine loci Ioh. 5.

CAP. V. Tertiæ Classis argum.

De loco Joh. 14. vers. 1.

Locus sic habet, *Creditis in Deum, etiam in me credite. Et v. 7, si nossētis me, Patrem etiam meum nossētis. v. 9. tanto tempore vobiscum sum, & non nōsti me? Philippe qui vidit me, vidit Patrem.*

Socin.

pag. 271.

Hic complura pro divinitate Christi argumenta sunt, inter quæ primum hoc v. 1: *credit in Deum, & in me credite. In quem credendū est, ille est vnus ille Deus. In Christum credendum est.*

Ergo

Ergo negat argumenti majorem Socinus, & firmat negationem suam exceptione duplici. Prima est, *quia in hisce verbis docetur in Christum credendum, etiamsi non sit Deus ille vnus, sed expressè ab illo distinguatur.* Secunda est, *fidem esse duplicem.* Ad primam ergo hanc exceptionem confirmandam, primò ait: *distinguit Christus manifestè inter se & Deum: & sic ostendit alium esse se, & alium Deum illum vnum, quia Græcè legitur vox Deus hoc loco cum articulo.* Ad quod respondeo: cum dicit adversarius hoc de Christo non intelligi, quia voci Dei articulus est additus; in eo vehementer fallitur: nam etiam vox θεός de Christo cum articulo legitur, eo etiam loco, quem vel ipse adversarius de Christo intelligendum agnoscit: vt Iohan. 20. vers. 28. ideoque hoc argumentum, ab articulo desumptum, non concludit, quod alibi Socinus agnovit, vt videbitur in examine loci Ioh. 20. & in tractatione argumenti à nomine Dei sumpti; vbi amplius, Deo volente, demonstrabitur, sicut hoc suprà aliquatenus demonstratum est, non rectè ex additione, vel omissione articuli istius concludi, quod ille ex eo concludendum putat: ac proinde meritò negari potest, articulum hîc esse additum, singularis Dei declarandi seu significandi gratiâ. Deinde Christus à Deo non distinguitur, ac si non esset Deus, sed à Deo Patre distinguitur: nam cum dixisset, *creditis, vel credite in Deum* (vtramque enim significationem vox Græca πιστεύετε permittit) subjungit vers. 2. *in Domo Patris mei &c.* Accedit, etiamsi Deus absolutè confi-

consideretur, cum dicitur, creditis in Deum : Christus quamvis etiam Deus ille, non malè à Deo absolutè considerato distinguitur, quia Mediator & θεάνθρωπος, ut ostendat simul hac ratione, se in, & sub hoc objecto fidei, de quo dixit, creditis in Deum, esse comprehensum.

Exagitat hîc Socinus Bellarm. quia scripsit additam particulam & propter humanam Christi naturam, quod ille fieri non potuisse existimat, nisi humana Christi natura hîc per se ipsa consideretur, quia ejus particula, in tali verborum constructione, officium perpetuum est, distinguere, & alioqui diversa aliquâ in re copulare : at inquit humana Christi natura non consideratur hîc per se nudè, sed ut divinitati conjuncta, quia agitur de credendo in ipsum Christum. Hæc summa.

Resp. Tota hujus Socinianæ argumentationis vis in eo est : Christum non potuisse sic distinguere, nisi statuatur, Christum non esse Deum illum; particulam & non distinguere aut copulare, in sententiâ nostrâ, alioqui diversa in aliquâ re. Verùm evertitur hujus argumentationis vis per hoc. 1. Quod Christus sic loquendo se à Patre distinguere potuit. 2. Quod sic se distinguere potuit à Deo absolutè considerato: inter Deum enim, absolutè conceptum, & personâ Filij discrimē est. 3. Inter Deum, & Filium, quâ θεάνθρωπος & Mediatorē, distinctio est.

Socin.

Secunda ejus exceptio est, fidem nostram in aliquo collocari ac terminari ut primâ felicitatis nostræ causâ ; sic in Deum tantum credendum esse dicit; vel ut in causâ secundaria & subordinata felicitatis nostræ.

Resp.

Resp. 1. Contra hanc exceptionem videatur locus primus secundæ classis, in argumento altero, ex eo loco formato. 2. Filius quidem causa subordinata, secundum œconomiam, & submissionem voluntariam, in quâ salutem nobis acquirit, & communicat: in se tamen absolutè consideratus, causa Patri æqualis, etsi Pater prima, secundum ordinem originis. 3. Cum ista potestas salvandi nos, Christo demum communicata sit per glorificationem & exaltationem ad dexteram Dei, fiduciæ salvificæ, cum in terris ageret, ratione hujus potestatis objectum esse non potuit. Prius enim necesse est fundamentum esse, quàm id quod fundamento superstruitur: potestas illa salvandi fundamentum est, id quod fundamento superstruitur, cultus est: necesse est ergo, prius esse Deum, quàm coli ut Deum: nam alioqui colere liceret, quod neque divinitatem à naturâ, neque ex gratiâ habet, imò quod non est in rerum naturâ, modo aliquando futurum Deus.

Secundum hujus loci argumentum desumitur ex vers. 7. 8. *Si cognovissetis me, & Patrem meum utique cognovissetis*: hîc si concedatur agi de cognitione doctrinæ, operum, attributorum, voluntatis Dei, & Mediatoris Jesu Christi; ab istâ tamen cognitione non est excludenda doctrina de unitate naturæ, sed ad τὸ ὁμοούσιον dirigenda, ut sequentia in primis vers. 10. 11. 12, collata cum loco Ioh. 10. v. 3. 8. demonstrant.

Socinus hoc impugnandum sibi sumens; ait Socin. primò de cognitione essentia non intelligenda pag. 273. hæc, quia usus loquendi obstat, in quo aliquem

cognoscere, longè aliud perpetuò significat, quàm ipsius essentiam nosse. Ad hoc respondeo, negans huic nostræ interpretationi obstare loquendi usum; nam aliquem cognoscere sæpè est essentiam ejus nosse. Sic angelos cognoscit, qui essentiam eorum cognoscit. Cognoscitur anima rationalis verâ essentiæ apprehensione. Ita juxta vulgarem loquendi modum, homo hominem cognoscere dicitur, cum alter alterius personam novit, etsi vitia, virtutes, statum, alter alterius non noverit.

Socin.

Secundò ait loci circumstantias repugnare:
pag. 274. agi de cognitione doctrinæ & muneris Christi, per quæ cognita, ad cognitionem decreti & voluntatis Dei Patris pervenitur; consequenter ad conjunctionem cum ipso Deo & beatam vitam: nec ullum indicium pro cognitione essentiæ.

Resp. Eximia doctrinæ pars est, doctrina de ὁμοσίᾳ Patris & Filij. Nobilissimum doctrinæ Evangelicæ & salutiferæ objectum est, Deus in carne manifestatus. Doctrina de hoc objecto confertam sibi habet doctrinam gratiosi decreti, ac voluntatis Dei, de nobis salvandis; quapropter immeritò Socinus hanc de vnâ & eadem Patris & Filij Deitate salvificæ doctrinæ, quæ nos promovet ad beatam vitam, opposuit, contra Scripturæ auctoritatem, quæ in hac cognitione vitam collocavit Iohan. 17. vers. 3.

Tertiò obijcit, *verba quæ statim consequuntur, jam nunc nostis eum & vidistis eum: neque enim aliud reipsâ hîc dicere voluit, quàm id, quod antea dixerat, & quò ego vado scitis, & viam scitis:*

scitis : quod certè nihil quodammodo cum cognitione essentia Dei , quæ in hac vitâ mortali haberi potest ; sed multum cum cognitione decreti & voluntatis divina commune habet. Ex eo enim , quod scirent quò Christus iret , & quâ viâ eò iretur , discipuli Dei Patris decretum de ipsis , ac voluntatem noverant.

Resp. 1. Commodius hæc verba ad prius tantum referri : nam de viâ egit Salvator v. 6.
2. Responsio jam data ad superius effugium, hîc etiam locum habet.

Tertium, quod ex his verbis ducitur est v. 9. *tantum temporis vobiscum sum & non nosti me ?* causam hujus exponens Socinus ait , eam esse, quod non cognoscebant , qualis Christus esset , & quale ejus regnum, quod non cognoverunt, nisi postquam Sp. S. acceperunt glorificato Christo, quod inter cetera ostendit ipsorum in resurrectione Christi incredulitas.

Resp. De regno Christi spirituali hîc non agi : non enim ratione spiritualis regni , quod adeptus demum per exaltationem, dicit *Pater in me & ego in Patre, Pater qui in me manet, ipse facit opera.* Ex hisce verbis non elicitur hic sensus, *ego rex spiritualis ero , & regnum meum spirituale erit* , qui tamen hinc eliciendus esset , si vera esset expositio Socini. Nam hisce verbis vers. 10. 11. 12. Christus manifestè urget, quod in antecedentibus proposuit. Adde quod hisce verbis agatur de rebus , quæ jam tum erant : at regnum Christi , si Socino fides, non erat adhuc extra nihilum, sed Christo hoc tempore tantummodo decretum : nec Christus in terris

Socin.
pag. 239.
257.

versans, exercebat opera spiritualis illius & cœlestis regni propria; nec etiam in eo potentia (ex suppositione adversariorum) residebat, ad operum patratiōem necessaria, quæ augustam majestatem regni illius deceant: Christo enim in terris agenti, Socinus potestatem tantum tribuit in mortem & dæmonas, quatenus ad hanc præsentem vitam spectant. Sunt ergo hæc verba, propter rationes jam expositas, dirigenda ad naturæ identitatem, etsi jactet Socin. gloriatiōne vanâ, nullum in vniuersâ Euangelicâ historiâ pro hac re indicium extare.

Quartum est, *qui vidit me vidit Patrem*. Ad hæc verba Wiekus sic scripserat. Sciebant Apostoli, nihil homini posse sufficere ad salutem & veram beatitudinem, sine cognitione veri Dei: quem, verum Deum Patrem esse non dubitabant, propterea Christus respondens Philippo: Philippe qui videt me, videt & Patrem, non satisfecisset questioni illi, nisi significare voluisset, se esse verum Deum, & unum Deum cum Patre: atque in cognitione sui salutem consistere, sicut in cognitione Patris.

Socin.
pag. 275.

Hæc impugnans Socinus scribit, nullo modo ex verbis illis colligi posse, in cognitione Christi salutem consistere, non secus atque in cognitione Patris: licet ea ad Philippi petitionem ostende nobis Patrem omnino respiciant: ex quâ, propter subsequencia verba, & sufficit nobis, apparet Philippum in unâ Patris cognitione salutem posuisse. Imò ex hoc ipso id evidentius apparet, quod & ipsa Christi verba præ se ferunt: eatenus videlicet in Christi cognitione salutem consistere, quatenus Christo cognoscendo

scendo ejus Pater cognoscitur. Nec aliter sanè est intelligendum, quod idem Christus alibi dixit Ioh. 17. v. 3. vitam aternam esse, cognoscere Patrem & ipsum Christum. Tantummodo addendum est, non modo, cognito Christo, cognosci Patrem; sed non nisi per Christi cognitionem ad cognitionem Patris perveniri: & propterea merito Christum dixisse, in ipso Christo cognoscendo vitam aternam consistere.

Resp. Per antithesin, tam ex hisce verbis posse colligi, cognitionem Christi ad salutem esse necessariam, quàm Patris: nec Philippum in solâ Patris cognitione salutem posuisse credibile est, cui Filius statim cognitionem sui, sub ipsâ necessitatis ratione inculcaverat, v. 6. & fidem in se, ut in Deum præscripserat, v. 1. quod fidei postulatum necessariò omnibus salvandis præstandum, quam necessitatis rationem Scriptura sæpius indicat per propositionem negativam, quâ dicitur, eum qui non credit, non habere vitam. Quod si ergo Philippus in solâ Patris cognitione salutem posuisset, cum magno errore posuisset, posuisse autem non demonstrat hoc quod dicit *sufficit*: nulla enim Euāgelij pagina est, quæ non re-clamet. Quid enim frequentius occurrit, quàm fide & cognitione Iesu Christi homines ad eternam vitam promoveri? Christianæ religionis necessitatem ad salutem negat, qui hoc negat. Dixit ergo *sufficit*, quia Filium sibi & alijs Apostolis jam probè cognitum putabat. Eiusdem farinae est, quod ex responso Christi exprimit, eatenus videlicet in Christi cognitione salutem consistere, quatenus, Christo cognoscendo, ejus Pater cognoscitur, & huc refert dictum

Ioh. 17. v. 3. At nego, doceri istis verbis Christi, aut hoc loco Ioh. 17. Christi cognitionem non esse salutarem, nisi vt relatum ad cognitionem Patris: aut sub ratione mediij tantum, fidem & cognitionem Iesu Christi præscripta esse. Fides in Christum non præscribitur tantum, quæ medium fidei in Deum Patrem, sed etiam per se & propter se postulatur. *Creditis in Deum, etiam in me credite* Iohan. 14. vers. 1: mediorum nullus usus, nulla necessitas, vbi quis finem affectus; volitio enim mediorum tantum propter volitionem finis: hic dicit, *qui vidit me vidit Patrem*, non dicit se tantum videndum, propter istam causam vt Pater videatur, aut id ex quo revera sensus iste elici debeat. Ita Ioh. 17. v. 3. duo salutaris cognitionis objecta proponuntur, non sub distinctâ mediij & finis consideratione, sed sub ratione potestatis & maiestatis divinæ in utroque residentis, propter quam cultu & cognitione, non tantum Pater, sed & Filius in se & propter se dignus. Denique si Filij cognitio non est necessaria, nisi quæ eâ ad colendum & cognoscendum Patrem dirigimur, non est quod Socinus cum asseclis suis tantopere succenseat Francisco Davidis, qui Christi cultum & adorationem sustulit: nam ad salutem sufficit, credere in Deum Patrem, & eundem colere. Dices hoc impossibile, vt quis credat in Deum, & eundem colat & adoret, & nō credat in Filium eumq; colat & adoret. Contra hoc replico, Christi cultum & invocationem esse, ad nos in fide confirmandos, & ad fragilitatem nostram sublevandam, Socin. pag. 49. Unde &
verba

verba ejus ibidē sunt. Quod si quis tanta est fide praditus, ut ad Deum ipsum perpetuò rectā accedere audeat, nec consolatione, qua ex Christi fratris sui, per omnia tentati, invocatione proficiscitur, indigeat; hic non opus habet ut Christum invocet: de istā consolatione fidei, confirmatione & fragilitatis nostræ sublevatione Smalc. cap. 25. Libri de divinitate Iesu Christi, ubi de causis exaltationis Christi. Revelârat, inquit, nobis & promiserat Deus per Iesum Christum vitam eternā & immortalitatem. Nostrum jam erat Deo revelanti & promittenti fidem habere: sed primū, quia nimis natura nostra distat à naturā divinā: deinde, quia nimis hoc arduum erat, & captum nostrū superans, hominem naturā mortālē; & morti, propter propagationem quam ex Adamo habet, obnoxiiū; & morte deniq; propter sua ipsius peccata dignū, tam citò alium futurum, ut ex mortali immortalis, ex mortis obnoxio à morte liber, ex morte digno vitā eternā dignus evasurus sit: quia deniq; res ista plane inaudita antea erat & ipsā novitas, itaq; vix fieri posse videbatur, ut ista fides nostra firma esset; imo facillimè fieri posse videbatur, ut homines ineptitudinis ac indignitatis suæ tam multiplicis memores, Deo tantum bonum promittenti fidē non adhiberent, atq; ita omnis opera Dei vana & irrita fuisset. Hoc Deus ille summus, bonus, & Pater misericordiarū providēs, nostram hanc infirmitatē ita juvare dignatus est, ut nemo, nisi deploratus, fidē Deo habere non possit. Parum enim fuit, istā Dei promissionē de salute nostra, Iesu Christi innocentia, miraculis, & ipsā morte confirmatam fuisse. Nam si Christus in morte remāsisset, quantūvis doctrinam suā firmissimè confirmare

visus esset: vana tamē fuisset fides nostra. Quomodo enim gregarij milites sperent vitam æternam, siquidē dux belli à morte absorptus est? ostensam igitur etiam nobis esse illam annunciata, & confirmata salutem æternam Deus voluit, per Iesu Christi ex mortuis resurrectionem & exaltationem. Sed etiam hoc parum fuit. Nam si Christus ex mortuis resuscitatus tantum fuisset, & in cælum non ascendisset, credere quidem potuissemus, fieri posse, ut nobis vita æterna detur, quia scilicet Christo duci nostro data sit: sed tamen eandem certò nobis etiam datum iri, nondum perfectè scire potuissemus. Nam magna similitudo erat inter Deum & Christum, ideoque non usque adeo mirum erat, si Deus ei vitam concessit immortalem: at inter Deum & nos maxima est omnino dissimilitudo, ideoq; nimis mirum erat, nos vitam à Deo æternam sperare debere. Istam igitur nobis promissam, confirmatam & ostensam salutem, datam nobis etiam quodammodo esse Deus voluit, ut ita quam certissimi de eâ essemus. Hoc autem Deus efficit, dum ei, quem non puduit nos fratres suos appellare, Dominum nostrum absolutum effecit, & ut ibidem legitur, potestatem donavit, nos nunc perpetuò regendi, & tandem reipsâ nobis vitam æternam donandi. Hęc Smalcus ex cerebri sui lacunis. Totum huc recidit, Christum immortalitate & vitâ æternâ donatum, ejusdemque dandę nobis potestate, ut certò sciremus Deo obtemperantibus vitam æternam paratam esse: hoc cum per doctrinam Christi divinam certissimum sit, ijsque etiam spes illa certa, qui neutrum hoc de Christo credunt, Act. 24. vers. 14. nulla inde patet necessitas adorationis

tionis Filij ad adorandum Patrem. Si enim istius potestatis fides non est necessaria, ut colatur & adoretur Deus Pater, non est necessarium etiam ut colatur & adoretur Filius propter istam potestatem, ad colendum Deum eique fidendum. Addo si hæc sit causa adequata exaltationis Iesu Christi, nullam inde consurgere necessitatem cultus & invocationis Iesu Christi, sed sequetur tantum Deo Patri serviendum, propter certissimam æternæ vitæ spem per immortalitatem & exaltationem Iesu Christi.

C A P. V I. Tertiæ Classis argum.

De loco Iohan. 16. vers. 15.

O *Mnia quæ Pater habet mea sunt. Quicunque habet quæ Pater, est etiam is Deus, qui Pater. At Filius habet ea quæ Pater, ergo etiam est is Deus qui Pater.* In ijs autem quæ Filius à Patre habet, essentiam comprehendere debere, inde docetur, quia hæc communitas rerum inter Patrem & Filium est respectu ejus, quod Sp. S. accipit ab utroque, quod cum scientiâ rerum, necessariò etiam est essentiâ.

Socinus primò contra minorem objicit. *Omnia quæcunque Pater habet mea sunt, non posse, ex Socin. usu communi loquendi, referri ad Patris essentiam, pag. 277. ut ipse Bellarmin. vidit: qui sibi ipsi opponit exemplum hujus locutionis in marito & uxore, cum dicimus, omnia quæ habet vir sunt uxoris. Sed respondetur hæc verba non esse interpretanda ex usu communi loquendi; sed ex postulato materiæ subjectæ, quod & Bellarminus vidit, cum ad istam objectionem à se motam sic responderet.*

Verba superiora excludunt hunc sensum, præcedit enim, *ille me clarificabit, quia de meo accipiet.*

Secundò duo objectat contra minoris syllogismum. Primum est, *Spiritum Sanctum à Filio non accepisse scientiam*; quod conatur probare ex verbis ibi sequentibus, & *revelabit vobis: scientia, inquit, non revelatur, sed datur seu donatur.* At respondeo scientiam revelari, dici posse, tam propriè quàm Apostolus Paulus dixit, *sapientiam loquimur inter adultos, sapientiam autem non seculi hujus, neque principum seculi hujus qui abolentur. Sed loquimur sapientiam Dei in mysterio occultam.* 1. Cor. 2. v. 7. An non Apostolus hanc Dei sapientiam loquens, eam nobis revelavit & annuntiavit? quod si verum, ut perfectò est, cur idem hîc de Sp. S. dictum esse, nò existimabimus?

Socin.

pag. 278.
279.

Obijcit Socinus *hac nò intelligenda de scientiâ, sed de rebus quæ ad Patrem pertineret, quod attinet ad negotium salutis nostræ, & consequenter pertinerent ad Filium, cum quo, in negotio salutis nostræ, Pater omnia cōmunicavit, & idcirco ait Christus de meo accipiet & revelabit vobis. Id est ea accipiet patefacienda vobis, quæ ad me pertinebunt.*

Resp. Hęc verba de scientiâ accipienda esse, demonstratum est, & demonstratur amplius. Nam non agitur simpliciter de rebus Patris Filio à Patre communicatis, & à Spiritu Sancto accipiendis, ut revelaret eas Apostolis; sed de rebus illis Filio à Patre & Sp. à Patre per Filiū quoad scientiam communicatis: accipere ergo Sp. S. de eo quod Christi, non est simpliciter, res ad Christum pertinentes & salutem nostrā concer-

concernentes, objectū esse scientiæ quam communicaret Apostolis Sp. S. (quod alioqui nos non negamus, vt nec illud de rebus Euangelicis hīc agi) sed res illas traditas esse Sp. S. à Filio, vt sciret Sp. S. quam communicationem verba hęc insinuant, *ille de meo accipiet*; nam de rerum communicatione, secundum esse cognitum, hīc manifestè agitur, vt docent verba v. 13. *non loquetur à semetipso; sed quacumque audierit loquetur*. Hęc verba Christi optimam & certam interpretationem verborum sublequentiū nobis exhibent. Spiritus ergo S. accipit de ijs quæ Christi sunt, *cum non loquitur à semetipso; sed quacumque audierit à Christo loquitur*, vt Christus à Patre accepit & locutus est nobis, *quod vidit & audivit* Ioh. 3. v. 32. Hinc ista vox ejus, *omnia quæ Pater habet, mea sunt*, eo sensu quo dixit Mat. 11. v. 27. *omnia mihi tradita sunt à Patre meo, & nemo novit Filium, nisi Pater: neq; Patrem quisquam novit, nisi Filius, & cuicumque voluerit Filius retegere*.

Ex hoc loco, vt hoc in transcurso moneam, ostendi potest, parum firmas aut nullas esse argumentationes illas, quas Sociniani nectunt, adversus sententiam orthodoxam, de Filij deitate, ex locis illis, in quibus dicitur, *Dei Filius à seipso non operari; illi omnia dari à Patre, omnia ad Patre referre*; argumentationes illas Sophisticas esse, vel ex hoc loco ostendi potest; in quo de Sp. S. legitur, *eum à semetipso non loqui; sed loqui quacumq; audierit*: nam Sp. S. hæc ab alio habet, & tamen est Spiritus æternus, increatus, Deo naturalis,

naturalis, scit ea quæ Dei, naturaliter & necessariò, & non habet hoc ex gratiâ à Deo, & tamen habet ab alio. Non absurdum ergo Filium à seipso non operari, omnia ei à Patre dari, & omnia ad Patrem referre, & tamen non habere hoc ex gratiâ, sed naturaliter & necessariò.

Alterum, quod contra majoris prosyllogismum movet, est; *dato de scientiâ hîc agi, tum illam cum essentiâ non esse idem, nec, quia scientia communicata est, eo ipso etiam essentiam communicatam esse.* Hæc altera contra minoris prosyllogismum objectio duabus constat partibus. Prior est, dato de scientiâ hîc agi, tum illam cum essentiâ non esse idem. Ratio est hæc, *quia ex suppositione nostrâ, essentiam Sp. S. accepit ab æterno; hoc verò loco agitur de re nondum acceptâ, sed quam erat accepturus.* Resp. Sp. S. non dici accepturum eo sensu, ac si jam nōdum accepisset: sed hoc dici ratione revelationis & annuntiationis faciendæ, quæ nondum erat facta. Sic autem rectè à me responderi, monstro ex eo, quod vers. 13. Dominus noster, de scientiâ vt communicandâ, & non vt communicatâ Sp. S. loquitur, quæ tamen in Sp. S. est æterna: nam ille non didicit in tempore, quod non scivit ab æterno, nec cepit in tempore, cum Apostolis per vniversum orbem prædicandum esset Evangelium, profunditates Dei, quas Apostolis revelaret, scrutari: fuit quidem illa Euangelij Sapientia in mysterio occulta, vt testatur Apostolus Paulus. 1. Cor. 2. vers. 7. nunquam tamen Sp. S. in mysterio occulta; nam vt arcana hominum alijs, non Spiritui hominis, qui est in eo

eo, occulta sunt, ita & de Dei arcanis statuen-
dum est, in quo etiam Apostolum adstipulan-
tem habemus 1. Cor. 2. v. 11.

Posterior secundę objectionis pars est. *A scientiã communicatã, argumentum non valere ad essentiam communicatam; posito etiam quod verum esset, scientiam in Deo idem esse, quod essentiam; quia hac scientia communicata, scientia essentialis non est, nec esse potuit.* Resp. Hanc scientiam Sp. S. nec aliam esse, nec aliam esse potuisse, quàm scientiam Dei essentialem. Nam Sp. S. est in Deo, nec scientiam productam habet, nam alio-
qui duplex in Deo scientia esset, essentialis & producta: at non est in Deo scientia producta; ergo scientia Sp. S. est essentialis, & est vna & eadem Dei & Spiritus ejus scientia. Essentialem scientiã communicari non posse, falsum esse ex hoc ipso loco evincitur. Nam Sp. S. scientia essentialis Dei scientia est, & communicata, nam, à semetipso non loquitur, sed quęcunque audit: quod autem communicatum est, certum est commu-
nicari potuisse.

C A P. VII. Tertię Classis argum.

De loco Iohan. 20. vers. 28.

ILle sic habet. Respondit autem Thomas, & di- Socin.
xit ei, Domine mi Deus mi. Argumentum ex pag. 280.
hoc loco tale est. Qui hęc appellatur Deus & Domi-
nus, est Deus ille vnus. Christus hęc appellatur De-
us & Dominus: ergo est Deus ille vnus. Majorem
probat Bellarm. & cum ipso Wiekus; tum quia
in

in Græco articulus, qui significat illum Deum verum : tum etiam, quia Thomas cum esset Iudæus, non noverat alium Deum, præter illum, de quo scriptum est Deut. 6. v. 4. *Audi Israel, Dominus Deus tuus, Deus unus est.*

Majorem & probationes ejus impetit Socin. Ac primò ad probationem illam ex articulo, ait articulum non habere hoc loco vim cujusdam singularis Dei declarandi, propter additum nomini ϵ *Jeûs* pronomen $\mu\epsilon\chi$. Quando enim, inquit, ejusmodi pronomina nominibus adduntur, nec cum substantivo verbo nomina efferuntur, tunc solet articulus, nominibus prepositus, non habere vim suam consuetam, nec aliam singularitatem ejus rei, quam nomen, cui preponitur, significat, præter illam, quæ ex ipso addito pronomine colligitur: ut exempli causa Mat. 7. vers. 9. *quis est ex vobis homo, quem si petierit Filius ejus panem, numquid lapidem porriget ei? certè non intelligit aliquem singularem, sed unicum Filium, sed quemlibet filium.*

Resp. Quamvis in articulo, vel addito vel omisso, non tantùm sit noimenti; quia tamen adversarius nihil non per chemicam industriam elicit ex istâ voculâ, non immeritò illi articulus hoc loco obijci potuit: nam regulam illam, quam de articulo hîc procudit, & varijs cautelis restringit, nō aliam ob causam restringit, quàm ut vim articuli, quâ sæpius in nos pugnat, & ictum, ab articulo sibi illatum, elidere possit.

At si hæc ejus observatio pro regulâ haberi deberet, necesse esset complura exempla occurrere, in quibus ex oculari inspectione textus, hoc possit esse manifestum. Nam alioqui ex
parti-

particulari exemplo non debet fieri regula communis. Locus ergo præsens intelligendus potius, secundum communem articuli hujus usum, quàm secundum hoc exemplum particulare Mal. 7. vers. 19. Deinde etsi hîc nomen substantivum non sit expressum, Iesus Christus tamen intelligitur; dicam ergo exemplū Mat. 7. dissimile esse.

Verùm his missis, aio argumentationem ex eo procedere, quod Thomas eum Dominum & Deum suum vocat; ista enim appellandi ratio, Deo in Script. propria: nam isti duo tituli ita conjuncti, nunquā & nusquam in sacris creature tribuuntur: ita vnum illum Deū bis describit Christus. Mat. 4. v. 7. 10. Quando quis quoque in Scripturis *Deum absolute Deū suum vocat, tum semper intelligitur Deus ille verus & aternus.* Nec minus detulit Christo hac suā confessione Thomas, quod eum Deum suum professus est; quam quidem illi detulisset, si simpliciter, & non sic relativè, eum Deum appellasset, tam enim relativè quàm absolute in verbo suo proponitur: imò excellentiam & divinam suam majestatem nunquam gloriosè magis contemplandam nobis offert, quàm per istiusmodi relativas denominationes. Ita Ionas, *Iehovam Deum cœlorum reveor, qui fecit mare & aridam. Ego Iehova Deus tuus, qui te eduxi ex Agypto. Et Iehova Deus Patrum vestrorum, Deus Abrahami, Deus Isaaci, Deus Iacobi, misit me ad vos, hoc nomen meum in seculum, & hoc memoriale meum in omnem ætatem.*

Secundò

Socin.
pag. 281.

Secundò aliàm disputationem de articulo movet: sciendum esse, eum posse accipi, ac si adverbium vocandi esset, vel redundare, & simul enalagen hîc esse posse nominativi, pro vocativo: sed jam responsum, sine articulo vim argumenti saluari posse, & sive casus vocativus sit, sive nominativus, hoc ad vim argumenti indifferens est.

Inde venit ad probationem ex fide Thomæ, qui cum Iudæus, non novit alium Deum, præter illum vnum in lege propositum. Ad hoc excipit, Thomam, cum illa verba proferret, non jam Iudæum religione, sed Christianum fuisse; ac propterea Christum hominem suum Deum agnovisse, id est sibi ab uno illo Deo, divinæ potestatis plenum, regem, datum, à quo æterna salus sibi expectanda foret, quemque divino cultu afficere deberet.

Resp. Ista solutio Socini est arundinea. Nam primò deitas illa Socini ens imaginarium est. 2. Ipsa verba repugnant, quæ non inveniuntur v-surpata, nisi de Deo illo vno. 3. Thomas hoc tempore nondum intelligebat hoc mysterium regiae & divinæ potestatis Christi in mortem & vitam æternam, propter quam colendus esset, si verum est, quod Socinus suprâ scripsit pag. 275: nam ibi hoc non cognovisse ait, nisi postquam Sp. S. acceperunt, resuscitato & glorificato Christo: hoc ergo non intellexit tum Thomas, qui necdum, cùm dies ascensionis Domini instaret, intellexit cum cæteris Apostolis quale regnum Christi foret, vt probat locus Act. 1. v. 6. adeo vt mirari hîc cogar Socinū, quod tam perspicacem Apostolo Thomæ tribuerit, idque

eo magis, quia & si Christus jam resuscitatus erat, corpus tamen immortale non habebat, ex adversariorum hypothefi: nec apparebant in eo regni cælestis & immortalis regis indicia ante glorificationem, quæ illi contigit per ascensionem in cælos.

CAP. VIII. Tertiæ Classis argum.

De loco ad Rom. 9. v. 5.

ARgumentum hujus loci sic habet. *Qui est Deus super omnia, in secula benedictus, est unus ille & summus Deus Israel: at Christus Deus super omnia, &c.*

Primò contra assumptionem excipit, deinde contra majorem: antequam verò directè ad assumptionem respondeat; vult prius videri, ex liberali concessione hîc agere, dum largitur *vocem Deus in Pauli verbis legi dibere: Erasmus in annotationibus suis dicit, voculam Deus foriè de textu non esse, quia Cyprianus lib. 2. contra Iudæos Cap. 6, & Hilarius in Psalm. 122. non habent.*

Ad quod respondetur, in duobus manuscriptis codicibus Jacobi Pamelij legi vocem *Deus*: qui testatur etiam, in suis in Cyprianum annotationibus, in codicibus, quibus vfi sunt Manutius & Morelius, sic legi. Hilarius locum non citat integrum; nam omittit etiam *secundum carnem*, qui tamen lib. 4. & 8. de Trinitate citat hunc locum, cum voce *Deus*: nulla ergo illa liberalitas,

N

Excipit

Excipit itaque eo posito (vt ad rem veniam) nullam esse causam, cur Erasmi interpretatio reijciatur, qui post illa verba, quod ad carnem attinet, interpungit, & verba sequentia absolute ad Deum refert; unam ipse excipit causam, propter quam ista interpunctio probanda non sit, ea est, quod, cum simplex nomen benedictus idem significat, quod, benedictus sit, semper fere solet anteponi ei, ad quem refertur, perraro autem postponi. Resp. alias etiam esse causas, propter quas ista interpretatio & interpunctio probanda non sit. Nam primò temeraria est, quia nulla codicum, aut probatæ alicujus lectionis autoritate nititur; non enim sine ratione interpunctiones imminutandæ, & injurius in Patres Socinus hoc loco, dum ait eam secutos lectionem, quæ maximè ipsorum sententiæ favere videbatur. 2. Nullam habet verisimilitudinem, Apostolum hoc epiphonemate se ad Deum Patrem convertisse, cum non de Patre sed de Christo sermo sit.

Deinde ad majorem accedit, & primò excipit. Ex ipso Dei nomine illi tributo, id concludi non posse. Ad quod respondeo, posse concludi, quicquid contra adversarius: nam nomen Dei absolute probatum est proprium vnius illius Dei. Ut suo loco demonstrabitur.

Socin. pag. 185. Secundò excipit, agi non de deitate per naturā, sed ea qua per gratiam: vocem omnia non ita prorsus universè accipiendam: Paulum restringere, 1. Cor. 15. vers. 27. cum autem dicat omnia subiecta ei sunt, sine dubio intelligere præter eum, qui subjecit ei omnia: Denique vocem Græcam, qua reddita est, omnia, non minus reddi posse omnes, quæ

*quæ simpliciter probata, ad homines tantum referri
soleat.* Resp. De deitate ex gratiâ plusculis in
locis esse actum: neque etiâ in locis illis, quæ
citât hic adversarius. Eph. 1. v. 22. 1. Cor. 15. 27
Heb. 2. v. 8, vbi de gloriosâ exaltatione & do-
minatione Iesu Christi agitur, dicitur Christo
deitas donata: quem Iohannes dixit *in principio
fuisse Deum*, & Thomas agnovit Deum, ante-
quam sic exaltatus esset: nec ullibi, cum Deus
nominatur Christus, gratia Dei Patris prædica-
tur, quæ illi donavit esse Deum. Vocem *omnia*
universè accipiendam esse, vel ex hoc loco Pau-
li patet, qui nullas res excipit, sed tantummo-
do Deum ipsum. Nam Patris imperium est
absolutum supra omnia, non tamen sibi impe-
rat. Quod si regerant, esse absolutè supra
omnia, præter seipsum, Filium etiam Patri sub-
jectum: dicam longe aliam esse subjectionis il-
lius rationem, quâ Apostolus dixit, Filium Pa-
tri subiiciendum, in consummatione seculi, &
illius subjectionis, quâ omnia alia Filio subje-
cta: Filij enim subjectionem per traditionem
regni interpretatur Apostolus, reliquorum
subjectionem per abolitionem. Accedit, quod
res omnes jam dicantur Filio subiectæ, eti-
amsi nunc nondum videamus ei omnia subje-
cta esse, vt loquitur Apostolus Heb. 2. vers. 8:
at Filius non dicitur Patri subiectus, sed quia
regnum traditurus, in consummatione secu-
li, Patri demum subiiciendus. 1. Cor 15. v. 28.
Postremò vocem *πάντων* sine causa ad homines
restringit: nec juvat ista restrictio adversarium
quicquam, qui Christum confitetur, non tantum

supra personas hominum, sed & supra res omnes esse. Locus ille ad Corinthios sic non restringit, sed ab ijs omnibus, quæ subjecta Filio, solum Deum & Patrum Deum excludit. Catechism. Racou. Cap. de personâ Christi, obijcit, *ex Patribus esse, hominis esse, ac proinde eum non esse naturâ Deum.* At hoc revera nihil est, cum sit id ipsum, de quo disputatur.

CAP. IX. Tertiæ Classis argum.

De loco ad Gal 1. vers. 1.

Dicit Apostolus, *Euangelium suum non esse secundum hominem, neque se ab homine accepisse aut didicisse, sed per revelationem Iesu Christi, Gal. 1. v. 12. & v. 1. Paulus Apostolus non ab hominibus, neque per hominem, sed per Iesum Christum ac Deum Patrem. Qui est homo, & ad alios homines comparatus, negatur esse homo, cum non sit essentia angelica, necesse est, ut sit Deus ille unus: At verum prius, ergo & posterius.*

Socin.

pag. 287

Socinus varia contra maiorem obijcit. Primo oppositionem non esse immediatam: non sequi, eum qui non est purus homo, nec angelus nec pura creatura, esse Deum creatorem: esse qui contendunt Christum simpliciter non esse creaturam; negent tamen esse Deum creatorem, ex quorum numero ait omnes esse, qui Tritheita vocantur & novi Ariani.

Resp. Indigna hæc responsio. Quid? an equum negare aliquid, quia alij negant, qui tuo iudicio malè negant? Si Tritheita aut novus Arianus est, sic respōdeat Socinus, & si eorū probat sententiā, non est, quod egrè ferat cum suis Ari-

anismi

anifini titulum. Est itaque hæc prima ejus exceptio nugatoria planè, Tritheitis & novis Arianis, à quibus vnicè distingui cupit, relinquēda.

Secundò ait, *Christum* opponi alijs hominibus, non secundum essentiam divinam; sed secundū excellentiā communicatam ex gratiā: eò respexisse Paulum, cum mentionem fecit resurrectionis Christi à mortuis, quia resurrectione sæpius apud sacros scriptores significatur, quicquid resurrectionem est consecutū, ut probant loci Act. 2. v. 32. 33. Cap. 13. v. 33. Rom. 4. v. 25. Philip. 3. v. 10. 1. Pet. 1. v. 3. & cap. 3. v. 21. Iam singularitatem aliquam causam esse posse, ut res aliqua appellatione sui generis non comprehendatur, & tanquam si ejus generis non esset, commemoretur, ut Psalm 17, ubi Saul distinguitur ab omnibus inimicis Davidis; cū tamen ipse vel summus Davidis inimicus esset; & Petrus apud Marcum Cap. 16. v. 7, distinguitur à discipulis Christi; cum tamen & ipse, & quidem eximius, Christi Discipulus esset: nimirum utrobique propter singularitatem istam.

Resp. Si Christus hīc negaretur esse homo, propter dignitatem quam per glorificationem consecutus, non meminisset Apostolus resurrectionis ex mortuis, quæ hominis ita est propria, ut mortis & vitæ ipsius hominis in eā mentio fiat. 2. Ob eminentiā & dignitatem, in scripturis aliquis non negatur esse homo; sed potius viri principes qui virtute, sapientiā, autoritate cæteris antecellunt, sibi potissimum nomen hominis vendicant, ut Psalm. 22. ubi David se vocat opprobrium Adam: sic se, quia vehementer affligebatur, & hostibus suis contemptui erat,

vermē dixit, non virū. 3. Si hæc causa esset huius oppositionis, tum ij, qui eminent inter alios virtute, potestate, sapientiâ, artibus, negarentur rectè homines esse. 4. Non est credibile, Christū hominibus opponi ratione exaltationis suæ, cum sic exaltatus etiā, vbi de illâ ipsâ singularitate ejus mentio fit, homo dicatur, *Rom. 5. v. 15: 1. Cor. 15. v. 21: 1. Tim. 2. v. 5.* 5. Si Christus hīc dicatur non homo, quia homo singularis, & singulari prorsus ratione divinus, tum nihil in Christo, propter quod non non homo: nam & nativitas ex virgine, & vita & doctrina, Christum sic non hominē faciunt. 6. Sequetur inde, & fideles omnes non homines dici posse; nam & illis parata est resurrectio ex mortuis, & gloriosum in cælis regnum; *maxima enim & pretiosa illis promissa donavit Deus, ut per hæc efficerentur divine nature consortes. 2. Pet. 1. vers. 4.*

Porro quod resurrectione Christi, tacitè significetur, consecuta resurrectionem gloria; concedi quidem potest, etsi non necessariò hīc concedendum sit: nec hoc est perpetuum in sacris, ut Socinus existimat, nam suprà contrarium demonstratum est, in loco *Act. 13.* Nec loca hīc adducta id evincunt. *Act. 2.* Diserta fit mentio & ascensionis in cælos, & sessionis ad dexteram Dei: regiam dignitatem David à gloriâ resurrectionis distinxit: ut ostendunt verba Petri *v. 30.* Propheta igitur cum esset, & sciret Deum jurejurando sibi jurasse: fore ut ex fructu lumbi ipsius, quod ad carnem attinet, Christum illū suscitaret, quem collocaret super thronum ejus, Ita ad *Rom. 4. v. 25. 1. Pet. 3. v. 21,*
non

nō opus intelligere per resurrectionem aliquid, præter resurrectionem ipsam.

Probatio, quam profuā interpretatione adfert, est, istiusmodi singularitatem causam esse posse, ut res aliqua, appellatione sui generis, non comprehendatur; & tanquam si ejus generis non esset, commemoretur, ut Psalm. 17. vel 18. v. 1. ubi Saul distinguitur ab omnibus inimicis Davidis; cum tamen ipse vel summus inimicus Davidis esset & Petrus apud Marcum cap. 16. v. 7. &c.

Resp. Saulum non opponi inimicis Davidis: nec Saul è numero inimicorum Davidis eximitur; tantum ab illis distinguitur, & comparat liberationem, è manu aliorum inimicorum, David cum liberatione è manu Saulis. Verba sunt: *quā die eripuerat Iehova eum è manu omnium inimicorum ipsius, ut è manu Saulis*: hīc distinctio & comparatio tantum est, at in verbis nostris oppositio. Exemplum ergo non facit ad præsentem casum Marc. 16. v. 7. ubi legitur, *dicite discipulis ejus & Petro*, Petrus non eximitur è numero discipulorum; etsi speciatim nominetur, postquam in communi nominati discipuli, nec præeminētię alicujus habetur ratio hīc, ut somniant Pontificij, ad stabiliendum primatum Petri, cum Dominus nominatim jubet, Petro resurrectionem suam annuntiari: est ergo & hoc exemplum impertinens.

Secunda ejus objectio est, *expositionem illam, qua continet id, quod apud omnes testatissimum est, cujus manifestum in textu judicium, cujus in rebus similibus exempla, præferendam esse ei, in quā omnia contraria.*

Resp. Etiam si in confesso sit, Christum immortalem esse factum, tamen glorificatione suâ Deum esse factum, non omnes sed paucissimi confitentur: nam Sociniani tantum hoc confitentur, aut si qui cum ipsis opinantur, opinionem suam non ita palam produnt. Sunt etiam ex vestro grege Socine, qui hoc præfractè negant, ut Franciscus David, & qui partes ejus sequuntur. Expositio verò nostra cōtinet, quod est & fuit semper apud multò plures testatum, si humanis auctoritatibus certandum. Deinde manifestum, expositionem nostram esse veram, qui Iesus Christus Deo Patri, in maiestate & auctoritate vocationis & missionis conjungitur: vers. 16. hujus cap. ad Galat. *Dei Filius* dicitur: ergo habemus hic vera divinitatis & essentiae ejus divinae indicia. Tertio exempla adversarius pro suâ expositione non protulit; nos pro nostrâ adferre possumus: nam non desunt exempla, ubi id quod alicujus est, ejus tamen non esse dicitur; quia ejus non est solū Joh. 5. v. 22. *Nec enim Pater judicat quemquā.* Marc. 9. v. 37. *Quicumque me exceperit, non me excipit, sed eū qui misit me:* potuit ergo Christus hīc negari esse homo, quia non solūm homo, sed etiam Deus.

Socin. pag. 289 Addit superioribus & illud, suam expositionem probandam, quia agitur de electione Pauli ad Apostolatū, qui divinā prorsus ratione contingit, & modo alijs Apostolis non communi, à Christo nempe glorificato, & ipsi apparente; hunc autem peculiarem vocationis modum ex nostrâ interpretatione elici non posse.

Resp. 1. Apostolum Paulū suam vocationem reliquo-

reliquorum Apostolorū vocationi nō opponere, aut cum eā tanquam digniorem conferre, quasi illi ab hominibus, & per hominem Apostoli fuerint, quia à Iesu Christo, cum in terris ageret, Apostoli sunt vocati. Ostendit Apostolus contra Pseudoapostolos, vocationem suam ad Apostolatū legitimam esse, qui Apostolatū ejus, ut illegitimum, & humanā tantū authoritate nixum, in Ecclesijs Galaticis sugillabant. 2. Mathias etiam electus à Christo glorificato, non ergo propositum Apostolo sic loquenti, vocationem suam ab aliorum Apostolorum vocatione distinguere. 3. Interpretatio nostra non obstat peculiari & miraculosæ Apostoli Pauli vocationi: nam etsi reliquis Apostolis in eo cum Paulo convenit, quod non ab hominibus, neq; per hominem, sed per Iesum Christum Apostoli; hoc Paulo tamen peculiare, quod vocatus à Iesu Christo ex mortuis suscitato: nostra ergo interpretatio non minus agnoscit hoc privilegium Pauli, quàm Socini, etsi nostra id non eliciat ex illis verbis, non ab hominibus, neque per hominem.

C A P. X. Tertiæ Classis argum.

De loco ad Philip. cap. 2. vers. 6. 9.

DEcimum argumentum ductum est ex Epistol. ad Philip. cap. 2. v. 6. 7. *Qui cum in formā Dei esset, non rapinam arbitratus est, esse se aequalem Deo: sed semetipsum exinanivit, for-*
N 5 *mam*

nam servi accipiens, in similitudinem hominum factus, & habitu compertus ut homo. Negat Socinus hoc unius Dei esse, & operosè contra hunc locum disputat, ad luxandam insignis, & gravis loci auctoritatem. Hoc agens Socinus, partim refutat argumenta, quæ pro sententiâ Orthodoxâ sunt, partim varia adfert pro opinione suâ. Duplici itaque viâ procedet disputatio nostra hoc loco : primò viâ confirmationis : secundò viâ confutationis argumentorum pro sententiâ contrariâ allatorum.

Vox *μορφῇ* quam hîc Apostolus habet, ut hoc prælibem, notat tum formam essentialem, quæ dat esse rei; tum accidentariam. Theologicus autem, & verus hujus vocabuli sensus, quo Iesus Christus dicitur in formâ Dei *ἐν ἰσότητι* eruendus est, ex materiâ rei subjectæ de quâ agitur, & loci hujus circumstantijs. Dicimus ergo *in formâ Dei esse*, Paulo idem significare, quod esse Deum, naturâ & essentiâ divinâ esse Deum, ut est Deus, in cujus formâ Iesus Christus hîc esse dicitur, quod sic probatur. 1. Nemini dubium esse debet, quin si Christus naturâ æternus Deus, Apostolus ad hanc ejus Deitatem respexerit; cum diceret: *qui cum esset in formâ Dei*: at Christus sic est Deus, ut demonstratum hætenus. 2. Qui sic est in formâ Dei, ut æqualis Deo sit, ille est Deus, in sensu Orthodoxo. At verum prius, ergo & posterius: consulatur hac de re locus tertius hujus classis. 3. Si Iesus Christus in formâ Dei, cum formam servi acciperet, similis hominibus factus; tum forma Dei non notat poten-

Psal. 113.

v. 5.

Mich. 7.

v. 18.

potentiam & auctoritatem patrandorum miraculorum, quæ illi demum communicata, cum baptizaretur, aut circa istud fere tempus. At verum antecedens, ergo & consequens. Antecedens argumenti est certissimum, nam prius in formâ Dei fuit, quàm accepit formam servi. Prosyllogismus ad majoris consequentiam stabilendam allatus, probatur ex eo; quod cum de beneficiâ & amore Christi agitur, quem demonstravit nobis Deus, redimendo & salvando nos; solet frequenter per missionem, aut adventum ejus in mundum, ista res significari, vt Math. 10. vers. 11. Math. 20. vers. 28. Iohan. 3. vers. 16. 17. 1. Iohan. 4. vers. 8. 11. Rom. 8. vers. 3. Hebr. 2. 14. 1. Iohan. 1. v. 14: hîc autem Apostolum eâ etiam ratione locutum, inde patere potest, quia hîc agitur de derelictione formæ Dei, quæ non fuit immediate ad obedientiam mortis crucis; nam interferit hîc Apostolus, inter esse illud in formâ Dei, & obedientiam ad mortem crucis, actus exinationis intermedios: dicit enim Apostolus primum in genere, obedientem esse factum; inde adhibitâ specificatione ad mortem: non ergo obedientia illa ultimæ passionis cancellis concludenda, vt facit Socinus, qui hoc refert ad tēpus *Socin.* illud, quo summas injurias à Iudæis & gentibus *pag. 292.* est passus, & vinctus & flagellatus fuit: est ergo obedientia referenda ad totū obediētię cursum: nā non potest esse dubiū, quin Patri suo obedire cœpit, cū in justitiâ & vitę integritate ambulare cœpit, quam justitiam & vitæ integritatem in Christo fuisse in ipsâ juvenili ætate ejus, docuit *Socin.*

Socin. pag. 244. probans ibidem id ex loco Luc. 2. vers. 52: quo cap. habetur etiam illustre exemplum obedientiae Christi, respondentis parentibus suis: *nesciebatis me oportere in iis esse, quae Patris mei sunt?* deinde hic agi de missione, & adventu ejus in mundum v. 7. & initio 8. vel, quod idem est, de ejus incarnatione, non de extremâ ejus passione, probo. 1. Ex locis æquipollentibus, ubi dicitur *particeps factus carnis & sanguinis* Heb. 2. v. 15. *caro factus* Ioh. 1. v. 14. *missus in similitudine carnis peccati* Rom. 8. v. 3: *in carnem venisse* 1. Ioh. 4. v. 2. non legitur ullibi missionem & adventum Christi immediatè ipsum ultimæ passionis tempus antecessisse. Illa ergo missio & adventus non denotat statum, in quo Christus primum esse cœpit in horto, sed referenda hæc sunt ad tempus illud, in quo cœpit esse homo: nam tum revera cœpit esse caro, quia factus ex semine Davidis, quo ad carnem; non enim bis caro factus, hoc est primum homo, inde homo mortalis & fragilis; sed cum homo natus est, natus est homo mortalis, ut & fideles omnes Heb. 2. 1. 4. Sic sub ipsum Evangelij sui initium Iohannes dicit, *ὁ λόγος & σὰρξ ἐγένετο*; non ergo demum caro factus, cum introiret in hortum Ioh. 18. v. 1: caro fuit Christus Iohanni, non postquam Dei formam, id est potentiam miraculorum deposuisset, ut hic interpretatur Apostolum Socin.; sed cum virtute miraculosâ polleret quàm maximè: cum enim dixisset, *& sermo ille factus est caro*; subdit *& commoratus est inter nos, & spectavimus gloriam ejus ut unigeniti à Patre.* Dico ergo, ut hoc tertium

tium argumentum concludam, hæc verba Pauli, quia ejusdem sunt argumenti, ita etiam explicanda esse, ut sensus ille, quoad substantiam, ex ijs eliciatur, quem elici oportere ex alijs locis jam per Dei gratiam commonstratum esse credo. 4. Ut in tertio argumento probavi, earum rerum, quas tractat Apostolus, primordia non in horto, quo pati cœpit Christus; sed in ipsa ejus incarnatione quærenda esse, ita in hoc quarto speciatim ostendam, Christum fuisse in formâ Dei; antequam mari, ventis, morbis, morti, dæmonibusque imperaret; imò desijisse jam tum in formâ Dei esse, cum statuit in formâ Dei esse cœpisse: Id verò hoc argumento doceo. Si Christus ab eo tempore, quo cœpit facere, & docere, exinanivit & submisit se, & habitu compertus ut homo, tum jam defierat esse in formâ Dei eo tempore, quo Socinus statuit eum primùm incepisse esse in formâ Dei. At Christus jam ab eo tempore, quo cœpit facere & docere, exinanivit & submisit se, & habitu compertus ut homo. Ergo. Argumenti assumptio probatur ex ipsâ interpretatione adversarij, qui formam servi exponit vilem ac despectum esse, aliorumque injurijs valdè expositum, easque ne verbo quidem ulcisci audere, pag. 292. & in similitudinem hominum factum esse, & habitu inventum esse ut hominem exponit: quod ad exteriora attinet, similem esse vulgaribus hominibus, qui morituri: hæc sane Christo non evenerunt tantùm aut propria fuerunt supremo vitæ die, sed ab ipso inito ministerio in eo impleta. Hæc itaque cum ita sint,

*Socin.**pag. 293.*

sint, sequitur sententiam Socini, de formâ Dei, & æqualitate cum Deo, confictam esse; ac per consequens, sententiam orthodoxam esse veram. 5. Argumentor, si hæc forma Dei, non est natura divina, sed potentiæ cujusdam communicatio, Christo homini ex gratiâ facta, deponenda illi, ad præstandam obedientiam per mortem crucis, Deo, ratione officij à Deo postulati debitam, jam ista exinanitio non est magis admirabilis, quàm voluntariæ quorumvis fidelium perpeffiones; nec alius libertatis in istâ exinanitione modus, quàm in omnium aliorum exinanitione: quod profecto alienum est à graphicâ hac descriptione liberrimæ charitatis, obedientiæ, & exinanitionis maximæ, quam præ se ferunt Apostoli verba.

6. Si forma Dei est tantum potentia miraculorum patrandorum, quod ad hanc temporalem vitam attinet, tantum abest, ut mirabile sit, Christum illam Dei formam, & æqualitatem cum Deo per diem vnum deseruisse, ut è contrario mirabile fuisset si non deseruisset, quia per mortem crucis, & istius formæ intermissionem, novam Dei formam & æqualitatem multò excellentiorem sibi comparavit. At contra hoc mirabile est Apostolo, quod cum in formâ Dei esset, seipsum exinanivit: ergo forma Dei non hoc significat, quod Socinus vult; sed quod Orthodoxi volunt. 7. Si hæc forma Dei, tum etiam Socinus statuere potest, Apostolos fuisse in formâ Dei. At hoc absurdum: ergo. Confirmatio sententiæ orthodoxæ sic fuit: antequam verò argumenta adversæ partis confutē,

vindicabo hætenus allata pro cōfirmatione sententię orthodoxę, ab objectionibus adversariorū.

Obijcit Socinus pag. 301. Ostorod. cap. 19. Institut. Germ. sect. 8. *servum esse, non posse idem esse, quod esse hominem hoc loco: quia non agitur hic de Dei servo, sed servi nomine ipsa conditio servilis intelligitur, quā quidem homines à cæteris hominibus distinguuntur, & hac conditio, utpote omnium infima, divina conditioni, quæ omnium suprema est, opponitur. Quamquam nec quilibet homo in sacris literis Dei servus dicitur, nec homo, quatenus simpliciter est homo, etiam comparatè ad Deum, servus nominari solet.*

Resp. Negando, Christum non dici servum hic comparatè ad Deum. Nam quā homo Dei servus est & fuit, hoc est alieno dominio subiectus; in istā subiectione Deo vixit: ita Apostoli servi fuerunt, & Iesus Christus Dominus ipsorum: sic fideles omnes servi sunt. Quapropter contra hanc expositionem non facit, quod quilibet homo in sacris literis Dei servus non dicitur, neque etiam quā homo: nam nos hic formam servi interpretantes, humanam naturam non sumimus formam servi in conceptu abstrahente, ut sic dicam, ab actuali servitute, à quā in sacris, qui sic dominio Dei subiecti sunt, ut colant eum, servi Dei dicuntur. At instat amplius, *formam servi significare conditionem servilem, quā quidam homines à cæteris hominibus distinguuntur, & hanc conditionem servilem ait in Christo valere, abjectum, vinctum, flagellatum esse, & in crucem agi.* Verum respondeo, hanc expositionem improbabilē esse, propter has rationes. pag. 300. Socin.

1. Quia

1. Quia servili conditioni planè accidentarium est hoc, in quo formam servilis conditionis Christi ponit Socinus: nam si apparentia aliqua servilis status in eo esset, necesse esset, illud ipsum aliquatenus, aut ipsi servitutis statui intrinsecum esse, aut annexum ejus proprium: at verò ista planè sunt extrinseca: servitutis est non esse sui juris. 2. Talem servilis conditionis definitionem non habemus in Scripturis: servus quidem dicitur, qui liber non est: qui in domo non manet perpetuò, & ad hæreditatem non venit: nunquam verò Christiani, ob afflictiones quas pro nomine Christi patiuntur, dicuntur in formâ servi esse, aut formam servi assumpsisse. 3. Scripturæ passionem Iesu Christi recensentes, nusquam hujus servilis formæ meminerunt: nec cum servis, sed cum sceleratis & impijs reputatum dicunt. Quin & Christus ipse cum caperetur, ut ex Evangelicâ historiâ notum est. 4. Etiam si vera esset expositio, formam servilem id significare, non tamen quadraret ad hunc locum; nam Apostolus hîc respexit ad ea, quæ servitutis sunt propria; ut indicant voces *submissionis* & *obedientiæ*, quibus proprium servorum erga Dominos officium continetur.

Secundò obijcit Socinus pag. 297. Ostorod. cap. 19. Institut. Germ. secti. 9. 10. *hæc verba, in similitudinem hominum factus, habitu comper-tus ut homo, significare eum vulgaribus hominibus similem esse factum, quod exponit Ostorod. (Socin. expositionem supra vidimus) Christum ita se gessisse, depositâ Dei formâ, ut inter eum & vulgares homi-*

homines nullum discrimen fuerit : ita habitum hominis privativè opponit Ostorod. formæ Dei ; formam verò servi opponit formæ Dei contrariè : quapropter immeritò negant , hæc verba continere expositionem formæ servi , cum ipsis *ὅτι μὴ ἀνθρώπου* esse aliud nihil sit ; quàm in formâ servi esse , in quantum illa forma servi privat formâ Dei , & per modum formæ contrariæ & positivæ non consideratur. Ipsam autem humanam naturam à sensu horum verborum non excludendam, ostendi argumento tertio : est ergo factus, ut quivis alius homo , dum homo est factus, & communem hominū sortem subiit. Deinde si hominem esse hîc non notat ipsam essentiam hominis , sed moriturum & mortalem esse , ut habet Socin. pag. 297 ; sive formâ Dei vacuum , ut exponit Ostorod. , tum similitudo malè ab ipsis opponitur veritati : nam Christum volunt revera factum esse hominem cum pateretur, eo sensu quo hîc hominem definiunt, nempe talem , qui mortalis , moriturus, & formâ Dei vacuus, patrandorumque miraculorum impotens, Accedit, quod falsa hæc expositio , quia Christus natus mortalis & moriturus : nec Ostorodiana illa probari potest : nam formam illam Dei revera exuisse , historia passionis non docet ; imò contrarium patet ex Ioh. 18. v. 6. nec erat tantum in illâ Dei formâ cum à Iuda proderetur, sed etiam cum vinctus, flagellatus, crucifigendus tandem esset Ioh. 10. v. 18. nec passus est qui paulò antè erat Dei Filius, & jam secundum potiore partem Filius Dei vnigenitus esse desierat, ut turpiter somniant

mniant hi homines, sed passus & mortuus est, qui erat & manet Dei Filius. Postremò Christus semper in Scripturis dicitur homo, ratione naturæ humanæ, aut saltem nusquam sensus essentiae & naturæ excluditur: vox etiam similitudinis & habitus non repugnat naturæ veritati, vt ex aduersariorum expositione ostensum est.

Tertiò ibidem obijcit Ostorod. *Natura humana est interior hominis forma: habitus ille hominis non est interna, sed externa hominis forma.* Resp. Naturam humanam non tantum interiori formæ, sed & corpore constare: minor aduersarij falsa est, si velit habitum illum, non denotare hinc humanæ naturæ veritatem; quamvis concedam quia hominis non esse formaliter idem cum ipsa essentia hominis. Nihilo plus valet, quod ibidem objectat, quod Christus non dicitur factus homo; sed in similitudinem hominum factus: verba enim similitudinis sæpe rem ipsam significant. Ut Ioh. 1. v. 14. Luc. 22. v. 44. 1. Cor. 4. v. 1.

Quartò ad dissolvendum argumentum septimum supra à nobis formatum, obijciunt Socin. pag. 301. Ostorod. section. 5. cap. 19: magnum hac in re inter Apostolos & Christum discrimen esse. *Christum* inquit Socin. *potestate & autoritate, in seipso perpetuò residente, ad Dei exemplum, mirabilia multa fecisse: id Apostolos nunquam fecisse, aut facere potuisse: quippe qui potestatem, quâ erant in faciendis miraculis præditi, in seipsis perpetuò residentem non haberent, nec propriâ autoritate, sed ipsius Christi ea facerent: cu-*
jus

jus nomen etiam in eis faciendis aut aperte, aut tacite, sine dubio semper invocabant. Addit Ostorod. Christum potestatem suam etiam alijs communicasse.

Resp. Esto, habeant se hæc ita, vt magni hi magistri volunt, potestatem illam in Christo fuisse perpetuam; in Apostolis interruptam: non sequitur inde, Apostolos non fuisse in formâ Dei; sed tantum non fuisse in formâ Dei perpetuò. Nam nec illa forma Dei in Christo fuit perpetua: hi enim dogmatistæ dicunt, per passionem mortis fuisse interruptam, tantam Apostolicæ potestatis eclipsin difficulter ex Scripturis probaturi. Deinde gradus rei rem non variat: Christus in formâ Dei & æqualis Deo, cum in terris ageret; non obstante, quod multo magis in formâ Dei & æqualis Deo fuit, postquam exaltatus est, vt supponunt adversarij: ergo & Apostoli in formâ Dei & æquales Deo; etsi hæc forma & æqualitas imperfectior formâ & æqualitate ipsius Christi. Secundò ait Socin. *Apostolos non propriâ auctoritate, sed ipsius Christi ea fecisse.* Resp. Quid nomine auctoritatis hîc intelligat, non satis explicat: si idem quod voce potestatis; tum hac in re, Apostolos quod attinet, non est discrimen: si nomine auctoritatis hoc velit, quod & vocis nativus usus & fermocinatio ejus postulare videtur, Apostolos, in miraculis faciendis, non ex proprio arbitrio, sed juxta mandatum Christi, rem omnem debuisse gerere, dicam non esse, quod hîc obtendat propriam Christi auctoritatem, quam in explicatione loci tertij hu-

jus classis destruxit. Nam explicans illa verba : *Filius non potest à semetipso operari , nisi viderit Patrem operantem* , interpretatus est , nisi quod faciendi potestatem & passum habuerit à Patre : & in paraphrasi ejusdem loci pag. 256. verba ejus sunt. *Vobis enim sanctè ac constanter affirmo, me à me ipso nullam vim , aut auctoritatem quicquam faciendi habere.* Si ergo propria auctoritas requiritur, falluntur Sociniani, cum sentiunt Christum in formà Dei fuisse, ratione potentię : aut si proprię auctoritatis defectus Christo non obest , quo minus in formà Dei , nec Apostolis oberit. Tertiò *mover de invocatione tacitè vel apertè sine dubio ab Apostolis facta* : At si quis idem regerat de Christo, hærebit aqua. Quartum est *Christum potestatem suam etiam alijs communicasse.* Resp. 1. Hoc ad rem non esse, de quâ agitur : nam in Dei formà esse non est Socin. posse illam Dei formam alijs communicare, sed habere eam : si ergo illam habuerunt Apostoli, non sequitur non fuisse in formà Dei, quia communicare non potuerunt. 2. Neque hoc verum prorsus , per Apostolos istam potentiam non communicatam ; nam per impositionem manuum Apostolorū, datus fuit Sp.S. Act. 8. v. 17. 18.

Hisce sic dissectis, venio ad confutationem argumentorum , quibus Socin. probare studet, Dei formam & cum Deo equalitatem, non posse esse naturam ipsam & essentiam divinam.

Prima ejus ratio talis est. *Quod Christus non deposuit ad tempus, neque rapinam non est arbitratus, id non est forma seu equalitas ista : at divinam naturam ad tempus non deposuit , neque rapinam,*

Socin.

pag. 296.

non

non est arbitratus, sed semper retinuit. Ergo.

Resp. Negando minorem, Christum naturæ divinæ gloriam non deposuisse quadam ratione, aut eam prorsus retinuisse, vel rapinam duxisse, aut se ratione ejus non exinanivisse, quæ æquipollent Apostolo. Nam illa verba, *non ducere rapinam*, non videntur indicare, justam & legitimam esse, ut sic dicam, istius cum Deo æqualitatis possessionem; sed voluntariam ταπεινωσιν: quod postulat ratio oppositionis, & subjuncta horum verborum exegesis, *sed seipsum inanivit*. Nam si Apostolus istis verbis jus Christi asseruisset, dixisset in participio, non ducens, vel non ducit, ut dixit, existens in formâ Dei: neq; dixisset, sed se inanivit; sed, nihilominus vel tamen. Hic ergo sensus istorum verborum videtur: sunt enim Apostolo opposita, rapinam ducere, non inanire: non ducere rapinam; & inanire. Hic ergo sensus, inquam, nisi quis malit hæc verba legere per enallagen modi indicativi pro subjunctivo, ac si dixisset Apostolus, non esset rapinam arbitratus: vel cum Bellarm. ac si scriptum esset, sciebat suam cum Deo æqualitatem legitimam esse, etsi deponeret restituendam: & particula ἀλλὰ non exponatur adversativè, quæ propria ejus significatio, sed per *quamobrem*, ut etiam aliquando sumitur: sed potest significatio vocis ἀλλὰ maximè propria retineri, & modi indicativi significatio. Dico ergo, ut ad rem veniam, dici posse Filium divinam naturam deposuisse, si sanè intelligatur, nēpe ideo quod homo factus, & gloriam majestatis suæ sub tegumento carnis mortalis sic nonysurpavit & exercuit.

Quod si hanc solutionē non acceptat adversarius; non malè eādē ratione vrgeri poterit, quā hoc syllogismo sententiam nostrā premere studet: nam Christū potentiā suā non prorsus fuisse spoliatum, ostēdi suprā pag. 145. & nimis indignum, hominē, qui Christi nomen profitetur, blasphemis irrisoribus asētiri, qui per sarcasmū Domino in cruce pendentī exprobrabant, *alios servavit, seipsum non potest servare*, Mat. 27. v. 42. Addo quod illa forma Dei, quā hīc fingit Socinus, non exercet oppositionē cum ejus submissione & obedientiā. Nam hæc non pugnat, posse solo verbo, mari, ventis, morbis, morti, dæmonibusq; ipsis imperare, & injurijs aliorum exponi, vinciri, flagellari, & in cruce suspēdi. Etenim cum lapidātium manus evaderet, erat in formā Dei nihilominus, & quoties Iudæorum injurijs & convitijs expositus fuit, cū in hac formā Dei versaretur? nulla ergo in eorum sententiā causa est, propter quam sentiant, Christum potētiā suā spoliatum esse. Sic Apostolus ille, qui quolibet die mortificationē Domini Iesu in corpore circumferebat, non sustinebat tamen quicquam loqui, quod non effecerat Christus per ipsum ad obedientiam gētium verbis & factis. Porro illa etiam potentię vsurpatio non est incompatibilis cum passione & morte Christi, non magis quā in Apostolis: quapropter invertere possumus hoc argumentum, hoc pacto. Quod Christus non necesse habuit deponere, illud non est forma Dei, & æqualitas cum Deo, at nō necesse habuit miraculorum patrandorum potentiam deponere: ergo. Rursus, in quo non est submissio, in ejus oppo-

2. Cor. 2.

v. 10.

Rom. 15.

p. 18.

opposito non est forma Dei. Atqui in non patratione miraculorum, non sita est illa submissio: ergo in ejus opposito non est forma Dei.

Secunda ejus ratio est: *neutiquam in Deum ipsum cadit, non existimare seu arbitrari, se rapuisse naturam, sive essentiam divinam, præsertim si hinc aliqua ejus voluntaria actio profecta fuisse dicatur: ut certè ex Pauli verbis colligitur, voluntariam Christi actionem, seipsum exinaniendi, hinc profectā fuisse, quod non arbitratus fuerit rapinam, quod esset equalis Deo: hoc enim indicat fieri potuisse, ut Deus arbitraretur, se rapuisse naturam sive essentiam divinam: id quod perabsurdum est, imò verò valde impium, quocunq; tandē sensu dicatur. De Iesu Christo quidem, sine ullā absurditate aut scelere dici potest, fieri potuisse, ut is arbitraretur se rapuisse equalitatem, quam cum Deo habebat, id est, ita se gereret ac si eam rapuisset, eam videlicet, ut antea exposuimus, mordicus retinendo: sed de Deo quomodo dici potest, eum mordicus suā essentiam divinam retinere potuisse? hoc enim, ut cetera omittam, apertè demonstrat, eum potuisse illam deponere.*

Summa argumentationis hujus in eo est: dici non posse, Deum divinam suam majestatem potuisse rapinam ducere, seu retinere mordicus, ut exponit ipse: quod falsum est, si rectè accipiatur, & non ita crudè efferatur, ut profert adversarius, *per rapere naturam Dei, aut essentiam non deponere.* Si enim per hoc mordicus retinere & rapinam ducere, nihil aliud intelligatur, quàm Deum potuisse nolle exinaniri per incarnationem, & submissionem voluntariā, sic hoc verissimum est: ex liberrimo enim & gratio

tioso voluntatis suæ beneplacito, Filius Dei factus θεῶν υἱὸς πᾶσι, & Mediator noster non necessitate vllâ. Voluntariam ergo actionem hîc agnoscimus, quam Socinus non agnoscit, qui ratione legis & officij statuit Christum debuisse, non ducere rapinam, æqualem esse Deo: nam Christus mandatum moriendi à Patre accepit, & quâ Christus erat, mori illi necessarium erat: non potuit ergo istam equalitatem retinere simpliciter & absolutè.

Socin.

Tertia ratio est, *in Deum non cadere, seipsum exinanire, etiamsi exinanitio ista non significaret, quod propriè sonat, abjectionem rerum, quarum quis sit plenus; sed tantummodo suiipsius demissionem atque dejectionem: nec enim Deus se demittere aut deicere potest.*

Resp. Deus in se ἀπαπεινώσας, demisit se secundum œconomiam, vniendo sibi naturam humanam; & in eâ Patri, tanquam domino, ad ignominiosissimam mortem subeundam, se submittendo: in quâ submissione gloriam suâ sub carnis velo celavit, & non ita exeruit: sic Deus præclaris operibus suam exaltat gloriâ Psal. 21. v. 14. Psal. 57. v. 6. quod dū non facit Deus, quod tantenus se ex lege contrariorum demittit.

Quarta ejus ratio est, *exaltari in Deum non cadere, alioqui, inquit, non esset altissimus.* Resp. In Scripturis doceri, & exaltari Deum, & altissimū esse eum, qui exaltatur. Nec Christus tantū secundum humanam naturam exaltatus, sed secundum vtramque, etsi ratione dispari. Non ergo necesse, vt adversarius tam operosè hîc probet, sequi Christū ratione divinæ naturæ exaltatum

tum esse, si illa Dei forma & cum Deo æqualitas, in hoc loco Pauli, sit natura & essentia divina. Cætera quæ in hac quartâ ratione persequitur, mox videbimus, vbi deventum erit ad examen & confutationem eorum, quæ in translatione loci octavi primæ Classis, nempe Es. 45 in hunc locum coniecimus.

Progredimur itaque ad rationem quintam *Socin.* & vltimam Socini, quæ breviter in formam syllogisticam sic contrahi potest. *Quod ad docendum & persuadendum, ut loquitur Socinus, seu in exemplum proponitur, ut habet Ostorod cap. 19. section. prim. necesse est visum esse, ut Socin. vel notum esse, ut sentit Ostorod. At demissio per incarnationem, nec visa, nec nota est. Ergo. Sic se habet argementum Samosatenicum. Resp. ad maiorem, in quantum illa Socini, eam sic universaliter prolatam esse falsam. Nam dicat mihi, quis viderit peccantes angelos? quod tamen Iudas Apostolus in exemplum proposuit Epistolæ suæ vers. 6. Quid? An non Christus illustre sanctis omnibus virtutis exemplum, qui per angustam portam & salebrosam viam contendit ad æternam gloriam, & confedit ad dextrâ throni Dei? an nostrum non erit, in illum fidei ducem & perfectorem intueri? quia illi, qui eum ascendere viderunt, interventu nubis, oculis suis ereptum, cælum cælorum ingredientem non viderunt? nedum collocari in throno æterni sui sacerdotij & regni? Angelorum obedientiam in cælis non videmus: ad eorum tamen obedientiam exemplarem cogitationes nostras converfas esse voluit Dominus, cum orare nos docuit,*

fiat voluntas tua in terrâ, quemadmodum in cœlo. Oculatos testes postulat assumptę à Filio Dei nature humanę in vtero virginis, insulse profectò: proferat ille oculatos testes exinanitionis illius, seu depositionis formę Dei, quã ille in vtero cerebri sui concepit, quã horã, quibus præsenti- bus facta sit, nemo nec discipulorum, nec alius quisquam evanescere illam Dei formam vidit. Abraham ille Pater, nonne in exemplum fidei vivæ, ab Apostolo Iacob. proponitur, cum dicit cap. 2. v. 21: *Abraham Pater ille noster, nonne ex operibus justificatus est, cum obtulisset Isaac filium suum super altare?* ineptum hoc exemplū Socin. quia desunt oculati testes, Gen. 22. v. 5. Falsum est ergo, vt nihil gravius dicam, res non visas in exempla proponi non posse: sufficit res certas & indubitatas esse, vt est incarnationis mysterium. Nam quod obijcit Ostorod. *Doctissimos Trinitarios agnoscere modum ejus rei inexplicabilem sibi esse,* id non intelligunt de an sit rei, vt sic dicā; sed de exactâ istius mysterij penetratione.

Socin.

pag. 301.

Quoniam verò Bellarm., vt probet Christum hominem, non posse dici æqualem Deo; quia Deus illum, ad æqualitatem sui, evexerit; affert verba illa ipsius Dei, apud Esa. cap. 42. videbimus quo pacto adversarius ad ea excipiat.

Locus sic habet. *Ego sum Iehova, illud nomen meum, gloriam meam alteri non dabo, & laudem meam sculptilibus.*

Socin.

pag. 302.

Primò excipit Socin. nomine alterius, intelligi eos, qui cum ipso nihil commune habent; & quibus si gloria & laus aliqua tribuatur, ea ad ipsum Deum non

um non refertur; sed contrà tantundem gloria & laudis ipsi auferatur: cuiusmodi sunt sculptilia. Non autem dicit Deus, se suam gloriam, cum nemine à se dependente, sibi que subordinato communicaturum; sic enim nihil ipsius gloriæ decedit, cum ad ipsum, quicquid gloriæ talis ei subordinatus habet, prorsus referatur: imò ejus gloria augetur, cum consideratur illum & potuisse & voluisse, cum aliquâ re creatâ, ex summâ potestate ac benignitate suâ, communicare suam gloriam.

Resp. De hac relatione, subordinatione, communicatione adversariorum visum aliquoties suprâ. 2. Sic Pontificij incrustare solent idololatricos sanctorum suorum cultus, inter quos plurimi, qui veram cum Deo communionem habuerunt. 3. Omnes fideles Dei servi & Israelitæ veri, communionem cum Deo habuerunt; nemo tamen eorum unquam existimavit, gloriam divinam, propter quam coli possit & debeat, aut ipsam cultus divini gloriam communicabilem sibi: nec ullibi Deus, inter subjecta capacia, & non capacia divinitatis distinxit; sed sibi ipsi uni & soli, contra hanc sententiam relationis, subordinationis, communicationis, illam gloriam vindicat. Contradictoria enim sunt; Deum illum agnoscere & colere, & alterum illi subordinare: Deo gloriam suam dare, & alteri eam tribuere: aut alteri tribuere, eam tamen ad Deum referre. Fundamenta hujus veritatis passim in sacris inculcantur. Deum vnum esse docetur, Deut. 6. vers. 4. 1. Cor. 8. v. 6: 1. Tim. 2. v. 5. *Præter aut extra eum, non esse Deum alium,*
Deut.

Deut.4.v.35.39. 2.Sam.7.v.22. & cap.22.v.32. 1.Reg.8.v.60: Esa.45.v.5: Esa.46.v.9. Si ergo quis ducem Scripturam sequi malit, quàm fallacem rationis suę ductum; interpreta- bitur potius testimonia N. Testam. quæ de di- vinitate, gloriâ & exaltatione Iesu Christi a- gunt, ita vt hæc doctrina V. Testam. de uno Deo colendo & adorando, facta testis maneat, quàm novitium Deum, qui extra & præter il- lum Deum Deus sit, inducat. Præsertim cum Apostoli nullam abrogationem, aut immutati- onem, hac in parte factam esse doceant; sed v- num Deum, eumque solum colendum & ado- randum nobis proponant Mat.4.v.10: vt unus colendus & adorandus sub V. Fœdere proposi- tus fuit, cum contra in ijs rebus, ubi legis abro- gatio aut immutatio facta est, clarè & ex pro- fesso de eâ re egerint. Deinde cum Iudæi Apo- stolis litem intentârunt, propter quæstiones de lege, extra dubium est, si doctrinam de vno Deo & cultu ejus immutavissent, molestiam multam & magnam eis exhibituros fuisse. Fru- stra verò hîc latebras quærit in potestate ac benignitate Dei, & insipidè gloriam augeri imaginatur, cum Deus gloriam suam obscurari & eripi sibi testatur, & sæpius conqueritur. De potestate ac benignitate Dei ex Dei verbo judi- candum, non ex cerebri humani conceptibus. Non credimus Pontificijs, quia in dogmate monstrosæ transubstantiationis, ad omnipoten- tiam Dei provocant. Deus benignissimus qui- dem; semper tamen zelo gloriæ suæ exarsit in sacrilegos.

Et quod si per istam prætenfam communica-
 tionem augetur gloria potestatis & benignita-
 tis ejus, non est quod tantopere reluctentur, nō
 admittentes gloriam, quæ Dei propria est, ipsi
 datam aut permissam esse, vt scilicet Christus
 habeatur omnium bonorum primus auctor &
 fons. Sibi enim, inquit, hanc gloriam Deum in-
 tegram penitus reservasse affirmamus. Sed cur
 queso? gloria enim potestatis ac benignitatis,
 per communicationem aucta, per omnem glo-
 riæ cessionem duplicata, quàm cresceret in im-
 mensum?

Socin.

pag. 303.

Hæc distinctio de gloriâ propriâ & commu-
 nicabili, fictitia est: nulla enim particula hujus
 gloriæ communicabilis: illa secundum essenti-
 am suam tota, quanta quanta est incommunica-
 bilis est: & si Deus hîc respicit ad gloriam sibi
 propriam, jam nomine *alterius* etiam intellexit,
 qui cum ipso aliquid commune habet: sin ad
 gloriam communicabilem, non egit de gloriâ
 propriâ. Socin. hoc pacto ex planâ propositione
 & sententiâ Prophetę tortuosam facit: *huic da-*
bo id est, qui non est à me alienus: *alteri non da-*
bo, id est, qui nihil cum me commune habet:
rursum non dabo gloriam meam, hoc est, summam
 & propriam; & *dabo gloriam* minorem & com-
 municabilē. Oratio veritatis simplex est: quàm
 vero hanc enuntiationem simplicem, glossæ So-
 cini multis flexibus sinuosam faciunt!

Pergit dicens, ex iisdem verbis: *Nec laudem* Socin.
meam sculptilibus, aperte colligi, *verbum dandi*, pag. 302.
hoc loco non vera dationis, sed permissionis tantum
significationem habere, vt etiam alijs in locis, nomi-
natim.

*natim verò Psalm 16. in illis verbis : nec dabis sanctum tuum videre corruptionem , cui enim dubium esse potuisset unquam , ne Deus , propriè loquendo , suam laudem sculptilibus esset daturus , id est eam cum ipsis sponte communicaturus ? non negat igitur Deus se suâ sponte , cum alio suam gloriam communicaturum . Hæc ille . Ad quod respondeo , non opus esse , hîc de significatione vocis *Etten* , contendere , quod Hebræis & darz & permittere est : significationem verò permissio- nis hîc necessariam non esse , satis probatur eo , quia de datione dubium suboriri poterat : ut evincit experientia , & multiplex idololatria pa- palis in Christianum orbem inducta , compro- bat . Et qui nullus dubitat , Deum gloriam su- am alteri non dare ; dubius non erit , num velit gloriam suam , idolis adscriptam , iisdem per- mittere . Concludit Socinus . *Non negat igitur Deus , se suâ sponte cum alio suam gloriam commu- nicaturum .* At conclusio hæc ex præmissis ejus non sequitur ; sed eidem directè contraria : si e- nim Deus gloriam suam adeò non dat alteri , ut ne quidem permittat alteri ; profectò infe- rendum fuit , cum alio non communicare glori- am suam .*

Ostorod.
cap. 14.
Instit.
Germ.

Glossa Ostorodij , præter eas , quas Socinus commentus est , est hæc : *Posse sic illa Dei ver- ba intelligi , nempe quod ille non sit permissurus , ut homines propriâ authoritate gloriam ipsius alijs , nempe idolis adscribant : non verò , quasi ipse , ex arbitrio voluntatis suæ , nemini communicare velit .* Respond. Glossam textui non convenire : nam Deus non adimit hoc dicto alteri gloriam suam
secundum

secundum quid, quasi tantum velit humanam auctoritatem, gloriam suam alteri non deferri: sed simpliciter & absolute se alteri eam non permittere. Ex quo consequens est, non debere humanam auctoritatem conferri. Non fit hic oppositio humanæ, & divinæ auctoritatis: nec potest etiam, juxta hypotheses Ostorodij; quia agitur de idolis, quibus Deus ab hominibus non tantum non vult deferri suam gloriam; sed simpliciter non deferri. Hæc de loco Esa. 42.

Restat nunc ut examinemus illa verba Pauli, quæ de exaltatione Christi agunt, quæ vehementer urgent adversarij contra sententiam Orthodoxam. Agit imprimis de hisce verbis Socinus, in loco octavo primæ Classis, qui Socino nonus.

Primo ait, *illum æternum Dei Filium, quem unum & eundem cum Patre Deum faciunt, secundum humanam naturam tantum exaltatum fuisse, idem esse, quod, ipsum æternum Dei Filium revera non fuisse exaltatum, sed tantum per idiomatum communicationem.* Resp. non tantum secundum humanam naturam exaltatum esse. 2. Malè ab adversario prædicationem veram opponi, prædicationi per idiomatum communicationem: probatur, quia si communicatio, subordinatio, dependentia, Socino causa justa est veræ prædicationis, communis Patri & Filio, quâ, quæ in vno loco de Deo illo vno Israelis dicuntur, de Christo in alio dicuntur: tum unio hypostatica, quæ magis unit Dei Filium cum humanam naturam, meritò censetur causa justissima veræ prædicationis per idiomatum communicationem.

Socin.
pag. 298.

Si vobis

Si vobis Socine ipse Deus adoratur, quando Christus adoratur, etiamsi Christus non est Deus, quantò verius dicitur, Dei Filium exaltatū, cum Christus homo exaltatur, qui verò est Dei Filius? Si Pater ea operatur, quæ Filius operatur, quia Filius operatur per potentiam Dei dono productam, vt quidem Socinus cum suis existimat: mirum revera, istiusmodi hominem prædicationes per idiomatum communicationem fictitias & non veras censere.

Objectiones reliquæ, quibus impugnat expositionem Orthodoxam huius loci, tum hæc, tum loco nono primæ classis, duplicis generis sunt. Aut enim procedunt contra subjectum exaltationis; quod statuunt Orthodoxi Dei Filium, Deum illum vnum; aut procedunt contra sententiam de exaltatione ipsâ, & summi nominis datione.

Prima objectio contra subjectum exaltationis est pag. 299. *Egregium porro illum vnum Deum, isti faciunt, qui eum premio affici posse, adeoque affectum fuisse docent.* Resp. Egregiam verò laudem & spolia ampla refertis, sic argumentantes. Præmium est id, quod, tanquam loco justæ mercedis, pro rectè factis datur. Annon Deo illi vni, ob præclara ejus in Israeliticam Rempubl. merita, omne genus honorum & gratitudinis debebatur? Christianorum spirituales cultus, & gratitudo vitæ moribusque præstanda, in Dei & Patris nostri gloriam, præmium quoddam est, præclaris Dei virtutibus, quas in salute nostrâ procurandâ exercuit, debitum.

Secunda objectio est, *absurdum esse, id cui pi-*
am

am dari, quod in ipsius manu & voluntate omnino est positum pag. 299. & 133. Atqui cum ista natura divina, ut illis placet, esset ipse ille vnus Deus, quomodo quaso fieri potuit, ut Christus homo indigeret ullâ clarificatione & manifestatione nominis sui, ab alio præsertim petendâ, quàm à semetipso? annon sine ullo alterius personæ dono, si ipse ille vnus Deus erat, necessario suo tempore clarissimum, & manifestissimum ejus supremum nomen futurum erat? annon si hîc nihilominus aliquâ actione, præter solam ipsius voluntatē, opus erat, nō poterat ab ipso met, qui in se omnia habebat, actio ista proficisci?

Tota hujus ratiocinationis vis in eo est: Christum à Patre glorificatum, ac propterea Deum illum vnum non fuisse; quia si Deus ille vnus, ejus glorificatione non indignisset, nec glorificari ab eo potuisset. Resp. itaque, cum vna & eadem deitas & potentia Patris & Filij, non potuit Filius habere per potentiam suam, quod non haberet per potentiam Patris; & si glorificaretur per potentiam divinitatis suæ, necesse erat vt à Patre glorificaretur: illa enim ejus potentia, Patris etiam potentia est; & in quantum est in Filio, originaliter est à Patre. Actiones Trinitatis ad extra sunt indivisæ, & Pater fons omnium in operando. 2. Christus hîc consideratur secundum peculiare officiū suum, secundum quod Mediator noster apud Deum Patrem est, cui se submiserat, obediendo ei usque ad mortem crucis: decuit propterea à Patre eum exaltari, & exaltatum dici propter causam hanc peculiarem: æquum enim erat, vt quem ille glorificaverat obediendo exaltati-

one illâ vicissim ab eo glorificaretur: nec absurdum est magis, Christum indiguissse alterius glorificatione, quàm absurdum est Patris sui testimonio indiguissse, quamvis de se firmum dare testimonium possit. 3. Si absurdum est petere ab alio; aut dari ab alio, quod positum est in manu & voluntate ejus qui petit, & cui datur; inconueniens etiam fuit, Christum rogare pro suscitatione Lazari, Ioh. 11. vers. 41. 42. Nam potentia & authoritas patrandorum miraculorum in Christo residebat Socin. pag. 301, eratque in ejus manu & voluntate absolutè positū quoque, mortuos suscitare, Ioh. 5. v. 22. Nec enervabitur argumenti hujus consequentia, si dicatur, nos statuere potentiam in Christo naturaliter residentem, se verò, ex gratiâ donatâ: nam hoc indifferens est, ad argumentationem, quâ hoc loco nectit adversarius. Si enim potentiam habebat sibi eam donatam, non necessariū illi erat auxilium novum Patris; nec opus erat à Patre fieri, ad quod ipsi satis aderat virium.

Hec de primo objectionum genere. Sequitur secundum, quod contra sententiam Orthodoxam, de exaltatione ipsâ dirigitur. Exaltationem hanc, de quâ agit Apostolus, causam procreatricem esse volunt divinitatis Iesu Christi, ratione cujus, supra res omnes & personas sit, & adorabilis factus. Hoc verò illud est, quod Orthodoxi negant & diffitentur.

Obijcit Socin. pag. 298. *De ejusmodi exaltatione agi, quæ facta in eum finem fuerit, ut adoratio & cultus divinus inde consequeretur: hoc in divinâ naturam non cadere: quippe cui, quod ad sublimitatem,*

tatem atrinet, nihil unquam defuerit, quod ad adorationem & cultum divinum illi præstandum requiratur. Verùm respondeo falsum esse, in divinam naturam non cadere exaltationem, ut adoratio & cultus inde consequatur. Nam Deus, qui non est factus homo, exaltatur per gloriosas actiones, ut adoratio & cultus inde consequatur. Nec sequitur, cui adest sublimitas, propter quam adorabilis, (detur venia vocabulo) eum exaltari non posse, ut adoretur & colatur: nam Deo illi vni nunquam illa sublimitas defuit, & tamen per divinam gloriæ suæ patefactionem, & nobilissimas actiones exaltatus fuit, ut cole-retur, & adoraretur. Dices disparem esse Dei & Christi exaltationem? Non nego, nec valet interea objectio Socini. Exaltatione Christi & datione nominis hoc effectum, ut majestas & gloria deposita illi restitueretur, quæ majestas in Christo refulgens, pulsâ crucis ignominiâ per exaltationem, ejusdem exaltationis terminus est. Divinitas itaque Christi pristino nitori per Dei Patris exaltationē restituta, est nomen illud supra omne nomen: nam exaltatio non attingit divinitatem, ut terminum à se productum; sed eandem ut in gloriâ majestatis suæ relucen-tem; ac propterea exaltatio non deitatem, sed causam novam colendæ deitatis contulit. Sic Deus, qui semper adorandus fuit, per gloriosas actiones indies nos ad sui cultum obligat.

Subjungit huic alterū objectamentū, *nihil magis nugatorium aut insulsum esse, quàm affirmare, eternum Dei Filium, pro premio suæ demissionis & obedientiæ, id habuisse, ut agnosceretur, qualis esset.*

Socin.

pag. 299.

Resp. 1. Nos illud non solum causam statuere. 2. Agnitio illa, quâ omnis lingua profitetur Dominum esse Jesum Christum, ad gloriam Dei Patris, causa & effectus dignissimus est demissionis Iesu Christi, vt docet Apostol. ibidem v. 11. Hoc ipsum ex adversarij sententiâ evincitur. Si Christus se demisit vt exaltaretur, quomodo ille eum vult exaltatum esse? et si sic exaltatus est, vt omnis lingua eum profiteretur, non debet tam ponderosa causa elevari, ad quam exaltatio dirigitur: nec negari agnitionem ἀποτέλεσμα esse demissionis; cum exaltationis ἀποτέλεσμα sit, ad quam exaltationem demissio refertur. Res enim magis sunt propter finem vltimum, quàm propter finem subordinatum.

Tertiò obijcit pag. 139. *Nos, interpretatione nostrâ, Paulum facere contrarium ejus dicentem, quod dicit; id est, Deum nec revera exaltâsse Christum, nec dedisse illi summum illud nomen, propter ejus obedientiam usque ad mortem crucis: quippe, cum secundum nostram hujus loci interpretationem, Christus ista jam ante mortē haberet.* Resp. 1. Iam ostensum esse, quomodo hoc verum, vel non verum sit. 2. Argumentor, hæc exaltatio aut contulit illam Socinianam Dei formam Christo de novo, aut non contulit: non contulisse dici non potest, quia post glorificationem efficax fuit in ministerio Apostolorum virtutibus & signis: Sin contulit, ergo contulit aliquatenus nomen, quod ante mortem habuit: nam ante mortem fuit in formâ Dei, & non est rapinam arbitratum, parem esse Deo.

C A P. XI. Tertiæ Classis argum.

De loco 1. Iohan. 5. vers. 7.

ARgumentum ex hoc loco formatum, sic habet. *Qui unum cum Patre & Spiritu Sancto, ille est æternus Deus. At Iesus Christus est unum cum Patre & Spiritu Sancto. Ergo est æternus Deus.* Argumentationes nonnullas à Bellarmino ad hunc locum allatas, quia parum firmę videntur, non attingimus.

Socinus primò contra hunc locum excipit, *Socin. emendatiora Græca exemplaria, & antiquiora La-* pag. 312.
tina, verba ista non habere, nec etiam Syriacam editionem. Contextum ipsum loci per se satis docere, adulterina illa esse. Legatur, inquit, Erasmus in suis annotationibus in hunc locum, & ipsorum Theologorum Lovaniensium notationes, in quibus inter cetera scriptum est, antiquum correctorium, quod contribuerat M. N. Hunneus, annotare, verba ista omnia, præter extremas illas duas voces, in terrâ, quas quedam exemplaria habent, deesse libris Græcis & antiquis Latinis, ac propterea cum locus planè controversus sit, nihil ex eo colligi posse ad quidquam concludendum.

Resp. Legi hunc locum in exemplaribus Græcis Roberti Stephani: ea etiam Complutensis editio habet; etsi cum eâ varietate, quod legat eis τὸ ἓν εἰς. Erasmus non dicit vniversaliter de omnibus. Antiquū correctorium, cuius meminerunt Theologorum Lovaniensium notationes, cum annotet voces illas in terrâ, ha-

beri in quibusdam exemplaribus, indicat reliqua addenda, quæ ad sensum supplendum desunt: nec sine ratione id sustinent, qui sentiunt, ante Arii tempora de hoc loco non fuisse litem; nam locus hic contra Arium productus ab auctore disputationis Athenasij cum Ario habitæ in Concilio Nicæno, ab eo non rejectus. Cyprianus etiâ hunc locum producit libro de Unitate Ecclesiæ: ubi sectione quintâ verba ejus sunt. *Et iterum de Patre, & Filio, & Sp. S. scriptum est: Et hi tres unum sunt. Et quisquâ credit, hanc unitatem, de divinâ firmitate venientem, sacramētis celestibus coherentem, scindi in Ecclesia posse, & voluntatum collidentium divortio separari? Hanc unitatem qui non tenet, Dei legem non tenet, non tenet Patris & Filij fidem, vitam non tenet & salutem.* Socratis, Historiæ Ecclesiasticæ lib. 7, cap. 32, disceptantis de Nestorio, verba sunt. *Ignorabat itaq, in vetustis exemplaribus Catholice Iohannis esse scriptum, omnem spiritum qui Iesum soluit, à Deo non esse. Hanc enim sententiam, ex vetustis exemplaribus abstulerunt illi, qui divinitatem, à dispensatione hominis separare voluerunt. Unde & veteres interpretes hoc ipsum significârunt, esse quosdam, qui epistolam hanc depravare conati sunt, ut hominem à Deo soluerent. Non ergo reiiciendus locus propter hanc lectionum varietatem, quæ & in alijs occurrit, qui tamen expungendi non sunt, ut hunc Arianorum audaciâ exosum esse, Hieronymus auctor est.*

Socin. Post disputationem de lectione loci, accedit ad argumenti refutationem, & respondet: si
 pag. 313. *ratio ex verbis illis vulgò ducta valeret, concludendum.*

dum similiter fore, spiritum, aquam & sanguinem, quæ eodem in loco commemorantur, eandem essentiã inter se habere: quod ad lectionis varietatem attinet, quæ est in eo, quod v. 7. legitur hi tres vnum sunt. v. 8. in unum ait complutensem editionem utrobique Socin. habere εἰς τὸ ἐν εἰσι, addens interea cū Erasmo, posse pag. 314. voculã in, ex idiotissimo hebraico, prorsus abundare.

Resp. primò ad argumentum, esse comparationem imparium: testes qui testificantur in terrâ, essentiã distingui, res & per se apertissima, testes in cælo essentiã unum esse, non tantum ex diversâ lectionis ratione probatur; verum etiam ex loco hoc cum alijs comparato, & ex iisdem illustrato: Complutensis editio non potest comuni lectioni præjudicare, Particulam in hîc abundare, tam facile reijcitur, quam affertur.

CAP. XII. Tertiæ Classis argum.

De loco 1. Iohan. 5. vers. 20.

ARgumentum breviter sic habet. *Qui est verus Deus & eterna vita, est Deus ille unus. At Christus est verus Deus & eterna vita. Ergo.*

Contra hoc argumentum nullum non lapidem movet Socinus: nullas non latebras quærit, ad claram & planam sententiam obscurandam, & tænebras inducendas rebus.

Majorem præfractè negat, & magno molimine impugnat, non expugnat locum in meridie lucentem. Præmisso hoc antisyllogismo pugnam exorditur. *Verus Deus est Socin. unus & solus: at Pater est verus Deus: ergo pag. 315, est unus & solus, consequenter non Filius,*

*cum Filius Dei non sit Pater, nec Pater sit Filius. Hic, inquit, de hoc suo ficulneo argumento gloria-
 turus, necesse habent ad distinctionem personæ, &
 individue essentia confugere; qua cum pugnet cum
 ipso sensu communi, & simpliciter allata, sit in
 hac disputatione quadam principij petitio, &c.*

*Resp. 1. Hęc est inanis rhetoricatio: nam
 argumentum Socini non profertur ex Scriptu-
 ris, sed ex *Kupiais dóxais* à se confictis: hic verò
 syllogismus noster ex Scripturâ formatus est, &
 cum ad hunc & alios ejus syllogismos respon-
 dent Orthodoxi, per distinctionem personæ, &
 individue essentiæ, ex Scripturis ipsis respon-
 dent: nam hoc ipso versu Pater docetur esse
 Deus & Filius, & non potest solvi Scriptura
 Joh. 10. vers. 35: quapropter necessariò deve-
 niendum ad distinctionem personæ & essentiæ
 divinæ: ille ad sensum suum communem pro-
 vocat, nos fidei doctrinam ducem sequi tutius
 existimamus, yt nihil amplius de hoc sensu ejus
 communi dicamus, quia ea de re aliàs actum,
 quantum satis esse debet ijs, qui libenter in
 verbo Dei acquiescunt.*

*Hoc syllogismo præmisso, ad minorem se ac-
 cingit, & negat primò hæc verba ad Christum esse
 referenda; quia in Græco articulus appositus est.
 Christus, inquit, etsi est verus Deus, non tamen est
 ille verus Deus, ille, inquam, solus verus Deus, id
 est, ille solus perfectissimâ ratione Deus. Verùm
 respondeo, hoc argumentum ex articulo de-
 promptum, imaginarium esse, vt suprâ de-
 monstratum, & demonstrabitur, Deo volente,
 amplius, vbi ad istum locum deveniendum fuerit.*

Secundò

Secundò non agnoscit Scriptura duos veros Deos ; sed vnum tantum : & qui cum Socin. sic distinguit , non Scripturæ ductum , sed sensus sui sequitur.

Secundò disputat de pronomine relativo, Socin. *quod non semper referat id quod propius est , sed id pag. 316. ferè, de quo præcipue agitur : quod alioqui loci sensus perverteretur , nec propinquitas major efficere debeat, ut de quoquam sub pronomine relativo id censeatur dictum, quod illi convenire non potest ; præsertim cum alius, quamvis non ita propinquus , nominatus fuerit, cui id, quod sub pronomine relativo dicitur, optimè conveniat , & non tam Gramaticales regulas , quam rationem ipsam attendendam esse. Hoc totum probat quinque exemplorum inductione. Primum est locus ille Pauli 2. Thess. 2. vers. 9: secundum est Hebr. 5. v. 7: tertium est 1. Iohan. 2. v. 28: quartum est 1. Iohan. 4. vers. 2: quintum est Ioh. 5. v. 14.*

Resp. Regulas prædictas , in materiâ subj-
ctâ, pro adversario non concludere : nam cum hæc verba de Filio accipiuntur , nec loci sensus pervertitur, nec tribuitur Filio , quod Filio non convenit : & ex ratione est, ad Gramaticales regulas attendere , nisi obftet prægnans ratio in contrarium : sequendus ergo hic sensus, quem totius sermonis cohærentia præ se fert : non enim interpretationes longè petitæ , quas millesimus non observet, eligendæ, præ obvio & plano verborum sensu. Præstat autem sensum, sponte quasi ex dictis profluentem , amplecti, quàm callidè excogitatum iisdem obtrudere. Referendus non adferendus est sensus Scriptu-
ræ:

Socin.

pag. 317.

ræ : quæ omnia cum ita sint , exempla adducta , in ijs rebus dissimilia , in præsentī casu pro Socino non concludunt. In loco ad Thess. 2. illa verba : *cujus adventus est ex efficacitate Satanae* &c. evidens est per se , referri debere ad impium illum , antecedenti versu ab Apostolo nominatum ; adeo ut sine insaniâ & blasphemiâ aliò referri non possint. In loco ad Heb. 5. Melchisedechus non recensetur , nisi ut demonstretur , sacerdotalem Christi dignitatem legitimam esse , adeo ut hæc verba sine manifestâ torsione , omnibus faciliè conspicuâ , aliò referri non possint , quàm ad Christum. In loco Iohan. 2.

Socin.

pag. 318.

agitur de spiritali nativitate , quâ in Dei Filios geniti sunt fideles : hæc solet ad Deum Patrem referri , quâ ille nos in suos filios gignit. De loco quarto dixi , in loco secundo hujus classis. In loco quinto , ubi legitur , *& hæc est fiducia quam apud eum habemus* , Deus proximè nominatus fuit : nam dixit Apostolus in fine vers. 13. *& ut credatis in nomen Filij Dei* , & quamvis vers. 12. & 13. continuâ verborum serie , ut hîc ait Socinus , actum de Dei Filio ; tamen in ijsdem verbis , multum facit ad rem illam persuadendam , de quâ agitur , quod Filius Dei Filius : insinuat enim eo hoc loco , Deum vitam æternam in illo suo Filio dedisse nobis : ergo & hîc etiam revera de Deo Patre agitur.

Istis omnibus sic positis , statuendum (cum exempla sint planè dissimilia , & circumstantiæ istorum locorum , rerumque subjectarum argumenta ostendant , ea sic interpretanda ,

vt jam dixi, h̄c verò secus) verba hæc ad Iesum Christum proximè nominatum referenda esse : sermonis enim simplex & plana coherrentia nos eò ducit : nec verum est quod scripsit hoc loco antagonista , de Deo Patre h̄c præcipuè agi.

Tertiò obijcit titulum *veri*, quod nusquam alibi Iesus Christus ille verus Deus esse dicatur, aut quidpiam aliud, quod tantundem valeat, de ipso aperte affirmetur : nec per se idolis opponatur, sed Pater, vt Actor. 14. vers. 15: Actor. 17. v. 24. 1. Cor. 8. vers. 4: 2. Cor. 6. vers. 16: 1. Thess. 1. v. 9: Ioh. 17. v. 3. Resp. Act. 14. Patrem nec aperte, nec tacitè nominari, & quamvis Iesus Christus, cum terminis ita expressis non dicatur verus Deus, nec ita formaliter idolis opponatur ; sunt tamen loca, in quibus Deus absolutè dicitur, vel Deus & Dominus meus, quæ tantundem efficiunt, ac si verus Deus appellatus fuisset. Deinde etsi in loco Ioh. 17. Pater dicatur solus verus Deus expressè, verba tamen eadem, secūdum convenientissimam expositionem, ad Filium referuntur : nam in solius veri Dei cognitione, & inde profluente cultu, vitam æternam vniversa Scriptura sacra collocat. Ex loco ad Cor. satis evidenter perspicitur, oppositionē, ex mente Apostoli, fieri inter idola & Dominum illum vnum Iesum Christum : nam verba ejus sunt vers. 3. 4. 5. *De esu igitur eorum quæ idolis immolantur, scimus idolum nihil esse in mundo, & nullum esse Deum alium nisi vnum. Nam etiamsi sint qui dicantur dii, & in cælo & in terrâ, (sicut sunt dii multi, & Domini multi) nobis tamen*
vñs

unus Deus, Pater ille à quo omnia, & nos in ipso, & unus Dominus Iesus Christus, per quem omnia & nos per ipsum. Hic Apostolus vnum Deum & Dominum, quem Christiani habebant, idolis, dijs, & dominis multis opponit. Denique Christus satis, quod ad rem ipsam, idolis opponitur, dum omnis cultus, idolis ademptus, Deo vivo & vero vindicatur ab Apostolo Paulo Act. 14. v. 15. 16. cum enim inter res vanas, quæ colendæ non sunt, & Deum vivum creatorem cæli & terræ, qui colendus est, non sit medium, & neutrum quoddam; sequitur, cum Christus colendus sit, esse Deum illum vivum creatorem cæli & terræ. Sic Thessal. 1. v. 10. dicuntur fideles spem suam in Filio collocasse: nam dicuntur *eum expectare è calis, eruentem se à venturâ illâ irâ*; quæ expectatio Filij, cum servitute Dei vivi & veri, idolorum derelictioni opponitur. Quod ergo colitur Apostolo, aut idolum est, aut Deus vivus & verus. Quod autem Socinus dicit, Christum alibi per se idolis non opponi, hoc elumbe est: nam & hoc loco non est necesse, statuere Apostoli Iohan. admonitionem, de cavendis idolis, tantum Filium respexisse: imò potius statuendum, Iohannem, ut & in multis alijs hujus epistolæ locis, fidelibus commendare voluisse perseverantiam in fide unius & veri Dei. Deinde falsum est, illum per se idolis non opponi, videatur 1. Cor. cap. 10. v. 16. 17. 20. 21.

Socin.

Quartò obijcit, *planè verisimile esse, verba illa proximè antecedentia & sumus in illo vero, referenda esse, ad illum eundem verum, cujus cognitionem nobis dedit Filius Dei veniens, ut qua statim*

con-

consequuntur in Filio ejus &c. *Ex Hebraeorum idiotissimo, eoque in N. Testam. frequentissimo, ita accipiantur, ac si scriptum fuisset per Filium ejus.*

Resp. per antithesin, prorsus probabile esse, ad sequentia illa referenda esse: nam esse in vero illo, in Filio ejus Iesu Christo, aliam expositionem, aut relationem ad Deum Patrem non permittit: quod facile vidit Socin. ideoque ad enallagen præpositionis *in pro per* confugit: sed sine ratione & necessitate vllâ, quod contemnendæ temeritatis est: si hoc voluisset Apostolus, non utrobique in his verbis usus esset particula *in* in sensu dispari: neque etiam Erasmus hoc in loco *in* pro *per* scriptum ait.

Quintò obijcit, *verba illa per parenthesin legi & posse & debere.* Resp. Socinum hîc parenthesin fingere ex autoritate propriâ sine vllò exemplo.

Tandem evidentiâ loci convictus, *in eam sententiam se facile devenire dicit, ut quando omnino videatur idem hujus loci sensus esse, qui est verborum ipsius Christi Ioh. 17. v. 5. non solum ad Patrem clausulam istam, hic est verus Deus & vita æterna, referendam esse; sed etiam ad Christum, quatenus referri potest & debet: perinde ac si Iohannes dixisset: hîc habetis verum Deum & vitam æternam: verum quidem Deum, quia ecce habetis Christi Patrem, qui est solus verus Deus, ut ipse Christus dixit: vitam autem æternam, quia ecce, simul cum Christi Patre ipsum Christum habetis: & sic pronomen hic eandem vim habere posse, ac si hoc dictum fuisset, ita ut referatur ad totum illud, quod proximè præcessit, masculino tamen,*

Socin.
pag. 421.

non

non neutro genere , pronomen istud fuisse enuntiatum, propter nomen verus Deus, masculini generis, quod illi statim subieiebatur : exemplum simile dicit esse Math. 13. vers. 38. bonum semen, hi sunt Filij regni : & Ioh. 17. v. 3.

Resp. Ita trahendo & distrahendo , ex locis Scripturæ sensum, quem volueris, facile excuseris. Socinus disputator quodlibeticus hîc est, quod probavit mox damnat : statim parenthesis probabilis ; nunc rejectâ parenthesis locum discerpit, & prius illud *verus Deus Patri donat*: posterius illud, *æterna vita, Filio*. At quid clarius, quàm verum Deum , & vitam æternam de eodem prædicari ? hæc ergo adversarij concessio, Filium hîc vitam æternam dici, pugnat pro sententiâ orthodoxa , Filium hîc à Iohanne verum Deum esse dictum: & etiamsi ille non concederet, concedendum tamen magis , hunc verum Deum esse Jesum Christum , quia ille qui verus Deus dicitur, hîc etiam vita æterna dicitur ; hoc enim revera multo fortius astringit argumentum nostrum : nam etsi vita æterna non tantum in Filio , sed & in Patre residet, semper tamen fere vita æterna in Filio esse dicitur : & quamvis æqualis necessitas est fidei in Deum Patrem , quæ est fidei in Filium, semper tamen fere vrgetur fides in Filium, quod tum in Euangelio, tum in Epistolis huius Apostoli valde est obvium : Iohan. 1. vers. 12. 16: Iohan. 3. vers. 15. 16. 17. 18. 35. 36: Iohan. 4. vers. 14: Iohan. 6. vers. 29. 35. 37. 40. 47. 48. 50. 51. 53. 54. 56. 68. 69. & alibi passim : sic prioris Epistol. cap. primo vers. 1.

vers. 1. *sermo vita appellatur*: cap. 2. vers. 22. 23. *quis est mendax nisi qui negat Iesum esse Christum illum? hic est antichristus, qui negat Patrem & Filium: quisquis negat Filium, nec Patrem habet, quod agnoscit Filium etiam Patrem habet*: cap. 3. v. 23. *hoc est igitur ejus mandatum, ut credamus nomini Filij ejus Iesu Christi*: cap. 4. v. 2. *ex hoc cognoscite Dei Spiritum, quicumque Spiritus profitetur Iesum Christum εν σαρκι εληλυθота ex Deo est*: rursus v. 3. ibidem & 15. cap. 5. v. 1. 5. & 11. *hoc testimonium Dei esse dicitur, quod vitam æternam dedit nobis, & hanc vitam in Filio esse*: rursus v. 12. & 2. Epist. v. 9. *Dico ergo multo magis hæc verba, hic est verus Deus, ad Filium esse referenda, quia ille, qui verus Deus dicitur, etiam vita æterna appellatur*: at Socinus hæc dividere maluit: rationes audiamus.

Primò putat, *hunc locum equipollere loco Ioh. 3. v. 17.* Resp. multum differere: Ioh. 17. expressis verbis docetur, vitam eternam acquiri cognitione Dei Patris, solius veri Dei, & Mediatoris Iesu Christi. Hic tantum Filius, & verus Deus, & vita æterna dicitur. Ad secundum, *in quo hic, pro hoc interpretatur*, respondeo, totam istam interpretationem distortam, & corruptionem textus esse: hæret enim imperfecta hæc sententia, per hanc insolentem explicationem. Exempla quæ attulit, pro hac depravatione loci non faciunt; nam in utroque exemplo ista enallage generis est manifesta, & subjectum, & prædicatum enuntiationis, in utroque loco est expressum: hic verò Socinus enallagen comminiscitur, cujus ne minimum quidem in textu vestigium, & orationem

tionem Apostoli, hærentem & mutilam facit : frustra ergo exemplis illis commento color quæsitus fuit.

CAP. XIII. Tertiæ Classis argum.

De loco Johan. cap. i. vers. i. &c,

Socin. pag. 322. **I**N principio erat verbum : & verbum erat apud Deum : & Deus erat verbum , omnia per ipsum facta sunt. Quatuor hoc loco argumenta sunt, secundum numerum enuntiationum. Primum argumentum est in illis verbis , *in principio erat sermo.*

Duæ videntur potissimum esse causæ , cur Dei Filius λόγος. Prima est , quia est æterna Dei , & subsistens sapientia. Altera est , quia Deus per eum nobis revelat voluntatem suam : secundum priorem λόγος ἑμφύτης est , secundum posteriorem προφορικός : secundum priorem relatè ad Deum sermo, secundum posteriorem ad nos : hæ causæ antiquitati istius denominationis sunt præcipuæ, si quæ aliæ interdum afferuntur, secundariæ sunt, & ex istis tanquam rivuli ex fonte deducuntur. Posteriorem significationem tantùm admittit Socinus, non priorem : ac propterea putat, nihil ex istâ voce concludi posse pro essentiâ divinâ Christi. Verùm significatio prior ei minimè contemnenda fuit; nam in translatione Chaldaicâ , quam sæpius Iohannes imitatur , quæque magnæ semper auctoritatis fuit Iudæis , verbum Dei passim hoc sen-

sensu appellatur. Significatio etiam hæc, quâ λόγος dicitur, ratione originis à Patre, vt æterna Patris sapientia, convenit omnino rebus, de quibus in principio hujus capitis agitur: nam quâ verbum Dei substantiale, in principio erat apud Deum, Deus mundi & rerum omnium fabricator. Sed missâ voce, de quâ curiosè non contendendo, argumentum statuimus in prædicato hujus propositionis; vel quod idem est, quod sermo ille dicitur fuisse in principio: verùm antequam hoc argumentum tractemus pressius, non abs re videtur, nonnulla adversario respondere ad ea, quæ de voce λόγος hîc disputat.

Obijcit vocem λόγος, consuetâ ac frequentissimâ, (præsertim in sacris literis, ubi vetus interpres pag. 32.3 verbum plerumque illam reddidit) significatione, sermonem significare. Resp. hoc non negari: at tum in priori significatione etiam accipitur, aut ea non excluditur.

Pergit pag. 326. videri omnino, Evangelistam voluisse explicare, cur Christum verbum appellasset, cum postquam expressisset v. 17. istud verbum aliud nihil esse, quam Iesum Christum, pro verbo videlicet apertè Iesum Christum reponens; statim v. 18. subjunxit, Deum nemo vidit unquam; v. nigenitus Filius, qui est in sinu Patris, ipse enarravit. Adfert in eundem finem pag. 327. locum 1. Ioh. 1. v. 2. cap. 5. v. 11. cap. 2. v. 25. ejusdem Epistolæ. Deinde citat 2. ad Timoth. 1. v. 10.

Resp. Locum illum primi cap. v. 17. 18. aut omnino non exponere, cur Filium Dei λόγον nuncupaverit (exponere autem, nullo argumento fides fit) vel si quis velit expositionem esse,

Q

dici

dici potest non totaliter, sed partialiter per hoc exponi. Ad locum cap. primi Epist. prioris respondeo, priorem significationem hîc imprimis retinendam esse, quia quod Christus λόγος æternus æterni Patris, fundamētum est ejus, quod λόγος nobis arcana Dei de salute nostrâ consilia patefaciens, & magis est nobis λόγος vitæ ex vi sensus prioris, quàm posterioris. In tribus locis sequentibus λόγος non appellatur, ideoq; ad rem non faciunt; neque ea quæ in ijs dicuntur, adferuntur tanquam hujus nominis causæ. Nec etiam locus ille Apocal. cap. 19. v. 13. probat, Christum esse nominatum λόγον ratione officij Prophetici, aut solùm ratione ejus.

Socin.

pag. 328.

Ex eo, quod hoc verbum carnem factum esse legitur, duxit rationem Bellarm. pro naturâ divinâ ejus verbi: hanc eludit Socinus hoc pacto. *Verbum Græcum, quod Latine redditum fuit, factum est, esse ἐγένετο, quod non minus, fuit, quàm, factum est, significat: debuisse locum verti & verbum caro fuit, non autem & verbum caro factum est: quemadmodum, inquit, ordo ipse verborum Iohannis postulat; qui absurdè diceret, verbum carnem esse factum, id est, ut adversarij volunt, naturam humanam assumpsisse, posteaquam de ipso ea dixisset, quæ post Christum hominem natum extiterunt; sed non absurdè, post ista omnia de eo dicta, sub verbi appellatione, de homine, qui aliquando mortalis fuit, se loqui declaravit, dicens istud verbum fuisse carnem.*

Resp. Etiam si interpretatio vocis ἐγένετο per fuit admitteretur, sequeretur nihilominus, verbum hoc essentiâ Deum esse: si enim Christus
secun-

secundum humanitatem tantum Dei verbum esset, nihil operarentur hæc verba Iohannis, sed ridiculè locutus esset, *verbum*, hoc est, hominem divinæ voluntatis interpretem, fuisse hominem.

2. Vocis ἐγένετο natura & propria significatio est, *nasci, oriri*; inde Latius *fieri*: hinc per meta-lepticam significationem, sumitur pro *esse*: quoniam res factæ, cum factæ, tum sunt. Et pro *fieri* perpetuè fere usurpatur in N. Testam. quod plus quàm sexcentis locis probari possit, & quando significat *esse*, altera significatio connotatur. Iohannes certè nunquam, quantum ego quidem observare potui, eâ voce est usus, nisi in significatione propriâ, aut ita, ut significatio illa excludatur. Ostorod. cap. 19. Institut. Germ. section. primâ, profert nonnulla loca pro sensu, *fuit*: Ioh. 1. v. 6: Marc. 1. v. 4: Luc. 1. v. 5: Luc. 24. v. 19: Rom. 11. v. 34. Verùm loca Ioh. 1. v. 6: Marc. 1. v. 4: Luc. 24. v. 19: Rom. 11. v. 34. per *fieri* rectè explicantur, aut saltem non negandum, sensum ipsius *fieri* dictis istis inclusum esse. Nam cum de Iohanne Baptista dicitur, ἐγένετο ἄνθρωπος & ἀπεσπάλμενος παρὰ Θεοῦ, revera factus est missus, ut sic dicam, ut belgicè dicimus *gesonden geworden*. Ita Iohannes baptizans factus est, baptizando Marc. 1. vers. 4. & sic baptizavit, & baptizatus fuit. Ita Rom. 11. vers. 34. τίς σύμβουλος αὐτῷ ἐγένετο, reddi posset, quis factus ei à consilio? esse enim Dei consiliarius nemo posset, nisi factus aliquando esset. Ita & locus Luc. 24. v. 19. commodissimè exponitur, per factus Propheta potens. Unus tantum locus videtur istam significationem,

exclusâ propriâ & nativâ, postulare, quî est Luc. 1. v. 5. Iohannem dixi nunquam eâ voce vsum, nisi in significatione propriâ; aut ita vt illa excludatur: in loco ab Ostorodio producta, res manifesta est, non enim dicitur de Iohanne simpliciter ἐγένετο, sed missus fuit. Unus adhuc locus est, de quo dubium moveri posset, Iohan. 20. vers. 27. in quo Dominus Thomæ dicit μὴ γίνῃς ἀπιστῶν : sed & hîc significatio propria retineri potest: non enim tantum volebat Dominus, vt Thomas defineret esse incredulus, vt hætenus fuerat; sed ne porro incredulus esse pergeret; sic enim magis ac magis factus fuisset incredulus: accedit quod dicitur ἀλλὰ πιστός; fidelis autem esse non poterat Thomas, nisi fieret: *sis fidelis* valet hîc, *fias fidelis*: ex hisce efficitur, legendum hîc esse, non *fuit*, sed *factum est*. Porro cum Iohan. hoc loco, simpliciter significare vult rei existentiam, non ortum, verbo substantivo εἶμι vtitur: sic dicit, *in principio erat verbum, erat apud Deum, erat Deus, in ipso vita erat, & vita erat lux*. Cum verò indicare vult ortum & rerum productionem, vtitur voce γίνεσθαι. At instat, ordinem verborum postulare, verbum illud γίνεσθαι reddi per verbum *fuit*. Quia absurdè diceret Iohan. Christum naturam humanam assumpsisse, posteaquam de eo dixit, quæ post Christum hominem natum extiterunt: hoc post magistrum, discipulus Ostorodij etiam obijcit sententiæ orthodoxæ de incarnatione cap. 18. Institution. German. section. 2. etsi paulò aliter ille objectionem suam formet.

Resp.

Resp. Sæpe hysteron proteron multa narrari. Genes. 10. v. 31. confer cum Gen. 11. v. 1:1, Cor. 10. v. 16: Marc. 14. 23. 24: sic & hoc ipso loco v. 10. 2. dici potest, ordinem hîc imperturbatum esse, & regressionem fieri ad sermonem illum, qui fuit aliquantum intercisus, per intercurrentem v. 12. 13. vt clarius & plenius Scriptura nobis explicaret, quomodo *in mundo fuerit & ad suos venerit*. 3. Quod si adhuc de inverso ordine conquerantur, & id sententiæ nostræ obijciant, dicam, turpe esse doctori, cum culpa redarguit ipsum: nam si quam ordinis inversionem expositio orthodoxa infert, meminisse oportebat, & ipsorum inferre. Quid? an non Ioh. dicit *commoratus est inter nos* v. 14? & tamen v. 11. & 12. narravit ea quæ consecuta sunt ejus inter nos manifestationem, & adventum. Ostorodius statuit, Christum carnem esse factum, hoc est inter alia hominem vulgarem, posteaquam Iohannes testatus est, contemptum à suis fuisse vers. 11. quod est effectum ejus rei, vt ipse ibidem existimat. Et quod si Euangelista, vt eodem loco existimat Ostorodius, docuerit istis verbis, Christum afflictionibus obnoxium fuisse, in verso ordine hoc docuit; cum postmodum historiam vitæ & operum nobis componat. Denique Socinus, vocem illam ἐν αἰσῶν pag. 331. interpretatur, cum Baptista prædicare coepit: v. 6. verò de missione ejus agitur: ergo & hîc inversio ordinis est.

Instat amplius Ostorod. sectione tertiâ ejusdem capitis, dicens, *quod si quis communē versionem retinere velit, dici posse, istis nō significari Christum*

stum hominem esse factum; sed tractatū fuisse ut peccatore; afflictionibus, & ignominiose morti factū obnoxium, ut Apostolus in re pene simili, similibus verbis locutus est Gal. 3. v. 13: Rō. 8. v. 3: 2. Cor. 5. v. 21.

Resp. 1. Christum semel carnem esse factū, secundum script. non bis, videatur suprā in loco ad Philip. 2. 2. Dico non rectē passiones ipsius naturæ humanæ infirmæ & mortalis, significationi vocis carnis includi: multo minus illę, quæ naturæ humanæ conditionem juxta communem ejus sortem non consequuntur: qualia sunt cædi, conspui, crucifigi. Scriptura disertē carnem Christi à passionibus & morte ejus distinguit; non enim cum Ostorodio, passiones & mortem ejus carnem ejus facit: sed carnem facit subjectum passionum Rom. 8. v. 3. *caro peccati*, non est ipsa mors, sed subjectum mortis; nam dicitur *peccatum in carne condemnasse, hoc est in corpore illo carnis suæ* Col. 1. v. 12: ita Petrus testatur, *Christum peccata nostra sursum tulisse, in corpore suo super lignum*, 1. Pet. 2. v. 24: *carne mortificatus* dicitur cap. 3. v. 18: caro subjectum, mortificatio carnis passio subjecti statuitur: rursus caro ejus non est passio ejus, sed est *passus carne* cap. 4. v. 1. Evincitur ergo, hæc verba Apostoli non confundenda cum ijs, quæ de passione & maledictā ejus morte loquuntur; sed ad incarnationem ipsam quā naturam passibilem assumpsit, referenda esse.

Hiscē sic disiectis, venit jam pressius examinandum argumētum hoc, *in principio erat sermo*. Audi Evangelium, inquit Basilii magnus, sermone in hæc verba. Si erat in principio, quando
non

non erat? nervosa & brevis argumentatio: quod enim erat jam tum in principio, æternum est; nam quicquid est, aut æternum est & non principiatum, aut temporale & principiatum. Si verbum æternum est, & non prius verbū quàm Deus, utique æternus Deus.

Socinus occurrit, aliam significationem principij obtrudens; principium pro *subjectâ materiâ* pag. 329. *Socin.* *varium esse dicens: omnia sacra testimonia, in quibus ista duo verba absolute, ut hîc, posita leguntur, id manifestè docere: Esa. 52. vers. 4: Esa. 60. v. 9: Dan. 8. v. 1: Act. 11. v. 15: proinde cum hîc subjectâ materia sit Euangelium, nulli dubium esse posse, quin hoc loco, in principio, Evangelij initium significet, ac si scriptum fuisset, in principio Evangelij: semper enim in hujusmodi locis aliquid subaudiendum esse, ad quod vox principij referatur.*

Resp. Cum Orthodoxi ex istis verbis ἐν ἀρχῇ argumentum ducunt, pro æternâ Christi Deitate; non argumentari ex istis vocibus, in abstracto consideratis; sed in concreto, hoc est ex eo, quia agitur de principio productionis rerum omnium. Hanc principij significationē, ut everteret Socinus, ad Euangelium restrinxit, quàm rectè, de eo jam videbimus. Ait ergo *mentem Ioh. Socin.* *fuisse, jam tum, cum Baptista predicare cœpit, fuisse pag. 331.* *à Deo hîc muneri, voluntatem suam patefaciendi, destinatum, & jam reipsâ ad id singulariter electum: adeo inquit, ut Ioh. Baptista ipse, ut tempore patefactionis suæ aliquanto superior, sic dignitate multo inferior esset.*

Resp. Per istiusmodi interpretamentum novum deteri, imò prorsus evanescere augustam

horum verborum maiestatem, quibus tamen nihil gravius, ab Euangelista adduci potuit, ad commendandam incomparabilem Filij Dei dignitatem. 2. Non est ferenda interpretatio, quæ ex tam augusto exordio, identicam, ineptam, & puerilem propositionem facit : at Socini interpretatio hoc facit. Confirmatur, nam si verba illa, *in principio*, tantundem valent, ac si dixisset, cum cœpit prædicare Baptista : tum in ipsis illis verbis, *in principio*, hoc continetur, Christum destinatum fuisse in lucem vitalem : si ergo hæc resolves, aut potius involuas ex mente Socini, habebis Christum destinatum fuisse in lucem vitalem, jam tum, cum inciperet Iohannes prædicare, ipsum destinatum esse in lucem vitalem : hoc ipsum enim erat, quod prædicabat Ioh. vt Scriptum est v. 7. 8. hujus capit. & testatissimum hoc fecit Apostolus Paulus, vt alia omittam Act. 19: vbi scriptum extat vers. 4. *Iohan. quidem baptizavit baptismo resipiscentie, dicens populo, ut in eum qui post ipsum veniebant crederent, hoc est in Iesum Christum* : si enim credere debebant in Christum Iesum qui veniebat, satis significabatur eo, à Deo destinatum & electum fuisse. 3. Si intendisset Iohan. Socini mentem, non dixisset, *in principio erat verbum* : sed ante principium erat verbum: semper enim Baptista Christum anteponit : vide v. 15. 27. 30. 4. Cum de prædestinatione Iesu Christi agitur, non restringitur illa ad tempus, nedum ad istiusmodi tempus, quod parum præcessit tempore executionem ipsam, Ioh. 17. v. 5. 1. Pet. 1. v. 20. in quo loco existimat Smalc. lib. de divinitate Ies. Christi cap.

cap. prim. , agi de decreto Dei , quo Christus destinatus est in præconem æternæ vitæ: de eo, qui prædestinatus est ante jacta mundi fundamenta , Patribus promissus , à Prophetis prænuntiatus, ab angelis, Simeone, Zacharia, matre Maria & alijs pijs agnitus , quod Christus esset & arcanorum Dei interpres, (erat enim principium notissimum, Christum omnia annuntiaturum, Ioh. 4. v. 25.) dicere ejus dignitatem nobis per hoc hîc ob oculos poni , quod ab inito ministerio Baptistæ destinatus fuerit, nimis insulsum est. 5. Secundum hanc expositionem, nihil singulare de Christo dicitur : nam Iohan. magis sic erat , cum Malachias de ipso prophetaret, & Apostolus Paulus separatus fuit ab utero matris suæ. 6. Non potest admitti hæc corruptio textus, per quam & contradictoriæ dignissimarum propositionum verificantur. In principio non erat sermo, non erat apud Deum, non erat Deus, non erat in illo vita. 7. Dico vocis *erat* vsitatam, simplicem, & propriissimam significationem retinendam esse ; quia nec rei subjectæ, nec loci natura contrarium postulat , sed pro propriâ significatione militant. Concludo itaque non agi his verbis de prædicatione Euangelij, per Iohannem inchoatâ; nec de destinatione ad munus Propheticum : nec si de eâ ageretur, inde duceretur hoc consuetarium, Christum Baptista dignitate priorem esse.

Hoc jacto erroris fundamento , alienissimos sequentibus sensus affinxit. Sequitur apud Evangelistam : *Sermo erat apud Deum*. Hîc novam interpretationem adfert vocis, *erat*: expo-

Socin.

pag. 332.

nit enim hoc, soli Deo notus erat: nam *legitur, inquit, illum ipsi Iohanni Baptista aliquando fuisse ignotum* Ioh. 1. vers. 33. Resp. Interpretamentum adulterinum esse. 1. Quia nusquam eo sensu, Dei Filius apud Deum esse, vel fuisse dicitur. 2. Non in principio, sed ab omni æternitate, Deo & Patri suo notus fuit. 3. Falsum est, & sacrę historiæ veritate repugnans, soli Deo fuisse notum: jam enim angelis, & multis hominibus innotuerat: nec Iohanni erat ignotus secundum notitiam internam, sed secundum notitiam personæ externam tantum, secundum quam tamen, Simeoni, magis, pastoribus, Marię, manifestatus erat: eligat quod vult, non evincet soli Deo notum fuisse: quod si intelligat de notitiâ externâ, ut omnino hoc videtur inferre, quod dicit Baptista aliquando fuisse ignotum, tum ab Apostolorum temporibus usque ad diem judicij fuit, & erit apud Deum. Concludo ergo, fuisse apud Deum, ut erat in principio: nulla enim ratio permittit, nunc de hoc, nunc de illo essendi modo, hæc verba accipere. Et est hoc alterum divinitatis Christi testimonium, erat enim in principio apud Deum sermo subsistens personaliter, sermo enim suppositum est, ut inter nos & adversarium convenit.

Socin.

pag. 333.

Tertium *Deus erat ille sermo*. Reponit adversarius. *Primum non esse Deum illum unum, qui apud eum fuit; respondere autem per distinctionem essentia & personæ, vanissimum effugium vocat.* At etiam nos vanissima effugia dicimus esse, respondere per negationem distinctionis essen-
tiæ

tiæ & personę, vt hac de re visum jam aliquoties: imò ex hoc ipso loco aduersarius refelli potest, & ostendi, non esse vanissimum effugium. Cum enim duo hîc dicantur Deus, & non dicatur Deus absolutè, qui nō est Deus ille unus, necesse est vt sentiamus Christum, de quo inter nos & aduersariū controvertitur, non dici Deū nisi ob istam causam: & quamvis Deus ille vnus, tamen ab eo distinguitur: habemus hîc ergo, in vnitate essentiæ, distinctionem personarum.

Excipit secundò, *articulum non appositum, in Socin. hac sententiâ arguere, vocem Deus non accipien-* pag. 334.
dum eo sensu, quo in sententiâ precedente. Appo- 335.
nit Græcans, quia hoc illi ex re suâ videtur. Grecam linguam; cum aliquod nomen eodem sensu vult repetere, articulum ei repetendo apponere, quamvis antea appositus non sit, tantum ab est, vt antea appositum, in repetendo deinde ommittat. Exemplum adfert ex vers. 4. huius cap. Joh. 13. vers. 3.

Resp. Quantum tribui debeat argumento, ex fonte articuli derivato, iudicabit lector ex ijs, quæ suprâ dicta sunt pag. 95. Miror vnicum articulum, in tantâ causâ, tantum aduersario armamentarium esse, & ex fonte tam exiguo, tot interpretationum rivos pullulare: contenti itaque erimus hoc loco attendere ad id, quod hic monet, de usu Græcę linguę in huius articuli vsurpatione: quem Iulius Cæsar Scaliger dixit, loquacissimę gentis flabellum. Observationem hanc nullam esse dico, non enim ex particularibus inferri potest mox regula generalis: fallit hæc observatio;

servatio; consule Mat. 5. vers. 8. 9. vbi legitur cum articulo, *mundi corde Deum videbunt*, & in sequente sine articulo, quod *pacifici Filij Dei vocabuntur*: Luc. 22. v. 20. 21. Ita appositus articulus omittitur hoc cap. vers. 14. & *spectavimus gloriam ejus*, cum articulo; mox sequitur sine articulo, *gloriam ut unigeniti*, & vers. 45. *erat verò Philippus* cum articulo; in sequente, *invenit Philippus*, sine articulo: appositus ergo articulus, in repetendo sæpe omittitur. Fallit & altera observatio, Græcam linguam, cum aliquod nomen eodem sensu vult repetere, articulum ei in repetendo apponere, quamvis antea appositus nō fuerit. Legitur Nathanael vers. 49. 50. sine articulo: cap. 2. vers. 1. 11. Cana utroque loco sine articulo. Scribit Budeus, vir in Græcâ linguâ non vulgariter versatus, Commentar. Græcæ linguæ pag. 593. Atticorum esse, τὰ ἄρθρα πλεονάζειν, ἢ περισσὴ πένειν, & vicissim καὶ ἑλλείπειν τῶν ἄρθρων πολλάκις λέγειν. Visum itaque, præterire disputationem illam, de causis, propter quas quidam existimant, ut hîc sibi obijcit adversarius, articulum illum omissum esse.

Socin.

pag. 335.
336.

Socin.

pag. 337.

Quartum est. *Per quem facta sunt omnia, ille non est factus; sed Deus ille unus. At per Christum facta sunt omnia: ergo. Primò negat ex eo, quod verbum non est factum, sequi non esse creaturam: creare, esse ex nihilo producere. Resp. Agnosce- re adversarium, confundi hæc in sacris, ad Deum relata: Nec apud Philosophos creare & facere opponuntur: nam dicunt rem esse factā, vel fieri posse, per creationem: imò Scholastici definiunt creationem, effectiōnem rei ex nihilo:*

quæ verba, ex nihilo, actionem creandi distinguunt ab eâ, quæ est per educationem de potentia subjecti. Dei facere itaque, cum de emanatione rerum ex Deo agitur, creare est : ita Deus in creatione cæli & terræ, & rerum omnium, creando faciebat, & faciendo creabat. L x x. interpretes Gen. 1. v. 3. 6. habent, ἐγένετο φῶς, ἐγένετο σπέρμα.

Secundò excipit, negans eum, per quem facta sunt omnia, illum non esse factum. Verba ejus sunt: *etiam si vox, omnia, universè planè accipienda fuerit : semper enim in istiusmodi locutionibus, quantumvis universalibus, excipitur is, de quo ipsa universalis enuntiatio effertur. Huic exceptioni firmandæ adfert illud, quod vers. 7. hujus cap. scriptum extat, ubi sic legitur. Hic venit in testimonium, ut testimonium perhiberet de lumine, ut omnes crederent per illum. Hic, inquit, apertum est, vocem omnes Iohannem non comprehendere : aut si velimus neminem prorsus excipiendum, sequi alterutrum; Iohannem, aut in Christum non credidisse, aut per seipsum credidisse, neutrum autem verum esse : sic non sequi, Verbum non esse factum, quia non per seipsum factum.*

Socin.
pag. 338.

Socin.
pag. 339.

Mens adversarij, si rectè assequor, est: etiamsi particulare aliquod absolutè sub vniuersali aliquo contineatur; illud ipsum particulare sub isto tamen vniuersali non comprehendi, cum vniuersale hoc prædicatur de particulari, ut hîc: quamvis Verbum sit de genere factorum, in hoc tamen enuntiato, quo omnia facta ab ipso facta prædicantur, non esse sub isto vniuersali comprehensum. At sic ista responsio supponit, quod

quod inter nos & antagonistam controvertitur, Verbum de genere factorum esse. Regeret majorem Syllogismi nostri: per quem facta sunt omnia, ille non est factus: similiter non probare, Verbum de genere factorum non esse, cum possit esse factus, per quem porro omnia facta. Verum huic difficultati sic occurritur. 1. Sic facta per Christum omnia, ut nullum ens factum excludatur: per quem ergo ita facta omnia, ille non est factus: nec potest intelligi, eum, qui sic fecit omnia, excipi ab ijs omnibus; etsi absolute sub ijs contineatur: sed necesse est intelligi, eum non contineri sub genere factorum. 2. Dico, per quem sic facta sunt omnia, ut ille existens tantum inducatur, ubi agitur ex professo de principiatis per efficientiam, evincitur profecto, sic facientem omnia non esse factum: si non esset ἀναρχος & ἀνάκτιστος fabricator rerum omnium, non reticuiisset hic Iohan. Tam efficaciter ergo hæc propositiones probant, *Verbum non esse factum*, quam illa, *Deus creavit omnia*, & similes, probant Deum non esse creaturam. Per hanc datam solutionem, corruunt argumentationes petite ab exemplo Iohannis: nam indubitata est hæc positio, Iohannem de numero credentium esse; ac propterea alia ratio est, propter quam Iohannes excipitur, alia, propter quam Christus: per consequens, Iohannem non fuisse credentem, malè quispiam inde concluderet, rectè verò Christum numero rerum factarum absolute eximendum esse.

Tertiò disputat, *vocem, omnia, non prorsus universè accipiendam esse; sed ad subjectam materi-*

am restringendam esse ; id præsertim in Novi Fœderis scriptis, frequentissimè usuvenire : subjectam materiam hîc esse Euangelium, seu Novum Fœdus, quod cum hominibus Deus pepigit. Illi ergo sensus verborum hic est : omnia, quæ jam facta essent, cum ipse sciberet, ad Euangelium & Novum Fœdus pertinentia, per Verbum, idest, per Christum, facta fuisse. Sentit præterea, triplici de causa hac verba addita; absque eo factum est nihil, quod factum est.

Socin.
pag. 339.

Socin.
pag. 340.

Primum, ut declararet, Christum omnium proximam & immediatam causam non fuisse, sed multa per intermedios Apostolos esse facta; qui munus, potestatem, atque adeo efficaciam, à Deo per ipsum in illos proficiscentem, ista faciendi habuissent. Secundò ait, hoc additum, ut indicaret, nihil eorum omnium excipiendum, quæ quocunque modo ad Ecclesiam pertinent. Tertia causa, illi privatim pertinet ad illa verba, quod factum est; putat eo declarari, quæ facta illa sint, nimirum inusitata illa mirabilia, atq; divina. Sûma huc reddit, non agi his verbis de primâ creatione mundi, & rerum omnium; sed de rebus ad Euangelium & regnum calorum pertinentibus.

Socin.
pag. 341.

Resp. 1. Non leve argumentum est à veritate, hanc glossam Socini deviare à consilio Iohannis, quod fuit, sinceram doctrinam de personâ Christi, adversus pullulantes & enatas hæreses asserere. Consilium autem hoc Iohan. fuisse, probat Ireneus author fide dignus, & antiquitatis summæ; nuncupatus à Tertulliano, omnium doctrinarum curiosissimus explorator. Videatur scriptor ille lib. 3. cap. 11. adver;

adversus hæreses: dicit enim ibi disertè, Iohannem contra omnes illas hæreses, regulam veritatis voluisse constituere in Ecclesiâ; ac propterea eum sic inchoasse in eâ, quæ est secundum Evangelium doctrinâ. In principio erat verbum, & verbum erat apud Deum, omnia per ipsum facta sunt. Inter illas autem hæreses nominatim recensetur ea, quâ λόγος creator universitatis negabatur.

Secundum Marcionem, inquit, & eos qui similes sunt ei, neque mundus per eum factus est: secundum Gnosticos, ab angelis: secundum eos qui à Valentino iterum, non per eum factus est, sed per Demiurgum. Nec aliud totius antiquitatis, & eorum omnium, qui αὐτόπται & αὐτήκοοι Apostolorum fuerunt, de re totâ iudicium. 2. Contra hanc expositionem novam & totam Samosatenicam de Filio Dei, & annexis ejus sententiam, pugnat & hoc: incredibile profus esse, Apostolicam & primitivam Ecclesiam, nec non Apostolicos viros, doctrinam Apostolorum de Filio Dei, & annexis ejus, in sensu ex diametro cum vero pugnante apprehendisse: aut si rectè apprehenderunt, ita prorsus perijsse, & in contrariâ transiisse; ut nulli fuerint reliqui, qui sententiam illam de creatione novâ & restauratione spirituali, & deificationem illam ex gratiâ defenderrint. 3. Non de novâ, sed de primâ cæli & terræ rerumque omniū creatione agi; firmatur eo, quia agitur de principio Mosaico, cum dicitur in principio erat verbum, & non de principio Evangelij: nam contextus indicat, Verbum operatum in principio, ut erat in principio. 4. Fidem hoc facit, Iohannem hisce verbis, de creatione novâ,

novâ, & de ijs rebus, quæ ad erectionem, conservationem & propagationem Ecclesiæ Dei & regni ejus spiritualis spectant, non agere, quia Evangelistæ istius rei in Evangelicâ historiâ nusquam neminerunt. Nec non huic sensui obstat, luculenta horum verborum interpretatio v. 10. *mundus per eum factus est*. Nusquam enim Ecclesiæ ædificatio, isto loquendi genere, aut simili significatur ab Apostolis: ac proinde cum restrictio facienda ad subjectam materiam, ut hîc monet, & pag. 344. multis docet; sequitur, ad primæ creationis opus hæc restringi debere. 5. Hîc non agi de efficacia Christi, quæ se per Apostolos exeruit, ex eo suadetur, quod scriptores sacri, cum ejus rei meminerunt, solent expressam mentionem facere Apostolorum, ut causarum mediarum & instrumentarium, ut Act. 4. v. 20. 21: Act. 5. v. 12: Act. 19. v. 10. 11: Rom. 15. v. 17: Heb. 2. v. 4. Hisce sic positis, ruit expositio Socini: nec necesse, particulatim ad singula ejus membra quicquam adferre, ne actum agamus.

In firmamentum tertiæ causæ suæ, quâ dixit per verba illa, quod factum est, intelligi in usitata *mirabilia & divina opera Christi*, adfert illustrem illum locum ad Rom. 1. v. 20.

Hunc locum ad Rom. pro magistrali sapientiâ & autoritate suâ, vero suo nitori restitutus Socinus, satis Thrasonicè interpretes & explanatores omnes traducit. Verba ejus sunt. *Sensus enim illius Paulini loci, ab interpretibus & explanatoribus, præterquam à vetere Latino interprete, omnibus, quos ego quidem legerim depravati,*
R . est

est, sempiternam virtutem ac divinitatem Dei, quæ posteaquam mundus creatus erat, conspectæ non fuerant, per mirabilia, ad Euangelij prædicationem confirmandam, in eaque promovendâ, divinitus patrata opera, intellectas, & intelligendo conspectas fuisse: continet siquidem Euangelij prædicatio eam Dei sempiternam virtutem ac divinitatem, antea mundo non conspectam, de quâ ibi Apostolus loquitur: id est Dei sempiternum decretum, de hominibus beatâ immortalitate afficiendis, quotquot in Christum crediderint. Est enim, inquit, ut idem Apostolus paulo ante affirmaverat, Evangelium virtus Dei, in salutem omni credenti: itemque in æternum duratura divine voluntatis, in ijs, quæ ad ipsius Dei cultum pertinent, non adumbrata ostensio quedam, sed solida patefactio: ita θεότης ad Col. 2. v. 9. exponit de hac solidâ patefactione.

Resp. Ita locum hunc, qui consensu omnium de Theologiâ naturali agit, refert ad Theologiam Evangelicam cum suis, & ad Evangelica præcepta, & æternæ vitæ promissum, Christi; & Apostolorum ejus miracula. Nec aliter Ostorod. cap. prim. Instit. sect. 7. Nullam Theologiâ naturalem agnoscit Socinus, nisi cum atheismo conjunctâ, sic enim scribere non erubuit prælect. cap. 2. Quod si tamen volumus Pauli mentem fuisse, ut semper homines Deum querere possint, dico illum suis verbis explicasse, quid verè in hominibus naturaliter sit positum, quod ad religionem attinet. In omnibus enim hominibus naturaliter est aliquod justus atque injusti discrimen, aut certè in omnibus hoc situm est, ut cognoscant & fateantur, justum injusto anteponi debere, honestum turpi. Hoc autem
nihil

nihil aliud est, quàm Dei verbum quoddam interius, cui qui obedit, ipsi Deo obedit, etiamsi alioqui ipsum Deum non esse quidem aut sciat aut cogitet. Sed ad rem. Dico ergo hoc novum interpretamentum meram textus corruptionem esse. Dorationes. 1. Extra chorum saltare Faustum, sic interpretatē, liquet ex scopo Apostoli, qui est, Gentiles & Iudæos peccati & condemnationis reos agere, ac propterea per legē & opera nullam ipsis patere viam ad justitiam & vitā. Hoc thema Apostolus tractandum sibi sumit v. 18. primi cap. & multis gravissimis argumētis pertractatum concludit tert. cap. v. 10. 20. 2. Non agitur hīc de revelatione iræ Dei super incredulos, sed super peccatores vt sic, & istius iræ revelationem justam esse demonstrat Apostolus, ex concessā numinis notitiā Gentibus. 3. Ut Apostolus à v. 18. usq; ad 20. cap. 3. demonstrat Gentiles & Iudæos reos esse peccati & mortis; ita simul istis omnibus vnicè proposuit sibi, necessitatem fidei ad justitiā astruere: minimè ergo Apostolus agit hisce verbis de rejectō per incredulitatem Evangelio: totum enim tractationis negotium concludens ait. *Scimus autem, quæcunq; lex dicit, ijs qui in lege sunt dicere, vt omnes obturetur, & obnoxius fiat totus mundus condemnationi. Propterea ex operibus legis nulla caro iustificabitur: agitur ergo de sententiā condēnatoriā, non Euāgelij sed legis.* 4. Agit ibi Apostolus de doctrinā, quā ἀναπολόγητοι & condemnationi obnoxij ad vnū usq; Rom. 2. v. 1. Rō. 3. v. 9. 10. 11. 12. 19. 20. At si doctrinā fidei respexeris, cui multi ex Iudæis & plurimi ex Gētibus obediverunt,

runt, non sunt ἀναπολόγητοι omnes & condēnationi obnoxij. Extra oleas ergo vagatur Socinus & θεότης sive θεότης, vt loquitur ad Colof. Apostolus, non Dei voluntatem, sed divinam naturā & essentiam significat; per Deitatem enim Deus Deus est, vnum est abstractū, alterum concretū.

Socin.

Putat hic censor reprehendendos hoc loco si-
pag. 342. bi eos, qui præpositionem ἀπὸ transformaverunt in ex,
cum Græcè sit ἀπὸ; quod non ex, sed ἀ significat: &
non ἀ verbo conspiciuntur, quod inferius legitur, sed
ἀ nomine invisibilia, quod supra proximè scriptum
est, omnino pendere. Resp. 1. Præpositionem ἀπὸ
Græcis etiam interdum notare ex, ἀπὸ τῶ ἰσθ
Thucid. dixit, pro ἐκ τῶ ἰσθ ex æquo. Ita Xenophon
dixit, ἀπὸ πολέμου βιοτεύειν, ex bello vivere.
Nec inusitata in sacris vocis ἀπὸ in eo sensu
significatio: ἀπὸ τριχῶν καμήλου, è pilis cameli
Mat. 3. v. 4: ἀπὸ τῶν καρπῶν ex fructibus: Mat. 7.
v. 16. Iesus egressus ἀπὸ τῆς οἰκίας: Mat. 13. v. 1: &
egressus Iesus ἐπορεύετο ἀπὸ τῶ ἱερῶ: Mat. 24. v. 1:
statim ascendens ex aquā ἀπὸ τῶ ὕδατος: Marc. 1.
v. 10. πώρωσις ἀπὸ μερῶς, obduratio ex parte: Rom.
11. v. 25: nec aliter 2. Cor. 2. v. 5: 2. Cor. 11. v. 9.

Drus.

præterito-
rum lib.
sexto.

2. Retineatur vsitata maximè significatio præ-
positionis ἀπὸ, vt Beza hîc retinuit, & Ioh. Drus.
cum eo; qui mavult hîc legi, ἀ creaturā mūdi, vt
idem sit cum illo, ἀ condito mundo, vt Latini
dicunt, ab vrbe cōditā; cui tamē Drusio vox Græ-
ca ambigua est, vt quæ verti etiā posset, ex crea-
tione mundi: idem inquā tamen sensus hic effi-
cietur, Deum nēpe se luculenter semper, in re-
bus ἀ se conditis, ab ipsā mūdi origine, homini-
bus conspiciendum præbuisse. Hæc de tertiā ex-
ceptione dicta sunt.

Quar-

Quartò excipit contra illustrationem & confirmationem argumenti ex v. tertio hujus capituli desumpti, petitam ex v. 10. *In mundo erat, & mundus per eum factus est : sed mundus eum non agnovit.* Primò ait, *nihil vetare, quominus de re diversâ utrobique agatur, & in priore testimonio nihil dicatur de mundi creatione, etiamsi in posteriori de eâ ageretur, imò verisimile esse, si in posteriore de eâ agitur, in priore aliâ de re actum fuisse.* Resp. Hoc frivolum est : collatio rerum, de quibus in utroque loco, indicat agi de eadem re : rem enim eandem, nunc proponi, nunc illustrari, nunc repeti certis de causis, valde vsitatum est. Secundò ait, *verba prioris testimonij non ita à se accipi, ac si Iohannes dixisset, omnia per ipsum renovata sunt, sed propriè se accipere verba illa, facta sunt, vocem autem, omnia, non quidem mundum, sed omnia mirabilia ac divina opera, ad novum fœdus pertinentia, ipsi significare ; si tamen de renovatione mundi in ijs agi concesserit, id quod ad se attinet, ex accidente esse.* Resp. pag. 340. alteram causam exponens, cur Iohannes ista verba addiderit, *& sine ipso factum est nihil quod factum est :* dixit Iohannem ijs voluisse persuasissimum nobis esse, Christum omniū, quæ quocunq; modo ad ipsius Ecclesiam pertinent, curā gerere ; quibus sanè rebus nova creatio seu renovatio continetur. 2. Illud facere Christi, de quo Iohannis verba v. 10. exponit, idem est ipsi, quod de novo creare & renovare : ergo si sibi cōstare velit, negare non potest, se in ijs de renovatione agere.

His missis, accingit se ad pleniorē hujus loci excussionem & sententiam Orthodoxam, de

creatione primâ mundi hujus aspectabilis per sermonem Dei, ijs, quibus potest, machinis convellere nititur. Ad evertendam autem orthodoxam de hoc loco sententiam, duo agit. Primò refellit ratiocinationem Bellarmini ex hoc loco ductam. Secundò sententiâ suam Samosatenicam in medium producit. Bellarmini ex hoc loco ratiocinatio sic habet. Hîc habemus, eum mundum factum esse per Christum, qui Christum non cognovit. At si effectio mundi non esset creatio, sed renovatio, falsum esset illud, *mundus eum non cognovit*, cum renovatio fiat per fidem & cognitionem Christi; hanc Bellarmini argumentationem putat duo pro concessis sumere, quæ falsa vel controversa sunt pag. 349.

Socin.

pag. 347.

Primum est *eum mundum factum esse per Christum, qui Christum non cognovit*. Huic thesi Bellarminianæ, hoc sibi argumentum opponendum duxit pag. 347. *Si mundus per Christum factus est substantia cæli & terræ; tum mundus per Christum factus, non est is, qui eum non cognovit: at quia facile videbat positionem istam, ex mente Bellarmini, non rectè proponi, eâ ratione corrigit & supplet postea hoc pacto: quod si dicat, ea simul omnia intelligere, quæ ipsis continentur, & inter hæc præcipuè omnes homines, consequenter etiam impios, sed non quatenus sunt impij: qui quatenus sunt homines, à Christo sint facti: quatenus verò sunt impij, Christum non cognoverunt. At instat locutionem tum improprissimam esse, dicere eum mundum factum esse per Christum, qui eum non cognovit: sic enim non quidem mundus per*

per Christum factus, sed pars ejus quedam Christum non cognovisse dicenda est. Verum respondetur, quamvis id, quod convenit parti, idcirco toti non conveniat, nisi secundum quid; usitatissimum tamen esse, partium affectiones de toto prædicari. Non enim ille improprijssimè loquitur, qui dicit hominem ægrotare; quia pars aliqua in homine tantum laborat: hominem videre, quia videt oculus tantum; aut audire, intelligere, quia auris tantum audit, intellectus intelligit. Mundus ergo totus, secundum totum sui factus est: mundus eum non agnovit, secundum partem sui, eam nempe, cujus erat eum agnoscere. Hi modi prædicandi non inusitati in sacris. Math. 3. vers. 5, dicitur *Hierosolyma exivisse*, sine dubio tamen pars ejus, non tota exivit: locutio, huic controversæ aliquatenus similis, extat hoc ipso loco vers. 11. *ad sua venit, & sui eum non exceperunt*: non omnes, ad quos venit, Deum rejecerunt, sed pars maxima: ita 1. Iohan. 5. vers. 19: Marc. 15. vers. 32. Denique ipso Socino teste pag. 355. cum mundus eum non cognovisse dicitur, id rectè dicitur, ratione partis maximæ.

Pergit dicens. *Ex hoc ipso manifestum est, di-* Socin.
versâ admodum significatione accipi vocem mundi, pag. 348.
à Bellarmino in Iohannis verbis. Resp. Quàm rectè hoc inferatur, jam vidimus: quapropter etiam non est necesse, hîc amplius respondere ad confectarium ejus, quod ex præsuppositâ diversâ significatione vocis mundi trahit, pro duplici suâ significatione vocis Deus, vers. primo hujus capituli, vbi rursus articulus

illi in acie ; quod prima vox Deus cum articulo ; altera sine articulo ; vox mundi hîc utroque articulum habeat appositum. Interea tamen animadvertere hîc libet non nihil , ad id quod dicit , Christum divinitate suâ jam reipsâ aliquatenus fuisse præditum , cum scilicet Baptista inciperet prædicare. Dic sodes mî homo, quæ illa divinitas ? non ratione immortalitatis Deus ; non ratione regni : non potentiæ , non ratione miraculorum patrandorum ; non ratione sapientiæ Euangelicæ, à quâ quod *Sermo Dei*, nondum enim in cœlos ascenderat : restat ergo justitia & sanctitas , secundum quam jam tum actu Deus erat : illa autem divinitas non potest censerî communicata, cum justitia non Dei donum sit , sed liberi arbitrij peculium , si Socini Pelagianismo fides. Et qualis quæso Deus, quo major revera Deus, tum temporis Iohannes Baptista ; aut saltem æqualis secundum hanc sententiam : nam præter justitiam & sanctitatem non vulgarem, erat jam actu magnus : Prophetis major : lucerna ardens : parans vias Dei. Nec dii minores angeli, qui prorsus sancti & inculpati nulloque peccati vitio contaminati.

Postquam verò primam Bellarminianæ argumentationis positionem discussit, quantum satis ipsi visum : suam sententiam promit , & in fine cap. relabitur ad alteram Bellarminianæ argumentationis thesin : illam nos hoc loco, quia series rerum & tractationis ordo sic postulat, examinabimus. Syllogismus in formam redactus sic habet. *Mundus , qui dicitur hîc factus per Christum , Christum non agnovit. At renovatus*

mundus agnovit : renovatus ergo mundus , non est mundus, qui hîc dicitur factus per Christum. Hoc Socin. argumentum eludit Socinus , negatione minoris: existimat ille , renovationem esse actum renovandi, non verò actum cum ejusdem apotelesmate, eo sensu hoc dici, quo Christus dicitur servator mundi: illuminans omnem hominem, vitam dare mundo, esse servatorem, illuminantem, vitam dantem, quantum est in se: ratione maxime partis, ea sine apotelesmate esse: efficiendi ergo vis, non effectus ipse, consilium non eventus illi declaratur. Hæc summa est Sociniana dissertationis, pag. 354. 355.

Resp. Nō est animus hîc ingredi in controversias illas de decretis Dei, gratiâ, arbitrio humano, & annexis, in quibus proh dolor ! seculi nostri infœlicitas, Pelagianismi & Semipelagianismi recidivatum passa est: sufficiet hoc loco, ad incidendum Socinianæ dissertationis nervum, commonstrare , quicquid interim de alijs sit , hoc ioco ob stare rationem isti sensui, eamque duplicem. 1. Sumitur ex communi & recepto verbi *factum* esse usu. 2. Ex usu vocis renovationis. Quod ad vocem ἐγένητο attinet, dico semper actum cum eventu & apotelesmate notare , nunquam legimus factum esse , id cuius faciendi tantum vis fuit , aut consilium & conatus inefficax : proferatur vel vnus locus è multis in contrarium. Secundò non dicitur etiam in sacris renovatus esse , qui non est cum apotelesmate renovatus : Rom. 21. v. 2: Tit. 3. v. 5: Col. 3. v. 10: Paulo novus homo est , qui actu & re novus est, qui potuit esse, non est tamen, nusquam. Cum ergo legitur, per *Verbum*

factus esse mundus, intelligendum hoc cum apotelesmate; consequenter de creatione primâ: pro quo sensu, præter rationes jam expostitas, ipsa vox faciendi militat, quæ nunquam usurpatur de creatione novâ.

Obijcit Socinus. *Non sine causâ multis ex nostris hominibus visum fuit, verbum faciendi renovationem significare posse, juxta Hebræorum idiotismum, qui cum verba composita non habeant, haud rarò simplicibus pro compositis utuntur, ut hîc factus est, idem sit ac reffectus est, ut ita loquar, id est denuo factus, seu renovatus & instauratus.* Resp. 1. Johannem hunc Hebræorum idiotismum secutum hîc, vana conjectura est. 2. Hellenismus compositis abundat, quibus frequenter vsi Apostoli. Accedit, quod in hoc argumenti genere, compositis solet vti Scriptura sacra Mat. 19. vers. 28: 1. Pet. 1. vers. 3. & 23, vbi de regeneratione sermo est. Simplici verbo, in colloquio cum Nicodemio, salvator est vsus, sed adjecit indubitatas secundæ generationis notas, ἀνωθεν & πνεύματι. Sic vsus Apostolus voce renovandi: simplice quidem creandi vsus voce, sed adiiciuntur passim ea, quibus satis indicatur, de secundâ creatione verba fieri. Eph. 2. v. 10. 15. cap. 4. v. 24. Col. 3. v. 10. 2. Cor. 5. v. 17. Gal. 6. v. 15.

Triplicem sensum Socinus hîc comminiscitur, pro ternario numero vocis mundi. In uno fuisse ait: alterum per ipsum factum esse: tertium eum non cognovisse.

Socin.

pag. 349.

Mundus in quo erat, ait fuisse hanc hominum communem.

communione : hanc significationem vocis mundi frequentem esse. Ad quod responderetur, hoc quidem esse verum, interea tamen mundi significatum hoc loco ita coarctandum non esse : nam in mundo esse simpliciter significat, in mundo hoc aspectabili esse : sic supra dixit Johannes, illuminat omnem hominem, venientem in hunc mundum.

Secundò, si verbum, fieri, hic non renovari, sed primò effici significat, tum mundum esse illud seculum futurum nobis, quod jam Christo est præsens, & in quod, ipsius obedientiâ atque morte conditum, ille jam introductus est : in quo unâ cum ipso immortales ac beati erimus in perpetuum omnes, quotquot ipsius esse inventi fuerimus, id est in ipsum crediderimus. Hoc præsens seculum, id est hanc vivendi rationem animalem & mortalem, mundum in sacris literis appellari Ioh. 17. vers. 5: Non rogo, ut tollas eos de mundo, nihil mirum igitur esse, si similiter futurum seculum, id est, ratio illa vivendi spiritualis & æterna. mundus appelletur à sacris scriptoribus. Petrum Sam. novos cœlos & terram novam vocare: autorem Epistola ad Hebræos orbem terræ futurum.

Socin.

pag. 350.

Resp. 1. Mundi vocem æternam & immortalem vivendi rationem notare, nullo idoneo exemplo probatur: Petrus non mundum nominavit, sed novam terram novosque cœlos, & autor ad Hebræos orbem futurum dixit. 2. Dico ne in hisce quidem locis hæc formaliter idem valere, quod æterna vita: probatur, nā novi cœli & nova terra, quos secundum promissionem expecta-

exspectamus, quos Petrus cœlo & terræ perituris opposuit; ex lege contrariorum, non sunt ipsa æterna vita, propriè loquendo, sed æternæ vitæ locus significatus sit. Mundus ille futurus, de quo loquitur Apostolus ad Hebræos, si exponatur, Ecclesia, quæ virtute Christi ad dexteram Dei collocati condenda erat, commodissima expositio erit, & adhortationi, ab Apostolo in antecedentibus factæ, valde congrua: per istam enim admirabilem reformationem, & regni Satanici destructionem, divinâ Christi Domini virtute potentissimè institutam, nova forma inducta mundo: de solâ æternâ vitâ agi, nec antecedentia, nec consequentia indicant. 3. Vitam mortalem nomine mundi venire Ioh. 17. vers. 5. dicitur à Socino, non probatur: qui tollitur è mundo, ei regulariter quidem adimitur vita animalis; non tamen per existentiam in mundo, formaliter exprimitur ipsa animalis vita: nihil enim prohiberet, hominem tolli ex hoc mundo, & tamen hanc mortalem vitam illi non adimi. Nam etiam, si Socino credimus, Christus è mundo per ascensionem suam translatus est, cum nondum revera immortalis esset: Enoch & Elias sublati, mortales tamen erant, cum tollerentur è mundo. 4. Beatum illud futuræ vitæ seculum non intelligi suadet & illa ratio, quod illud seculum non factum, sed futurum semper dicatur. Mat. 12. v. 32: Luc. 18. v. 30: Luc. 20. v. 35: Eph. 1. v. 21: Heb. 6. v. 5. 5. Etiam si mundus alicubi vitam æternam notaret, & expositio, absolute sumpta, verissima esset; falsa tamen relata ad hunc locum. Confirmatur

matur. 1. Quia is mundus per Christum hoc loco factus dicitur, in quo mundo erat: aut quidlibet ex quolibet fingere promptum erit, aut hoc agnoscendum. 2. Is mundus factus per eum, qui non agnovit eum, nam hisce verbis simul ostenditur istius ingratitude indignitas, quàm indecorum sit, mundum non agnovisse Christum, qui Christo tamen acceptum referre debet, quod sit. 3. Expositionem nostram germanam esse; Socini verò adulterinam, verba vers. 11. sequentia demonstrant; vbi dicitur, ad sua venit, pro eo quod dixit, mundus per eum factus est. Et sane aut intelligi noluit Iohannes, & affectavit illud Heracliti *οὐότισον*; aut sensus ille Socini fictitius.

Unicus est locus quem vehementer urget, ad Heb. 10. v. 5. Verba ejus sunt, *nō posse referri hac Socin.*
ad ingressum Christi in hunc mundum, sed oportere pag. 351.
de ingressu Christi, in alium quenquā mundum in illis agi, in quē videlicet simul atq; Christus ingres-
sus est; imò cum in illum ingrederetur, suum sacrifi-
cium & oblationem fecerit. Iam præterquam, quod
Christus præter mundum hunc quem incolimus, in
nullum alium ingressus fuisse dici potest, nisi in fu-
turum illum, quem nobis, ut diximus suā obedi-
tiā peperit ac condidit; in illum etiam ingrediens, re-
vera sui corporis oblationem fecit, quæ licet semel
facta fuerit, necesse est tamen illam in perpetuum
durare, non quidem vim modo & efficaciam ipsius,
aliocui nec Christus esset sacerdos in æternum, nec
quicquam nunc in cœlis offerret, adversus id, quod
in eādē epistolā expresse docemur, aut non unam
tantum ejus oblationem esse oportere, quod & toti
 illi

illi epistola, & rationi manifeste adversatur, cum hic de expiatoriâ pro nostris peccatis oblatione agatur, qua non nisi una esse potest.

Resp. 1. Non pugnare cum horum verborum veritate, interstitium aliquod temporis intercessisse inter ingressum in mundum, & oblationem expiatoriam Christi. Christus enim dicit, ad hoc natus sum, & in mundum veni, ut testimonium dem veritati. 2. Vehementer miror, quod dicat Christum in nullum alium mundum ingressum, præterquam in futurum illum: cum Christus non futurum illum, sed præsentem hunc intellexerit, cum diceret, ad hoc natus sum, & in mundum veni, Apostolus non illum futurum, sed præsentem hunc intelligit. 1. Tim. 1. v. 15: Imò cum toties legatur in mundum venisse Christus, semper hic præsens, nunquam ille Socini intelligitur. 3. Oblationem Christi, non vi modo; sed actu & existentia reali perpetuam esse, aut Christum se adhuc offerre, non scripsit author ad Hebræos, & nunquam de oblatione Christi, ut adhuc durare, & in præsentem, sed semper de eâ ut præteritâ loquitur: non vixisse dicimus qui vivit adhuc, sed vivere: res enim quamdiu sunt, etsi fuerunt antea, plerumque; verbis temporis præsentis enuntiari solent. Christus non offerre legitur, sed hoc fecisse semel. Heb. 7. v. 7. *Christus semel oblatus est*, Heb. 9. v. 28. *Non amplius oblatio pro peccato*, Heb. 10. v. 8. *Oblatio corporis Iesu Christi facta semel. Unicâ pro peccatis oblata victimâ*, Heb. 10. v. 12: Hæc sane non ingerunt rem præsentem, sed præteritæ memoriam. Dices, una, non multiplex oblatio;
actus

actus enim non interruptus, sed continuatus, unus actus est. Resp. Hoc quidem verum est; sed tum ille non præteritus, sed præsens diceretur; scriptor autem ad Hebræos testatum nobis fecit, Christo quotidianam oblationem, ad expiationem peccatorum nostrorum, necessariam non esse, ad exemplum sacerdotum legalium, Heb. 7. v. 27: hoc si verum est, ut profecto est; nec continuata oblatio necessaria illi erit: nemo enim magis offert quotidie, quam qui offert perpetuò: si verò non opus habet perpetuò offerre, non offert; sublata enim oblationis necessitate, cessat oblatio, ex vi argumentationis ab Apostolo ibi factæ. Hanc non continuari, sed ita semel esse factam, ut jam desierit fieri, idem testatum nobis fecit, cum dicit vers. 12. 13 cap. 10: *Hic verò unâ pro peccatis oblatâ victimâ, in perpetuum consedit ad dextram Dei*: quæ verba, etsi structura orationis; vel ad ἑσθίαν vel ad ἐκάθισεν referri patiatur; convenientius tamen ad ἑσθίαν referuntur: nam eò sunt relata v. 14, idque ex scopo Apostoli v. 17. Hic Apostolus, non oblationem ipsam, sed vim tantum ejus perpetuam esse asserit, contra quàm Socinus, qui oblationis efficaciam non magis perpetuam, quàm oblationem ipsam existimat, nec offerre dicitur, sed *de cætero expectare* vers. 13: cessavit ergo oblationis actus; nam offerre εἰς τὸ διηνεκές, sacerdotum legalium est. 4. Dato, oblationis actum perpetuum esse, non inde tamen sequeretur hoc loco, de actu illo oblationis agi. 5. Perpetua oblatio non est necessaria ad æternum sacerdotium, nec Pontifex noster docetur habere per-

perpetuum sacerdotium, ut offerat perpetuo, sed ut interpellet: quæ interpellatio, quia perpetuò durat, non facta, nec facta semel, sed fieri dicitur.

Socin.

pag. 352.

Obijcit pro perpetuâ oblatione Heb. 8. v. 3. 4. Resp. In loco illo, non doceri oblationem perpetuam esse. Instat ibidem amplius, *oblationem expiatoriam pro peccatis nostris, præsentatione sui ipsius coram Deo in cælo, seu pro nobis ibi, in Dei conspectu apparitione, quæ perpetuò durat, omnino contineri.* Resp. Apparitionem perpetuam in Dei conspectu, oblationem expiatoriam pro peccatis nostris esse, non est scriptum ad Heb. : potius illa interpellationis perpetuæ fundamentum est: nec si cælum ingrediens, & coram Dei facie apparens, obtulit ad exemplum sacerdotis summi Heb. 9. v. 7. sequitur apparitionem illam in cœlesti sanctuario, in eundem finem continuari.

Obnititur aliâ adhuc ratione, oblationem expiatoriam in terris non fuisse factam. Sed egregiè hanc refellit Grotius in erudito suo scripto, de satisfactione Jesu Christi, pag. 154, 155, 156.

Postremò argumentatur ex voce *κατεργασ* quod est, inquit, *Deum ipsi aptavisse corpus, perfecisse, absolutum reddidisse, concinnasse, & ad id quod quarebatur, aptum & accommodatum fecisse, quod nihil aliud est, inquit, quam Christi corpus, quod prius mortale erat, immortale à Deo factum fuisse, hoc enim inquit significatur verbo Greco κατεργασ quod ibi redditum est aptasti; non autem connexio, aut applicatio aliqua, quemadmodum*

dum pleriq̃ crediderunt, isto Latino verbo decepti, quod istud significare potest, & ad commentitiam illam Filij Dei (quam vocant) incarnationem retulerunt.

Resp. Expositio illa, referens hoc ad ipsam immortalitatis collationem per glorificationem, tam facilè reiicitur, quàm adfertur, nam καταρτίσκειν est, vel componere, perficere, & absolvere, vel continnè aptare: vtraque significatio ad incarnationem est accommodatissima. 2. Christi corpus, quà immortale & glorificatum, non est oblatio pro peccatis nostris; sed quà crucifixum & mortuum: corpus Christi, ratione sanguinis effusi, nos expiat & mundat Heb. 9. v. 14: *per proprium sanguinem ingressus* v. 12. Vide Colos. 1. v. 22: 1. Pet. 2. v. 24. & Apostolus conclusiones consolatione plenas deducens, ex expiatoriâ oblatione corporis Christi, dicit nos habere *libertatem ingrediendi in sacrarium, per sanguinem Iesu*, Heb. 10. v. 19. & *viam recentem & vivam per velum*, quod non corpus immortale; sed caro, quæ Socino non est corporis immortalis.

Ex his omnibus efficitur, nullo modo adversarium planum fecisse, mundi simplici appellatione, futurum illud immortale seculum significari, & sanè si futurum quid significasset, non ipsam immortalitatem, sed ejus locum significaret, quem Apostolus hîc nomine sacrarij, non manufacti, aut cœlorum voce appellat. Nec sequitur, si mundus hic est æterna vita, à Iohanne in eodem sensu acceptum esse.

CAP. XIV. Tertiæ Classis argum.

De loco ad Coloss. cap. i. v. 16. 17.

ARgumentum hujus loci, ad formam syllogisticam reductum, sic habet. *Per quem omnia, tam caelestia, quam terrestria sunt condita, ille non est creatura; sed Deus ille unus & verus cum Patre creatore omnium. At per Christum, condita sunt omnia, tam caelestia, quam terrestria: ergo.* Responsio Socini ad hoc decimum quartum argumentum bimembris est. Primò majorem propositionem falsitatis arguit: secundò argumenta Bellarmini, pro expositione Orthodoxâ subvertere tentat. Primâ responsionis parte majorem duplici nomine falsitatis arguit. Primò, quia in hujusmodi, quantumvis universalibus locutionibus, semper excipitur is, de quo ipsa universalis enuntiatio effertur. Verùm ad hoc respondetur, id suprâ examinatum esse. pag. 174. 175. ad quem locum lectorem remitto.

Secundò ait, nullo modo sic inferendum fuisse, cum Christus hîc dicatur primogenitus, quod ostendit eum omnino creaturam esse: juxta perpetuum enim sacrarum literarum usum, primogenitum esse, ex numero eorum, quorum est primogenitus: consequenter, Christum ut creaturam, creaturas omnes alias tempore antecessisse, ac proinde non ad creationem primam, sed ad creationem secundam referendum esse. Hæc summa exceptionis est.

Respondetur, totam hujus argumentationis vim consistere in significatione vocis primogeniti;

niti; quam affirmat quidem adversarius, ad alios relatam, denotare primogenitum esse ex eorum numero, quorum est primogenitus; at minime probat; imò si huic ratio cinationi Socinianæ locus detur, concludetur contrarium ejus, quod Apostolus intelligi voluit, cum Dominum nostrum primogenitum omnis creaturæ dixit: nam hoc tam illustre de Christo testimonium, & alia multa, quæ hîc adfert Apostolus, ed collimant omnia, ut commonstretur, Christum omnibus creaturis præcellere, & ab iisdem distinguî; ac propterea, si quis hujus præconij dignitatem, prout decet, tueri velit, dicendum erit, Apostolum eo dicto Christum disertè rerû creatarum ordine exemisse. Sic cum scriptor ille ad Hebr. i. primogenitum eum dixit, contra istius scriptoris scopum inferret illi, qui Christum statueret esse ex eorum numero, quorum primogenitus est. Ad illustrationem allatæ à se expositionis, ait, eodem sensu vocari eundem Christum ἀρχὴν τῆς κτίσεως τῶ Ἰησοῦ: hoc adversario est, Deum in creando initium à Christo fecisse. Ad quod respondeo, i. Socinum niti suppositione minime verâ & certâ, nam alijs ejusdem locis Apocalypsis, in quibus ἀρχὴ & τέλος dicitur, ut Apocal. i. vers. 8: & cap. 22. vers. 13, non convenit hæc expositio principij, nec huic etiam loco; nam hoc per se sumtum, parum aut nihil facit, ad dignitatem & authoritatem Christi commendandam, quod à Christo novæ creationis initium factum: ac propterea hoc principium non est principium ordinis, sed principium

CAP. XIV. Tertiæ Classis argum.

De loco ad Coloss. cap. i. v. 16. 17.

ARgumentum hujus loci, ad formam syllogisticam reductum, sic habet. *Per quem omnia, tam caelestia, quam terrestria sunt condita, ille non est creatura; sed Deus ille unus & verus cum Patre creatore omnium. At per Christum condita sunt omnia, tam caelestia, quam terrestria: ergo.* Responsio Socini ad hoc decimum quartum argumentum bimembris est. Primò majorem propositionem falsitatis arguit: secundò argumenta Bellarmini, pro expositione Orthodoxâ subvertere tentat. Primâ responsionis parte majorem duplici nomine falsitatis arguit. Primò, quia in hujusmodi, quantumvis universalibus locutionibus, semper excipitur is, de quo ipsa universalis enuntiatio effertur. Verùm ad hoc respondetur, id suprâ examinatum esse. pag. 174. 175. ad quem locum lectorem remitto.

Secundò ait, nullo modo sic inferendum fuisse, cum Christus hic dicatur primogenitus, quod ostendit eum omnino creaturam esse: juxta perpetuum enim sacrarum literarum usum, primogenitum esse, ex numero eorum, quorum est primogenitus: consequenter, Christum ut creaturam, creaturas omnes alias tempore antecessisse, ac proinde non ad creationem primam, sed ad creationem secundam referendum esse. Hæc summa exceptionis est.

Respondetur, totam hujus argumentationis vim consistere in significatione vocis primogeniti;

niti; quam affirmat quidem adversarius, ad alios relatam, denotare primogenitum esse ex eorum numero, quorum est primogenitus; at minimè probat; imò si huic ratio cinationi Socinianæ locus detur, concludetur contrarium ejus, quod Apostolus intelligi voluit, cum Dominum nostrum primogenitum omnis creaturæ dixit: nam hoc tam illustre de Christo testimonium, & alia multa, quæ hîc adfert Apostolus, eò collimant omnia, ut commonstretur, Christum omnibus creaturis præcellere, & ab iisdem distinguî; ac propterea, si quis hujus præconij dignitatem, prout decet, tueri velit, dicendum erit, Apostolum eo dicto Christum disertè rerû creatarum ordine exemisse. Sic cum scriptor ille ad Hebr. i. primogenitum eum dixit, contra istius scriptoris scopum inferret illi, qui Christum statueret esse ex eorum numero, quorum primogenitus est. Ad illustrationem allatæ à se expositionis, ait, eodem sensu vocari eundem Christum ἀρχὴν τῆς κτίσεως τῶ θεοῦ: hoc adversario est, Deum in creando initium à Christo fecisse. Ad quod respondeo, i. Socinum niti suppositione minimè verâ & certâ, nam alijs ejusdem locis Apocalypsis, in quibus ἀρχὴ & τέλος dicitur, ut Apocal. i. vers. 8: & cap. 22. vers. 13, non convenit hæc expositio principij, nec huic etiam loco; nam hoc per se sumtum, parum aut nihil facit, ad dignitatem & auctoritatem Christi commendandam, quod à Christo novæ creationis initium factum: ac propterea hoc principium non est principium ordinis, sed principium

causæ, πάντα γὰρ τὰ αἰτία ἀρχαί, vt docet Aristoteles 1. cap. lib. 4. Metaphysic. 2. Inconsequens est hæc argumentatio, à loco Apocalypsis, ad locum hunc ad Colossenss; quis enim, si vel leviter textum verborum Apostoli introspexerit, falsam non deprehendet sententiam illam, & menti Apostoli planè contrariam, initium generationis & creationis rerum omnium à Christo fuisse factum?

Post hæc accedit ad argumenta, quibus Bellarm. tentat persuadere (vt ipse loquitur) necesse esse, vt hic locus de primâ creatione accipiat. Primò obijcit Bellarminus Transylvanorum expositioni, vnanimem omnium interpretum consensum (uno Procopio in Genesin scribente excepto) in hoc loco, de primâ creatione intelligendo: hunc Procopium ait Bellarm. meliorem Rhetorem quàm Theologum, & Epistolam hanc non interpretari, sed obiter, cum scriberet in Genesin, allegasse ad suum propositum vnâ sententiam ex hac Epistolâ, non respicientem ad præcedentia & sequentia.

Hanc objectionem sibi suisque obijci, ridiculum existimat Socinus, cum ipse cum suis ingenuè profiteatur, sententiam suam de naturâ & essentiâ Christi, adversari omnibus Scripturæ interpretibus, quorum scripta ad nos pervenerunt. In quo liceat amplam & nimiam Socini liberalitatem mirari, qui alibi scripsit, *se cum suis persuasum esse, scriptores ante Concilium Nicenum, qui hodie extant, non minus, imò magis nostræ, quam sua sententia repugnare. Quin etiam Patres illos quod ad sententiam illam de vno illo Deo, quod vidilicet*

videlicet is nullus alius sit, præter Iesu Christi Patrem, prorsus cum ipsis facere. Quod ad Procopij authoritatem attinet, ejus in reipsâ dissensum, & in Paulini loci interpretatione consensum, hoc pondus addere authoritati existimat. Verum respondetur, authoritatem unius interpretis parum faciendam, qui ex non satis attentâ inspectione loci, attulit sententiam à loco alienam, ideoque in reipsâ dissentire & interpretatione *ἐκσυρολόγως* prolatâ, consentire, hoc sanè non pondus authoritati addit, sed eandem non parum elevat. Deinde Procopius in initio integrum locū pro primâ creatione adduxit. Et potest etiam responderi, alteram hanc loci ad Col. explicationē, eum ex aliorum opinione attulisse. Verba enim ejus sunt, *citant etiam testimoniū eorum, qui dicunt, omnia per ipsum condita sunt in celo & in terrâ, id est renovata & in integrū restituta.*

Secundò sentit Bellarm. verba illa, *per eum condita omnia*, impertinenter adduci, si de creatione novâ sumantur; posito quod antecedentia, *primogenitus omnis creatura*, de vetere intelligantur, ut oportet fieri. At hæc negat Socinus, qui antecedentia de creaturâ novâ, & hæc verba, *per eum cōdita sunt omnia*, de creatione novâ accipit. Post hæc totius loci paraphrasin adfert, contra Bellarm. ad totius sanè loci corruptionem: & quomodo hæc creatio & pacificatio ad angelos pertineat, explicat: de quâ re totâ jam videndū.

Sententia ergo Socini, de hoc toto loco pag. 363. 364, proposita, huc recidit. Creationem hanc, vel vniuersalem reformationem, duas habere partes præcipuas: unam esse, dominium

Christi super angelos, & Ecclesiam vniversam in terris militantem: alteram esse earundem rerum inter se conjunctionem, atque erga Deum inter se reconciliationem & concordiam. Eodem modo hunc locum exposuit, in disputatione, de vnigeniti Filij Dei existentia, contra Erasmmum Iohan. pag. 153.

Totam vero Socini interpretationem, duram, alienam, distortam esse, hisce ostendo rationibus. 1. Insolens est in sacris, creationem novam, per Dominium Christi super angelos, & Ecclesiam vniversam exponere: nusquam enim, vbi extra controversiam de creatione novâ agitur, ista Christi super res omnes dominatio indicatur creatione novâ. 2. Iuxta stylum loquendi, in sacris vsurpatum, pacificatio per sanguinem crucis Domini nostri Iesu Christi, non est novâ creatio, nec in totum, nec ex parte; etsi beneficium sit indivulso nixu cum ipsâ pacificatione coherens. 3. Creatio illa nova, talem mutationem singularem rebus per eam creatis infert, vt illa in angelos non cadat: peccati enim vetustatem & dominium supponit, in eo qui creatur: quam peccati vetustatem & dominium, in electos angelos, qui nunquam peccaverunt, non cadere, res est extra controversiam posita: novitas enim illa, quæ per creationem novam inducitur, vetustati opponitur, & inhærenti pravitati; ac propterea dicimur, *conditi in Christo Iesu, ad bona opera.* Eph. 2. vers. 10. *Et deposito vetere illo homine, jubemur induere novum hominem, qui secundum Deum conditus, in iustitiâ*

*stitiâ & sanctitate veritatis. Col.3. vers.9. 10. Nova illa creatio, est necessaria ad vitam æternam consequendam, Gal.6. vers. 16. Angelis electis ad hoc non est necessaria. Novam creaturam statuit Apostolus Paulus eum, qui est in Christo. 2. Cor. 5. vers. 17: at qui in Christo est, per fidem & Spiritum Christo adunatur, quod non est angelorum. Multum ergo fallitur Socinus pag.365: cum scribit, angelos ipsos per Christum reformatos dici posse (hoc est creatos) citra ullam considerationem, quod peccaverint, & veteres per peccatum facti fuerint. 4. Absurdum oportet haberi expositionem illam; ex quâ sequitur, cælum, terram, creaturas prorsus omnes, quin etiam diabolos & impios creaturas novas esse, seu illa omnia novâ creatione per Christum creata esse: at hoc sequitur ex Socinian. expositione. Ergo. Verba Smalcij sunt lib. de divinitate Iesu Christi cap.16. de regno Christi super angelos. *Tam latè patet regnum Christi, quàm latè patent omnes cali, & omnis terra, & nihil est omnium, in omnibus calis, & in omni terrâ, cuius potestatem & quidem absolutam atque perfectam, non habeat Iesus Christus.* Rursum cap.19. de regno Christi in terrâ. *Hoc autem Christi regnum, quod in mundo sive in terrâ habet, extenditur tam in ipsos homines, quàm in omnia alia, quæ sunt extra hominem, à Deo creata in hoc mundo, adeoque in ipsum mare, & in omnia, quæ in eo sunt.* Idem rursus in fine cap.21, in quo agit de reliquis divinis regni Christi in terrâ effectis, *Christo ait ita subiecta omnia, ut quandocunque velit**

possit ea ad usum populi sui, & necessitatem regni sui convertere: ita Socin. etiam pag. 155. contra Wiek. qui etiam in disputatione suâ contra Erasmi Iohan. pag. 157, agnoscit, posse quoq; diabolos ad priorem illam renovationis partem pertinere. Absurdè sanè, & summinopere à doctrinâ Apostolorum abhorrens, dicere diabolos à Christo renovatos, & creaturas novas esse factas. Huic cōmento stupendam valde interpretationem affingit; novam illâ creationem interpretans, imminutionem potentiaë diabolorum, per Christum factam. Egregia verò interpretatio, perinde se habens, ac si dixerò, ovem bovem, album esse nigrum. Namprimò per creationem, qualiscunq; tandem illa sit, rebus creatis confertur aliquid. Secundò si imminutio potentiaë diaboli nova ejusdem creatio dicenda erit, sequetur perditionem & æternum ejus exitium, novam ejusdem creationem consummatâ esse: & abolitionem creationem esse, hoc est album esse nigrum. Tertiò quod si sic liceat, quidlibet ex quolibet facere; facile etiam erit, alteram reformationis partem, hoc est pacificationem per sanguinem crucis (absit dicto blasphemia) ad diabolos referre. §. Si Christus thronos & dominationes condidit, quia distribuit & disposuit omnia, ita vt jam ad ipsum respiciant ac referantur, Socin. pag. 364. aut quia angelorum dignitates mutavit, vt Smalc. pag. 98. libri de divinit. Iesu Christi, sequitur, cū ista novæ formæ in coelestem Hierarchiam introductio, pristinam non sustulerit, oppositum etiam ejus, quod hîc scripsit Apostolus, verissimū esse: per Christum
nempe

nempe non esse condita invisibilia, thronos, dominationes ; nec ea per eum , aut ejus respectu, esse condita ; nec verum erit eum ante omnia, & omnia per eum consistere : hoc autem vel ex ipsâ textus inspectione redarguitur : in quo satis disertè dicitur , ipsos thronos & dominationes per ipsum esse, & consistere, καὶ πάντα ἐν αὐτῷ συνέστηκε, vsus Apostolus voce, quæ Latinis est, coagmento, formo : Lucianus in Prometheo ἐνερόησαί τις αἰμείνων ἐν ξωαί τινα συστήσασθαι. Plato in Timæo eâ voce vsus, de creatione mundi loquens. Novos verò thronos institutos esse in cœlesti illâ hierarchiâ, & sic jam veteres & novos esse thronos, novorum Christum authorem esse, non veterum ; hoc nihil præter satis audacem Socinianorum assertionem continet, & nullâ Scripturæ sacræ autoritate muniri potest. 6. Reconciliatio cum Deo, non competit angelis, de quâ tamen agit Apostolus v. 20. frustra in contrarium nitente Socino cap. 8. lib. primi de Servatore.

Scribit Socinus in fine responsionis suæ, ad hoc XIV. argumentum, se multo plura scribere potuisse pro sententiæ suæ confirmatione, in hoc Paulino testimonio interpretando, illa verò lectorem petere posse addit, ex disputatione adversus Andreæ Volanum, & adversus Erasmum Iohan. vbi fusissimè de interpretatione hujus loci à se actum ait. Libet ergo nonnihil ea hoc loco discutere, & quantum satis videbitur, refellendo expendere.

Primò itaque disputatione contra Erasmum Iohannis (disputationis contra Volanum mihi

non datur jam copia) pag 167. ex eo probare contendit, in hoc loco ad Colos. de creatione novâ agi, *quia Christus imago Dei invisibilis dicitur, id non obscure indicare, de homine illo Iesu Dei Filio verba fieri, per quem Deus ultimis temporibus locutus esse scribitur.* Item pag. 168: quod Paulus ibidem mentionem faciat *sanguinis dilecti Filij Dei, hoc sentit sine controversiâ similiter demonstrare, ipsum de eo, ut homine, verba facere.*

Resp. 1. De eo, quomodo Christus imago Dei, visum ad pag. Socin. 215. 216. in examine loci ad Heb. 1. & loci Ioh. 14. 2. Dico etiam si quàm maximè verum esset, Christum non prius imaginem Dei invisibilis fuisse, quàm homo fuit; ad argumentationem tamen, quam in præsentî materiâ inde nectit Socinus, dissolvendam, sufficit ostendere, ex eo non sequi, de Christo non prædicari aliquid, quod diu ante contigit, quàm Christus homo factus est. Sic etsi Christus, quâ homo, redemptor noster per sanguinem suum, non efficitur ex eo, non agi de creatione primâ, quæ facta est longissimo tempore, antequam homo ille fuerit. Argumentationem istam adversarij manifestâ inconsequentîâ laborare sic demonstro. Christus homo creavit, ergo quâ homo? non sequitur: si Christus homo creavit, non tamen quâ homo, nihil impedit creâsse antequam homo esset. Christus qui est caput corporis Ecclesiæ, nos reconciliavit per sanguinem suum, & tamen ex Socini sententiâ, Christus prius reconciliavit nos, quam caput Ecclesiæ factus. Christus in terris versans & mortalitati obnoxius, vi-
tam

tam promittit credentibus æternam, neque tamen quàm mortalis dabit, sed quàm immortalis: si autem Christus, mortalis & in terris versans, rectè dicitur credentibus daturus æternam vitam, per resurrectionem ex mortuis ultimo die, quamvis longissimum temporis spatium interveniet, inter Christi mortalitatem, & æternæ vitæ donationem, ab ipso aliquando per resurrectionem ex mortuis faciendam; pari ratione, prima creatio Christo homini rectè tribuitur, quamvis facta longissimo tempore antequam homo fieret. Zacharias in suo cantico ait: Tu verò puerule Propheta altissimi vocaberis, non tamen Iohannes quàm puerulus, aut cum puerulus, prophetavit.

Secundum ejus argumentum ejusdem disput. pag. 168. propositum, sic habet. *Si Pauli mens fuisset, Christo primam creationem tribuere, ijs sane loquendi modis usus esset, quibus, in eâ commemorandâ, tum alij omnes sacri scriptores uti solent, tum ipse alibi est usus, ipsiusque cæli & terræ creationis disertè meminisset: Et hoc non facit Apostolus. Ergo.* Verum occurritur, sic locutum Apostolum, ut loqui solent de creatione primâ scriptores sacri: non enim viri sancti semper solent meminisse cæli & terræ, vide Marc. 10. v. 6. vox creationis legitur, sine vlllo addito, & tamen de primâ creatione agitur: Apoc. 4. v. 11. legitur: *tu creâsti omnia, & per voluntatem tuam sunt & creata sunt*: Act. 17. v. 24. Paulus non fecit mentionem cæli & terræ; sed dixit, *Deus ille, qui fecit mundum & omnia quæ in eo sunt*: & sane etiamsi Apostolus Paulus hîc locutus, juxta Gram-

Gramaticam legem Socini, nihil tamen apud eum proficeretur; sed facile hoc per reformationem cœli & terræ, aut mundi futuri, & seculi immortalis creationem eluderet.

Tertiò ibidem probare conatur, non de primâ, sed de novâ creatione hæc accipienda, *quia sub ijs, quæ sunt in celo, substantiæ intelligentes tantum comprehenduntur.* At nec sic obtinet. Talia enim sunt subiecta, qualia à suis prædicatis esse permittuntur: creatio rerum omnium est, reconciliatio hominum: quapropter objectum reconciliationis, non est commensuratum objecto creationis; nec angeli rationem formalem objecti reconciliationis ingrediuntur.

Socin. Coloss. cum ijs quæ leguntur cap. primo & secundo ad Ephesios: quamvis inquit, hoc idem argumentum plenissimè tractet de excellentiâ illius à pag. 169. Deo dilecti, deque maximis operibus, per ipsum à Deo factis; tamen ne verbum quidem disertè scribit de creatione illâ universali, per ipsum facta, nisi demum cap. 3. ubi satis perspicuum est, cum loqui, de reformatione cultus & religionis universa per unum Christum facta, quâ potissimum aggregatio gentium omnium, ad Dei populi Remp. continetur; de quâ jam antea locutus fuerat: sed in ijs verbis, quæ propriè loco nostro respondent, & sunt cap. 1. v. 20. usq. ad finem capituli, quibus addi debent ea, quæ scripta sunt à v. 10. & infra cap. 2. v. 13. usque ad v. 17; ubi tamen aliquid dicitur, quod in ipso loco nostro expressum non est; sed exprimitur in hac eadem epistolâ ad Col. cap. 2. v. 14. in istis, inquam, verbis nulla fit aperta mentio universalis alicujus

crea-

creationis, & præsertim quod invisibilia illa, throni, dominationes, &c. per Christum creata fuerint. Sed pro eo, quod est in loco nostro, per eum condita omnia; ibi est v. 10. cap. primi, instaurare, seu potius, summam comprehendere omnia in Christo, si- *ibidem* ve per Christum quod hic legitur, Thronos, domina- *pag. 170.* tiones &c. per ipsum, & in ipsum creatos esse, & ipsum ante omnes esse, & omnes in ipso constare: ibi simpliciter scriptum est, ipsum constitutum fuisse supra omnem principatum, & potestatem, & virtutem, & dominationem.

Resp. Istud argumentum ex collatione peti- tum, non est magni æstimandum: nititur enim eâ suppositione, ac si statuendum sit, non aliud argumenti genus, hoc loco ad Coloss. tracta- tum, quam istis ad Ephes. capitibus, quia non pauci utriusq; Epistolæ loci inter se respondent: quæ ratio pro veritate & certitudine istius sup- positionis non concludit: quod vel ipse adver- sarius agnovit ex parte, cum infrà ait cap. 2. v. 13. usque ad v. 17. aliquid dici, quod in ipso lo- co nostro expressum non est: neque etiam ad Colos. cap. 2. v. 14. id exprimitur, ut ad Ephes. cap. 2. v. 15. expressum fuit. Accedit quod in ijs verbis, quæ propriè loco nostro respondere sen- tit Socinus, leguntur non pauca, de quibus nul- la mentio fit, nec in hoc ad Colos. loco, (quod ta- men fieri deberet, si quicquam valet ratiocina- tio hæc Socini ex collatione locorum ducta) nec in totâ Epistolâ: nam v. 14. primi capitis, agi- tur de prædestinatione Ephesiorum ad salutem v. 15. 16. de ejusdem salutis per arrhabonem Spiritum ob signatione.

Econ-

E contrariò ergo nihil est absurdi, Apostolum hoc loco ad Coloss. egisse de creatione primâ: etiamsi de eadem in Epistolâ ad Ephes, non egerit. Hæc de illustri loco ad Coloss.

CAP. XV. Tertiæ Classis argum.

De loco ad Heb. cap. 1. vers. 2. & 10.

Socin.

pag. 367.

Per quem & secula fecit ; & tu Domine initio terram fundâsti, & opera manuum tuarum sunt cali : quia autem de loco v. 10. copiosè actum, in diluendâ responsione adversarij, ad quartum (ipsi quintum) primæ classis argumentum, cum Socino eò lectorem remitto: verba illa *per quem fecit & secula*, in quem sensum accipienda sint, intelligi potest ex verbis Iohan. & mundus per eum factus : videantur si placet ea, quæ isto loco disputavimus : quo etiam rejicit lectorem Socinus, duo præterea adferens, quibus astruere conatur, hisce verbis de æternâ vitâ agi.

Primum argumentum colligit ex voce *aiw-
ves*, quam putat æternitatem illam quam speramus, & quâ futurum nobis seculum continetur, quodammodo ob oculos ponere ; & idcirco futurum illum mundum evidentius significare. At contrà 1. dico, in hoc petitionem quæsitæ esse. 2. Secundò cum Scripturâ beatæ immortalitatis seculum intelligit, nomen futuri expessè adijcere solet: sic hic ipse author. cap. 6. ad Heb. *virtutes futuri seculi dixit.*

Alterum ejus argumentum est, quod hîc ser-
mo

mo est de Dei Filio, vt nobis patefacto &c. Coincidit hæc ratio cum primâ illâ, ex disputatione cum Erasmo Iohan. petitâ, de cuius valore visum, in examine loci præcedentis.

Secundò respondet Socinus ad objectum sententiæ suæ, de hoc loco, *per quem & secula fecit*, pag. 368. locum ad Heb. 11. v. 3; vbi scriptum extat, *per fidem intelligimus aptata secula verbo Dei*.

Excipit primò, locum istum nihil habere commune cum eo, de quo disputamus, excepto verbo secula, & sine ullâ comparatione multo frequentius, verbum istud, hanc æternitatem, & sic futurum illud immortale seculum, quàm veterem mundum significare: addit non legi hîc, facta, sed aptata esse secula, id est concinnata, & aptè composita & accommodata: quod etiamsi reipsâ idem esset, cum facta esse, (quod tamen ipsi à veritate non parum abest) hoc nihilominus satis non esset, inquit, in hac disputatione, vbi de ipsâ phrasi facere secula nominatim agitur.

Resp. Decisio controversiæ pendet hoc loco, ex significatione vocis *seculorum*, quàm auctorem ad Hebræos, non alio sensu accepisse, hîc aut alibi ostenditur: ac propterea etiam eo sensu hoc loco accipiendâ esse, concluditur. Quod verò contendit Socinus, multò frequentius, verbū istud, hanc æternitatem, quam veterē mundū significare, in eo labitur. Discrimen etiā illud, inter vocē aptandi, & faciendi, quoad vsum illarū in sacris, vbi de rerum omniū ex Deo emanatione agitur, revera nullum est; solet enim Scriptura, nunc his, nunc illis vocibus vti promiscue; quæ tamen ex grammatico rigore loquendi, nonnihil in conceptâ formali differunt, vt apud Hebr.

Hebr. *Iatzan, gnafa, bara*. Apud Græcos *κτίζω, ποιέω, ἐργάζομαι* : & apud Latinos, *creare, facere, aptare*. Ita LXX. Ion. i. v. 9. *ἐποίησε mare & aridam* : κόσμος δὲ δημιουργεῖσθαι, dicitur à Platone, hoc est factus : deinde *καταρτίζειν* Græcis, non tantùm est aptè componere & concinnare; sed sæpe etiam simpliciter significat coagmento, compono, in quo sensu idem est *ποιεῖν & καταρτίζειν* secula : *καταρτίζω* luxata membra repono apud Æginetam : hinc *καταρτισμός* Galeno est *ἡ μεταγωγὴ ὁσῶν, ἐλ τῷ, παρὰ φύσιν, εἰς τὸ, καταφύσιν*.

Excipit secundò, istius loci nullam ad hunc nostrum relationem apparere, cum hic ab illo decem interpositis capitibus, distet; ideoque conjecturas afferri oportere, cur hac significatio, in loco nostro, agnoscenda sit. At nulla, inquit, unquam afferentur: cum omnes, quæ antecedentibus & consequentibus verbis, ex loci ipsius argumento, ex circumstantiis denique quibuscunque duci possunt, contrarium planè suadeant. At respond. 1. Socinum disputat. suâ contra *Erasmum Iohan. de unigeniti Filij Dei existentia*, argumentum petere ex Epistolâ ad Ephesios : quæ profecto majori intervallo distat ab Epistolâ ad Colos. quàm locus hic ad Hebr. primo à loco illo cap. 11. 2. Ex phrasium vtriusq; loci collatione, elucet convenientia & identitas rei subiectæ in utroque loco. Quod denique dicit, de loci argumento, circumstantiis &c. Tam facile reiicitur, quam adfertur.

Socin.

Subijcit postremo loco, verba illa : *Qui cum sit splendor gloriæ, non de æterno & coessentiali Filio*

Filio loqui ; sed de exhibito humano generi, & proinde eatenus hîc Dei Filio tribui, quatenus nobis talis est. At respondeo, de loco illo copiosè actum esse suprâ pag. 86. 87. 88. quod lector remitto. 2. Etiam si adversarij sententia vera esset, nihilominus argumentatio inde ducta, inconsequens esset.

C A P. I. Quartæ Classis argum.
De Nomine DEUS.

Tertia argumentorum classis sic fuit, quarta sequitur : quæ argumenta continet, ex nominibus ducta. *Primum nomen divinum est Deus.* Ex hoc nomine tale formatur argumentum. *Is quem Scriptura absolutè, numero singulari, vocat Deum predicatione verâ, is est unus ille Deus. At sic Christus dicitur Deus. Ergo.*

Contra hujus argumenti tum majorem, tum minorem varia movet Socinus : singula ordine examinabo.

Primò contra majorem excipit. *Christo ho- Socin. mini, majestatem, potentiam, & imperium divinum, pag. 372. ex Dei liberalitate communicata ; ac propterea nullum fere Dei nomen esse posse, quod Christo homini similiter tribui non possit : proinde, inde non esse inferendum, Christum esse ipsummet Deum.*

Hac unicâ responsione, ait, omnia classis quartæ argumenta dilui posse. Resp. Ne actum agamus, recurrat lector ad ea, quæ in nostro examine in præcedentibus sunt disputata.

Hebr. *Iatzan, gnasa, bara*. Apud Græcos *κτίζω, ποιέω, ἐργάζομαι* : & apud Latinos, *creare, facere, aptare*. Ita LXX. Ion. i. v. 9. *ἐποίησε mare & aridam* : *κόσμηθ' δέδμη ἔργεῖσθαι*, dicitur à Platone, hoc est factus : deinde *καταρτίζειν* Græcis, non tantùm est aptè componere & concinnare; sed sæpe etiam simpliciter significat coagmento, compono, in quo sensu idem est *ποιεῖν & καταρτίζειν* secula : *καταρτίζω* luxata membra repono apud Æginetam : hinc *καταρτισμός* Galeno est ἡ μεταγωγὴ ὁσῶν, ἐλ τῷ, παρὰ φύσιν, εἰς τὸ, καταφύσιν.

Excipit secundò, istius loci nullam ad hunc nostrum relationem apparere, cum hic ab illo decem interpositis capitibus, distet; ideoque conjecturas afferri oportere, cur hac significatio, in loco nostro, agnoscenda sit. At nulla, inquit, unquam afferentur: cum omnes, quæ antecedentibus & consequentibus verbis, ex loci ipsius argumento, ex circumstantijs denique quibuscunque duci possunt, contrarium planè suadeant. At respond. 1. Socinum disputat. suâ contra Erasmum Iohan. de unigeniti Filij Dei existentia, argumentum petere ex Epistolâ ad Ephesios : quæ profecto majori intervallo distat ab Epistolâ ad Colos. quàm locus hic ad Hebr. primo à loco illo cap. 11. 2. Ex phrasium utriusq; loci collatione, elucet convenientia & identitas rei subiectæ in utroque loco. Quod denique dicit, de loci argumento, circumstantijs &c. Tam facile reiicitur, quam adfertur.

Socin.

Subijcit postremo loco, verba illa : *Qui cum sit splendor gloriæ*, non de æterno & coessentiali Filio

Filio loqui ; sed de exhibito humano generi, & proinde eatenus hîc Dei Filio tribui , quatenus nobis talis est. At respondeo, de loco illo copiosè actum esse suprâ pag. 86. 87. 88. quò lector remitto. 2. Etiam si adversarij sententia vera esset, nihilominus argumentatio inde ducta, inconsequens esset.

C A P. I. Quartæ Classis argum.

De Nomine DEUS.

Tertia argumentorum classis sic fuit, quarta sequitur : quæ argumenta continet, ex nominibus ducta. *Primum nomen divinum est Deus.* Ex hoc nomine tale formatur argumentum. *Is quem Scriptura absolutè, numero singulari, vocat Deum predicatione verâ , is est unus ille Deus. At sic Christus dicitur Deus. Ergo.*

Contra hujus argumenti tum majorem, tum minorem varia movet Socinus : singula ordine examinabo.

Primò contra majorem excipit. *Christo ho-* Socin.
mini, majestatem, potentiam, & imperium divinum, pag. 372.
ex Dei liberalitate communicata ; ac propterea nullum fere Dei nomen esse posse , quod Christo homini similiter tribui non possit : proinde, inde non esse inferendum, Christum esse ipsummet Deum.

Hac vnicâ responsione, ait, omnia classis quartæ argumenta dilui posse. Resp. Ne actum agamus, recurrat lector ad ea, quæ in nostro examine in præcedentibus sunt disputata.

Socin.

pag. 373.

374. 375.

376.

Secundò excipit, nomen Dei absolute positum, rebus quoque creatis tribui, & non solum illi uni Deo: Bellarminum id non ausum aperte negare: Irenaeum non aliter sentire; verum id ex varijs locis Scriptura confirmare, & alijs amplius confirmari posse; denique, inquit, dato, nusquam alibi cuiquam nisi illi uni Deo tribui, non sequi idcirco, cum Christo tribuitur, necesse esse, ut Christus sit ille unus Deus.

Resp. Falsum esse Bellarminum id non ausum aperte negare: verba enim ejus sunt: Scriptura non solet absolute vocare Deum, nisi verum Deum: Socinus id interpretatur, ac si voluisset Bellarm. perrare id fieri: quæ Socini expositio affingit Bellarmini verbis, mentem alienam; vult enim simpliciter Bellarm. non vocari absolute Deum, nisi Deum illum unum, quod manifestum esse potest consequentia Bellarmini verba inspicienti.

Socinus sententiam Irenæi tractans de hoc argumento, duo eidem tribuit. Primò sentire Irenaeum, neminem vocari Deum in Scripturis, sine aliquo additamento, qui tantum nomine & non revera sit Deus, sive ex se, sive Dei dono. Secundo Irenaeum sentire, Patrem tantum ex se Deum esse.

Resp. Adversarium non probare locis ex Irenæo prolatis, ipsum sensisse, nomen Dei absolute, & sine aliquo additamento sumtum communicari etiam ijs, qui ex dono Dei Dij, & non Deus ille unus.

Postquam enim produxit Irenæus cap. 6. lib. tertij testimonia Psalm. 50. v. 1, & Psal. 82. v. 1. ijs verbis quæ citat Socinus pag. 375. hæc subjungit

jungit Irenæus. *Nemo igitur alius, quemadmodū predixi, Deus nominatur, aut Dominus appellatur, nisi qui est omnium Deus & Dominus.* Quod ad locum illum, qui in fine procemij lib. quarti, ubi scriptum reliquit Irenæus : *& manifestavimus, neminē alium Deum appellari à Scripturis, nisi Patrem omnium & Filium, & eos, qui adoptionē habent :* & locum illum, initio cap. primi, lib. 4, ubi scriptum. *Cum sit igitur firmum & constans, neminem alterum Deum & Dominum à Spiritu prædicatum, nisi eum qui Dominatur omnium Deus, cum verbo suo, & eos qui adoptionis spiritum accipiunt.* Responderi potest Irenæum, in hisce locis non asseruisse, nomen Dei eo enuntiandi modo dici de adoptatis ut de Patre & Filio, quibus Dei nomen definitivè & absolutè tantum attribui, asserit Irenæus lib. tert. cap. 6.

Secundò asserit Socinus, *Patrem tantum ex se Deum esse, Filium verò fere adjungi, ac Deum cum ipso nominari, quia dominium accepit à Patre suo :* citat horsum ex Irenæo hæc loca cap. 6. lib. tertij, in initio ferme ejusdem libri cap. 12. paulo post medium, & cap. 9. post initium, & lib. 4. cap. 1.

Testimonij primi verba sic habent. *Neque igitur Dominus, neque Spiritus Sanctus, neque Apostoli, eum qui non esset Deus, definitivè & absolutè Deum nominassent aliquando, nisi esset verus Deus; neque dominum appellassent aliquem, ex suâ personâ, nisi qui dominatur omnium, Deum Patrem & Filium ejus, qui Dominium accepit à Patre suo omnis conditionis.* Hactenus Irenæus. 1. In hisce verbis, non divinitatem,

tem, sed dominium accepisse à Patre Christus dicitur. 2. Non asserit Irenæus, Filij dominium à Patre esse ex gratiâ adoptionis, distinguit enim cap. primo lib. 4. & proœmio ejusdem, inter Patrem, Filium, & adoptatos.

Secundi testimonij verba sunt. *Quoniam qui passus est sub Pontio Pilato, hic Dominus est omnium, & Rex & Deus & iudex, ab eo, qui est omnium Deus, accipiens potestatem.*

Resp. Hæc verba Irenæi loqui de glorificatione Filij Dei, post mortem crucis; Filium autem Dei tum demum regem & Dominum factum fuisse, Irenæi mens secundum ipsam confessionem adversarij non fuit: non ergo hæc verba loquuntur de re, sed de rei patefactione: non dicitur his verbis, nec expressè, nec tacitè, divinitatem suam à Patre accepisse Filius. 3. Etiam si diceretur, non tamen rectè concluderetur ex eo Irenæi cum adversario hac in parte consensus.

Tertij testimonij verba, quæ citat Socinus, sic habent. *Et ipso Domino, Patrem tantum Deum & Dominum eum, qui solus est Deus & Dominator omnium, tradente discipulis, sequi nos oportet: in quâ sententiâ confirmandâ, ut scribit Socinus pag. 376. quod scilicet Pater Christi tantum sit ille vnus Deus, reliquum captis insumit.*

Ad hoc testimonium respondetur, Irenæum in sententiâ illâ confirmandâ, Patrem Filio non opposuisse, minimè vero; sed eorum, qui sentiebant, Deum & Patrem Dom. nostri Iesu Christi, sive Deum N. Testam. esse alium à Deo legis, & Prophetarum. Sic enim perorans scribit,

vnus

vnus igitur & idem Deus, qui à Prophetis prædicatus est, & ab angelo annuntiatus : nec vlllo modo Irenæo propositum fuit ostendere, Patrem tantum Deum & Dominum eum, qui solus est Deus & dominator omnium, excluso Filio; imò differtè Filium inclusit verbis, quæ immediatè in ipso cap. exordio antecedunt verba, quæ produxit Socinus. Ostensum igitur hîc planè, & adhuc ostenderetur manifestius, neminem alterum Dominum vel Deum, neque Prophetas, neque Apostolos, neque Dominum Christum confessum esse ex suâ personâ, sed præcipuè Deum & Dominum: Prophetis quidem & Apostolis, Patrem & Filium, confitentibus, alterum autem neminem, neq; Deum nominantibus, neque Dominum confitentibus: post quæ verba, sequuntur immediatè, quæ produxit Socinus.

Quarti testimonij à Socino prolati, verba sunt. Apostoli autem secundum eum (id est post Christum) transgressores ostenduntur præcepti, Demiurgum Deum & Dominum & Patrem confitentes, quemadmodum ostendimus, si non hic solus est Deus & Pater.

Resp. Manifestum esse, ex ipsâ inspectione cap. 1. Iren. non excludere Filium à divinitate Patris, sed agere, vt ipse loquitur, adversus eos, qui Demiurgum naturaliter, neque Deum neq; Patrem esse statuebant, dicentes naturaliter, & Deum & Patrem esse, quem ipsi adinvenerunt: hisce ergo invehitur Irenæus adversus hæresiarchas, qui alium creatorem à Patre Domini Iesu Christi inducebant, imponens necessitatem, Demiurgum confiteri suum Patrem.

Sic ergo animadvertere in ea, quæ ex Ire-
næo proferuntur, visum fuit: Post quæ ait Soci-
nus: *Satis testimoniorum videmur attulisse, ad
probandum, quod in sacris literis, nomen Dei abso-
lutè positum, creaturis ipsis aliquando tribuatur,*
ex Psalm. 49. vers. 1: & Psalm 81. vers. 1. 6:
addit illis & hæc: Exod. 15. vers. 11: Dent. 10.
vers. 17: Exod. 21. vers. 6: & cap. 22. vers. 26:
Psalm. 8. v. 6: Psalm. 6. v. 7.

Resp. Psalm. Heb. 50. v. 1. non legitur juxta
Hebraicam veritatem, Deus Deorum, sed Deus
fortis, ut versio interlinearis habet: sic & Græ-
ci, Aquila, Theodot. Sym. vertunt hunc locum
ἰσχυρὸς θεὸς Psalm. 82. vers. 1. 6, utrobique scri-
ptum est, Eloim; non est autem eadem ratio,
si usus sacrarum literarum attendatur, vocis
Eloim quæ est vocis Dei: non enim hæc apud
Latinos notat reges, judices, magistratus & eos
omnes, qui dignitate & potestate aliquâ pol-
lent, sed numen religiosè colendum, cui vox
Græca *θεός* respondet: Iohannis cap. 10. ma-
gistratus appellantur *θεοὶ*, nemo autem singu-
lari numero appellatur *θεός*. Actor. 7. vers. 43.
legitur *bajulastis tabernaculum Molochi, & sidus
Dei vestri Remphanis*; at ista prædicatio non ve-
ra, erat enim idolum Actor. 28. vers. 6. dicebant
eum, nempe Paulum, esse *Deum*, at ficta erat
prædicatio. De homine illo peccati, & filio
perditionis legitur, quod se opponat & efferat
ἐπὶ πάντας λεγόμενον θεόν: hoc enim esse potest
tum verus Deus, tum numina fictitia, Est
itaque stylus perpetuus sacrarum litterarum
Novi Testament. voce *θεός*, notare Deum illum

unum verum & vivum, quæ plus quam millies occurrit. *Exod. 15. vers. 11: ad verbum. Quis sicut tu, in fortibus Iehova: Deut. 10. v. 17. Iehova Deus vester, Deus Eloim dicitur, non hîc absolute Eloim dicti. Exod. 21. vers. 6. vox etiam Eloim est: eadem est ratio loci Exod. 22. v. 28: Psalm 8. & 97.*

Excipit denique, in hac secundâ exceptione suâ contra majorem: *dato nomen Dei, absolute positum, nusquam alibi cuiquam, nisi illi uni Deo tribui, inde tamen non sequi, cum Christo tribuitur, necesse esse, ut Christus sit ille unus Deus, nullo prorsus modo. Tantopere enim, inquit, excedit Christus homo omnes alias creaturas, & tam ultra, & supra eas, omnis divinitatis particeps est factus, ut merito potuerit illi concedi, ut Dei nomine absolute appelletur, etiamsi omnibus alijs creaturis perpetuò negatum fuisset.* Socin. pag. 378.

Resp. Hanc exceptionem ita formatam, coincidere cum exceptione primâ contra majorē: firmat hanc suam exceptionem Socinus auctoritate loci *Philip. 2. v. 9. Heb. 1. v. 4. de quibus alibi visum, & auctoritate humanâ, eâq; geminâ Lactantij, lib. 4. cap. 14. nec non Christophori Longolij, hominis Pontificij.*

Verba Lactantij, quæ profert Socin. sic habent in calce cap. 14. li. 4. quem de verâ sapientiâ inscripsit. *Propterea quia tam fidelis extitit, quia sibi nihil prorsus assumpsit, ut mandata mittentis impleret, & sacerdotis perpetui dignitatem, & regis summi honorem, & iudicis potestatem, & Dei nomen accepit.*

Resp. Lactantium illis verbis, *Dei nomen accepit,*

cepit, nequaquam voluisse, novum Deum indu-
ctum, numero naturâque, à Deo illo vivo & ve-
ro, rerum omnium conditore, separatum : vni-
tatem enim Dei, ejusque solius cultum, septem
suis institutionum libris propugnat : nec vni-
tatem istam, aut solius Dei cultum, interpre-
tatus est ullibi in sensu Sociniano : nec sunt
ista consentanea apud Lactantium ; vnum esse
Deum, & tamen esse Deum, qui non sit ille
vnus, sed contradictoria : sic enim scriptum
reliquit, hoc ipso loco, verbis immediatè an-
tecedentibus. *Hæ sunt viæ Dei in quibus am-
bulare eum præcepit : hæc præcepta, quæ servan-
da mandavit, ille verò exhibuit Deo fidem : do-
cuit enim, quod vnus Deus sit, eumque solum
coli oportere : nec vnquam se Deum esse dixit,
quia non servâisset fidem, si missus, ut Deos tol-
leret, & vnum assereret, induceret alium, præter
vnum : hoc erat, non de vno Deo facere præ-
conium, nec ejus qui miserat, sed suum proprium
negotium gerere : ac se ab eo, quem illustraturus
venerat, separare : quæ verba Lactantij expo-
nenda per œconomicam demissionem : nam
revera ex Lactantij sententiâ, Christus ante
glorificationem erat Deus, etiamsi dicat hîc
Christum, postquam fidem suam Deo & Patri
per omnia probâisset, Dei nomen accepisse :
nam verba illa, non de ipsâ divinitatis col-
latione, sed ejusdem gloriosâ manifestatio-
ne, accipienda sunt. Istam enim Lactantij
cum Lactantio conciliationem, suggerit no-
bis Lactantius ipse cap. 13. ejusdem libri,
ubi verba ejus sunt : *Interim & Deum
fuisse**

fuisse, ex utroque genere permistum, Prophetis vaticinantibus discimus, & citat horum testimonia ex Esa. Ierem. & Psalm 44. *Thronus tuus Deus, &c.* Sic verò Lactantio Deus Christus, antequam homo fieret, ut ibi expressè docet, & cum in terris versaretur; nam de Iudæorum incredulitate verba faciens, ait: *nec tamen tantarum virtutum contemplatione, impelli potuerunt, ut Deum crederent, quem videbant.* Hæc respondere ad Lactantium productum, visum fuit. Verba Christophori Longolij, qui Pontificius fuit, agnoscente Socino, quamquam præterire possem, hîc apponam tamen, & ad ea vno verbo respondebo. Illa verò sic sonant referente Socino. *Quid Christum summi regis honore, summi judicis potestate, summi Dei nomine adornavit? nēpe illa animi demissio?* Resp. Propter factā manifestationem sic locutus. Hæc ergo de secundā exceptione ad maiorem dicta sunt.

Post hæc autem ad minorem syllogismi venit, negans Scripturam Christum appellare Deum, ijs locis Scripturæ, quæ complura à Bellar. & Wiek. producantur: varijs enim modis ea eludere conatur. Verum antequam particularem singulorum locorum enervationem aggrediatur, hanc basin operi suo hîc præstruendam sibi censuit. *Sciendum est igitur ante omnia, no-* Socin.
men, Deus, suâ naturâ esse nomen appellativum, pag. 379.
& idcirco pluribus conveniens: per excellentiam tamen uni illi summo rerum auctori, & conditori singulariter attribui: ut, in Testam. Novo, cum subiecti locum absolute obtinet, sive cum articulo sit, sive sine articulo, vel cum obtinet rationem prædica-

ti, si articulum habeat simpliciter, aut sine tali adjuncto vel constructione, quæ articuli vim infringat, nunquam nisi ipsi soli, ne Christo quidem ipso excepto, tributum inveniatur: nam sicubi Christus in N. Testament. Deus nominatur, tunc nomen Deus, non subjecti, sed predicati locum tenet, ac præterea vel articulo caret, vel quidpiam aliud, præter articulum adest, quod articuli vim infringit.

Primò statuit Socinus, nomen Dei, nomen appellativum esse, in quo sanè hallucinatur: nam primo & individuo enti per essentiam tantum tribuitur vox θεός, cui respondet Latina Deus: quotiescunq; enim Christus & Apostoli Deum appellant, non suggerunt nobis qualitatem aliquam dignitatis, aut potestatis, per gradus distinctos, pluribus communem; sed ens aliquod individuum, & singularitate essentiae determinatum: Scripturæ enim asserunt *unum esse Deum*, 1. Tim. 2. v. 5: 1. Cor. 8. v. 6: quæ ratio unitatis Socin. pluralitatem excludit, ut suo loco demonstravimus: efficitur itaque inde valido argumento, nomen hoc proprium esse; quod enim vni rei, non pluribus convenit, hoc proprium, non appellativum est.

Secundò statuit *vocem θεός subjectivè enuntiatam*, nullibi in Novo Testam. Christum exprimere: quæ positio Socin. fallax est: nam 1. Act. 20. v. 28: 1. Tim. 3. v. 16: Heb. 1. v. 8. 9. subjectivè legitur; nec in loco Ioh. 20. quicquam prohibet, vocem *Deus* subjectivè intelligere.

Locum istum ad Timoth. in quo præcipua redemptionis nostræ mysteria, magnificis verbis effe-

efferruntur de Christo , negat Ostorod. scund. part. disputat. suæ, contra Georg. Tradel. cap. 5. pag. 109. de Christo accipiendum esse , sed ad Patrem referendum esse ait. At contrà, nullum adferre possunt argumentum Sociniani , propter quod hic locus de Christo accipi non debeat, quinimò de Christo accipi debere, ex Scriptura Deo adjuvante demonstrabo. 1. Deus hîc in carne manifestatus dicitur , quod de Christo exponendum, quia passim in scripturis , caro de Filio, & non de Patre prædicatur. *Verbum caro factum : caro mea cibus est* Ioh. 6. v. 55 : & Act. 20. vers. 30 : Rom. 1. v. 3 : Rom. 8. v. 3 : Rom. 9. vers. 5 : Colos. 1. vers. 22 : Heb. 2. v. 14 : Heb. 5. vers. 7 : 1. Pet. 3. vers. 18. : 1. Pet. 4. vers. 1 : 1. Iohan. 4. vers. 2 : nihil ergo certius , & magis tutum , quàm etiam hoc illustre testimonium ad Christum referre. 2. Deum in carne patefactum esse , est Deum incarnatum esse : quia hoc , vt exponit Ostorod. non est, bonitatem, potentiam , sapientiam Dei , per Christum & Apostolos mortales , & varijs calamitatibus obnoxios, patefacta esse. Nam gloriosa Christi prædicatio , quâ Dei bonitas , potentia , sapientia, manifestata sunt, ad fragilem Christi naturam, afflictionibus obnoxiam Ostorod. referri non potest, cui terminus gloriosæ prædicationis Christi, initium præcipuû carnis Christi , Instit. Germ. c. 12. sect. 3. 3. Iustificationē illā in spiritu Christus sibi tribuit Ioh. 16. v. 10. Quid autē convenientius, quàm huic loco lucē explicationis adferre ex loco illo , in quo habemus luculentum Christi testimoniū, de glorificatione, & justifi-

justificatione sui per spiritum, à se in Apostolos effundendum, aliquando facienda. 4. Visus ab angelis, de Christo accipimus, Apostolo Petro interprete, cui res illæ, in quas desiderant angeli introspicere, sunt perpeffiones Iesu Christi, & gloria eas consecuta. 5. Gentibus prædicatis fides habita illi in mundo, ad Christum potius, juxta sacrarum literarum stylum referendum est, quàm ad Deum Patrem: ratio est, quia Christus tum in Actis, tum in Epistolis Apostol. 1. prædicatus dicitur: Act. 8. v. 5: Act. 9. v. 20: Act. 19. v. 13: 1. Cor. 1. v. 23: 1. Cor. 15. v. 11. 12: 2. Cor. 1. v. 19: 2. Cor. 3. v. 4: 2. Cor. 11. v. 4: Philip. 1. v. 15. Compellimur ergo hîc Christum intelligere; & quamvis indivulso nexu fides in Deum & Christum cohæreant, & se mutuo ponant & tollât, fidei tamen in Christum creberrimè salus astringitur, & in eum incredulitati adimitur: Joh. 20. v. 21: 1. Ioh. 2. v. 23: 1. Ioh. 5. v. 12. 13. 6. Denique ἀνελήφθη ἐν δόξῃ, parum dextrè interpretatur Ostorod. Deum Patrem gloriosè receptum esse, hoc est cum gloriosâ sui exaltatione. 1. Nam cogitur, hîc enallagem fingere præpositionis ἐν pro σὺν; aut nomen gloriæ exponere adverbialiter; vel substantivum transformare in adjectivum, additâ de suo voce exaltationis: præferenda ergo simplicior & planior verborû interpretatio. 2. Durû & sine exemplo est, Patrem ἀναλαμβάνεσθαι, Christum verò ἀναλαμβάνεσθαι, in sacris receptissimum est, & notæ planè significationis, in coelos nempe assumi: Marc. 16. vers. 19: Act. 1. vers. 2. 11. 22.

Obijcit

Obijcit verò, contra interpretationem nostram Ostorod. Christi hoc loco ne verbo quidem mentionem fieri. Ad quod respondeo, nec Patris fieri. 2. Axiomata, quæ de Deo prædicantur; hoc loco satis indicare, de Deo Filio hîc sermonem esse.

Secundò vrget receptionem illam, Christi assumptionem in cælos esse non posse, quia illa prædicationem fidei inter gentes non consecuta est, sed antecessit; ideoque de aliâ receptione hanc, de quâ agitur, accipiendam esse. Resp. Objectionem istam, parum stringere; non enim semper res narrantur eo ordine, quo accidunt, quod vidimus antè. 2. Deus etiam prius prædicatus gentibus, quàm quâ talis conspectus ab angelis, Eph. 3. v. 10. 3. Non tamen incongruum est dicere, ordinem immutatum esse, quàm Dicere, in tam ponderosis sententijs tautologiam commisisse; nam juxta Ostorod, expositionem, Deum gentibus prædicatum esse, dixit Apost. ijs verbis, *Deus in carne manifestatus*. Dico deinde, etiamsi verum esset, vocem θεός subjectivè sumtam, non tribui Christo in N. Testam, sed tamen predicativè; inde tamen nullatenus elici posset, nō esse Deum illum vnum. Affirmat quidē Socin. vocem, subjecti locū obtinentē, excellentiæ singularis illam notā esse; at nullo argumento probat, majoris excellentiæ notam esse, subjectivè Deum dici, quàm predicativè, vt sic dicam: consequentur in eo, quod Filius attributivè tantum Deus, Pater subjectivè Deus dicatur, nullum argumentum discriminis inter Patris & Filij deitatem; præsertim cum,

cum, fatente Socino, etiam Pater attributivè Deus dicatur, quod tamen quādo fit, non minus singularis ejus excellentia significatur, quā cum subjectivè Deus appellatur: cum Apostolus dixit, *nobis unus est Deus, Pater ille*, divinitatem de Patre prædicans, excellentiam etiam ejusdem singularem intellexit.

Tertiò statuit, vocem *Deus*, cum prædicati rationem obtinet, cum articulo, vim suam retinente, Christo non tribui; sentit ergo Socinus articulum appositum, excellentiæ notam esse; ac propterea Filium nunquam Deum, appposito articulo, integrarum virium appellatum esse.

Resp. De articulo aliquoties actum, quæ omnia & singula hîc repetere supervacaneum: hîc dicemus tamen de eo, in quantum satis videbitur ad præsens argumentum. Itaq; articulum, apud Græcos, non semper egregiam quandam, & summam rem dicere; sed redundare sæpius, & ornatus tantum gratiâ adhiberi, ut supra annotavi, exemplis jam aliquot, ex probatis Græcæ linguæ scriptoribus confirmabo. Aristophanis *Plutus* in principio. Proh Jupiter, & Dij, quā dura est provincia, si quis hero desipienti servus serviat! nam si optima quæque servus suaserit, secus autem hero sint visa, *μετέχειν ἀνάγκη τὸν θεράποντα τῶν κακῶν*. Ad hunc Aristophanis locum Henr. Steph. notat in appendice thesauri Græcæ linguæ, non tantum Atticis, sed & alijs scriptoribus vsitatum esse dicere, *μετέχειν τῶν κακῶν*, non minus quam *κακῶν*. Thucydides, *ἐλπίδα δὲ, οὐδὲ τὴν ἐλαχίστην*

χρίσιν εἶχον, ναῦς πελοποννησίων, εἰς ἰκονίαν παρα-
βαλεῖν. Ita Aristoteles Politicorum 4. cap. 4.
φησὶ γὰρ ὁ Σωκράτης. Complura alia adducit
exempla Budæus, ex eodem Aristotele, Pla-
tone & cæteris Græcis, in commentarijs suis
linguæ Græcæ. Vice versâ articulus sæpius
supprimitur, vt probat idem auctor ex Theo-
phrasto, Aristotele Platone & alijs probatis scri-
ptoribus. Et sane scriptores sacros N. Testam.
additione, vel omissione articuli, excellen-
tem, & minus excellentem significationem
non intendisse, eo evincitur, quod alioqui,
de Deo vno & summo, vox θεὸς non promi-
scuè legeretur cum, vel sine articulo. Pro-
miscuè autem legi id confirmat, quod plus
quàm centies quinquagies, sine articulo
ista vox scripta reperiatur, quinimò eo ipso
loco, quo Sociniani sentiunt Apostolum Pau-
lum docuisse ex professo, Patrem excellenti
& singulari ratione esse Deum, articulus ab
Apostolo Paulo est omissus: *nobis tamen vnus
Deus*, sine articulo dixit: nullum ergo, in
addito, vel omissio articulo, argumentum di-
scriminis, cum toties verus & *vnus ille Deus*,
sine articulo legatur, & idola etiam, cum articu-
lo, dicantur Deus: τὸ αἰσρον τῷ θεῷ ρεμφάν Αἰτορ.
v. 43: ita & LXX. cum articulo Amos. 5. v. 6.
Diabolus cum articulo, dicitur *Deus huius seculi*.
2. Cor. 4. v. 14: quapropter Ioh. Drusius, parte
alterâ annot. in N. Test. in cap. 1. Ioh. carpit E-
rasm. qui ad v. 6. ejusdem c. sic annotavit. *Hand
scio, an alioquin id perpetuum sit in arcanis literis,
cum Deo opponitur articulus; aut certam personam*
deno-

denotari in divinis hypostasibus, aut verum illum & unicum Deum à reliquis gentium Dijs distinguere. Quam Erasmi sententiam sic perstringit Drusius. Ego scio, non esse hoc perpetuum, quod facilius, & citius probabo, quàm vulpes pirum comest.

Nullum ergo Socinianæ causæ præsidium in eo, si detur Christum attributivè non dici Deum, cum articulo vim suam retinente : nam perinde est, sive cum articulo, sive sine articulo dicatur ; cum & Christus subjectivè Deus dicatur, cum articulo. Act. 20. vers. 28. Heb. 1. vers. 8:9. Nam Socino majus quid est, subjectivè, quàm attributivè Deum dici. Deniq; locus Joh. 20, exponitur à Socino de Christo, ac proinde ex ejus sententiâ, vox θεός ibi prædicati locum obtinet, & tamen cum articulo legitur, quæ autem contrà excipit Socin. videantur in tractatu nostro, de loco illo, ubi ad ejus exceptiones responsum est.

Sic ergo se habet examen basis, quam Socin. hîc operi suo sibi præstruendam censuit. Sequitur jam pressius examen locorum singulorum, quæ pro stabilimento minoris, Bellarm. & Wiekius adduxerunt.

Socin.

*pag. 379.
380.*

Primus locus est Esa. 9. v. 6. Excipit Socinus. *Nomen Deus, non esse absolutè ibi positum, sed cum adjuncto fortis. 2. Rabbinos appellationem istam unà cum cæteris, quæ ibi recensentur, non ad Messiam referre, de quo alioqui ibi vaticinationem esse concedunt, sed ad illum, qui nomen ejus vocabit, nempe ad unum illum Deum; in Hebræo enim, vocabit legitur, non vocabitur: Deum alicubi alicujus*

men vocare, simpliciter dici, ut Esa. 45. v. 3: hac se non adferre, quasi Rabbinorum interpretationem probet; sed ut eo magis appareat, non esse certam probationem inde sumtam. Denique verba illa, ex Hebræo aliter legi posse, fortis heros, vel heros fortis.

Resp. Cum sermo est de Deo, absolutè & sine additamento sic vocato, eumque sic nuncupatum esse, *Deum illum unum*, asseritur; non intelligitur, nihil prorsus esse additum, sed quod additum tale non sit, ut significationis excellentiam imminuat: additum autem hoc loco, non est naturæ talis. Ad secundum dico. 1. Nō omnes Rabbinos, sed recentiores tantum, odio Christianæ fidei, hoc pulcherrimum de Christo testimonium sic interpretatos. 2. Rabbi Selomo falsæ hujus expositionis author est; qui tamen non omnia illa epitheta ad Deum illum unum refert, sed postrema ad Ezechiam regem, hoc pacto: & vocavit nomen ejus, scilicet Ezechia, Deus sanctus & benedictus: qui est admirabilis, consiliarius, Deus fortis, pater sempiternus, principem pacem: quæ novitia ejus expositio priscis repugnat. Rabbi Iosès Galilæus, in expositione super planctum Jerem. dicit, parem esse unum de Messia nominibus: nec duo posteriora tantum, quæ de Ezechia Rabbi Selomo exponit; ad Messiam referuntur ibi, sed & reliqua. Discipuli Rabbi Hija, ad Messiam hoc referunt in Thalmud similiter. Nec aliter Chaldaicus paraphrastes hoc loco. 3. Non erat, quod Socinus fictitiam hodiernorum Rabbinorum glossam hinc obijceret, cum eam à se non probari
V dicat,

dicat; nec dicendum illi fuit, hanc probationem propterea non esse certam: nam sic nihil certi in fidei dogmatibus esset, quia ubique jam contradicunt Iudæi. Nec adjumenti quicquā huic detorsioni ex voce *Vajicra*, quod *vocabitur* legendum dicit, non *vocabitur*; quo argumento etiam vsus Bellarm. ut ostenderet Hebraicam editionem corruptam esse, & turbidum alicubi fluere fontem. At Franciscus Iunius reposuit. *Hem. grammaticum: quasi verò id insolens apud Hebræos esset; verba tertia persona utrovis numero impersonaliter accipi, & modo activè, modo passivè ad evidentiam reddi oportere, id quod Hebræis, ex idiotissimo ipsorum, est evidens. Gen. 16. v. 14. Mich. 2. vers. 4. Amos 4. vers. 2. Hab. 3. v. 17. & citat complura exempla Buxtorfius in Hebraicis versatissimus lib. 2. thesauri grammatici pag. 394. quem Hebraici sermonis idiotismum idem vir doctissimus observat, Lucam Evangelistam secutum Luc. 12. vers. 20. τὴν ψυχὴν σὺ ἀπαιτᾷς ἀπὸ σέ, ita & alij, vocabitur, interpretantur, ut Vatablus, versio interlinearis, nec aliter Lxx. & vocatur nomen ejus. Sym. vocabitur nomen ejus. Theod. & vocavit nomen ejus.*

Locus ille Esa. cap. 45, impertinens est: ista enim vocatio non est appellatio nominis, sed vocatio regis Cyri ad liberationis opus. 2. Deinde alia hîc structura verborū & rerum, quàm in isto Esa. loco. Obijcit postremò, *alios ex Hebræo aliter legere. Respon. agnosco aliter posse reddi, interea quamvis vox Hebraica El creaturis communicabilis, hæc tamen, quæ Esai. hîc addidit & congescit, tam sunt excellentia,*

vt vnus Dei optim. Max. sint propria.

De secundo loco Ioh. 20. vers. 29. ait, *se idem Socin.*
dicere, quod de primo, videlicet, non haberi ibi no- *pag. 380.*
men Dei absolutè positum, sed cum adjuncto meus,
& hoc efficere, vt additus articulus suam vim non
retineat. Resp. Jam responsum esse argumento
præcedenti, & in tractatu argumenti 7. Clas-
sis 3, quo etiam refert lectorem antagonista.

Tertius locus est Act. 20. vers. 28. vbi sic Socin.
Socinus, Si nomen, Deus, ad Christum referretur, *pag. 381.*
contra id, quod ante diximus, Christus Dei nomi-
ne, subjecti locum tenente, in N. Testam. appella-
retur: ideoque existimat ad Christum hoc referen-
dum non esse. Respond. ista hypothesis com-
mentitia cum sit, parum momenti etiam habet,
quod eidem superstruitur, hoc verò illud est,
nomen, Deus, non ad Christum, sed ad Deum Pa-
trem referendum esse, Christi sanguinem ejus san-
guinem dici, eâ figurâ sermonis & ob eam causam,
propter quam dicitur apud Prophetam, eum qui
tangit Dei populum, ipsius Dei pupillam oculi
tangere; & vt supra ostensum, in dissolutione 9. ar-
gumenti secunda Classis, Euangelistam Iohan-
nem, ejusdem Prophetæ verba, de ipso Deo Patre
dicta, videbunt in quem transfixerunt, ad Christum
accommodare. Resp. videantur, quæ ibi dicta,
in respons. nostra ad solutiones istas.

Subdit amplius, Christi sanguinem, Dei sangui- *Socin.*
nem posse appellari, præsertim consideratum, vt *pag. 381.*
fusum pro nobis: Christum esse Dei agnum, qui
peccatum mundi tollit, consequenter, sanguinem
hujus agni, in hunc finem effusum, ipsius Dei san-
guinem meritò dici posse, non quasi Deus hunc
sanguinem.

sanguinem in seipso habeat, sed quia illum singulari ratione, sicut & agnum ipsum, possidet, atque ut rem suam, unà cum ipso agno, pro nostris peccatis expiandis dat.

Resp. 1. A verborum proprietate, sine gravi ratione, non esse recedendum, à quâ longissimè recedit Socin. hac insolenti expositione suâ: nemo dicitur sanguinem suum fundere, nisi fundat eum qui sibi substantialis est: imperator aut princeps non fundit sanguinem proprium; dum militum, aut subditorum sanguis funditur. 2. Nemo qui proprium sibi bovem mactari curat, dixerit nisi ineptè & ridiculè, se, dum bos sanguinem suum fundit, proprium suum sanguinem fundere: non dicitur sanguis proprius, nisi possidenti substantialis sit: nam si sanguis rerum possessarum, propterea quod Domini sunt, proprius sanguis Domini esset, & Christus, etiamsi nos sanguine pecudum redemisset, proprio tamē sanguine redemisset, quod falsum est, ut patet ex Hebr. 9. v. 12. 3. Cum sint *ἰσοδυνάμεις* in sacris, Christū sanguine suo & morte nos redemisse; non potest non dura, & distorta æstimari expositio hæc; nisi quis velit simul Deum Patrem morte suâ Ecclesiam acquisivisse, quod tamen Filio semper appropriatur, Patri nusquam.

Tertiò obijcit, in *Syriacâ versione*, pro *Dei*, legi *Christi*. Resp. in fonte esse vocem *θεῦ*. Complut. editio Regij 2. & alij totidem legunt *τῷ κυρίῳ καὶ θεῷ*. Syrus ergo interpretes, non verbū, sed sensum reddidit, cum Messias hīc legit: Syrus enim non semper verborum proprietatem sequitur,

sequitur, sed sensum quandoque paraphrasticè exprimit; locum illum Rom. 3. v. 25. τῶν προγεγονότων ἁμαρτημάτων, reddit peccata, quæ ab initio peccavimus: sic Rom. 3. v. 5. πισεύοντι δὲ ἐπὶ τὸν, reddidit ad exprimendum sensum, credidit modo in eum. Præsumendum ergo, accedente Græcorum codicum autoritate, Syram translationem non verba fontis hoc loco, sed sensum respexisse; ex quâ simul primâ & antiquissimâ versione N. Testam. liquet, hunc sanguinē proprium, non Dei Patris, sed Christi esse propriū.

Quartus locus est Rom. 9. v. 5. Ad hunc ita Socinus. *Hic locus, ut in octavo superioris classis argumento diluendo diximus, cōmodissimè ita accipi potest, ut nomen Deus ad Deū Patrem referatur; nisi ea ratio obstet, quam nos ibi attulimus: quæ etiā si nos non parum moveat, alijs fortasse non probabitur: deinde ait, nomen Dei non absolutè ibi positum esse.*

Resp. 1. Non esse nobis laborandum de hac exceptione, quam cum adversarius damnet, ex libidine contradictionis tamen obijcit. Secundò ad illud, de nomine Dei absolutè non posito, jam suprâ responsum est: plura qui volet, consulat examen octavi loci secundæ Classis.

Ad quintum locum Apocal. 4. v. 8, non est quod dicam.

Locus sextus Joh. 3. v. 16. Obijcit Socinus, *in Græco deesse nomen Dei: Complutensem tantum Socin. edition. consentire cum vulgata Latinâ. Syriacum pag. 382. etiam interpretem reiicere. Verùm respondeo, etiam si varient codices, nō sequitur propterea, vocem Dei hīc legendam non esse.* 2. Hanc lectionem germanā esse, probatur ex circumstantijs

loci : in antecedentibus enim actum de Deo & Dei Filijs, 1 Ioh. 3. v. 9. 10: ita & v. 17. hūc immediatē consequente, in quo agitur de charitate in proximum, ducto argumento à charitate Dei, quo loco expressa Dei mentio fit. Excipit deinde, *etiamsi lectionem hanc recipiamus, non sequi tamen, pronomen, ille ad Dei non referendum esse; tum propter causas, in responsione ad duodecimum argum. superioris classis explicatas; tum quia in Græco est pronomen ἐκεῖν &, quod non modo eū, qui multò ante, verum etiam eum, qui nunquam antea apertè nominatus fuerit, referre & significare potest.* Resp. Me lectorem remittere ad ea, quæ ibi disputata sunt, de pronomine relativo pag. 161, 162. 2. Quod dicit de pronimine ἐκεῖν &, nullo firmat exemplo, quod huic loco in modo isto loquendi simile, posito, pronomen hic ad Deum proximè nominatum referendum non esse.

Socin.

pag. 384.

385.

Minore sic oppugnata, ad maiorem revertitur, cui tertio opponit locum Ioh. 10, vers. 36. *& istam sanctificationem, & in mundum missionem, ad Christum ut hominem pertinere, & consequenter, Christum ipsum testari, divinitatem suam, quamvis excellentissimam, non naturalem sibi esse, sed ex gratiâ sibi à Deo Patre, datam fuisse.*

Resp. Dicere quidem, at non probare Socin. sanctificationem & missionem Filij in mundū, causam divinitatis procreatricē esse: sunt causæ essendi, sunt causæ cognoscendi, ut loquuntur.

Bellarminum hūc acriter reprehendendum sibi sumit, qui Francisco Davidis, & ministris Transylvanis, obijcientibus hæc verba, ex Hilario

lario lib. 7. de Trinitate, responderat, Christum voluisse dicere, si illi possunt appellari *Dij*, quia dono Dei participant deitatem, quia sermo Dei ad eos factus est, ut sunt à Deo principes aliorum constituti, auctoritate ab ipso accepta, quanto magis ego possum dici verè Deus, licet homo sim, cum Pater me singulari dono sanctificaverit, id est sanctum sanctorum fecerit, in ipsa conceptione uniendo natura mea humana hypostasim Verbi sui.

Longum esset, inquit Socin., si docere velim, Hilarium, neque hac dicere, neque ita sentire, ut Bellarminus ait, legat, quicumque velit, verba ipsius eo loco, quem Bellarminus citavit; & videbit quàm verba ejus absint ab eo, quod iste eum dicentem facit. Tantùm hoc affirmo, necesse esse, ut ipse Hilarius ait, ut omnis in Christi verbis de homine responsio sit.

Verba Hilarij, loco controverso, ad quem respexisse videtur Bellarm. sic habent. Demonstraturus itaq; hoc, quod ipse & Pater unū essent, ex nativitatis usurpationem esse naturā, in eo primū ineptiā ridiculi opprobrij confutat, quum in reatū vocaretur, quod se cū homo esset, Deū faceret. Cū enim lex hujus nominis appellationem sanctis hominibus decerneret, & sermo Dei indissolubilis confirmaret hanc imperiti nominis professionem: quomodo hic, quem Pater sanctificasset, & quem in hunc mundum misisset, blasphemus esset Dei Filium se confitendo, cū cognominatos per legem Deos, indissolubilis Dei sermo statuisset? jam ergo non est criminis, quod se Deum, cum homo sit, faciat: cum eos, qui homines sint, lex Deos dixerit. Et si à ceteris hominibus non irreligiosa hujus nominis est usurpatio,

ab eo homine quem Pater sanctificavit (omnis enim hic de homine responsio est, quia Dei Filius etiam hominis filius est) non impudenter usurpari videtur, quod Dei se Filiū dixerit, cum præcellat ceteros, qui cognominare se non irreligiose Deos possunt, per id quod sanctificatus in Filium est, beato Paulo scientiā nobis istius sanctificationis intimare, cum ait, qui ante promisit per Prophetas suos in scripturis sanctis, de Filio suo, qui factus est ei de semine David, secundum carnem, qui prædestinatus est Filius Dei, in virtute, secundum spiritum sanctificationis. Cessat ergo blasphemia crimen, quod cum sit homo, Deum se faciat; cum hoc nomen plurimis, Dei sermo detulerit, & sanctificatus ac missus à Patre, nihil aliud se, quàm Dei Filium sit professus. Non est relictus, ut arbitror, ambigendi locus, quin de naturā nativitatis dictum sit: Ego & Pater unū sumus. Nam cum Iudei arguissent illum, quod per hoc dictum, homo ipse cum esset, se Deum faceret: responsio ejus confirmat, quod Dei se Filium, per id, quod ego & Pater unum sumus ostenderit, primum nomine, deinde naturā, postremò nativitate. Hactenus Hilarius: ex quibus sane omnibus, patet Hilarij mentem, revera non aliam fuisse, quā recenset Bellarm. Convenientia in sensu est, etsi non in verborum sono. Postquam Socinus Hilarij autoritatem infringere studuit; assertionem istam sanctificationis & missionis Filij, per unionem naturæ humanæ ad hypostasim Verbi sui, tanquam absouam, & rationis sanæ judicio repugnantem, varijs strophis evertere tentat.

Prima est talis, ad Syllogismi formā redacta.
Quod est res diversa ab eo, qui loquitur, seq. sancti-
ficatum

Socin.

pag. 385.

386.

ficatum dicit, non est à Patre sanctificatum: at Verbum est res diversa ab eo qui loquitur, & se sanctificatum dicit. Ergo verbum non est à Patre sanctificatum. Res. Minor propositio vitio laborat manifesto; falsum est enim, Verbum non esse rem eam quæ loquitur, & se sanctificatam dicit.

Secunda. *Quod est diversum ab eo qui loquitur, non est sanctificatum à Patre: at natura humana diversum quid est ab eo qui loquitur, quippe qui naturam hanc humanam se habere profiteatur, quæ nullam in Christo per se subsistentiam habet; & idcirco nec loqui, nec quicquam aliud per se agere possit.* Resp. In minore rursus mendacium apparet, ut cum Socin. loquar; naturam humanam diversum quid esse ab eo qui loquitur: constituit enim eum, qui loquitur: singuli homines naturam habent humanam; non tamen ea natura humana diversum quid est ab habentibus: eadem ratione inanis ludificatio est, humana Christi natura nullam in se habet subsistentiam, & idcirco nec loqui, nec agere per se potest; nemo negat: at potest Christus homo, suppositatus à Verbo, agere, loqui.

Tertiò ait, *de toto supposito Verbi, & natura humana, dici non posse, quod ei Verbum unitum fuerit: ratio ejus est, quomodo enim, obsecro, fieri potest, ut Verbum uniatur natura humana ipsius verbi, jam cum naturâ istâ humanâ conjuncti?*

Resp. Non est, quod hoc refutet Socinus: nemo enim tam insipidus, qui sentiat, duas hypostaticas uniones esse: aut Verbum, ut unitum naturæ humanæ, Verbo unitum esse, per sanctificationem & missionem in mundum: & potuit

totum suppositum, quod est Christus homo Deus, in unitate personæ dicere se sanctificatū, & in mundum missum; etiamsi sanctificatione & missione illā hoc effectum sit, ut tale suppositum sit, nec vllō modo ex eo, quod de toto supposito dicitur, esse missum in mundum, consequetur absurdum novæ cujusdam & contradictoriæ unionis.

Pergit dicens, *consideret præterea lector, quod, cum adversarij vulgò affirmant, Verbum univisse sibi naturam humanam, hīc, ut sanctificationem istam à Patre factam, unionem istam interpretentur, aliter, id est, contrariā ratione loqui coguntur, & dicere Verbum fuisse unitum naturæ humanæ: ne alioqui ex eorum interpretatione sequatur, Verbum ex eo, quod naturam humanam sibi univert, sanctificatum fuisse: quod longè absurdissimum esse constat.*

Resp. 1. Utramque loquendi rationem usitatam esse, Verbum univisse sibi naturam humanam, & unitum fuisse naturæ humanæ. 2. Ad istum modum loquendi non compelluntur Orthodoxi hoc loco, ut evitent illud absurdum, de sanctificatione Verbi: nam illa ex vno modo loquendi non magis elicitur, quàm ex alio: imò verò magis ex eo, quod dicitur unitus fuisse, quàm sibi univisse. 3. Non est absurdum, Dei Filium sanctificatum dicere, hoc est designatum & segregatum esse ad munus Mediatoris obeundum.

Quartò oggerit, istam sanctificationem & missionem sic exponendam esse, ut inde comprobetur, Christum naturā esse Deum; hoc verò fieri non posse.

Resp.

Resp. Falsum hoc esse : nam liquet ex opere & actionibus , ad quas sanctificatus & missus fuit Christus. 2. Liquet ex missione Christi, quæ ita contigit , vt prius fuerit in cœlis Christus , antequam missione in mundum fieret homo, de quâ re copiosè actum, in tractatione primi argumenti 3. classis.

Ad ea , quæ adfert Socinus, contra argumentum Bellarm. ex Chrysostomo petatum. Si *non facio opera Patris mei &c.* satis, quod ad rem ipsam attinet , responsum arbitror , in examine quarti loci tertiæ classis. Socin. pag. 387.

Coronidis loco , in calce cap. adijcit Socinus testimonia quorundam Patrum, quos sibi adstipulantes habeat, in eo, quod simplex Dei nomen creaturis tribuatur.

Citat primò supposititium Iustini opus Responsum ad Orthodoxos, & ex eo opere resp. 142. Verùm in istâ responsione non dicitur, in Novo Testament. Dei nomen simplex etiam creaturis tribui. Neque hoc etiam ab Augustin. in quæstionibus super Genes. quæst. 105, dicitur, nec etiam à Cyrillo. Sentit Socinus, Augustinum cautiùs locutum & magis verè, quàm Cyrillum , de usu articuli. Cyrilli verba sunt lib. 1. in Iohan. cap. 4. *Quando cum articulo Gracâ linguâ Deus dicitur ; tunc solus & propriè Deus designatur ; cum verò absque articulo Deus profertur , qui ad hoc gratiâ vocatus est , intelligitur : Augustini verba sunt. Articulo evidentissimè solet Dei veri unius significatio fieri : non enim dixit πρὸς ὡπεν τῷ θεῷ , sed dixit πρὸς ὡπεν θεῷ : facile autē hoc intelligunt, quâ distantiâ dicatur, qui* Socin. pag. 388.

qui Græcum eloquium audire atque intelligere solent. Hæc scribit Augustin. in v. 10. Gen. 33. vbi in Græco contextu sic legitur : sane, si sensus attendatur verborum vtriusque, sententijs convenire videntur. Atque hæc de argumento primo classis quartæ.

CAP. II. Quartæ Classis argum.

De Nomine Tetragrammato.

Nomen tetragrammaton *Iehova*, quod semper singulare, plurale nunquam, est incommunicabile creaturis, in casu recto, vt proprium denominativum rei. Argumentum in formâ tale. Cui competit nomen *Iehova* in casu recto, vt eius denominativum proprium, est Deus ille unus : At Christo nomen *Iehova* sic competit. Ergo. Assumptio probatur ex *Ierem.* 23. v. 5. *Esa.* 40. v. 3.

Socin.

pag. 390.

Negat Socinus, istis locis nomen *Iehova* absolute Christo tribui : quod ad locum *Esa.* 1. refert se ad ea, quæ dixit in responsione ad 8. & 11. argumentum. Resp. Videat lector tractationem argumenti, quod nobis 10. primæ classis

Contra locum *Ieremie* excipit, verba illa, *Iehova iustitia nostra*, ad *Israelem* proximè nominatum referenda esse. Locus integer sic habet : Ecce dies venturi sunt, dictum *Iehova*, quibus excitabo *Davidi* germen iustum, qui regnabit rex, secundabiturq; ac exercebit ius & iustitiam in terra. Diebus ejus servabitur *Iehuda*, & *Israel* habitabit securè, atque hoc nomen (*Hebraicè ad verbum*) quo vocabit eum, *Ieho-*

Iehova justitia nostra : hanc interpretationem suam confirmat ex loco simili cap. 33. vers. 15. quem locum versio interlinearis sic reddidit. *In diebus illis, & in tempore illo, germinare faciam ipsi David germen justitiæ, & faciet iudicium & justitiam in terrâ; in diebus ipsis servabitur Iehuda, & Ierusalaim habitabit in fiduciâ, & iste, qui vocabit eam, Dominus justitia nostra*: versio Iunio-Tremelliana habet : *Is autem, qui vocabit eam, Iehova justitia nostra*. Socinus aliter : *& hoc, quo vocabit eam, Iehova justitia nostra*.

Resp. Hunc locum de Messia, tum Thalmudistæ prisci, tum Chaldæus paraphrastæ exposuerunt : & quamvis hodierni Iudæi verba hæc *Iehova justitia nostra*, sic detorquent : *hoc est nomen ejus, qui vocabit eum, scilicet Messiam, Deus justus noster* : non tamen negant nomine Dei tetragrammato nuncupatum in Scripturis. 2. Obstat interpretationi Socini, rei subjectæ argumentum ; continetur enim ijs verbis luculenta descriptio Messia, quâ, quis, quantus, qualis esset exponitur. Dicitur hîc germen justum, exerciturus jus & justitiam in terrâ : ergo & illud, *Iehova justitia nostra*, eò referendū. 3. Quod si ad Israelem hæc referenda essent, etiam ad Iehuda, qui similiter cum Israele hîc nominatur, referenda essent : & sic non legitur, *vocabit eum*, sed *eos justitia nostra*. 4. Hanc expositionem Orthodoxam esse, evincitur ex consecuto eventu : non enim in N. Testam. Israel vel Ecclesia dicuntur, Dominus justitia nostra, sed Messias, ille enim dicitur *nobis justitia factus*, i. Cor. i. v. 30.

Quod

Quod ad locum illum Ierem. 33. v. 15. attinet; quem huic controverſo illuſtrando, adhibuit Socinus. 1. Dico non legi in eo, Ierusalaim, nomine Iehovæ nuncupatam; ſed quod is, qui vocaturus eam *Iehova juſtitia noſtra*. 2. Socinus translatione ſuâ, addit de ſuo *Semon*, cum legatur nudum pronomen *Ieh*: nec ſequitur, quia in altero loco legitur, & hîc legendum eſſe; aut per omnia prorſus idem ubique argumentum eſſe. Ex hiſce ſic dictis, ſimul diſſolvitur conſectariû illud, quod deducit Socinus, ex ſiniſtrâ horum duorum locorum interpretatione: hoc verò illud eſt. *Prius illud ad Chriſtum referendum eſſe, ex hoc altero teſtimonio conſtare, vel non propterea abſolutè affirmari poſſe, Chriſtum Iehovam fuiſſe appellatum, vel certè ex tali appellatione non conſequi, eum eſſe revera ipſum Iehovam.*

Secundò ait, ſenſum iſtorum verborum eſſe; quod *Iehova*, ille unus Deus noſter, nos juſtificaturus eſſet: hunc ſenſum genuinum eſſe probat ex ſimilibus Scripturæ locis Exod. 17. v. 16. Ezech. 48. v. ultimo: in iſtis inquit, & alijs ejusmodi locis, non tribuitur ipſum nomen *Iehovæ* rebus iſtis; ſed aliquid de *Iehova*, per illas, aut circa illas ſignificatur.

Reſp. 1. Nimis alienam & violentam hanc gloſſam; non enim Ierem. ſimpliciter Iehovam, Deum illum unum, juſtitiam noſtram fore dicit; ſed germen illud Davidis fore Iehovam, noſtram juſtitiam. 2. Ita Chriſtus Iehova dicitur, ut juſtitia noſtra: at juſtitia noſtra non eſt, quia ſignum eſt, Deum conferre nobis juſtitiam, aut quia Deus confert nobis juſtitiam, quæ non eſt Chriſti; ſed quia ipſe Chriſtus no-
bis

bis in justitiam est : nam germen justum est jus & justitiam exercens : & ejus justitiâ justificantur fideles : ergo hæc justitia proprium Christi nomen ; ac propterea , hîc etiam nomine Iehova , tanquam sibi proprio , nominatur : taceo quod justificare opus divinum , soli & vni Deo conveniens : proinde loca alia adducta à Socino , contra duplicis Prophetici testimonij Ierem. authoritatem non concludunt : nam Socino agnoscente pag. 391. in illis locis non tribuitur ipsum nomen Iehovæ rebus istis ; sed aliquid de Iehova per illas aut circa illas significatur.

Exod. 17. v. 15. legitur. *Ædificavit Moses altare, & vocavit nomen ejus, Iehova exaltatio mea, vel, vt in fonte, vexillum, aut signum meum.* At hoc nihil aliud est, quàm altare symbolum memoriale esse beneficiorum Dei mirabilium : nomen Iehovæ , non est altaris denominativum : nec dicitur, ipsum altare Iehovam esse , & exaltationis causam ; sed eo tanquam symbolo , significabatur , Iehovam agnoscendum esse omnium causam ; cui propterea gratitudo omnis deberetur. In loco Ezech. legitur, *& nomen civitatis, ex die, Iehova ibidem* : sed minimè civitas Ierusalem Iehova denominatur ; sed tantùm significatur , ex Hebraicæ lingue idiotismo, Deum in istâ civitate exstiturum : communissima enim & frequentissima verbi substantivi ellipsis, in sacris est : Gen. 1. v. 2. & 10 : Psal. 25. v. 3 : Gen. 42. v. 11 : Zach. 1. v. 9 : Gen. 6. v. 2 : Esa. 57. v. 6. Esa. 46. v. 4. Nehem. 9. v. 7. Exemplum ergo hoc planè dissimile & alienum est.

Socin.

pag. 392.

Paginâ 392. acriter reprehendit Bellarminum, quasi scripsisset ille hoc loco Deum Patrem non justificare nos: in quo Socinus adversarium sibi fingit; & nihil agit: nam Bellarm. tantum dicit, in his verbis, *Dominus justitia nostra*, non de Patre, sed de Christo sermonem esse. Et sic demonstratum fuit, ex testimonio Ierem. Christo nomen Iehovæ competere.

Secundò ex re significatâ, nomine Iehovæ, Christo competente probat Bellarm. Christo etiam idem nomen competere.

Socin.

pag. 393.

Contra illud sic primò insurgit Socinus. *Aut istud, quod de Christo dicitur significatum à nomine Iehova, ejusmodi est, ut soli illi uni Deo conveniat, aut non est. Si est, quid ineptius, quàm ex re ipsâ, qua de Christo dicitur, non statim argumentari, ipsum esse unum illum Deum; sed ex eâ prius colligere, nomen, quod eam significat, Christo convenire, ut inde postmodum concludatur, Christum esse unum illum Deum? Si non est, frustra ex nomine, quod propter rem quam significat, Christo convenire, Bellarm. ratiocinatur, id concludit, quod ex re ipsâ concludere nequit.* Ad hoc paucis respondeo, hîc sedem argumenti esse, ex nominibus Dei proprijs, non verò ejus quod sumitur ex rebus ipsis; ideoque Bellarminus rectè, ex re significatâ nomine Iehovæ, & Christo competente deducere, ipsum nomen eidem competere; ut inde porro formet argumentum pro divinitate Christi.

Deinde tractatur de Etymologiâ vocis *Iehova*, & locis à Bellarm. pro sententiâ suâ adductis. Affirmat Bellarm. nomen illud propriè signifi-

care

care eum, qui est fons essendi, & cum non habeat esse ab alio, dat rebus omnibus ut sint. In hoc ita animadvertit Socinus. *Non revoco nunc in dubium, quamvis jure possem, istam, quam Bellarm. ait, esse propriam nominis Iehovæ significationem: non etiam ex hac ipsâ significatione concludo, Christum, seu Dei Filium, non esse Iehovam: cum certum sit, Dei Filium non esse fontem essendi, & suum esse ab alio, id est à Patre habere.*

Hic primùm Socinus Etymologiam nominis Iehova, à Bellarmino datam, secundum communem & receptam sententiam, quasi per *ἡγεμονίαν* carpit: multis verò contrà contendit defensione animadversionum, in assertionis collegij Posnaniensis, de Deo trino & vno, eo nomine solummodo significari; constantem & firmam Dei in promissis servandis veritatem. Hanc verò Bellarm. Etymologiam rectam esse, paucis hisce rationibus demonstratur, & simul ostenditur, istam Socini significationem nimis angustam esse.

Primò autem demonstratur ex eo, quia hæc vox originem trahit ab Hebræo fuit, ita ut propriè, notet *אֵלֹהִים*: & peculiariter ens illud primum & sempiternum, quod à se est, & omnis entis principium & causa. Est itaque Iehova, quia est *אֵלֹהִים, אֵלֹהֵינוּ, אֵלֵינוּ*. Nec tantùm est Iehova, quod existere facit res promissas; sed quia fons essendi est rerum omnium. Hinc Moles post narrationem de absolutè creationis opere, scripsit cap. 2. Genes. v. 4. *Ista sunt generationes cali & terra, quando creata sunt; quâ die Iehova Deus fecit cælum & terram.* 2. Probatur

ipsam divinam, eternam, omnipotentem Dei essentiam isto nomine designari, & non fidelitatem tantum in servandis promissis, quia Deus se, in hoc nomine, idolis opponit, & ab iisdem distinguit, Esa. 42. v. 8: Signanter enim dicit: *Ego sum Iehova, illud nomen meum, & gloriam meam alteri non dabo; laudem meam sculptilibus:* hic de ipsa natura & essentia divina quaestio est, & hanc sibi Deus asserit nomine Iehovæ: sic etiam Esa. 42. vers. 36. 47. signanter se hoc nomine Dijs alienis opponit: Esa. 44. in initio rursus. 3. Opus providentiæ generalis in natura, quod nihil commune habet cum hac Dei veritate, in servandis promissis, Deo etiam, quæ Iehova, ascribitur Amos. 5. v. 8. & apud eundem Prophetam cap. 9. v. 6. 4. Si Deus Iehova, non ratione essentia, sed constantia & veritatis tantum in servandis promissis, Iehova non esset unus; nam constantem & veracem esse in promissis, etiam creaturis competit. *At Iehova Deus noster, Iehova unus est, Deut. 6. v. 4.*

Duo obijcit Socinus in eadem defensione, loco allegato. Locus primus est Exod. 3. v. 14: *Ero qui ero:* hic ait Socinus *originem nominis, Iehova, ipsius Dei verbis expressam, & hac verba, non ad ipsam Dei essentiam sive essendi modum & rationem, sed ad constantiam & firmitatem in promissis referenda esse.*

Resp. Hoc ex loco probari non posse; sed potius statuendum est, sub hoc nomine cognoscendam proposuisse eternam, omnipotentem & immutabilem essentiam suam: quia ipse ab æterno, in æternum est, resq; omnes & à se promissas

fas existere faciens. Veritas enim & constantia promittentis, per se sumpta, inefficacia prorsus, ad erigendam tantę liberationis spem: quapropter sic in hunc locū annotavit Franciscus Vatablus: *LXX. & vulgata editio, hac in presenti transtulerunt. Sum qui sum. Frequens enim est Hebrais; futurum pro presenti poni. Scribunt autem Hebraei, istā locutione aternitatem Dei significari: futurum enim tria tempora complectitur: sicut etiam Thalmudistae dicunt, verbum Ehieh, ero trium temporum differentias in se continere, prateriti, presentis & futuri. fui, sum, ero, asseruntq; eo summam, omnimodā, & sempiternam Dei stabilitatē, qui semper fuit, est & erit. Est Deus semper, qui nunquam cœpit, nec unquam desinit, sed transcendit omnem rationem, tēporis, & qui solus dicere potest, sum & ero; est enim ipse omnis essentia atq; vita fons & plenitudo: à quo omnia, quæ sunt, habēt esse, quod sunt: ipse dat omnibus vitam & habitum & omnia, ut inquit Paulus Act. 17. v. 25. 28: in ipso movemur, vivimus & sumus. Quia igitur aternitas nullis finibus comprehenditur, ideo nullo tempore describi potest: quo fit ut rectē vocetur, qui est, qui fuit, qui erit: nā omnia tempora, cum de Deo loquimur, confunduntur. Nomen hoc Dei Gracē expressit Ioh. Apoc. 1. v. 4: dicēs αὐτὸν τὸ ὄν, καὶ τὸ ἦν, καὶ τὸ ἐρχόμενον &, id est ab eo, qui est, & qui erat, & qui erit. Doctus inter Hebraeos, sic locum istum explicat, ut primum Ehieh, sit nomen Dei, alterum verò Ascher Ehieh sit ejus expositio: ac si dicat Moses, nomen meum ero, ratio, quia ero in secula seculorum absque fine. Deinde, quod ero etiam vobiscum, ut redimam vos à tyrannide Ægyptiorum. Sunt enim pleriq; Hebraeorum*

in eâ sententiâ , quod Deus hoc sermone ad Moſen, non tantùm eternitatem ſuam indicare voluerit, ſed ſimul quoque indicare , ſe populo ſuo præſentem fore ope divinâ.

Secundus locus eſt Exod. 6. v. 2 : ſic loquitur Deus. *Apparueram quidem Abrahamo , Iſaaco, Iacobo, nomine Dei fortis omnipotentis , at nomine meo Iehova, non cognitus ſum illis.*

Reſp. 1. In hoc loco non dicitur, aut veritatem Dei in genere, aut ſolam Dei veritatem, in implendis promiſſis, Patribus factis, cauſam eſſe iſtius nominis , aut id, ex quo hoc firmâ conſequentiâ colligi poſſet ; ſed vult ſignificare Dominus, ſe ſingulari, mirabili & diviniffimo illo opere liberationis, populi ſui ab Ægyptiacâ ſervitute , & in terram promiſſam introductione, excellentiſſimè commonſtraturum ſe Iehovam eſſe ; hoc eſt Deum æternum, immutabilem, ens illud ſummum & primum, ſuaq; etiam promiſſa maxima tandem exiſtere facientem : non hic agitur de veritate Dei, in ſervandis promiſſis in genere ; ſed in ſpecie , de veritate Dei, in præſtandâ promiſſione Patribus facta, de poſſeſſione terræ Canaan . Sensus ergo non eſt, Deum nullo modo antea Patribus fuiſſe cognitum ſub nomine *Iehova* ; ſed non ſic fuiſſe cognitum, vt nunc cognoſcebatur : nam aliquatenus etiam Patribus præſtiterat , quod ipsis pollicitus erat, Gen. 21. v. 1. Dices, ſit ita, interea firmum tamen manet, Deum non ratione æternæ eſſentiæ , omnipotentæ , aut quia fons eſſendi, Iehovam eſſe; ſed tantùm, quia conſiſtens, vt ſic dicam, in promiſſionibus : nam robur & potentia, vel vt
alij

alij sufficientia in vi nominis Iehovæ non comprehenditur, vt per textum hunc clarè est expressum: nam Patribus, sub nomine fortis & omnipotentis, non verò sub nomine Iehova fuit agnitus. Ad hanc difficultatem respondeo. 1. Me negare, nomine Iehovæ indicari veritatem tantum. 2. Dico non opponi hîc inter se, veritatem, omnipotentiam, & tempora vtriusque: nam omnipotentiam non exercuit Deus sine veritate, Patrum temporibus, nec fidem, sine omnipotentia, posteris servavit. Quid ergo fit hoc loco? comparatio instituitur inter patefactionem Dei Patribus factam, & eam, quæ nunc facienda nepotibus ipsorum: quæ quia multo illustrior, comparatè dicit Dominus; se nomine suo Iehova Patribus non fuisse cognitum.

Hæc de primâ Socini animadversione. Altera est. Si Deus Iehova est, quia est fons essendi, sequi Filium non esse Iehovam, quia non est à se, sed ab alio. Resp. Est à se, quia Deus; habet enim essentiam divinam improductam, etsi, quæ Filius, originem habeat à Patre.

Accedit deinde ad loca, quæ Bellarmin. attulit, vt ostenderet rem significatam, nomine Iehovæ Christo competere. Ea sunt Apocal. 1. v. 4. 11: Iohan. 13. v. 19. Resp. Quod ad locum Apocal. 1. vers. 11. suprâ visum fuisse, alterum Bellarm. relinquo.

Tertia Bellar. probatio minoris syllogismi, facti ex nomine Iehovæ, est, quod nomen Iehova redditum est à LXX interpretibus *κύριος*, & ab Hieronymo Dominus, & quod Christus, passim *κύριος*, seu Dominus absolutè appelletur.

Socin.
pag. 395.

Excipit Socinus: Nomen $\chi\upsilon\epsilon\iota\varsigma$ & fere semper, cum Iehovæ loco ponitur, sine articulo esse, ut alibi à se monitum: quo commodius nomen proprium referre posset: neque enim solere appellativa nomina in Gracâ linguâ cum subjecti locum tenent, efferri sine articulo. Et Christus inquit, cum $\chi\upsilon\epsilon\iota\varsigma$ & subjectivè (ut sic dixerim) appellatur, fere semper articulus præponitur nomini isti: quapropter hoc argumentum sic sibi retorquendum putavit. Cum nomen $\chi\upsilon\epsilon\iota\varsigma$ &, quando Iehovam significat, fere semper sine articulo effatur: quando verò Christum, fere semper cum articulo; satis constare posse, Christum non esse Iehovam, & quod $\chi\upsilon\epsilon\iota\varsigma$ & nominetur, minimè propterea Iehovam nominari.

Resp. 1. Ad hoc responsum satis, in secundo argumento tertiæ classis. 2. Non potest non infirma hæc retorsio Socini, ipso Socino iudice, judicari, qui suprà reprobabat argumentum à nomine Dei, pro divinitate Christi: quia arbitrabatur Berllarmin. statuere, sine exceptione perpetuum non esse, nomine Dei non vocari, nisi Deum verum: nam verba ejus sunt pag. 373. Atqui non satis est, perrarò fieri, vel dubitari, an unquam fiat, si inde argumentari quis velit, Christum, qui absolutè Deus, in Scripturâ vocatur, esse illum verum Deum.

Socin.
pag. 396.

Postremò obijcit angelos nomine Iehovæ appellatos, cum Iehovæ personam aliquâ in re sustinent, qui tamen Christo multo inferiores. Verùm negatur, angelum creatum appellari Iehovam,

CAP. III. Quartæ Classis argum.

De nomine, Altissimus.

ARgumentum sic habet. *Qui in Scripturis vocatur altissimus, est Deus ille unus: Psal. 83. v. 1. At Christus sic vocatur: Luc. 1. v. 76: Philip. 2. v. 9: Rom. 9. v. 5. Ergo.*

Negat minorem Socinus, & ad singula loca paucula adfert, quæ breviter transcurram; quia quæ hic attinguntur, satis fusè in antecedentibus disputata sunt. Locus Luc. 1. v. 76. examinatus, quantum & ad rem præsentem satis esse potest, in argumento apud nos 10. classis primæ, & secundo tertiæ. De loco ad Philip. & Rom. satis etiam in superioribus est visum: & potest ex ijs facile formari responsio ad ea, quæ hîc adferuntur, cum nihil contineant novi.

Socin.

pag. 397.

CAP. IV. Quartæ Classis argum.

De Nomine, Invisibilis.

HOc argumentum transeat, præstat enim uti ijs, quæ magis stringunt, salvo meliori iudicio: neque enim expressè legitur, Christum esse invisibilem.

CAP. V. Quartæ Classis argum.

De Nomine, Deus gloriæ, sive Rex gloriæ.

Quintum nomen est, Deus gloriæ, seu rex gloriæ. *Qui est Dominus gloriæ, seu rex gloriæ, est unus ille verus Deus Israelis; nam de Deo illo vno dicitur: Deus gloriæ apparuit Patri nostro Abraham Act. 7. v. 2. quod omnes intelligunt de Deo Israel. At Christus est Dominus & rex gloriæ, teste Paulo 1. Cor. 2. v. 8. & Psal. 24. v. 9. Ergo.*

Ad prius propositionis membrum, in quo dicitur : qui est Dominus gloriæ, est Deus ille vnus, excipit hoc pacto. *Aliud, inquit, est Deus gloria, aliud Dominus gloriæ : præsertim cum certum sit, vocem gloriæ, in utraque istâ appellatione, ex Hebraico idiomate, idem valere, quod gloriosus. Nam Deum & Dominum omnino differre, licet aliquando pro eodem accipi videantur, docet manifeste Paulus, qui non semel disertè inter Deum & Dominum (idque cum Domini nomine ipsam Christum intelligeret) de eadem re loquens, & ejusdem rei ratione, distinguit, nempe 2. Cor. 8. v. 6. & cap. 12. v. 5 : Eph. 4. v. 5. & 6.*

Resp. 1. Etsi Deus gloriæ, & Dominus gloriæ, in formali conceptu, vt loquuntur, differunt; subjecto tamen hæc duo non distinguuntur, nam qui Deus gloriæ est, Dominus gloriæ est, & vice versâ : illa autem duo, præsertim propter Hebraicum idiotismum vocis gloriæ, distinguui debere, sine ratione affirmatur. 2. Etiam si Apostolus Paulus aliquoties Patrem, nomine Dei, Iesum Christum, nomine Domini indiget; non tamen Patrem, sine dominio Deū; aut Iesum Christum, sine divinitate esse Dominum censuit, aut Christo Domino Patris divinitatem non competere, eo indicavit : nec dominium Filij, re & essentiâ distinguitur à divinitate Patris. Christianismus enim vnum Deum & Dominum habet, gentilitiæ idolorum multitudine oppositum, vt ostensum in 12. argumento 3. classis pag. 162.

Primò contrà assumptionem excipit, *non nisi allatâ Patrum quorundam autoritate, probari, hunc*

hunc Psalmum de Christo accipi debere. Resp. Cum hic Psalmus disertè Propheticam vaticinationem contineat, de glorioso Dei adventu & regno, quo passim solent viri sancti indicare Dei & redemptoris nostri Iesu Christi salutare regnum, omnino Psalmi hujus argumentum de Christo exponere consentaneum est, cum nullæ rationes afferri possint in contrarium.

Secundò excipit, *non probari ab adversarijs, Socin. quod nomen istud, Rex gloria, illius unius Dei nomen sit.* Resp. probationem hujus rei ex Psalmo apertam esse; nam major propositio est ipsa Psalmi assertio, vers. 8, *quis est rex gloriæ? Iehova robustissimus, & potentissimus: Iehova potentissimus bellator:* Minor etiam in hoc Psalmo est, cum Psalmus sit didascalicus, de Christo rege & ejusdem regno.

Altera exceptio contra majorem est: *hæc non referri ad Christum tanquam ad eum, qui sit ille ipse Iehova, de quo ibi nominatim agitur, sed tanquã ad eum, in cujus personâ, licet diversæ essentia ab ipso Iehova, id impletum fuerit, quod de Iehova ibi prædictũ fuit: propter eas causas, quas supra, in responsione ad aliquot argumenta primæ & secundæ Classis, attulimus.* Resp. de istius exceptionis valore judicium fiat ex ijs, quæ ibidem disceptata sunt.

CAP. VI. Quartæ Classis argum.

De nomine, Rex Regum, Dominus dominantium.

Argumentum ab hoc nomine formatum, Socin. sic habet. *Qui est Rex regum, & Dominus dominantium.* pag. 403.

dominantium, est Deus ille vnus, vt probatur ex primâ ad Timot. 6. vers. 15. At Christus est Rex regum, & Dominus dominantium. Ergo.

Hoc argumentum desumitur ex verbis Pauli 1. Tim. 6. v. 15: vbi verba Pauli sic habet: *Quæ temporibus suis ostendet ille beatus, & solus princeps, Rex ille regum, & Dominus dominorum.*

Socinus primò quædam obijcit contra illa verba, *solus potens, & ipsam vocem, solus,* cum tantùm locus ille reuera ad præsens argumentũ pertineat, quatenus Deus ille vnus, in eo Rex regum & Dominus dominantium asseritur: respondebimus tamen ad ea etiam, quæ extra scopum adfert.

Objectio itaque prima est. *Vocem, solus, in isto Pauli testimonio, non jungi, nisi nomini, potens; quia in Græco nomen, Rex regum, habet articulum, qui prohibet, quo minus vox, solus, cum eo jungi posset.* Resp. hoc tam facile reijci quàm afferri: quia nullâ ratione probatur. Mat. 16. v. 16, *Filius Dei cum articulo dicitur, & tamen refertur hoc ad antecedens illud, tu es: sic & hoc loco v. 17. πατέχον cum articulo legitur; & tamen vox, Deus, quæ antecessit, cum eo jungitur.*

Secunda; *cum vox ista manifestè jungatur nomini, potens, sequi inde, si aduersariorum ratiocinatio bona esset, de multis verè dici posse, quod vnusquisque illorum sit ille solus verus Deus, invenitur enim, inquit, istud nomen, θεός, multis tributum.* Resp. primò, vt dixi, hæc ad rem non fa-

Socin.

pag. 404. cere. 2. Potentiam κατ' ἐξοχὴν solius Dei esse.

405.

Quod autem ad argumentum ipsum, ex nomine Rex regum, Dominus dominantium, excipit negando

negando majorem, adjuncto etiam nomine, solus. Summa exceptionis est, *Deum illum, unum, solum, Regem regum esse, quia à seipso est; Filium, quia Patris dono, ut apud Daniel cap. 7. v. 13. 14. Deinde, Deum illum unum, cum articulo dici Regem regum, & Dominum dominantium, apud Paulum, de Christo sine articulo legi Apocal. 17. v. 14. Apocal. 19. v. 16.*

Resp. de hujus exceptionis momento judicium faciendum ex ijs, quæ in antecedentibus dicta, & disceptata sunt aliquoties: nam eo sensu, solus Deus ille unus *Rex regum & Dominus dominantium* est, quo solus est Deus. Articulus hic rursus Socinus: qui nihil non, tum appositione, tum omissione articuli molitur; sed quàm frustra, sæpissimè jam demonstratum: quare nihil est cur hic rursus ad articulum objectum respondeamus.

CAP. VII. Quartæ Classis argum.
De aliquot alijs Dei nominibus.

Septimum unius Dei illius nomen proprium est *Unus Dominus*, ut patet ex Deut. 6. v. 4. *Audi Israel, Dominus Deus tuus Dominus unus est. At de Filio hoc dicitur, 1. Cor. 8. vers. 6. Hic adversarius sic objicit, cum Transylvani hoc nomen unius Dei Patris proprium dicunt, intelligunt junctum cum nomine Deus, ut testimonia ostendunt, quæ ad id probandum afferunt: ostendimus autem supra, aliud esse Deum, & aliud Dominum: in quo mira est confidentia Bellarmini,*
qui

De nomine unus Dominus.

Socin. pag. 406.

qui non tantum eo testimonio utitur, quod nihil ad rem facit, sed inde illud sumit, ubi expresse, non solum inter Deum & Dominum distinguitur, sed etiam ipsorum Transylvanorum dictum aperte comprobatur.

Resp. Sit ita, nam in idem recidit, siue dicas, vnus Deus, siue, vnus Dominus: etsi enim in Deo, dominium & deitas, modo significandi formali differunt; à parte tamen rei idem sunt; nec Deus, quàm Deus, excellentior est, quàm quàm Dominus: neque maiore Bellarm. hinc vsus confidentiâ, quàm decuit, quod vsus testimonio, in quo verbis conceptis habetur id, quod hinc in quæstione, Christum nempe esse *vnum Dominum*: & Socinus hinc contra titulum vnus Dei, non vnus Domini argumentatur, cum tamen contra titulum vnus Domini hinc agere debuisset. Sed dato, etiam hinc controversiam esse, an Christus dicatur vnus Deus: id nihilominus, per bonam consequentiam, ex loco hoc ad Corinth. concluditur, nam, vt ex Patris deitate rectè evincitur ejusdem dominium; ita ex dominio Filij deitas ejusdem, quod Socin. & sectatores ejus non diffitentur, qui potissimam Filij divinitatem in coelesti ejus dominio collocant.

De nomine, Deus verus.

Socin. pag. 407.

Ad hoc sic Socinus. Proferunt locum. 1. Ioh. 5. v. 20. *Hic est verus Deus, ut probent, Christo nomen veri id est veri Dei attribui; sed nos ista Iohann. verba de Deo Patre accipienda esse, antea docuimus: & alioqui fatemur omnes, Christum merito, nomine Veri Dei appellari posse.* Resp. videatur hac de re, in examine loci Ioh. Deinde Scripturæ

Scripturæ unum verum Deum prædicant: numerus dualis hîc Socini figmentum Ethnicum est.

Hoc nomen, solus Deus & Dominus, extat Epistol. Iudæ v.4. ubi hæc ita Complut. *μόνον θεόν, καὶ δεσπότην, τὸν κύριον ἡμῶν*: quæ lectio non parum confirmat, hoc totum ad Christum referendum esse: sic sæpe legitur Deus & Pater, & tamen vna, non duæ personæ intelliguntur, vt: Rom. i5. v.6: 2. Cor. ii. v.30: Eph. i. v.3: Eph.4. v.6: Col. i. v.3. Propterea nulla in hac interpretatione inconcinnitas, aut sermonis absurditas, prius appellare Iesum Christum, solum herum Deum, & postea Domini nostri, tamquam diversâ appellatione eum insignire; nam similis ratio loquendi in locis jam allatis extat. At obijcit adversarius, *plus esse, esse solum herum Deum, quàm Dominum nostrum; & totum hoc in illo aperte contineri*. Resp. primò, si detur hoc plus esse, nihil hinc extrui poterit. Secundò meritò negari, plus esse, herum esse, quam dominum esse, nam dominium particulare in Ecclesiam, non est minus illustre dominio vniversali in res omnes. Tertidè posterius continetur in priore, vel vt in suo toto, si prius de dominio vniversali, posterius de particulari accipiatur, vel posterius prioris exegeticum, aut ejus synonymum; solent enim plura in eandem significationem quandoque conferri, ad evidentio rem & majorem rei demonstrationem: ejus rei exemplū habemus in loco ad Timoth. i. cap.6. vers. 15; nam hoc, quod *Rex regum*, satis etiā continetur in eo, quod *solus potens*, & quod *Dominus*

De nomine, solus Deus & Dominus.

Socin.

pag. 408.

De nomi-
ne, ma-
gnus
Deus.

Dominus dominantium, continetur in eo, quod *Rex regum*. Accedit, quod perpetuum, ni fallor, in N. Test. sit, quando Deus & Pater de vno & eodem subiecto legitur, sine repetitione articuli legi & connecti; quādo autem sermo de Deo Patre & Christo instituitur, tum articulum repeti. Et cum agnoscat adversarius, ex communi vsu Græcæ linguæ, ad vnam personam hæc esse referenda, quia vnus tantum in Græco articulus est; sane æquum est, magis hæc verba exponere secundum regulā communem, quā secundum extraordinarium exemplum illud e-mentium & vendentiū Mat. 21. v. 12. Mar. 15. v. 15: Luc. 19. v. 45. De loco ad Ephes. 5. v. 5, res non est in confesso, nam doctissimus Beza (quem annotationes ejus Græcæ linguæ peritū fuisse virum satis ostendunt) ad hunc locum sic scriptū reliquit. Et notandū est, nō scribi καὶ τὸ θεῶν, sed vnico articulo τὸ, subijci nomina χριστὶ & θεῶν, qui locus manifestè convincit Arianos.

Locus est Tit. 2. vers. 13: *Exspectantes beatam spem & aduentum gloria magni Dei, & Salvatoris nostri Iesu Christi*. Ad hunc locum lib. 8. præteritorū πολὺ γλῶσσας & Drusius, ita annotavit. *Non solum Deus, sed etiam Deus magnus vocatur hic Christus*. Cur igitur horrent, illum Deum appellare novatores? *Homo divinus est, inquiunt, non Deus propriè*. Φηὶ τῆς ἀσεβείας. *Tunc audes negare, quod Scriptura tam clarè asseverat? Quod si non est verè Deus, nec adorandus igitur nobis est*. *Apagite, qui contra jus, & oculos tandem aperite, ut solem, in ipso meridie lucentem, clarè cernatis, videatis*. Et sanè, summo consensu antiquitas hunc

hunc locum de Christo exposuit. Unicus Ambrosius opponitur, cui commentaria in Epistolam ad Titum, tribui dicit Socin. pag. 410: quibus verbis, dubiam sibi fidem indicat: Erasmus sane, multa passim adulterina & barbara insarta esse ejusdem commentarijs conqueritur.

Primum argumentum, quo probant Bellarm. & Wick. hoc ad Christum referendum esse, est quod articulus vnus, vtrique nomini adjunctus, de quo jam dictum. Alterum argumentum petunt ex re subjectâ, de quâ agitur, quia Deus Pater non expectatur venturus; sed Filius. Adventum gloriæ, ex idiotismo Hebraicæ linguæ exponere adventum gloriosum convenientissimum est, & phrasin Hebraicâ hîc agnoscendâ esse; ex eo inter alia suadetur, quod Dei Patris gloria nusquâ in sacris ventura dicitur: nam aliud est, ipsam gloriâ venturâ dicere, & adventum ejus ab adventu Domini nostri Jesu Christi distingere, & distinctè recensere, (quod hîc factum, si sermocinatio adversarij hoc loco, tamquâ vera admittatur) aliud dicere, Christum venturum in gloriâ, id est cû gloriâ Patris sui, quod in locis, Mat. 16. v. 27. Mar. 8. v. 38. tantummodo affirmatur.

Secundò ait Socinus, quod vox *παρουσία*, quæ hîc & alibi vulgò in N. Testam. reddita est, adventus, magis propriè presentiam significet, licet aliquando pro adventu usurpetur: Dei verò Patris gloriam presentem futuram vnâ cum Christo, quando is unicuique reddet secundum opera sua, quis negare audebit?

Ref. 1. In Græco nō esse *παρουσία*, sed *ἐπιφάνεια*, & quâvis *παρουσία* magis propriè presentiam quâ adventum

Socin.
pag. 410.

adventum significat; si tamen usum vocis spectes, & verbi *πάρεμς*, unde nomen *παρυσίας* derivatur, promiscuè in vtraque significatione apud Græcos vsurpatur: sic Æschines dixit, Philippum è Thraciâ venientem offendimus *παρποντα*: & cum hæc *παρυσία* in sacris vsurpatur, sæpius de patefactione Jesu Christi, ad universale totius orbis iudicium; nihil convenientius, quàm *παρυσίαν* illam adventum exponere; cum Christus, non nisi adventu suo, præsens futurus sit ad iudicium mundi. Quamvis verò Christus, Dei & Patris sui gloriâ tum illustrissimus erit; nusquam tamen distinctè prædicatur *παρυσία* gloriæ Patris & Salvatoris Iesu Christi, sed ipsius tantum *παρυσία* in gloriâ futura dicitur.

Socin.
pag. 411.

Tertiò obijcit, *absurdum videri non debere, si Deus Pater venturus dicatur, cum Christus veniet orbem terræ iudicaturus; quia Christus in mundo iudicando, Dei Patris personam sustinebit, tanquam ejus, à quo munus hoc adeptus fuerit, & cuius nomine illud administret, quod probat ex Ioh. 5. v. 27. & Act. 17. v. 31. Meritò igitur, inquit, cum Christus ad hoc iudicandi munus obeundum veniet; Deus Pater venire dici poterit.* Addit ibidem. Vide autem, quæ de Deo veniente, etiam si in propriâ suâ personâ ipse non veniat, ex sacris literis docuimus suprâ, in respons. ad tertium argum. secundæ Classis.

Resp. 1. Nusquam docetur Deus Pater venturus ad iudicandum vivos & mortuos, sed semper Filius. Ergo nec hoc loco id sentiendū.
2. Christus non tantum Patris iudicium exercebit;

bit ; sed & suum : nam leges , secundum quas feret sententiam, ejus sunt vt Domini, & legislatoris supremi : crimina , quæ judicabit , tam commissa adversus Christi , quàm Dei Patris legem. Ergo non Patris sui tantummodo ; sed & sui ipsius negotia geret, cum judiciariam potestatem exercebit. 3. Durum & absurdum est dicere , duarum personarum adventus hîc describi & recenseri, & simul statuere , vnam tantum adventuram , alteram autem adventuram dici ; quia ea , quæ adventura est , ab alterâ illâ potestatem accepit adveniendi, ad exequendum aliquod munus. Hæc sane admodum distorta interpretatio est , in tam diverso imò adverso sensu, *παρσία* Deo ac servatori simul tributam exponere. Sensus communis huic detorsioni vehementer obstat : si dicam , Rex & legatus ejus, Princeps & judices ejus venturi ; nemo aliter quàm de adventu proprio , in personâ propriâ, hoc interpretabitur : si dicam, Dominus & servus ejus venient ; adventus duorum , non vnius expectabitur. Futilis itaque hæc evasio Socini : quæ verò de Deo veniente disputata sunt, alibi videantur, cum responsione nostrâ ad illa.

Hujus argumenti defensionem non suscipio: *De nomi-* dicere tamen aliquid ad illum locum Esa. 9. qui *ne, Pater* primus inter eos , quos hîc attulit Bellarm. non *omnium* inconsultum videtur. Vocem *Gnad*, interpretatur Socin. *futurum seculum, & æternam vitam* ; sed nulla est causa , cur ista vox ad æternam vitam restringatur, Socino præsertim , qui vitam æternam à nemine annuntiatam putat, nisi ab
Y ipso

ipso Christo, munus suum obeunte in terris : iuxta hanc autem Socin. expositionem , perspicua satis hoc dicto Prophetico annuntiatio æternæ vitæ continetur. Dico ergo transferri posse *Patrem æternum* , qui æternum habet imperium, & gratiam suam in sempiterna secula extendet : Sym. certè & Theod. simpliciter transtulerunt *πατὴρ αἰῶν* : Aquila vertit *πατὴρ ἔν*, quæ sane translatio valet idem , quod Pater æternus : ita & Chaldæus paraphrastes , vir manens in æternum.

C A P. I. Quintæ Classis argum.

De attributo æternitatis.

Quartæ argumentorum classis sic fuit, sequitur quinta, in quâ de proprietatibus, & attributis Dei agendum.

Argumentum est tale. *Qui est subsistens ab æterno, est Deus ille unus : ac Christus est subsistens ab æterno.* Minor confirmatur ex Prov. 8. v. 2. 25. Mich. 5. v. 2 : Ioh. 1. v. 1. 1. Ioh. 1. v. 1. 2. 3. Ioh. 8. v. 58 : Ioh. 17. v. 5 : Heb. 7. v. 3 : Heb. 13. v. 8 : 1. Ioh. 5. v. 20. Prosyllogismus ex loco Prov. sic habet. Qui est sapientia à Deo acquisita & genita ante seculum , sive principium, ille est æternus à parte ante, & subsistens ab æterno. At Christus est illa sapientia. Ergo.

Socin.

pag. 414.

415. 416.

417.

Objectio prima Socini contra minorem est : *Salomonem sapientiam istam Dei sapientiam non vocare : sed simpliciter sapientiã :* hoc obijcit Socin. quia

quia Bellar. produxerat locum illum ad Cor. 1. cap. 1. v. 24 : in quo Christus crucifixus, Dei potentia ac Dei sapientia dicitur. Verum quamquam hîc sapientia Dei, ibi verò, nempe in loco Prov. sapientia, sine denominatione istâ appellatur, id nequaquam ratiocinationem Bellarin. invalidam facit : illa enim sapientia, de quâ Salomon in loco controverso ; non alibi, quàm apud Deum residebat ; cuius rei ; vt alia omittam, illud plus quàm apertum indicium est, quia, antequam rerum creatarum quicquam esset, nihil erat, nisi increatus Deus.

*Locus
Prov. 8.
expeditur.*

Obiectio secunda adversarij contra vtramq; prosyllogismi facti propositionem tendit. Ea verò est, *hanc sapientiam non esse personam substantem, sed esse sapientiam in genere, & in abstracto consideratam, & Salomonem de eâ, per prosopopaiam loqui, quod probat locis nonnullis, ex varijs capitibus ejusdem Salomonis.* Ad quod generatim respondeo, nobis de hoc loco Salomonis controversiam esse, quicquid tandem de alijs locis sit.

Obiectio tertia est : *verba, quæ de se sapientiam hîc dicere adversarij arbitrantur, intelligentiæ potius tribuenda esse ; de quâ inquit cap. 7. & in hujus 8. cap. initio, vt de re, à sapientiâ aliquo modo diversâ verba fieri, vtramque, dicit, simul loquentem, inducit à v. 4. vsque ad v. 12 : ibi separatim sapientiam loqui, vsque ad dimidium v. 14. tum intelligentiam separatim loqui incipere : & sic etiam hæc obiectio contra maiorem tendit, in quâ non intelligentia, sed sapientia continetur, & contra minorem, in quâ Christus asseritur hæc Dei sapientia, ante principium genitâ, cum hoc*

non sapientiæ sed intelligentiæ sit : consequenter concludit adversarius, ex loco hoc *Christi æternitatem non probari, cum non Dei intelligentia, sed sapientia dictus fuerit.* At brevis & facilis responsio est, sapientiam & intelligentiam apud Salomonem non distingui realiter : sapientia intelligentia, intelligentia sapientia est: sapiendo intelligunt, & intelligendo sapiunt homines Salomoni : quæ res tam est manifesta, ut probatione non indigeat.

Socin. pag. 118. Objectio quarta. Verba illa majoris, ante seculum, attingit. Hic ita adversarius, à seculo, *non æternitatem, sed magnam aliquam antiquitatem, rei que primum initium declarat : quo posito, infert, etiamsi intelligentia ista, seu majoris sapientia Christus esset, non tamen hinc sequeretur, Christum fuisse ab æterno, sed tantum in ipso primo initio rerum creandarum.*

Resp. Verum quidem esse, vocem Hebræam *Gnolam*, non semper æternitatem; sed etiam magnam antiquitatem, & rei initium declarare; at hoc non est perpetuum, ut hic statuit Socinus; sed variat hujus vocis significatio, secundum diversitatem materiæ subjectæ: nam & Dei æternitas, cujus nullum est initium, istâ voce significatur, Psalm 90. v. 2: *Priusquam montes nascerentur, & formares terram, & orbem, & à seculo usque ad seculum, tu Deus:* Deus autem ut finis, ita & initij expers est. Ut ergo ista vox de Deo usurpata, & de ejus existentia enuntiata, æternitatem simplicem declarat: sic etiam circumstantiæ hujus loci, & phrasæ hoc loco usurpatae, significationem æternitatis simplicis postulant:

stulant : nam & Dei æternitas , & decretorum Dei, solet eâ ratione significari , quâ hîc sapientiæ antiquitas significatur, vt Psalm 90. vers. 2. jam citato : ita Psalm 102. v. 26. Dei æternitas à parte ante, præcessione rerum omnium ab ipso creatarum exponitur. Sic sane decretorum Dei æternitas , non aliter exponitur nobis , quàm quod ante jacta mundi fundamenta facta sunt. Math. 25. v. 34 : Eph. 1. v. 4 : 2. Tim. 1. v. 9 : in quibus loquendi modis, benignus Deus captui humanæ imbecillitatis se accommodat : nos enim illam abyssum æternitatis penetrare non possumus, neque melius eam concipere , quàm per relationem quandam , ad rerum creatarum primordia : quapropter , aut ex hujusmodi loquendi modis æternitas agnoscenda est : aut ne quidem ipsius Dei æternitas Scripturæ testimonijs comprobari poterit. Nec prætereundum hoc loco, quod sapientia, vt recenset Socinus, à Salomone non tantùm dicitur, in rerum creatarum initio fuisse; sed & disertè dicitur ibidem, *ante opera ejus, antequam montes defixi essent* : nec fas sane cogitare, sapientem Deum unquam sine sapientiâ fuisse.

Objectio ejus quinta generationem , de quâ Socin. similiter major agit , impetit. Ea verò est : non pag. 419. esse de ipsâ sapientiâ scriptum , eam genitam esse : 420. locum habere, *parturiebar, non autem gignebar* : & qui verbum istud, *parturiebar*, Dei Filio accommodant, non longè , Homousianorum ipsorum judicio, à Tercarum blasphemiam abesse, censendos esse : qui inquit, cum audiunt Christianos dicere, Deum habere Filium, interrogant, *ecqua uxor Dei fuerit*. Deinde

de ait, *idem Hebraicum verbum*, quod hîc legitur Psalm 89. v. 2. terræ accommodari, & Latinè redditum esse formandi verbo. Siracidem Salomonem, in sapientiâ seipsam commendante inducendâ, imitantem, quamvis ab ipso initio sic ipsam loquentem fecisset Eccl. 24. *Ego ex ore altissimi prody*; tamen ejusdem cap. 1. v. 12. & 14. eam dicentem facit se à creatore omnium fuisse creatam; & totum hunc Salomonis locum, vbi de sapientiæ antiquitate agitur, paucis verbis exprimentem sic habere. *Ante secula, ab initio creavit me*, vt quidem Græcè legitur. Ex eo apparere, ipsum, sub nomine sapientiæ, non fuisse locutum de Filio aliquo æterno, nec, Salomonē similiter locutum esse, sensisse.

Resp. 1. Radicem Hebraicæ vocis significare, propriè nisum parturiendi cum dolore, vt exposuit Pagnin. cum quo consentit Valentinus Schindlerus, qui in Lexico suo Hebraico, interpretatur, doluit, parturivit, peperit. Propriæ significationi agnatæ & affines sunt voces concipiendi, gignendi, quibus hæc vox passim red-
 dita ab interpretibus, exempli gratiâ Psalm 51. v. 7. *In iniquitate formatus; conceptus sum*: Scriptura formale discrimen vocum non captat subtiliter. Aq. & Theod. verterunt *ᾠδὴν ὀδυνην*: Sym. *ἐμὴν ὀδυνην*: LXX. verò γεννάμε. 2. Significationem propriam vocis parturiendi, nemo hîc fingit, aut Deum more hominum, aut aliorum animalium parturire. Quod si Turcæ, cum de generatione Filij Dei audiunt, ita blasphemant, in eo aut brutum suum stuporem produnt; aut animo maligno calumniantur. Nec orthodoxa sen-
 tentia

tentia ad Turcarum accedit blasphemiam, ut non sine blasphemiâ Socinus, sed ipsius potius, & eorum omnium, qui ejus partes sequuntur, sententia. Quæ enim vestra fides; aut potius heresis Socine, quâ, tanquam tessera & elato vexillo, vos ab alijs omnibus dignosci vnicè cupitis, annon hæc? Neminem alium, præter Patrem Domini nostri Iesu Christi esse illum vnum Deum Israelis: hominem autem illum, Iesum Nazarenum, qui ex virgine natus est, nec alium præter, aut ante ipsum, Dei Filium vnigenitum esse. Quod si ergo Turcæ blasphemant interrogantes, ut supra: tum viderint Racovienses, qui Dei Filium genitum in Dei Filium sentiunt, mixtione seminis à Deo creati, aut immixti vtero virginis Mariæ cum ejusdem virginis semine, & propter hoc naturalem & vnigenitum Dei Filium confitentur. 3. Terræ & orbi hæc vox, secundum propriam significationem, accommodari non potest, ut res subiecta satis arguit, ideoque hoc impertinens est. 4. Siracidem de sapientiâ increatâ egisse, ut de ea hoc loco agitur, non probatur, taceo, quod liber iste Apocryphus, & istius sapientiæ creatio dici potest ante seculum facta, ratione decreti, & præordinationis divinæ.

Sexta objectio agit de loco ad Corinthios: ubi Christus Dei sapientia vocatur: qui locus à Bellarm. fuit adductus, ad probandum Christum esse æternam & subsistentem Dei sapientiam: quod ex illo loco ad Corinthios non probatur directè, in quo Christus, ratione mortis ignominiosæ, Dei sapientia dicitur; quia Deus per eam

nos ad æternam salutem promovet : interea tamen simul verum est, Christum Dei sapientiam, in nobis servandis, per mortem crucis esse; quia subsistens Dei sapientia, & Dei Filius est.

Postremò sic argumentatur antagonista. *Si Christus non est sapientia Dei essentialis, accidentalis igitur est. At Christus non est sapientia Dei essentialis. Ergo.* Resp. Ad minorem. Christus non est sapientia Dei essentialis, secundum relationem originis cōsideratus: est sapientia Dei essentialis, consideratus absolutè. Vel, est quæ Deus, non quæ Filius, absolutè, non relatè conceptus. Vitiosum est ergo hoc adversarij dilemma, quia datur tertium. Christus enim quæ

Socin. pag. 422. Filius, est sapientia hypostatica. Mox alterum dilemma opponit. *Christus sapientia Dei genita, aut in ipso Deo, aut extra Deum : si in ipso Deo, quomodo non erit sapientia Dei essentialis?* At resp. per datam jam distinctionem, hanc etiam bifurcatam ejus rationem confractam esse : neque sic respondentes, vt putat adversarius, principium petimus, pro concessio sumentes, in vno Deo esse plures personas : nam inter genitum & generantem, agnoscenda distinctio personalis : hoc autem loco, sapientia à Deo genita asseritur. Secundò neque in eo, vt similiter obijcit, principium petimus, quod, positâ personarum pluralitate, vnam tamen ex istis personis, simplici Dei nomine significari posse arbitramur : nam hoc ipso loco, cum sapientia genita dicitur, personæ tamen gignenti hoc nomen appropriatur : ad Hebr. i. vers. 9. tum Pater, tum Filius, simplici Dei nomine insigniuntur.

Tertiò

Tertio obijcit, petitionem principij esse, quod asseratur, cum Paulus Christum Dei sapientiam appellat, istam unam personam ibi Dei nomine significatam, esse ipsius Christi Patrem. Resp. de hoc loco me non contendere.

Hunc locum examinavimus in argument. primi tertię classis tractatu, & ab adversariorum effugijs, quantum quidem per Dei gratiam potuimus, vindicavimus. Itaque impræsentiarum tantum id attingam, quod in objectionibus, ibi allatis, non fuit discussum. Obijcit ergo Socin., vitiosam esse consequentiam, quæ formatur ex hoc loco, pro æternâ Filij generatione: quia, inquit, ipsius rationis vi, concluditur, non solum de verâ nativitate utrobique agi, sed etiam de eadem nativitate: posteriora enim verba, cum utrobique sit idem vocabulum, id est ab eodem fonte derivatum, sive, ut Grammatici Hebræi loquuntur, ab eadem radice ductum, ad priora omnino referuntur: quare si verba ista, quæ in latino codice leguntur, à diebus æternitatis, significant ab eterno, seu ab omni æternitate; sequitur, nativitatem Christi in oppido Bethlehem fuisse ab omni æternitate: (quod nimis quam falsum & absurdum est) non autem quandam aliâ veram Christi nativitatem, præter eam quæ in oppido Bethlehem fuit, ab omni æternitate fuisse.

Resp. 1. De verâ nativitate utrobique agi, ostensum arbitror dicto loco. 2. Negatur, de eadem nativitate utrobique agi in priore & posteriore parte versus: aut posteriora referri ad priora, ut ibidem cum ipsis: ratio quâ id probat Socin. revera nulla est, quia utrobique idem vocabulum: nã ea quæ adijciuntur, satis ostendunt,

Locus
Mich. 5.
v. 2.
Socin.
pag. 323.
424. 425.

non vnum & eundē vtrobiq; egressum esse, sed vnum temporalem, eternū alterum. 3. Secundū priorem egressurus dicitur, qui egressus secundum nativitatem temporalem, vt Scribæ & Sacerdotes magis orientis hoc vaticinium rectē sunt interpretati: secundū posteriorem, *egressiones ejus à diebus seculi esse dicuntur*. Ergo hīc alia generatio intelligitur, quæ non potest esse alia, quàm æterna: quod autē per istam phrasin, stirpis Messīæ antiquitatem intelligere non liceat, spero me suprà, vbi de hoc loco actū, ostendisse.

Locus

De loco priore, vt monet adversarius, satis actū suprà. De loco ex epistolā probato à Wiekko videamus. Hīc ergo ita Wiekus, referente 1. Ioh. 1. Socino. *Christum vocari Verbum vitæ, & vitam æternam, quæ esset apud Patrem, & manifestata sit nobis. Unde concludit, Christum fuisse apud Patrem, antequam se in carne humanā manifestaret, & esse ab æterno, cum sit vita æterna, vt etiam scriptum est ad finem ejusdem Epistolæ: hic est verus Deus & vita æterna.*

Socin.

pag. 426.

Contra hæc adversarius primò obijcit, *Wiekum falli, cum ait Christum in initio Epistolæ primæ Iohan., vocari vitam æternā, quæ erat apud Patrē, & in fine, ipsummet Christum per se vitā æternam appellari.* Resp. Agnoscendū esse, nomine vitæ v. 2. idē venire, quod antecedente versu, nomine ejus, quod erat à principio, & nomine λόγος τῆς ζωῆς: venit hoc verò est Christus, idem autem vtrobiq; intelligi evincitur ex identitate eorum, quæ de vitā, & sermone vitæ; seu de eo, quod erat à principio, recensentur: qualia sunt, videre, audire, annuntiare. Deinde patefactio vitæ, de

de quâ vers. secundo, argumento vers. primi subjungitur, tanquam ratio, ex quâ id consecutum, quod Apostoli viderint, audiverint, & oculis suis spectârint, quod erat à principio, & manibus suis contrectârunt. Ad secundum dico, in fine Epistol. Christum per se vitam æternam appellari, quia verus Deus appellatur, qui per se est æterna vita.

Secundò obijcit (*concedens Christum appellari vitam aternam*) patefactionē ejus, non nativitatem, sed Euangelij annuntiationem esse, hoc ipsum verbū patefaciendi, sive manifestandi, satis apertè docere, ante id tempus apud Deū fuisse, hoc est ipsi soli Deo notum, ne ipsi quidem Iohan. Bapt., aliquando notum fuisse: huic expositioni non obeſſe, quod angelis, pastoribus, magis, Simeoni, Anna &c. notus fuerit, Deum hīc non opponi cuilibet singulari homini, sed hominibus generatim, id est, populo ipsius Dei, multò autē minus angelis. Deinde ait, istos homines singulares habuisse quandam generalem Christi notitiam, quatenus illum agnoverant, datū à Deo servatorē, & regem populi sui: non verò novisse, quale Dei verbū esset, id est, nesciebāt eum voluntatem Dei, non ante patefactā, annuntiatūrū, de æternā vitā danda ijs, qui non quidē Mosaica, sed ipsius Christi præcepta servassēt. His, quod ad rei substantiā attinet, adversarij objectio comprehenditur.

Resp. 1. Sensum istām non necessariò colligi ex verbo patefactionis, res enim sine annuntiatione, & verbum vitæ sine doctrinā etiam & institutione, patefieri potest; φάυς, sol Græcis dicitur, quod quotidie novus apparet; nec Christus docendo tantum, sed & operando, manifestam

festam fecit gloriam suam : Ioh. 2. v. 2. Nec Christi oblatio , annuntiatio ejus per Euangelium est, *per sui tamen immolationem patefactum esse in consummatione seculorum* , scriptum reliquit ad Hebr. Apost. cap. 9. vers. 26. Rursum , secundo adventu *absque peccato conspiciendum dicit ijs, qui expectant ipsum ad salutem* : ex quo patet, æquipollere Apost. conspici & patefieri : & ut hîc habemus ἐφθίσεται ; ita rursum ad Col. 3. v. 4. vbi Apostolus, de ultimo adventu Filij Dei differit, habetur φανερωθή. Non ergo verbum patefaciendi , istum Socini sensum requirit. Quis autem istius patefactionis sensus sit, si ducem Apostolum sequamur, quem præ manibus habemus, per Dei gratiam videbimus ; illam nempe esse λόγος in carne manifestationem, quia hujus manifestationis consequens est, quod visibilis & palpabilis fuerit. Consonat illud Evangelij Ioh. 1. vers. 14. Alterum secundæ hujus objectionis membrum est, Christum soli Deo, ut is qui muneri isti destinatus esset, fuisse notum : contra hanc autem depravationem textus, militant rationes superius factæ contra adversarij glossam, in verba illa. *In principio erat Verbum*, vbi diximus ea, quæ & hîc sufficere possunt. Et quid si ex proprijs adversariorum Hypothesibus hîc agam adversus ipsos ; dicam in credibile esse, inculcare Apostolum, & quidem repetitis sententijs ; quod nemo ignorare poterat; vel vlli ex ijs, qui Christi nomen profitebantur dubium esse : cui enim ignotum hoc esse poterat, Christum Deo, non populo fuisse notum, antequam annuntiaretur ? Obiectum
etiam

etiam à me fuit, expositioni Socini, Euang. Ioh. cap. 1. illud ipsum quod à Wieko hîc profer-
tur. Huic objectioni quæ opposuit Socinus, sic
diluo. Si ideo apud Deum fuisse Sermo nihilo-
minus dicitur, quia paucis notus, tum etiam
quamdiu in terris ageret, apud Deum fuit, pau-
cissimis enim semper notus fuit: & quod si pau-
cis patefactus, apud Deum tamen fuisse dicen-
dus est, immerito Iohannes patefactionem sibi
& Apostolis factam, qui numero paucissimi, exi-
stentiæ *Sermonis apud Patrem*, opposuit. Deni-
que, quod si *Verbum* apud *Patrem* fuisse tam-
diu, & non patefactum esse, censendum est,
quamdiu non fuit agnitum, quâ tale, hoc est sub
expressâ & formali illâ ratione *Verbi aeternæ vi-
tæ*, dandę ijs, qui non quidem Mosaica, sed ipsius
Christi præcepta servassent, tum adversarijs ju-
dicibus, vita apud Patrem fuit; donec Christus
Sp. Sanct. in Apostolos effunderet: videatur
Socin. argum. 5. classis tertiæ pag. 275. Verba
ejus sunt: *Apostolos non cognovisse, qualis Chri-
stus esset, & quale regnum ipsius, nisi postquam Sp.
Sanct. acceperunt.* Smalcium audiamus: is sic li-
bro de divinitate Iesu Christi cap. 20. de abro-
gatione legis cæremonialis & judicialis, scribit.
*Quod enim, ad cæremonias attinet, quemadmodum
Deus noluit, Iesum Christum aperte aliquid, quod
in lege præceptum erat tollere, quamdiu in terris e-
git, & munus Propheticum obijt, ne scilicet justam
eum repudiandi causam habere viderentur, satis a-
liquin refractarij Iudai: & si tamen aliquid hu-
jusmodi in Christi verbis reperitur, illud tunc tem-
poris, cum in terris degeret, ita rectè dictum fuit, ut*
nemo

Socin.

pag. 427.

nemo omnium illud animadverterit, imò voluit Deus, Iesum esse legi subiectum, & ipse etiam Dominus Iesus, quodocunque accusabatur, quod aliquid legi faceret contrarium, nunquam legitur istam suam libertatem iactasse, vel eam sese defendisse; sed semper rationes attulit validissimas, quibus se approbavit, nihil contra legem Dei facere: sic etiam vicissim noluit Deus, Iesum Christum novum populi divini Regem, secundum veteres leges eundem gubernare: sed ut novam etiam legem populo suo novo traderet, destinavit. Nemo ergo, dum in terris ageret Christus, novit eum esse Dei Verbum, eo nempe sensu, de quo hinc controvertitur, imò revera, Christus non fuit Dei Verbum dum in terris versaretur, nihil enim apertè contra præcepta Mosaica dixit, & si tamen aliquid huiusmodi in Christi verbis invenitur, illud tunc temporis, cum in terris degeret, ita rectè dictum fuit, ut nemo omnium illud animadverterit: quem obscurum propositionis modum, non crediderim adversariis patefactionem esse: videatur Socin. contra Wiek. pag. 251.

Tertiò obijcit contra illud. Christum esse ab æterno, cum sit vita æterna. Illam argumentationem nullas per se habere vires contendit; sed tantum ex accidente: quatenus videlicet accedit, ut is qui fons est, & prima causa vitæ æternæ, sit æternus, & simul Christus, hoc sensu vita æterna esse ac dici intelligitur, quod scilicet ipse sit fons, & prima causa æternæ vitæ: id quod tamen falsum est.

Resp. Quamvis Dei à parte ante æternitas, quæ talis, non habet necessariam cohærentiam cum vitâ æternâ, à parte post. Quia posito per
im-

impossibile, quod Deus non æternus à parte ante, vitam tamen à parte post æternam conferre possit, positis alijs ad hoc requisitis; ista tamen argumentatio Wiek. Christus est ab æterno, cum sit æterna vita, bona est. Nam etiamsi materialis inter terminos illos respectus est, firma tamen illatio, quia vitæ æternæ collatio opus & donum Dei proprium, qui æternus est. Quamvis ergò Christus vita æterna sit secundum æternitatem à parte post, & Christus ex eo æternus asseritur à priori, non est tamen fallacia commissa in argumentatione, nam valet illatio ex vi materiæ: est æterna vita à parte post, ergo æternus à priori; etiamsi in vestrà Theologia Fauste necessarium non crediderim, vt qui vitam confert æternam, vel à priori æternus sit: nam Christus, quæ rex cœlestis illam conferet, & abolitâ morte, hoc prorsus secundum vos esse desinet: nihil ergo impediret, quod ad hoc, Christi populum vivere in perpetuum, & Christum amplius non esse, secundum vestras hærefes.

*Socin.
pag. 428.*

Quintus locus est. *Antequam Abraham fieret, ego sum.* Hic pretiosissimum thesaurum à patre suo Lelio Socino inventum, Faustus agnatus superciliosè satis gloriatur: quinetiam, ingenij sui, quem hic protulere, fœtum, adeo admirantur, & tantâ cum pompa circumducunt, vt tanquam solem, Dei munere in obscuro loco exorientem, adorent; qui profecto obscurus ipsis visus, quia animum gesserunt à veritate, & planâ loci sententiâ alienum. Tantum hic non jactant, si modo

*Locus
Ioh. 8.
v. 58.*

dd

dd non jaſtant , apparitiones & revelationes Domini. Sic enim Socin. contra Eraſm. Ioh. pag. 67. *Nulla enim Scriptura interpretatio , quæ acutior , aut verior , quæve magis divinum quid ſapiat, & ab ipſo Deo patefactam fuiſſe, præ ſe ferat. Ego quidem certè non leves conjecturas habeo , illum qui primus ætate noſtrâ eam in lucem protulit , (hic autem is fuit, qui primus quoq; ſententiam de Chriſti origine, quam ego conſtanter defendo, hac ætate renovavit) precibus multis ab ipſo Chriſto illam impetrâſſe. Hoc proſectò affirmare auſim , cum Deus illi viro per multa, alijs prorsus tunc temporis incognita patefecerit, vix quidquam inter alia omnia eſſe, quod interpretatione hac divinius videri queat. Carbonei pro Theſauris, vt dici ſolet. Idem in deſenſ. animadverſionum in aſſertiones Colleg. Poſnaniensis edit. an. 1618. cap. 9. pag. 266. Virum illum, aliquando in hunc locum commentantem, cum verum ipſorum ſenſum ſe nondum aſſecutum eſſe noſſet, tandem ſic ſcripſiſſe. Si Chriſtus præſens eſſet, ridicula iſta omnia diſſolveret ; ſed nos quadam nubes opinionis humane malè vexat. Et credo hujus loci explicationem aliquam facillimam eſſe , ſed quæ mihi nondum appareat, Ieſus nos erudiat & liberet. Ita ſane, novæ hujus interpretationis, de quâ ſibi tanto cum applauſu placent, non alia origo , quàm averſus à fide Chriſtiani orbis , & planâ loci ſententiâ animus : non mirum igitur miſſam deceptionis efficaciam, quâ juſto Dei juſdicio deludantur ij , qui veritati non crediderunt : 2. Theſſ. 2. v. 12. Sed ad rem.*

Syllogiſmus itaque ex loco , pro æternitate Chriſti extractus, ſic habet. *Qui poſt multa, ab*
Abra-

Abrahamo, secula, homo natus fuit, & essentiam creatam, præter humanam, non habuit, ante Abrahamum tamen fuit, ille non tantum homo, sed & Deus. At verum prius, ergo & posterius. Majorem sic modificatam non negaturi, ni fallor, adversarij: versatur ergo in minore cardo negotij, qua minore asseritur, Christum fuisse ante Abrahamum: quam minorem in Evangelistæ textu esse, magno molimine negant adversarij, imò pertendunt, hoc nullo modo ferri posse, & hæc verba non de Abrahamo in sensu præteriti, sed necessariò in sensu futuri interpretanda esse.

Socin.

pag. 429.

Disquirendum ergo, Primò, an lex Grammatica vetet, hæc verba per præteritum reddi, ut hætenus ob omnibus interpretibus translata fuerunt, an verò omnino debeant per futurum reddi. Secundò, an quoad rem, & materiam subjectam, verti omnino debeant per præteritum, & verti nec possint, nec debeant per futurum. Quod si evicero, per legem Grammaticam licere, hæc verba reddere in præterito: quod ad rem autem & materiam subjectam, verti sic debere: contra, verti per futurum non posse, quod ad rem & materiam subjectam, vicerit sane, sub clypeo veritatis, communis & recepta sententia.

Quod ad prius, translationem, quam nos legitimam contendimus, volunt adversarij vitiosam esse, & nullo modo tolerabilem, idque duplici nomine.

Primò, quia verbum antecedens, dico, & consequens, sum (à quo cum alterutro dictio

πεὶ γένεσθαι, necessariò dependet) præsentis temporis sunt ambo, per consequens, secundum ipsam Grammaticam, verbum istud similiter esse præsentis temporis : hanc rationem pluribus exponit Socin. cap. 9. defens. animad. in assertion. Colleg. Posnan. pag. 273. Totam autem hujus rationis vim ita complexus Smalc. in resp. sua ad scriptum Herm. Ravensp. de loco Ioh. 8. v. 58. *Vocem Græcam, γένεσθαι, aoristi temporis esse : Aoristorum porro naturam eam esse, ut significationem suam à verbis, quibuscum conjunguntur, mutuentur, ita ut, si cum praterito tempore jungantur, prateritum, si cum præsente, præsens, quod in futurum respiciat, significant. Quoniam verò, hoc in loco, vox aorista cum verbis temporis præsentis juncta est, quæ sunt λέγει & εἰπὶ; hinc vi Grammaticæ concluditur, eam etiam significationem præsentis, quod in futurum respiciat, habere.* Hæc Smalcus pag. 4. tractatus nominati. Postmodum magis adhuc restringit hanc regulam Grammaticam, aoristos junctos cum verbis præsentis temporis, per prateritum verti non posse pag. 14. Socin. dictæ defensionis, pag. 273. *Nam si verbū illud (sermo est de aoristis infinitivi) fuerit prateriti temporis, tum & ipsa aoristica vox prateritum tempus significabit, quamquam hoc non est perpetuum: sin verò præsentis, aut futuri, futurum tempus omnino significabit, hoc est præsens in futurū respiciens, ut ibidem pag. 274. hoc autem intelligit de ijs vocibus, vnde sensus vocis aoristicæ dependet.*

Resp. 1. Adversarios nullâ autoritate probatorum Græcæ linguæ authorum, probare quæ dicunt, quod sanè injuriâ postulamus, cum
rece-

receptæ translationis authores , Græcè novērunt, quorum tamen nemo indicavit istam versionem contra Græcæ linguæ vsum esse: imò ne quidē, qui latinas editiones ad Græcam veritatem recognoverunt , de hoc vitio Grammaticali quicquam monuerunt : nec vllus in vllâ linguâ interpret est , qui hîc lapsum Grammaticum observaverit , vt Socin. agnoscit pag. 262. defension. dictæ, vbi verba ejus sunt. *Verum fatemur nos ultro , atque concedimus nullam in vllâ linguâ extare interpretationem , quæ nobis faveat.* Quod si ergo omnes boni Homeri dormitarunt , id sane adversariorum erat invictis argumentis ostendere, non suas assertiones pro lege Grammaticâ venditare , nisi forte sine populi suffragio , dictaturam in literas exerceant.

2. Afferunt prædictæ regulæ Grammaticales, aoristos infinitivi, si cum præsentē conjungantur, significare præsens, quod in futurum respicit. At Iohan. 3. v. 9. *πῶς δύναται ταῦτα γενέσθαι*: hîc fieri, significationem præsentis non habet in futurum respicientis, res enim possibilis dicitur à potentiâ ad esse, quæ illi adest : ita Græcè dicitur *δεινὸς ψεύσασθαι* fallacissimus, *δεινὸς φαγεῖν* voracissimus : hic verò etsi verbum nullum præsens est , potentiâ tamen & virtute continetur in istis : Math. 3. vers. 9. & 11. simile exemplum. Denique Isocrates in Panegyrico, verbum præsentis temporis, junxit aoristo infinitivi, in significatione præteriti. *οἱ μὲν δὲ καὶ τὴν ὁμήρου ποίησιν μείζω λαβεῖν δόξαν, ὅτι καλῶς τὰς πολεμήσαντες τοῖς βαρβάροις, ἐνεκαμήιασεν: καὶ διὰ τὸ το βεληθῆναι τὰς προγόνους ἡμῶν ἐν τιμῶν*

L 2

αὐτῶν

αὐτῇ ποιῆσαι τὴν τέχνην : hoc est. Atque etiam Homeri poesin propterea in majore pretio esse arbitror, quòd eos, qui barbaros oppugnârunt, præclaris laudibus extulit : nostrosque majores artem ejus propterea honoratam esse voluisse. Fallit ergo hæc regula.

Altera ratio, quâ contra receptam translationem pugnant adversarij, est *ex eâ sequi, solœcismū Christi verbis ascribendum esse*. Socinus contra Erasmi. Ioh. pag. 64. Smalci contra Ravensperg. pag. 7 : ad istius evitacionem, opus esse putant, ut γένεσθαι, non, fieret, vertatur, sed fiat. Urget Smalcus ibidem ; *solet quidem de re futurâ dici in præsentī : & verba ego sum, sæpenumero tantundem valere, quod ego futurus sum. At per vocem ego sum, significari tempus præteritum, prorsus insolens, & proinde etiam explicatio, quæ hac insolentiâ utitur, repudianda omnino est.*

Resp. Minimè verū esse, ex receptâ translatione solœcismū consequi, de re futurâ nō tantūm in præsentī dicitur, sed etiam de præteritâ. *Pamphila in Adelpis virgo dicitur, quæ tamen non erat virgo, sed fuerat. Et soror & conjunx, unâ cum gente tot annos bella gero, poeta de Iunone dixit : imò verò hoc adeo non est insolens, ut tritum sit maximè, cū res quæ fuit adhuc durat. Nec Græcis est insolens præsentī pro præterito uti ; διδάσκειν αὐτὸς ἔφη, docuisse se dixit. Pater meus adhuc operatur, & ego operor Iohan. 5. vers. 17 ; vbi verba præsentis temporis vim præteriti includunt.*

Nec etiam, ut Smalcus malè existimat, prorsus insolens est, verba illa, *ego sum*, significare

care tempus præteritum : Ioh. 14. v. 9. *tantum temporis vobiscum sum*, vim præteriti habet : eodem plane modo de Apostolis cap. 15. v. 27. *sed & vos testabimini*, quia à principio *mecum estis* : Heb. 13. v. 8. *Iesus Christus, heri, hodie & in secula*, idem ; vbi subauditur verbum substantivum est, & non tantum, præsentis & futuri, sed & præteriti significationem habet. Proinde cum verbum substantivum *ēī* vim præteriti includat, nihil etiam vitij in receptâ translatione.

Hęc de primo quæsito dicta sunt. Sequitur, ut de altero dispiciamus. Ad hoc verò ita Socin. Socin.

Quod si quis de sensu Christi verborum quærat, pag. 340
quamvis nihil me cogat eum exponere, tamen dico
primum, verba illa, antequam Abraham fiat, pen-
dere à verbo dico, quod præcedit, non autem à verbo
sum, quod sequitur: perinde ac si scriptum fuisset, di-
co vobis antequā Abraham fiat quod ego sum, par-
ticula enim, quod, subaudiri debet omnino : Atqui
non ut vulgò sit, ante verba ista, antequam Abra-
ham &c. Sed postea subaudiri debet: nā verba ista,
ego sum, stant per se, & significant, ut etiā ante ali-
bi diximus: Ego sum Christus & servator vester,
quemadmodum apparet suprā in eodē sermone Chri-
sti cum Iudeis v. 24. & 28 : & c. 13. v. 19. ejusdem
Euangelista, in sermone quem idē Christus cum di-
scipulis suis habuit. Deinde dico, Christum quia
Iudei voluerant eum capere in verbis, quasi dixisset
se vidisse Abrahamum, quod tamen nullo modo di-
xerat, non minus meritò, quā acutè & eleganter,
detorsisse nomē Abraham ab homine ipso, cui à Deo
id fuerat impositum, ad rem quam ipsum nomen si-
gnificat, & propter quā homo ille ita nominatus fue-

rat. Significat autem patrem multitudinis, seu multarum gentium. Itaq, postremò concludo, Christum verbis istis voluisse graviter monere Iudeos illos, ut crederent se esse Christum, & servatorem ipsorum, antequam illud existeret, quod prædictum fuerat, Abraham videlicet fore patrem multarum gentium, id est, ad gentes quoq, prædicationem & patefactionem verbi & voluntatis divina perventuram, & multos fideles ex ipsis exituros Rom. 4. vers. 16. 17: antequam igitur hoc existat, & sic Abraham, id est quod nomen istud sonat, revera fiat, monet Christus Iudeos, ut in se credant, alioqui scilicet eos à Dei regno exclusum iri.

Resp. 1. Adversariorum versionem non esse admittendam, quia sensum verborum Christi quem ipsa Christi verba planè & rotundè præ se ferunt, evertit, & e contra, sensum obscurum, & insolentem ex hisce verbis eruit. Etsi ergo verba illa, quoad structuram Grammaticam, sic verti possint, ut Sociniani vertunt; hoc tamen loco, planus & rotundus sensus, qui per novam istam versionem corruit, sic verti non permittit. Quamvis ergo Socin. & sectatores ejus partibus suis satisfecisse se putant, novam hanc suam versionem adferendo; non tamen argumentum nostrum ex hoc loco est dissolutum: nam, ut dixi, sensus planus verborum, qui lucet, quam quod in meridie, ostendit novam eorum versionem nec posse, nec debere admitti, in quâ re ad candidi & pij lectoris conscientiam provoco. 2. Hæc nova versio ad ellipsin confugere cogitur, & supplere verba Christi, per verba, lux mundi, serva-

servator mundi, idque sine vllâ ratione; imò contra apparentem rationem: exempla, ex quibus pro suppletionem hujus loci colligit adversarius, non stringunt, nam ibi supplenda esse ratio dicitur, (textum introspectisse, adversarium refutasse est) hîc verò præter & contra rationem tale supplementum quæritur: nam hoc loco, non, quid sit Christus, quæritur, sed ejus existentiae duratio, controvertitur. Faciat hîc lector, quod in interprete laudat Smalcus pag. 4. scripti prædicti, omni fide careat, textum introspectat Evangelistæ, sine vlla vllius interpretis ope, ex ipso textu Evangelistæ, planum illi fiet, hæc verba Christi clausulam esse colloquij, cujus initiū & origo v. 51. nisi ergo quis obscura planis præferre velit, facile veritatē deprehendet, & Christi responsionē de existentia esse. 3. Acies acutæ hujus interpretationis, de fieri Abrahami ratione spiritualis paternitatis, eo retunditur, quòd usus loquendi obstat, qui artium magister est: hominē enim fieri, nemo aliter, quàm de ortu & nativitate ejus intellexerit; nec vllibi in sacris Abrahamus futurus Abraham dicitur, quia implēde illi promissiones de multiplicatione seminis: aut jam Abrahamum esse factū, quia gentes vocatæ. Quinimò vbi istius argumēti sedes est, nunquam ab Apostolo Paulo ista paternitas, nomine Abrahami significata fuit, sed distinctè semper à nomine Abrahami illi attribuitur, quāvis interea promissionem istā de multiplicatione seminis, mutati nominis causam esse, ejusque etymon nemo nesciat. 4. Hæc glossa Christum ἰδὲν πρὸς δόξουσαν respondentē facit, ad Iudæorū

Socin.

pag. 431.

objectamentum, quinquaginta annos nondum habes & Abrahamum vidisti? Opponit Socin. Iudeos verba illa Christi, de Abrahamo v. 56. per calumniam detorsisse, cui calumnia, inquit, Christum assentiri non decuit; id quod profecto fecisset, si ita respondisset, ut adversarij opinantur, imò decuit, ut Iudeos se in verbis captantes, occasione, ex uno verbo sumtâ, in reipsâ caperet. Hęc ille. Ad quę respond. responsionem, secundum versionem illam novâ, ad rem de quâ agebatur, nullo modo quadrare, certo certius esse: Iudæos verò per calumniam detorsisse verba Christi, hoc ex eorum responsione non patet. Nam etsi Christus dixerat, se visum ab Abrahamo, & Iudei Christo obijciant, tanquam absurdè affirmatum ab ipso, se Abrahamum vidisse, ἀκόλυθον tamen est, eos verba Christi per calumniam illusisse. Quid enim impedit dicere, Iudæos, ex sensu suo locutos, existimasse, si res ipsa, & non verba Christi tantum attendantur, Christum Abrahamum vidisse; cū ipse affirmaret, Abrahamum se vidisse? Cum ergo ista culumnia nullo modo appareat, valeat ista longè petita & obscurissima interpretatio. Hęc de hoc loco, prolixius instituto sermone dicere, non in consultum visum fuit.

Locus

Ioh. 17.

v. 5.

Socin.

pag. 432.

Sextus locus eorum, quos Bellar. & Wiek. adduxerunt pro æternitate Christi, est Ioh. 17. v. 5. *Glorifica me tu Pater apud te metipsum eâ gloriâ, quam habui apud te priusquam esset mundus.*

Ad hunc locū ait Socin. se respondisse, in diluendo argumento nono primę classis: responsio autem ejus ad hunc locum est. *Christum loqui de gloriâ sibi à Patre destinatâ, non autē, quam jam tū reipsâ*

reipsâ haberet, præsertim ut æternus & unus ille Deus: probat autem ex vers. 24, in quo dicitur, ut conspiciant gloriam illam meam, quam dedisti mihi, quia dilexisti me ante jacta mundi fundamenta. 2. Ex vers. 22: in quo ait gloriam sibi datam, à se datam Apostolis. 3. Augustini auctoritate in hunc locum 4. De Christo homine hîc verba fieri, qui nullam claritatem habuit ante conditum mundum nisi in prædestinatione.

Resp. 1. Verbum habendi, si de reali & actuali possessione sumatur, in significatione propriâ & vsitatissimâ sumi; illa verò expositio, de nudâ destinatione exponens, verbū habendi sumit in significatione impropriâ & rarâ. 2. Christus hîc verba facit de gloriâ quam etiam possedit ab æterno & realiter, & ei destinata fuit quoad exertionem in humanâ naturâ, secundū modum & rationem ejus, & plenam ejus patefactionem, per exaltationem post ignominiam crucis. Hæc expositio est analoga alijs Script. locis illustribus, quæ hætenus discussimus: agitur enim de gloriâ, quæ Christo destinari non potuit, nisi habuisset deitatis gloriam ab æterno: cultus enim & adoratio, quæ hæc gloria comprehendit, aut importat, nec objectum, nec fundamentum, præter deitatem ab æterno existentem habent nullum, ut ostensum aliquoties, & postmodum amplius demonstrabitur. Ex hisce positis patet solutio, ad primam, secundam, & quartam rationem, & quod si quis, ad quartam rationem, amplius quid desiderat, consulat si placet, pag. 193. 194. Nō pugnant ergo, Christum habere gloriam, ut vnum & æternum

cum Patrem Deum, & eam habere destinatione. Nec ex eo magis sequitur, Christum discipulis suis dedisse claritatem illam vnius æterni Dei, quàm ex adversarij sententiâ, de destinata tantum Christo gloriâ, in Apostolos adorandæ divinitatis gloriam transfusam esse: quia gloria Christo destinata, talis est, ex adversariorum suppositione. Frustra etiam Augustini auctoritate in nos pugnat; cum Augustinus in loco citato nobiscum faciat, quoad sententiam de hoc loco: nam cum multis verbis egisset Augustin. de prædestinatione gloriæ, naturæ humanæ Christi, etiam de illâ quâ Christi, ut vnius & æterni Dei egit. & prædestinatione Christi, secundum eam, quoad manifestationem gloriosam, per consecutam in tempore exaltationem. Cum enim ad hanc rem locum Pauli ad Rom. i. v. 4. produxisset. *Qui prædestinatus est Filius Dei in virtute &c.* in eum sic scripsit. *Secundum hanc ergo prædestinationem etiam clarificatus est, antequam mundus esset: ut esset claritas ejus, ex resurrectione mortuorum, apud Patrem, ad cujus dexteram sedet.* Augustinus ergo geminam, ut sic dicam, Christi prædestinationem statuit; nam et si antecedentibus verbis Augustinus videatur tantum agnoscere, prædestinationem Christi, quâ homo est, tamen postea se quasi corrigens, Christum rectè dici prædestinatum dixit, quâ *Dei Verbum*.

Locus. 7.

Heb. 7. v.

3. 8.

1. Ioh. v.

20.

De utroque hoc loco copiosè in superioribus actum, quò cum Socino lectorem remitto. Locus ad Hebr. 13. etiam à nonnullis adfertur pro æternitate Christi, & per accommodationem quandam,

quandam, æternitas Christi secundum existentiam, non malè istis verbis, triplicis temporis significatione, indicari potest: eum tamen locum, salvo meliori iudicio, non vrgebo.

CAP. II. Quintæ Classis argum.

De attributo immensitatis.

HActemus quidem, idque prolixius, disputatum est de attributo æternitatis, excipit hanc disputationis partem, secundum quod est immensitas, ad quam probandam, post testimonium ex Apocrypho Baruchi, profertur Ioh. 3. vers. 13. *Nemo enim ascendit in celum, nisi qui descendit de celo, filius hominis, qui est in celo.*

Obijcit Socin. verba Græca posse reddi: *qui erat in celo, itaq; nihil solidi esse in totâ argumētatione istâ.* Res. participia præsentis tēporis apud Græcos vim præteriti imperfecti habere, ac propterea naturā hujus vocis significationem præteriti admittere, concedo; receptissimā tamē ac maximè obvia significatio hujus vocis, præsentis tēporis est, ac propterea, pro sensu præsentis temporis præsumendū est, donec contrariū probetur: non enim hic verbū adjunctū est, ex quo colligi possit significatio præteriti imperfecti: participia autē ista, à verbis temporis præsentis ducta, per se, & ex naturā suā, præsens significāt præteritū autem & futurum, juncta verbis præteriti aut futuri temporis. 2. Accedit, quod cū singulæ sententiæ suum pondus habeant hīc, sic
verten-

vertendum esse locum, ne tautologia commissa statuatur; ad quam evitandam vertendus locus, non per *erat*, sed per *est*: nam Christum fuisse in cœlis, apertè satis probatum fuit istis verbis, qui descendit de cælo; cum cum ergo distinctus sensus ex verbis etiam illis eruendus sit: oportet ea per præsens reddi, ut redduntur Joh. i. vers. 18.

Secundò obijcit. *Cum de filio hominis, id est, de homine disertè verba fiant, ita Christi verba sunt interpretanda, ut ad ipsum hominem propriè accommodentur, si modò propriè sunt accipienda: quod si non propriè, sed figuratè accipienda sunt, quid vetat, quominus ipse homo, id est Christus, quatenus homo erat, tunc temporis in calo esse dictus fuerit? annon in calo is esse figuratè atque eleganter dici potest, qui in calo semper mente versatur, celestiaque omnia perspectissima, & quasi præsentia perpetuò habeat?*

Socin.

pag. 436.

Resp. Ad prius membrum responsum est alibi, & mox rursus, de eo dicendum erit aliquid: figurata autem illa interpretatio rejicienda est omnino, 1. Quia nullo exēplo, aut probatione idoneâ sustineri potest. 2. Sic Apostoli erant in cælis, & Philosophi ubique sunt, & supra cælos, in spatijs imaginarijs deambulant, etsi rideat Plutarchus Philosophos in vacuo mundum librantes. Quicquid vllibi rerum est, facillimè obijcitur intellectui speculantis, nemo tamen ibi speculantem esse seridè dixerit, ubi sunt objecta rerum, quæ intellectui ejus obversantur, aut figurata & tropica locutio apertè satis erit indicata. Quis quæso dixerit, nos in terrâ,

terrâ, & in cælo esse simul, quia corporeis oculis sidera aspicimus, non ergo, ubi objecta visa, aut cognita sunt, sumus, alioqui polytopi & ubicuitarij essemus omnes, sed vbi essentia nostra est, per quam sumus, quod sumus. 3. Si Christus in cælis, qui omnia cælestia perspectissima, & quasi præsentia perpetuò habebat; iudicii diem non ignoravit omni respectu. Atqui illum ex vestrà sententiâ ignoravit simpliciter Socine. Ergo hac ratione in cælis fuisse, non rectè affirmatur.

Tertiò opponit. *Adversarij figuratum sermonem in ipso nomine Filij hominis esse contendunt: de quo per idiomatum communicationem dici volunt id, quod Dei, cum eo in eadem personâ conjuncti, est proprium. Sed ut hoc illis concedi possit, oporteret saltem de istâ conjunctione personali Dei & hominis, seu divina & humana natura in Christo aperte constare: quod illud ipsum est reipsâ, quod ex hoc loco probare volunt: præterea, quemadmodum in homine, qui ex animo & corpore constat, quæ propria corporis sunt, animæ tribui separatim non possunt, nec contra: Sic si Christus, ut adversarij volunt, constat ex Deo & homine, sive ex divinâ & humanâ naturâ, non possunt, quæ sunt Dei, seu divinæ naturæ propria, separatim homini seu humanæ naturæ tribui: nec contra. Nec idiomatum communicatio, aliud præterea efficere potest, quam ut, quæ unius tantum sunt naturæ, ipsi supposito tribuantur: quemadmodum quæ propria sunt animæ tantum, ipsi homini merito tribui possunt.*

Resp. i. Nos in præsentī argumentatione, non personalem Dei & hominis conjunctionem probare,

probare, sed immensitatem Christi, ex quâ cum homo esset Christus, essentiae humanæ, in terris versans, inferri quidem potest hæc conjunctio personalis, at non supponitur hoc loco, ut ex eâ immensitas Christi inferatur; neque etiam ut supponatur, vlllo modo necesse est, ad immensitatis ex hoc loco probationem; cum immensitas sine personali conjunctione optimè consistere possit: Deus enim Pater, qui non est Deus homo, immensus est, implens cælum & terram.

2. Quæ sunt vnius naturæ, tribuuntur alteri naturæ etiam in concreto: nam à vocabulis concretis sæpe tota persona denominatur: cum Filius hominis in cælo esse dicitur, supposito quod est homo, ei tribuitur in cælis esse: falsum est ergo illud, quæ sunt divinæ naturæ propria, separatim hîc, ex nostrâ sententiâ, homini seu humanæ naturæ tribui: sic autem ab animâ & corpore persona hominis non denominatur, ac proinde exemplum de animâ & corpore alienū est.

Socin.

pag. 437.

Quarta objectio, seu responsio adversarij, statui potest in illis verbis. *Sed quid est, quod adversarij dicunt, Christum non potuisse dicere, quod tum corpore esset in cælo, cum se diceret ascensurum in cælum? nam quomodo, obsecro, probant, Christū tunc dixisse, se ascensurum in cælum? dicent (neq; enim video, unde id alioqui colligere audeant) ex illis verbis nemo ascendet in cælum. Atqui verbum, ascendit, ut ex Græco patet, non est præsentis temporis, ut figuratè ad futurū tempus accomodari aut possit, aut etiā debeat; sed præteriti, adeo ut necesse sit (nisi ubiquitarij esse velimus) fateri, vel totū Christi sermonem figuratum esse, & istū ascensum & descensum*

descensum atq; existentia in calo metaphoricè accipi debere, vel Christū revera, postquā homo natus fuit, antequam verba ista diceret, ascendisse in calum.

Resp. 1. Christum potuisse dicere, quod tunc corpore esset in cælo, cum se diceret ascensurum in cælum, si fuisset in cælo, & inde rursum descendere voluisset, nemo negat; nam alioquin, cum in terris esset corpore, se in cælis esse corpore dicere non poterat, nisi vbiquitarijs accedere velimus. 2. Non tantum vñtata enallege præsens temporis, pro futuro, verum etiam præteriti, & sic corrui ratiocinatio Socini: exemplū habemus Iohannis 17. v. 4: *opus consummavi, quod dedisti mihi*, præcipuum tamē, & nobilissimum opus, quo Pater à Filio glorificāndus, & Filius imprimis sibi aditum facere debebat ad æternam illam, quam hñc precabatur gloriā, adhuc præstandum restabat: Et præteritum pro futuro creberrime in prophetijs poni tā est indubitātū apud omnes, vt probatione nō indigeat: hunc Hebraismum Augustin. observat Epistolā 80: & vehementior est significatio in præterito, quam aut in præsenti aut in futuro: quare de credente in præterito dicitur, *μεταβέβηκεν* à morte in vitam: plena tamen à morte liberatio non continget, nisi resurrectione ex mortuis: Nulla ergo ratio nos cogit, aut ad vbiquitarios transire, aut figuratum sermonem agnoscere, vel ad novam istam, à Socinianis ex cogitatam, ascensionem confugere.

Tertiò productus fuit à Wick. & Bellar. locus Mat. 18. vers. 29. *Qui ubivis adest congregatis in nomine ipsius, ille est immensus. At Christus ubivis*

Socin. *vbivis adest congregatis in nomine ipsius. Ergo.*
 pag. 438. Negat Socin. primò majorem; ratio negationis
 est, quia ad hoc polytopia sufficit, ubiquitas non
 requiritur: consequenter, etiamsi Christus adesset
 suis essentialiter, hinc non efficeretur immensitas. At
 mi homo, multipræsens nemo est ita, vt quot-
 quot sunt in orbe congregationes, adesse ijs-
 dem posset, nisi omnipræsens sit, etiamsi præci-
 sè multipræsencia vt sic diam, ad hoc sufficere
 posset, valet itaque nihilominus illatio.

Altera ejus ad minorem responsio est; in isto
 & similibus locis, non de præsentia essentia, sed fa-
 voris & auxiliij verba fieri, ad hunc præsentia mo-
 dum essentialem non requiri: sin secus, Christum
 minus posse, quàm quilibet homo princeps, inter
 quos nemo est, qui licet corpore & sic realiter absens,
 prout auctoritate & potentiâ pollet, magis minusve
 aliquibus favere, atque opem ferre non valeat. Po-
 test homo mortalis, absens, per aliquos suos mini-
 stros, summa beneficia, ac multiplicia in plurimos
 conferre, & non poterit Christus, cui innumerabilis
 angelorum numerus servit, & ad ipsius nutum ubi-
 que sunt præsto, cuiquam beneficium dare, sive id
 animam, sive corpus respiciat, nisi realiter ipse præ-
 sens adsit?

Resp. 1. De præsentia favoris hîc agi, ne-
 mo dubitat, verùm illa à præsentia essentia non
 separatur. At negat Socin. necessariam inter
 hæc duo connexionem, hoc ergo probandum.
 Dico ergo in medio relictis Metaphysicorum
 placitis, de propinquitate necessariâ, inter agēs
 & patiens, & indistantiâ agentis à passio, per al-
 tiora Scripturæ sacrae principia, controversiam
 hanc

hanc definiri nobis posse : nam Psalmista Psal. 139. v. 7. 8. 9. 10 : Ierem. cap. 23. v. 23 : Apostolus Paulus Actor. 17. v. 27. tradunt connexionem esse inter præsentiam essentialis & virtutis, & vnam ex alia inferunt : in hisce locis perfectissima Dei providentia fundatur in essentiali præsentia, & ex eâ ad illam arguitur; hisce verò locis de præsentia essentiali agi, & coherere hos duos præsentia modos, id paulo fufius sic demonstratur.

Primò ex loco Psalm 139 : nam nulla est ratio, propter quam de amplitudine & efficacitate providentia & virtutis, intelligamus hunc locum, excluso sensu essentialis præsentia. Quinimò verba v. 8. manifestè satis sensum præsentia essentialis præ se ferunt : *si scanderem cœlos, illic es, aut stratum ponerem in sepulchro, ecce ades* ; de quâ enim, aut cuius virtutis præsentia explicabimus ista Psalmistæ verba, de virtute omniscientia divinæ? at insolens est, esse & adesse, explicare per videre, & sane nemo esse eo loci dicitur, quò pertingit oculorum acies : itaque recta ratio postulat, præsentiam essentialem, ab hoc loco, non excludi: etenim realis præsentia, enuntiatur, isto loquendi modo coram facie alicujus esse, est essentialiter alicui adesse. Denique in confesso est, cum Deus in cœlis esse dicitur, accipiendum hoc esse de reali ejus existentia : at hîc dicitur, *si scanderem cœlos illic es* : & mox additur *aut stratum ponere in sepulchro, ecce ades*, ex quo fides fit, non alium præsentia modum, etiam istis indicari. Quinetiam, Deum non tantum in cœlis, sed & in terris essentiali-

ter præsentem esse, simplicius & efficacius enuntiari non potuit, quàm hisce & alijs similibus loquendi formulis.

Secundus locus est Ierem. 23. v. 23. Hic Vortius in notis ad disput. tertiam: propinquitatis nomen, & implendi verbum, optimè ad efficacem Dei providentiam, omnia in omnibus disponentem, referri posse. At si Deus è propinquo dicitur, quia novit aut disponit omnia, etià è longinquo Deus dici potest, quia ipse solūmodo in cœlis altissimis, & multò sanè rectius dicetur, respectu rerum terrenarū, Deus è longinquo esse, quia secundum essentiā cœlis includitur, quàm propter scientiam & exactā cognitionem rerum omnium, Deus è propinquo esse: nō enim solēt res dici, ibi esse, vbi objectum cognitum, aut administratum ab ipsis, sed vbi sunt essentialiter; & non scientia divina, sed Deus ipse propinquus esse dicitur, quæ propinquitas & ubiquitas essentiæ divinæ arguit, Deum quosvis homines, etiam in abditissimis aspicere.

Illam propinquitatem suam repetens Deus, inquit. *Annon cœlos & terram ego impleo?* sicut Deus cœlos implet, ita & terram, prius de essentiæ, posterior de virtutis impletione, explicare, merum est placitum, pro quo non militat ratio: nam si quis amplius commentis indulgeat, dicet Deum non in toto cœlo, essentialiter præsentem esse; sed tantū in parte: implere cœlum virtute suā: aut Deum virtualiter tantū in cœlis esse, essentialiter verò terram implere. Valeant itaq; ista. Nusquam Scriptura docet, Deū substantialiter, tantū in cœlis esse; in terris verò

verò tantummodo virtualiter. Et profectò si obscuras longeque quæsitæ interpretationes, simplici, nudæ & ultro se offerenti interpretationi non præferamus, facile agnoscemus, genuinum potius loci sensum esse, numen divinum, rebus omnibus immediatè propinquum esse, quàm Deum omnia disponere & regere. Cum enim dico, me isti verbi, & loco propinquum esse, indistantiam essentiæ localem, non curam aut regimen aliquod insinuo : at implere rem non est ei providere ; nam sæpe negligunt qui adsunt, curant rem, qui absunt.

Locus Act. 17. sic habet. *Ut quærerent Dominum, si forte, palpando invenirent, quamquam profectò, non longè abest, ab unoquoque nostrum*, sumptâ metaphorâ à rebus absconditis & omissis, quæ quæruntur & inveniuntur, quæ cum inveniuntur, habentur ipsæ realiter : sic Deus ab hominibus quærendus & inveniendus, non longè ab unoquoque nostrum *ἱπάρχειν* dicitur : non dicitur Deus virtute & curâ suâ paternâ adesse nobis, aut ratione virtutis suæ, non longè esse ab unoquoque nostrum, sed ipse Deus non longè dicitur abesse ab unoquoque nostrum ; verba sumenda prout jacent & sonant, nemo sanè à præjudicio libier, secus Apostoli verba acceperit. Quinetiam ex efficaci præsentia providentiæ divinæ colligitur præsentia Dei essentialis, quemadmodum in hoc loco videre est : sic etiam Psalmista & Jeremias in locis pro essentiali immensitate adductis, fundant perfectissimâ Dei providentiam, in reali præsentia ipsius, & ex eâ

ad illam arguunt. Et nemo sane est, qui fateri non cogatur, si Sp. Sanctus, id de immensitate essentiae dicere voluisset, quod nos eum dixisse volumus, commodè & planè id ijs verbis efferre potuisse, quibus nos id dictum persuasi sumus & credimus.

Potest quidem Deus per ministros angelos, aut homines, innumerabilia in nos conferre beneficia; vt & Mediator noster Iesus Christus: at interea infinite sunt actiones, tum in communi administratione rerum omnium, tum in speciali regimine secundum gratiam; vbi essentialis immensitas & indistantia Dei requiritur. Nam sine ista essentiali præsentiâ, nec qui mittuntur angeli, nec, ad quos mittuntur homines, vivere moveri & esse nequirent, vt testis & Apostolus Paulus: quanto magis ergo spiritualis vita, essentia, motus actiones; & ea omnia, quæ in intellectu, voluntate, affectibus, hanc vitam generant, conservant, roborant, motuumque & actionum principia productiva sunt, realem Dei præsentiâ requirunt? Hæc enim tam divina, in regno gratiæ, non demandantur angelis, nec demandari possunt: nam ex ijs & in ijs, Dei & Salvatoris nostri Iesu Christi gloria maximè conspicua est, & in ijs actuale ejus imperium consistit: Quod si hoc actuali imperio se abdicat, aut abdicare potest, solâ mandandi potestate regnum ejus, quod in terris habet, contineretur, & sic nihil impediret, Christum regem esse, & tamen omni administratione regiâ supersedere; angelis in vniversum simul & semel mandatâ provinciâ, favendi, auxiliandi, agendi,

agendi, quando, quomodo, & ubi opus esset: consequenter regnum Christi nihil detrimenti caperet, etiamsi Christus actu rex non esset. Et quod si divinissima omnia angeli in regno gratiæ possunt, quid illis ad cultum & religiosam adorationem deest? dices, quod autoritate Iesu Christi, non suâ rem gerunt: at replico, Christus omnia administrat, paternâ autoritate, ad nutum & voluntatem Patris, dono acceptâ potestate, ut vos contenditis, quam regiæ potestatis donationem, per sacerdotalem interpellationem exprimi propterea asseritis.

CAP. III. Quintæ Classis argum.

De attributo omnipotentiae.

PRO omnipotentiâ affertur locus 1. Tim. 6. vers. 16. *Qui solus est potens*: Apoc. 1. v. 8: Ioh. 5. v. 19.

Hic Socinus. Si Græca vox, quæ reddita est, potens, esset δυνατός, ad rem faceret locus iste: sed ut pag. 439. supra vidimus, est δυνας: quæ vox revera non potentem, sed potentatum aliquem, seu principatum, habentem significat. Itaque ad rem non facit. Præterea ante ostendimus, in quem sensum, in isto & similibus locis, vox, solus, accipienda sit, id est, ut alios minimè ab eadem appellatione excludat: sed tantum doceat, alios omnes, ut ipsis eadem appellatio tribui possit, non ex seipsis habere, sed ab isto, qui propterea, solus, talis esse dicitur. Antithesis: voces istæ, de Deo usurpatæ, quod, ad rei substantiam

attinet, eodem tendunt; & antea aliquoties ostendimus, vocem *solus*, in isto & similibus locis, ita accipiendam esse, ut alios excludat simpliciter.

Pergit adversarius. Iam ad probandum, quod Christo potentia, seu omnipotentia tribuatur, nihil in medium producant, nisi testimonia illa Apoc. & Ioh. i. v. 19: & lectorem refert ad ea, quæ de hisce locis, disceptata sunt, ad quæ ne actum agam, lector etiam à me reijcitur. Videatur locus nonus classis primæ & tertius tertiæ classis.

CAP. IV. Quintæ Classis argum.

De attributo omniscientiæ.

Socin.

pag. 440.

OMniscientia Christi ea est, quâ omnia maxima minima, cujuscunque tandem entitatis, & conditionis sint, & abditissima arcana cordium scrutatur. Citatur locus Rom. 16. vers. 27. Socinus hîc nihil adfert, nisi sapientiam communicari creaturis, & Christo communicatam esse. Verùm hoc alibi est discussum. Itaque transeat.

CAP. V. Quintæ Classis argum.

De attributo bonitatis.

Socin.

pag. 414.

AD argumentum, de bonitate petittum, reponit Socinus, aliud esse rem, de quâ agitur, pror-

prorsus essentialem, & omnibus numeris absolutissimam, atque integram, in seipso habere, aliud verò eā ut qualitate, licet inseparabili, præditam esse, ejusque, quantumvis abundanter, factum fuisse participem.

Resp. Hic eadem controversia, de communicabilitate, de voce solus, disceptanda venit, illam intactam, ut dixi in præsentiarum relinquo, & interea duo hic moneo. 1. Causam nullam esse, cur Deo omnibus numeris absolutissimam, atque integram bonitatem tribuat, Christo verò minorem. 2. Quod bonitatem, qualitatem à Christo inseparabilem statuatur, in eo parum sui memorem, meritò videri posse, cum nulla illi virtus aut obedientia, sine arbitrio libero, in utramque partem flexili: vel, si eo non obstante, quod bonitas, qualitas inseparabilis à Christo, Christus tamen virtutes suas, cum laude maximā exercuit, & Deo Patri obedivit, tum viderit Socinus cum reliquis liberi arbitrij patronis, de multis argumentis, quibus tanquam firmissimis demonstrationibus utuntur, pro libertate in differentia ad utramque. Quid enim frequentius auditur, quàm hæc sublatā, præmijs, poenis virtuti & vitio non esse locum: hæc enim certe & alia similia efficacissimè dissolvi poterunt, per istam, inseparabilis bonitatis confessionem, ab adversario factam, qui & angelos, eam conditionem habere credit, ut non possint peccare, prælect. Theolog. cap. 3. quos tamen & Deo obedire, se suaque ad voluntatis divinæ normam componere certissimum est, per quam sa-

ne similiter confessionem , egregia & invicta suppeditantur arma , ad nervosè retundenda pleraque argumenta , quæ libertatis nimij propugnatores, sententiæ de electione immutabili, efficaci gratiâ, & perseverantiâ obijciunt.

CAP. VI. Quintæ Classis argum.
De attributo adorandæ majestatis.

ADorandam majestatem, cultum & religionem, non esse inter ea quæ creaturis communicantur , semper sensit & adhuc sentit Ecclesia Christiana : quia autem illa omnia in Christo conspicua sunt, inde etiam invicta suppeditantur arma , ad demonstrandam Christi deitatem, cum Patris deitate identificare, ut loquuntur.

Hoc verò argumentum , quod quartam constituit classem , eorum quæ pro æternâ deitate Christi adferri solent , sic habet in formâ syllogisticâ. *Qui est religiosè adorandus & colendus, est Deus ille unus. Christus est religiosè adorandus & colendus. Ergo Christus est Deus ille unus.*

Socin.

pag. 443.

Respondet adversarius , distinguendo , inter cultum relatum ad alium , & non relatum : illum Christi esse, ut qui Deo subordinatus est, & totus ab eo pendet: hunc Dei unius esse, & in eo terminari & conquirere. De priore religiosa adorationis modo, majorem acceptum esse verum , minorem verò tum falsam esse ; de posteriore modo adorationis , acceptam majorem esse falsam. Quod si ergo hujus distin-

distinctionis vanitas commonstrata fuerit, patebit inde, responsionem illam revera nullam esse.

Vanam verò & fictitiam hanc distinctionem esse, probatur. 1. Eo sensu, quo vnus Deus ex toto corde diligendus, eo sensu vnus Deus adorandus: patet ex Deut. 6. vers. 4. 5. 13. At Deus, vt singularis & individuæ essentiae ratione vnus, ex toto corde diligendus est, id est vt indivisus in se, & divisus ab omni alio: Ergo etiam quâ talis adorandus. Deum autem singularis & individuæ essentiae ratione vnum esse, demonstratum est pag. 23. & alibi, unitas ergo illa, quam Socinus fingit consurgere ex duorum relatione mutuâ, imaginaria est, & aliena ab illâ vnitatis ratione, quæ in sacris nobis inculcatur. 2. Eo sensu etiam, in vno Deo confidendum, ergo & vnus Deus, quâ sic vnus, adorandus & invocandus: confirmatur, quia non aliud est adorationis, quàm fidei objectû. Rom. 10. v. 14. In uno autem Deo, individuale vnitatem vno, confidendum esse supra demonstratum est ex Ierem. 17. v. 5. Necesse ergo, aut duplicem vnius essentiae divinæ cultum dari; aut distinctionem hanc fictitiam esse. 3. Si Deus ille vnus, religiosam adorationem sibi servat, tum non dantur duæ distinctæ adorationis species: At verum prius Es. 42. v. 8: vide hac de re, in examine decimi argum. tertiæ classis, vbi de hoc loco. 4. Si Christus est adorandus eâ adoratione, quâ Deus Israelis, tum una tantum adorationis ratio; at sic adorandus Christus, vt ostensum in collatione Psalm. 97. v. 7. & Heb. 1.

vers.6. 5. Si solus Deus Israel est adorandus, tū Christus, aut est Deus ille; aut non est adorandus: cōsequentia satis firmatur, per veram definitionem, quā, quid sit esse, unum & solum Deū declaratur. At solus Deus Israel est adorandus Mat.4.v.10: certissimum enim est, dictionem, soli, verbo servies adjunctam tantū, ad verbū tamen adorabis, pariter pertinere, vt agnoscit Socin pag.455. Ergo Christus, aut est Deus ille vnus, aut non est adorandus. Cum itaque Christus adorandus sit, non aliā ratione adorandus. Per consequens, non duæ adorandæ deitates subordinatæ sunt: & sic duæ adorationis species; sed vna individua deitas est, & vna adoratio.

Hiscē sic positis, progredimur ad examen testimoniorum, quę protulerunt Bellarm. & Wiek. ad probandum cultum & adorationem, vnus illius Dei, Christo competere. Primò affert Wiek. visionem illam Esa.6. juncto eo, quod scribitur Ioh.12. At cum hoc testimonium antea sit excussum, non est, quod de eo, hīc iterum dicamus; itaque eò, cum adversario, lectorem remitto.

Secundò adferuntur verba illa: *Et adorent eum omnes angeli*: quæ satis etiam, antea ventilata sunt. Hic falli adversarios jactat Socin., quod existimant hīc agi, de adoratione, soli illi vni Deo debitā, quia illa ibi, idololatriæ, opponitur: nā inquit cap. primo, hujus respons. ostendimus, Paulum 1. Cor.8, Christi, vt vnus Domini, per quem omnia, adorationem idololatriæ opponere, nec tamen adorationem istam, illam esse, quæ illi vni soli Deo

Deo est debita, ea enim, ut ex eodem loco Pauli constat, hoc omnino habet, ut is, cui tribuitur, consideretur, ut Pater ille, ex quo omnia.

Verba ejus, ad objectum Ethnicismi crimen, de Deorum multitudine pag. 26. & 27, inter alia hæc sunt. *Verum tamen mirum est Wiek., in religione Christianâ, pro re abominabili habere, duos essentiâ distinctos, & sic quemquam, præter unum illum Deum, divino cultu afficere: cum potius hoc esse, Christianæ religionis proprium, divina oracula passim testentur: Nam quid illud est, apud Paulum 1. Cor. 8. v. 6: Nobis unus est Deus, Pater ille, ex quo omnia, & nos in illum: & unus Dominus Iesus Christus, per quem omnia, & nos propter illum, quam non solum illum unum Deum nostrum, sed aliam etiam quandam personam, nobis divinâ ratione colendam esse, id est Iesum Christum? agitur enim ibi, de divinitate colendâ, & dijs gentium, atq; idolis, quæ ab illis celebrantur, opponitur primum ille unus Deus, deinde etiam Christus, ut unus noster Dominus, differentiâ hac inter eos, expresse constitutâ, quod ille, ut is ex quo omnia, id est, prima causa nostra felicitatis, hic verò, ut is, per quem omnia, id est, ejusdem nostræ felicitatis causa secunda, quæ etiam efficiens instrumentalis appellari potest, colendus a nobis sit: ut interim, dum duo colendi, proponuntur, ad unum tamen ex illis, utriusque cultum, referendum esse, intelligatur, tanquam ad ultimum ipsius cultus scopum, in quo tandem conquiescat.*

Resp. Agi prædicto loco Psalmi, de adoratione unius illius Dei, certum est, quia illa Dei adoratio, idolorum adorationi & cultui opponitur,

nitur, nam idolum aliâ ratione non fit idolum, nisi quia illi divinitas vnius illius Dei, & cultus & adoratio, quacunque ratione tribuitur. Religiosam adorationem deferre alij rei, quam Deo illi vni, citra idololatrię crimen, impossibile, quod adversarij agnoscunt, de tempore V. T., adeo vt nullum dari medium potuerit, licitæ & religiosæ adorationis, inter vnius Dei adorationem & idololatricum cultum; nec hac in parte, in Christianâ religione, immutatio facta, nec nobis aliâ ratione vnus Deus, quàm Patribus Testam V. Tum verò si non obstante, quod vnus Deus est, duo tamen dij sunt, nihil prohiberet, in confessione vnius Dei, multitudinem deorum defendere, per subordinationem & relationem Socinianam vnitorum. Duos autem essentiâ distinctos in Christianâ religione non coli, ex eo ipso loco Pauli Apostoli probatur: quia Christianos Apostolus in illo loco Ethnicis opponit, & ab ijsdem distinguit, quod illis dij & Domini multi, nobis verò Christianis vnus Deus & Dominus: in quo loco, non hoc vult Apostolus, Deos & Dominos Ethnicorum, subjecto distinctos fuisse (nam Dij erant Domini & Domini erant Dij) sed tantum Deos sive Dominos ipsorum multos fuisse. Cui ethnicæ multitudini, vnum Deum & Dominum. Christianorum opponit, quæ ratio oppositionis perit in sententiâ Socini, qui sentit Christianæ religionis proprium esse, duos habere Deos & Dominos, qui numerus excedit vnitatem, quam Paulus Ethnicæ multitudini opponit: neque verò, quia Patri deitas, Filio Dominium tribu-

itur,

itur, vlllo modo sequitur, duas deitatis rationes subordinatas hîc nobis concipiendas, & duos distinctos cultus gradus, quia ex Patre omnia, & per Dominum Christum omnia; nam vt hîc ex Patre, ita & alibi per Patrem omnia esse dicuntur Rom. 11. v. 35: Paulum verò eo loquendi modo, hanc Samosatenicam sententiam expressisse, idonea, quam nunquam adferent, probatione indiget. Nec potest Socin. ex hoc loco evincere, alium, præter vnius Dei cultum, idolatriæ opponi; aut coli quempiam posse religioso cultu, qui nec Deus ille vnus, nec idolum sit: neque unquam Socinianismus solidâ responsione, objectum Ethnicismi, de Deorum multitudine crimen, diluere poterit.

Tertiò productus fuit locus Malach. 3. v. 1. *Veniet in templum suum Dominus, qui autem in templum suum, vt Dominus venit, ille maiestatem Socin. habet adorandam: consequenter Deus ille vnus pag. 445. est.*

Ad hunc locum Faustus bifariam excipit. 1. *Hebreæam vocem Hechal, non templum, sed regiam propriè significare, vel basilicam, hanc autem peculiari significatione, significare locum, vbi rex sedet, qui dominatur ac præest, ius dicit: in hunc sensum accipiendam vocem hanc apud Malach. vbi videlicet fit mentio Dominatoris, qui expectatur: nempe vt veriat, ad ius dicendum, & in populo, cui dominaturus est, omnia componenda.*

Resp. Disputationem illam, de vocis Hebraicæ significatione strictâ, hic supervacaneam esse: sufficit enim ad vim argumenti, vocem istam significare, id, quo colendus religiosè Dominus;

Dominus; quod verum est, sive de templo materiali, sive de mystico, quod est Dei populus & Ecclesia, locus iste intelligatur: nec etiam vox ista, magis ex naturâ suâ, terrenorum regum regiam notat, quàm majestatis divinæ, regiam sedem. Nam vt 1.Reg.21. vers.1. & Dan.1. vers.4, notat palatium regis terreni; ita sane etiam notat divinæ Majestatis palatium Psalm.11. vers.4: Psalm. 18. vers.7: Psalm.27. vers.4. Imò cum vox hæc originem trahat à radice *Iacol*, potuit, Deo sane maximè propriè competit, cum ille in regiâ suâ potentissimè regnet & dominetur. Secundò excipit vt antea, distinctione cultus duplicis, vt suprâ de quo non est quod eandem cramben reponam: quæ hic in Pontificios retorquet, Pontificijs relinquimus, ij enim se ex luto idololatriæ, quamvis varia turpitudini suæ operimenta quæsiuerunt, evoluere nunquam possunt.

Socin.

pag. 446.

Socin.

pag. 447.

Quartò obijcitur, invocationē absentis cultum esse, apud Socinianos ipsius Dei proprium. At hoc axioma à Socino non agnoscitur, sed tanquam adulterinum repudiatur.

Socin.

pag. 448.

449.

Quintum est, Prophetas fere omnes prædixisse, omnem idololatriam desiturâ post adventum Messie: falsum autem hoc esse, si Christus non sit verus Deus, eo cultu dignus, qui soli illi vni Deo debetur. At hoc vt parum solidū transeat, non enim, quicquid tandem statuatur, de sensu earum prædictionum, ex ijs sequitur, nullam jam idololatriam in orbe vigere, cum hoc ipsum, quod vigeat, sit apertissimum.

Parat post hæc responsionem ad locum illum, quo

quo vehementer premitur Deut. 6. vers. 13. At frustra soli obtenduntur nebulæ: *acrior erumpit, nequicquam obtenditur umbra.*

Respondet autem primò, quod ad Dei præceptum attinet, nihil contra illud à Deo fieri, licet jubeat Christum hominem, seu Christum, quamvis prorsus res creata sit, cultu divino affici; neque enim, cum istud præceptum datum est, Christus extabat, nedum divinâ potestate atq; imperio esset præditus: quod imperium ac potestas omnino per se, etiam Deo tacente cultu divino affici debet, quemadmodum colligitur ex verbis ipsius Christi, Ioh. 5. v. 22. & 23: & Philip. 2. v. 9. 10.

Hoc verò sic dissolvitur. 1. Præceptum illud nō tantum datum, antequā extaret Christus; sed ita datum, ut æternum & immutabile sit; nā alioqui si post adventum Christi non esset obligatorium, sed abrogatum, Christus sanè Satanam, sui adorationem ab ipso petentem, non efficaciter eo ictu repulisset. Scriptum est enim, *Dominum Deum tuum adorabis & illi soli servies*, lex enim, cujus jam cessat obligatio, pro nō scripta est habenda. 2. Quod si divinum imperium, & potestas, quæ Christus aliquando fuit præditus, cessare faciant mandatum illud vetus, de vno Deo & Domino adorando, deberet censeri abrogatum mandatum illud, quia Christus erat jam divino imperio & potestate ornatus, cum à Satana ad adorationem illam sollicitaretur: proinde assertione falsâ Christus Satanam retudisset, si jam alius, præter unum illum Deum & Dominum, adorandus erat, quod vel cogitare nefas est. Ostorod, disp. contra Tradeli. pag. 154. alijs utitur effugijs.

Primò

Primò contra hoc mandatum non peccari, *posito mandato Dei, de Christo homine, seu de creaturâ adorando*. Verum casus ille est impossibilis, quia termini contradictionem implicant; contradictoria autem simul esse vera, impossibile est: si enim solus Deus adorandus, si alius adorandus, utique Deus solus non est adorandus: & sanè si, salvâ unius Dei adoratione, interea tamen alius simul adorari potest, minimè sequitur, Satanam non esse adorandum ex ratiocinatione istâ, quod solus Deus adorandus. Nihilominus valet, quod ibidem subjungitur, hoc argumentum valere posse, *quando homines, ex arbitrio proprio, per ἐθελοθρησκείαν, aliquem adorare sustinent; aut contra Dei voluntatem*. Quasi verò, hoc mandato non cessante, alius quàm Deus ille unus adorari possit, quàm ex proprio arbitrio, & contra ipsius voluntatem: Nec vlllo modo probanda responsio, quæ Christi argumentationem ilumbem facit, quod profecto hæc Ostorod. responsiones faciunt: nã si hoc præceptum de vno Deo adorando, declarat tantùm, Deum unum adorandum esse, alium autem, præter eum, ex humano arbitrio non adorandum esse, tum, per istud præceptum, certum non est, alium, præter unum illum Deum, adorandum nõ esse; sed hoc, quantum ad istius præcepti vim, in dubio relinquitur: ac propterea, ex isto mandato, de solo Domino Deo adorando, non patet, Satanam non esse adorandum: posset enim, posito, hanc responsionem bonam esse, salvo mandato, de solo Deo adorando, & alius adorari. Qualis, quæso, hæc Christi responsio, si salvâ;

vā, & ratā manente veteri lege, de adoratione solius Dei, alius, qui non est ille Deus, secundum legem novam ejusdem Dei adorari potest? præterquam enim, quod aperta inter leges istas pugna esset, vnaque alteram abrogaret, & everteret; Christi responsio hoc pacto, prorsus enervaretur. Taceo quod hac viā efficitur, ex mandato, de solo Deo adorando, nihilo firmitus colligi, vnum adorandum esse, quàm creatum: nihil enim prohiberet, istiusmodi Socinianorum glossis admissis, solum Deum adorare, & tamen centum adorare.

Quia verò, in dissolvendā Socini responsione, à me inter alia dictum fuit, Christum, cum à Satana tentaretur, & in terris ageret, divinum imperium & potestatem habuisse; consequenter omnia ex parte suā, ad adorationis cultum excipiendum, necessaria habuisse, hoc paulo plenius, ad constringendos adversarios est confirmandum. Divino ergo imperio & potestate, præditum jam tum fuisse liquet, quia Dei Filius erat: potestatem autem divinam, quam habuit, cum in terris degeret, adorabile nomen illi contulisse, colligitur, vel ipso Socino assentiente, ex verbis Christi Iohan. 5. v. 22. 23: in istis enim verbis Iohannis, non de futurā, sed de præsentē Christi potestate agitur; istam verò potestatem ejus naturæ esse Socinus dicit, ut etiam, Deo tacente, cultu divino affici debeat. Et cum fiducia in Christo collocanda fuit, cum in terris versaretur, dubium esse non potest, & religiosè adorabilem fuisse, cum hæc duo à se mutuo divelli non possint. Sic enim hac de re Smalcus

lib. de divinitate Christi cap. 24. *Hujus fidei in Iesum Christum consequentia rursus quadam sunt, divina, quæ ei debetur, adoratio & invocatio. Rursus ibidem : legimus Apostolos Christum, cum adhuc in terris esset, invocasse hoc modo, Domine adauge nobis fidem Luc 17.v.5: Domine serva nos perimus Mat.8.v.25. Necesse est itaq;, aut hoc præceptum de vno Deo adorando solvi; aut agnoscere Iesum Christum fuisse, & esse Deum illum vnum : hoc verò præceptum solvitur nusquam; sed quoties offertur occasio, fortiter astringitur. Admodum prægnanter angelus Apoc. 14.v.7, timete Deum, & ei tribuite gloriam : nam venit hora judicii ejus, & adorare eum, qui fecit cælum & terram, & mare, & fontes aquarum. Nec aliter ad Ioh. Angelus, Deum adora Apoc. 22.v.9. Pergit jam ad reliqua, quibus Socinus hoc illustre testimonium eludere conatur. Dicit ergo secundò, cum Christus Deo Patri sit subordinatus, adorationē Christi præcepto divino, de vno Deo adorando, plane consentaneam esse: qui enim non honorificat Filium, non honorificat Patrem, qui illum misit Ioh. 5.v.23 : imò tantum abesse, ut quidquā contra illud præceptum, de illo vno Deo adorando, illiq; soli serviendo, committatur; ut potius isti præcepto non satisfiat, si Christo homini divinus cultus non tribuatur. Hæc ille quod ad rei substantiam.*

Socin.

pag. 452.

Resp. Ut jam responsum est, unitatem Dei sententiam illam, de subordinato Deo, funditus evertere, & præcepta unius solius Dei & Domini adoratio, omne consortium excludit alterius, qui non sit Deus ille vnus : nam si adoratio alterius poterat esse unius illius Dei
ado-

adoratio, nunquam ex illo præcepto populo Dei constare potuit; an vnus, an plures inter se subordinati, adorandi essent. Dico deinde, vt dixi, hac admisâ responsione, non esse impossibile, vt, ratâ manente lege illâ, de vno Deo adorando, angelus malus adoraretur: Deo enim facile fuisset, angelo malo in gratiam restituto adorationis gloriam conferre, si Socinianis credimus: at posset Deus hac viâ, saluâ lege, de vno Deo colendo, Sanctos canonicizare, & sibi subordinatis religiosos omnis generis honores decernere. Quod si per hanc viam vnus Dei adoratio cum veritate sustineri potest, simili ratione defendi posset, etiam si Pater jam nullo modo adoraretur, aut preces in eo non terminarentur; sed solus Filius adoraretur, adhuc tamen Patrem solum adorari: ratio Sociniana est, quia Filius adoraretur, ratione diuinitatis quæ ei ex Dei munere contigit. Hæc verò quis non videt absurdissima, & ab omni specie verisimilitudinis abhorrere? Valeant ergo hæc figmenta, aduersus clarissima & invicta Sac. Sc. oracula excogitata. Postquam huius testimonij, ex Deuter. &c. vim à se satis subuersam existimat, convertit se ad locum Esa. 42. v. 8. Hic primò aduersarius ad hoc testimonium satis à se responsum esse ait, ad finem examinis decimi argumenti, tertiæ classis, & se lectorem eò reijcere: videat propterea lector, si placet, quæ ibidem illi opposui.

Unum hoc hîc sibi addendum censuit, *Iustinum, in Dialogo cum Tryphone Indæo, loco isto Esa.*

uti, ad probandum, quod Deus gloriam suam soli Christo dederit, cum Tryphon illum attulisset ut ostenderet, quemadmodum Trinitarij vulgò faciunt, Deum statuisse nulli prater seipsum, unquam dare gloriam suam, & sic ne Christo quidem eam dedisset, concluderet. Sic enim ista Dei, apud Esaiam verba, interpretatur Iustinus, quasi Deus voluerit dicere, se non daturum gloriam suam cuiquam alij, nisi videlicet Christo: de quo nimirum, ad gentes illuminandas & servandas, ab se mittendo, loquebatur, & tandem, toto ipso loco recitato, sic ut quidem Græca verba sonant, concluditur: intellexistis, & amici, quod Deus dicit daturum se huic, quem in lucem Gentium constituit, gloriam, & non alij cuiquam: non autem ut dixit Tryphon, quasi sibi ipsi Deus retineat gloriam.

Resp. Tryphonem Iudæum alio sensu objecisse locum illum Iustino quàm Orthodoxi, quos Trinitarios appellat Socinus, locum illum sententiæ ipsius, de deitate & adoratione Christi, obijciunt: nec Iustinus eo sensu dixit, datam Christo gloriam, quo Sociniani hoc ipsum asserunt: & cū Orthodoxi ex isto Esa. loco, probant, Deum alteri non dare gloriam suam, non negant Filio à Patre communicatam gloriam; sed negant Deum alteri dare gloriam suam, qui non est ejusdem divinæ essentiæ particeps.

Socin.

pag. 454.
455.

Hisce paginis, auctarij quasi loco, cum Bellar. contendit, de cultu latriæ, quia hic aliquoties monet, Christum non posse cultu latriæ affici, nisi sit ille summus & altissimus Deus, quia latriæ nomine is cultus intelligitur, qui soli altissimo convenit. Negat verò Christum affici illo cultu,

cultu, qui soli convenit altissimo; nec id ex sua sententiâ sequi: loco Ioh. 5.v.23. Ut omnes honorificent Filium,quemadmodum honorificant Patrem, non omnimodam aequalitatem declarari; sed tantum idem rei genus significari. Ad quæ respond. jam satis abundè hac de re actum esse: etsi verò particula, sicut, non eam semper vim habeat, ut omnimodam rei æqualitatem declaret; tamen tum subiecti, tum argumenti ratio, ex quibus petenda sæpe germana vocum significatio, ostendit hoc loco vnam & eandem honoris speciem intelligendam esse; cum, ut ostendi antea, religiosus honor, de quo hoc loco agitur, non duplex, sed vnus & simplex sit.

Deinde agit de vocabulo latræ, dicens se non videre, unde hoc habeat Bellarminus, quod cultus solius Altissimi eo significetur: nisi fortasse ex illis verbis, & illi soli servies, pro quo in Græco, apud Mat.4.v.10: Luc.4.v.8. est λατρεύσεις, sed hoc satis non esse: quandoquidem hac ratione sequeretur, inquit, verbum προσκυνεῖν, cultum significare, qui soli Altissimo convenit, quod tamen palam falsum est.

Resp. Distinctiones illas cultus religiosi, in λατρείαν, δαλείαν, ὑπερδαλείαν, à pontificijs inventas esse, ne idololatricis ipsorum cultibus fucatus deesset color: promiscuè enim voces istæ in sacris vsurpantur, ad cultum Dei designandum: nec vllæ sunt voces, quæ nobis distinctas cultus & adorationis species, aut summam, & subordinatam summæ adorationem ob oculis ponant; adeo ut putidi & inepti admodum sint, qui religiosum cultum, per varios,

eosque superiores, & inferiores gradus distinguere non reformidant.

CAP. I. Sextæ Classis argum,
De opere creationis.

Sequitur sexta argumentorum classis, quæ ab Operibus divinis Christo tributis, ducuntur. Primum Dei ad extra opus, creatio & productio rerum omnium ex nihilo: quod cum unius & solius Dei proprium opus sit, Christo tamen tribuitur: efficitur hunc Christum esse Deum illum unum. Christo verò eam tribui, in examine locor. Iohan 1. vers. 3: Coloss. 1. vers. 16: Hebr. 1. v. 10: Prov. 8. v. 27. ostensum est: ad quorum testimoniorum confutationem hoc Socin. pag. 456. in præsentiarum adfert *nusquam in illis, sive Christo, sive rei illi, quem adversarij Christum esse contendunt, tribui quod creaverit, aut etiam fecerit: sed tantum, quod vel tanquam instrumentalis causa creandi & faciendi fuerit, vel, quæ fiebant, aut creabantur, composuerit, si modo inquit, ex ipso creationis opere, ut quidem profitentur, argumentari volunt, adversarij,*

Resp. Socinum *αὐτολογεῖν*, & improprie valde loqui, cum hîc & alibi passim, Christum causam instrumentalem appellat, quia Deus Pater, per Christum omnia operari dicitur. Proprie enim causa instrumentalis est illa, quæ concurrat ad effectum producendum nobiliorem se, seu, quæ excedit mensuram propriæ perfectionis

nis & actionis : causa verò principalis est illa propriè, quæ producit effectum, per virtutem, vel effectui æqualem, vt fit in causis vnivocis ; in quibus effectus est ejusdem rationis, cum principio producente : vel effectu nobiliorem, vt fit in causis equivocis, in quibus effectui cum causâ suâ, in eadem formâ non convenit formaliter ; sed causa totum quod est in effectû, secundum rationem eminentiæ continet. Omnis ergo causa, quæ habet virtutem intrinsecam, aliquâ elevatione non indigentem, sed effectui proportionatam, causa principalis rectè dicitur. Iuxta hanc autem veram & propriam, causæ instrumentalis & principalis, tum definitionem tum distinctionem ; non causa instrumentalis, sed digniore nomine causæ principalis & primariæ, meritò appellari debet & rectissimè appellatur Christus. Quod si existimet Socinus, Christum non aliam quam instrumentalem creationis causam dicendum esse ; quia Pater per eum creasse, aut fecisse dicitur ; pari ratione statuendum erit, nullam creaturam causam principalem alicujus effectus esse, (quod nemo hætenus sensit) quia certissimum est, omnem causam secundam dependere à causâ primâ. Eodem modo dicendum esset, quamlibet potentiam, aut principium operandi, per quod suppositum agit, causam instrumentalem actionis esse ; vt potentiam intellectivam actionis intelligendi ; potentiam visivam visionis, & sic deinceps, quæ locutiones improprie. Quod si ergo Christus causa instrumentalis creationis dicenda, in latiore & impropria significatione,

accipienda erit vox illa. Dico præterea, dato, Christum non aliam, quàm instrumentalem creationis causam dicendum esse, minimè inde consequi, Christum non rectè & verè creatorem rerum omnium dici: nam vel ipsum agens instrumentale, propriè sic dictum, absolutè denominatur agens, ab instrumentaria actione: sic Timot. salvaturus dicitur, qui ipsum audierint 1. Tim. 4. v. 16: culter scindit, & tamen tantum modò instrumentaria actione: multò magis ergo causa quæ impropriè causa instrumentalis, causa principalis verò est, & dici meretur. Nec sequitur illud, quia Pater operatur per Filium, Filium non denominari rectissimè creatorem: nam & Pater miracula per Filium fecit, nihilominus dixit Filius: *quæcunque Pater facit, Filius similiter facit.* Pater per Filium salvat mundum, & eundem judicabit, nihilominus Filius salvator, & iudex mundi appellatur, pari jure sane creator omnium dicatur, quia per eum creata sunt omnia. Nec etiam præpositio *per*, causam instrumentalem designat talem, quæ Christo adimat, vt sic dicam causæ principalitatem, Deus enim per manus & digitos suos, hoc est potentiam suam, creavit omnia, illa nihilominus causa principalis rerum omnium. Accedit, quòd præpositio *per*, etiam Patri tribuitur: Gal. 1. v. 1: 1. Cor. 1. v. 9: 2. Cor. 1. v. 9: Eph. 1. v. 1. Et quod si etiam Socinianis onus imponeretur probandi, præpositionem *diæ* apud Iohan. relationem Filij ad Patrem, in opere creationis indicare, aut Filium fuisse principium, per quod operatus Pater, istà phrasi expressum

pressum esse, non esset sane in promptu probatio quamvis alioqui hoc in se verissimum sit. Sic cū Apost. dicit Rom. i. v. 5. *Per quem accepimus gratiam & Apostolatum*; non eo indicat, Christum causam esse mediam, per quam Deus Apostolo gratiam & Apostolatum contulit; sed simpliciter voluit, Christum sibi authorem gratiæ & Apostolatus. Sic ad Gal. cap. i. v. 1: Rom. 5. v. 12. Primus homo causa principalis peccati & mortis, præpositione tamen διὰ, ad id significandum vsus Apostolus.

Secundò ad locum Esa. 44. v. 24: ubi scriptū extat. *Ego sum Dominus, extendens calos solus, stabiliens terram & nullus mecum*: Iob. cap. 9. v. 8. *Qui extendit calos solus*, excipit adversarius, hac testimonia non probare, Deum in mundo condendo & componendo, nullius prorsus operā fuisse usum, sed tantum nullius, qui ab ipso totus non penderet, vimque istam, circa mundi creationem, aliquid operandi, ab ipso omnem non habuerit; sic enim meritò dicitur Deus solus, & à nemine adjutus, mundum creasse ac fecisse, cum omnis vis & munus, quidquam in eā re faciendi, quod alius habuerit, ab ipso prorsus profectum fuerit: præsertim, cum ex hoc intelligi possit, Deum istius operā, non propterea fuisse usum, quia sine ipsā mundum condere non posset: sed ut bonitatem suam exerceret, in communicandā aliquā ratione, cum illo, vi & potestate suā; ad hunc sanè modum Arriani testimonia ista haud immeritò interpretantur, aut certè interpretari possunt.

Socin.

pag. 457.

Resp. Planissimè ex Scripturā sacrā constare, Deum solum rerum omnium creatorem esse, ut

vnus & solus Deus est, nullumque illi, in con-
 dendo mundo, consortem fuisse: nam si vnus
 aut plures cum Deo illo vno, rerum omnium
 conditores fuissent, etiam cum eo colendi &
 adorandi fuissent, creatio enim opus est, pro-
 pter quod creator coli dignus sit & debeat. Ita
 Ionas emphaticè Ion. i. v. 9, *Iehovam Deum ca-*
lorum ego reveor, qui fecit mare & aridam. Pau-
 lus Apostolus Act. 14. v. 15. Hinc creatio signū
 διακριτικόν est, quo verum numen à falso numi-
 ne discernitur Ierem. 10. v. 11. Accedit, quod
 si hæc testimonia non probant, neminem cum
 Deo mundum creasse, necesse esse, fluctuare
 Socinianos in fide unius Dei creatoris, & ex
 Scripturis, nullo modo certos esse, unusne an
 plures fuerint mundi creatores; cum vox ista,
solus, & similes, numerum incertum & indefi-
 nitum ipsis denotent, ex quo certè constare non
 potest, quis, quot, quinam creatores, sed hoc
 tantum, nullum à Deo independentem, quique
 vim istam circa mundi creationem, aliquid o-
 perandi, ab ipso omnem non habuerit, illi in
 creatione non fuisse socium. Illa ergo testi-
 monia, aut concludunt, nemini extra Deum
 potentiam creandi communicatam, & nullum
 cum Deo creasse, aut numerus creatorum incer-
 tus erit, quod est in fide absurdissimum, ideo-
 que Socinus Arrianismo infelicitè patrocinatus
 est.

Adfert & illud adversarius. *Christum quan-*
do non dicitur, causa creandi & faciendi instru-
mentalis fuisse, dici tantum, quæ fiebant, aut crea-
bantur, composuisse: quibus verbis procul dubio
 respicit

respicit ad locum Prov. 8. vers. 30. ubi Franciscus Vatablus, ex Hebræo vertit; *eram apud eum veluti alumnus* : quæ verba exponens in annotationibus, ait. *Velut es qui alit, & educat ista inferiora* : versio interlineata habet, *nutritius*, vt vertit etiam in lexic. Buxtorfius, Iunius, Tremellius, vertunt *educans* : vetus habet, *cum ea eram cuncta componens*, Græcam versionem secuta, ἦμην παρ' αὐτοῦ ἀρροξῆσα. Quicquid verò, de strictâ & propriâ vocis Hebræe notione statuatur, illud non negandum; aut creationem ipsam, aut partialem aliquem actum, ad creationis opus vniversè sumtum pertinentem, eâ significari, quod ad vim argumenti, quod ex creationis opere desumitur, hoc loco perinde est: siue enim narratio instituatur particularis, de re vna aut pluribus à Deo creatis, siue narretur partialis aliquis actus, qui vniverso creationis opere comprehenditur: siue narretur creatio rerum omnium, vocibus talibus, quæ integrum creationis opus comprehendunt, semper vniversum creationis opus intelligitur, ideoque ad rem non facit, quod Christus non creasse, sed composuisse dicitur: cælos extendere, partialis creationis actus est, eo tamen Iob, significatum voluit tacite, aut rectè saltem inde concluditur, Deum simpliciter omnium rerum creatorem esse.

Porro ad objectum sibi locum Ioh. 5. vers. 19: *quacunque Pater facit, hæc & Filius similiter facit*, respondet, de horum verborum sensu se dixisse, in responsione ad tertium argumentum

vnus & solus Deus est, nullumque illi, in con-
dendo mundo, consortem fuisse: nam si vnus
aut plures cum Deo illo vno, rerum omnium
conditores fuissent, etiam cum eo colendi &
adorandi fuissent, creatio enim opus est, pro-
pter quod creator coli dignus sit & debeat. Ita
Jonas emphaticè Ion. i. v. 9, *Iehovam Deum ca-
lorum ego reveor, qui fecit mare & aridam*. Pau-
lus Apostolus Act. 14. v. 15. Hinc creatio signū
διακριτικόν est, quo verum numen à falso numi-
ne discernitur Ierem. 10. v. 11. Accedit, quod
si hæc testimonia non probant, neminem cum
Deo mundum creasse, necesse esse, fluctuare
Socinianos in fide unius Dei creatoris, & ex
Scripturis, nullo modo certos esse, unusne an
plures fuerint mundi creatores; cum vox ista,
solus, & similes, numerum incertum & indefi-
nitum ipsis denotent, ex quo certè constare non
potest, quis, quot, quinam creatores, sed hoc
tantum, nullum à Deo independentem, quique
vim istam circa mundi creationem, aliquid o-
perandi, ab ipso omnem non habuerit, illi in
creatione non fuisse socium. Illa ergo testi-
monia, aut concludunt, nemini extra Deum
potentiam creandi communicatam, & nullum
cum Deo creasse, aut numerus creatorum incer-
tus erit, quod est in fide absurdissimum, ideo-
que Socinus Arrianismo infelicitè patrocina-
tus est.

Adfert & illud adversarius. *Christum quan-
do non dicitur, causa creandi & faciendi instru-
mentalis fuisse, dici tantum, quæ fiebant, aut crea-
bantur, composuisse: quibus verbis procul dubio
respicit*

respicit ad locum Prov. 8. vers. 30. ubi Franciscus Vatablus, ex Hebræo vertit; *eram apud eum veluti alumnus* : quæ verba exponens in annotationibus, ait. *Velut es qui alit, & educat ista inferiora* : versio interlineata habet, *nutritius*, vt vertit etiam in lexic. Buxtorfius, Iunius, Tremellius, vertunt *educans* : vetus habet, *cum ea eram cuncta componens*, Græcam versionem secuta, ἦμην παρ' αὐτῷ ἀπποξῶσα. Quicquid verò, de strictâ & propriâ vocis Hebræe notione statuatur, illud non negandum; aut creationem ipsam, aut partialem aliquem actum, ad creationis opus vniversè sumtum pertinentem, eâ significari, quod ad vim argumenti, quod ex creationis opere desumitur, hoc loco perinde est: siue enim narratio instituatur particularis, de re vna aut pluribus à Deo creatis, siue narretur partialis aliquis actus, qui vniverso creationis opere comprehenditur: siue narretur creatio rerum omnium, vocibus talibus, quæ integrum creationis opus comprehendunt, semper vniversum creationis opus intelligitur, ideoque ad rem non facit, quod Christus non creâsse, sed composuisse dicitur: cælos extendere, partialis creationis actus est, eo tamen Iob, significatum voluit tacite, aut rectè saltem inde concluditur, Deum simpliciter omnium rerum creatorem esse.

Porro ad objectum sibi locum Ioh. 5. vers. 19: *quacunque Pater facit, hac & Filius similiter facit*, respondet, de horum verborum sensu se dixisse, in responsione ad tertium argumentum

mentum tertiæ classis, quò etiam lectorem rej-
cimus. Deinde ait, *Christum hîc de miraculis
tantum loqui*. At contra, cum ista miraculorum
patratió recens esset, nec conspicuum, miracu-
losa opera diebus Sabbathinis à Patre facta esse,
convenientius certè est, & magis ex scopo Iesu
Christi, restrictionem istiusmodi non facere:
Christus enim in antecedentibus, quibus hæc
cohærent continuatâ orationis & argumenti
serie: dixit *Pater meus usque adhuc operatur, &
ego operor*; quæ verba non recens initium, sed
diuturnum illorum operum exercitium indicât.
Scopo Christi hæc interpretatió convenientior,
Christo hîc propositum refellere Iudæos, qui
offendebantur propter ægrum Sabbatho cura-
tum, multò autem apertius & fortius refellun-
tur Iudæi, qui sanatione ægri, Sabbathum à
Christo violatum existimabant, argumento du-
cto, ab opere communis providentiæ, à quo o-
pere Deum Patrem nunquam cessasse die Sab-
bathi apertum erat Iudæis, & vt isto opere glo-
rificatur Pater, ita etiam, hoc opere Sabbathum
non violatum esse convincebantur. Disputatio-
nem, quam hîc movet de productione animæ
rationalis, quia ad scopum præsentis quæstionis
non facit, non attingam. Unum hoc moneo,
missâ quæstione, quæ agitur, de modo origi-
nis animæ rationalis, an ex traduce sit, an à Deo
infundatur, illud interea indubitatum esse, spiri-
tum & animam humanam, divinæ admirabilis
& arcane providentiæ opus & munus esse. Est
enim Deus Jehova, *Deus spirituum omnis carnis*:
Num. 27. v. 16: Heb. 12. v. 9: Ecclesiast. 12. v. 7:

Act. 17. v. 25: hoc hîc posuisse cōtentus ero, altius in ista adyta non tentabo hoc loco penetrare. Tertullianus pertinax traductionis & propagationis defensor fuit, de animâ cap. 20: qui etiam Senecam eò trahit: sed verè trahit, Stoicis enim longè alia mens. Quid Lactant. lib. 3. cap. 18. *Pythagorici, inquit, & Stoici, cum timerent argumentum illud, quo colligitur, necesse esse, ut occidant animæ cum corporibus, quia cum corporibus nascuntur: dixerunt non nasci animas sed insinuari in corpora: quâ voce Lucretius Epicureus, aliquoties est vsus in Stoicis refutandis: hos enim potissimum intelligit, cum hanc sententiam refutat lib. 3. multis versibus. Rationi sane & Dei verbo consentaneum magis è cælo & æthere advenire animum, ut Stoicis, & alijs melioris notæ Philosophis placuit. Sed missis hisce, ad rem redeamus. Sententiæ igitur de creatione hoc etiam iucommodum opponit Socinus, quod Christus, in præsentî tempore loquatur, quod nullo pacto, ad præteritum trahi possit, nisi prius constet, Christum jam tunc extitisse. Sed facilis est responsio, de præexistentiâ Christi constare, cujus contrarium Socini negatio non probat: quid enim tam certum, de quo non dubitatur: Scepticorum est, de omnibus dubitare, nec defuit qui diceret nivem esse calidam contra iudicium sensus.*

Venit postremo ad locum Ierem. 10. vers. 11. ut eo se exolvat. Locus ita habet. *Dij, qui cælum & terram non fecerunt, pereant de terrâ. Valet dilemma ex hoc loco: aut non est colendus Deus Christus, aut est creator mundi.*

Resp.

Resp. Primò ad hoc argumentum, à se plenissimè ac solidissimè responsum esse, in disputatione adversus Andream Volanum; summam verò responsionis hanc ait. *Primum Ierem. non loqui de omnibus Dijs, sed ijs, qui Iehovæ à Deo opponuntur, atque ut primi authores rerum coluntur: quod nos minimè in Christo Deo asserendo facimus, imò illum Iehovæ Deo subordinatum esse dicimus, ut unico rerum omnium auctori, ab ipsoque totum pendere: nam nisi isto pacto Ierem. verba interpretaremur, exterminandi essent & alij Dij, qui tamen Iehovæ sunt cari, de quibus supra est visum. Deinde cum Ierem: ista scripsit, Christus nondum erat, nec ullo modo apparet, dictum istud ad omnia consequentia tempora pertinere: imò ex loco ipso constat, hanc fuisse admonitionem Ierem. ad Iudæos, qui tunc temporis in Babyloniâ degebant, ut scirent quid sibi respondendum esset Chaldæis illis, si ab ipsis ad idola colenda sollicitati fuissent.*

Resp. Scriptum adversarij adversus Andreæ Volanum, visum & lectum à me aliquando, sed jam mihi ejus non datur copia: sed parum refert; epitomem solidissimæ ac plenissimæ, de quâ gloriatur responsionis, hîc habemus, quâ debellatâ, nihil ibi solidi restabit. Quod ergo primò dicit, Prophetam verba facere de Dijs Iehovæ oppositis, & qui, ut primi authores rerum coluntur, Christum ex suâ suorumque sententiâ, à Iehovæ dependentem esse, eique subordinatum, illud sane nihil solidi, sed inanem & meram umbram continet: nam omnes Iehovæ sunt oppositi, qui cælum & terram non creaverunt, quod disertè assertio Prophetæ continet: nihil

nihil ergo ad rem facit, siue Dij illi considerentur vt collaterales, siue vt Deo vero subordinati: frustranea enim, & vana prorsus omnis distinctio, vbi res ipsa simpliciter vetita est. Plures enim vno Deos colere, sub Mose & Prophetis, sine idololatriæ crimine erat impossibile: nec subordinatio magis liberat ab idololatriæ crimine, quàm collateralitas. Vitulus aureus, quem Aaron precibus populi inductus, in deserto conflagavit: imagines Ieroboam, quas ille in Dan & Bethel erexit, erant nō minus Dij exterminandi (quamvis Iehovæ Deo subordinabantur, & omnes, qui illis deferebatur honos, eā mente à cultoribus ijs deferebatur, vt in honorem summi Dei rediret) quam Baal & Dij peregrini, ab alijs populis assumpti, & Iehovæ collaterales facti. Accedit per hanc responsionem, omnes idololatricos Pontificiorum cultus justificari; solum enim Deum vt primum authorem rerum colunt, & cultus, quos sanctis exhibent, non vt Deo se exhibere protestantur, siue vt talem concilient illis opinionem, qualem in solam Dei maiestatem competere norunt: honorem ergo, Deo debitum, suis cultibus Deo ereptum non eunt, si quicquam aut veritatis aut soliditatis in hac responsione est. Hanc tamen omnino probandam, putat Socin. eo motus argumento, quod alioqui exterminandi essent & alij Dij, qui Iehovæ cari: ita sane si angeli aut magistratus transformentur in numina religiosè colenda *Socin.* (de Dijs enim colendis hīc agitur) exterminandi profectò, eatenas enim abominanda & fictitia eorum divinitas esset: supremum enim numen

men hac in parte consortis impatiens est.

Tertio ait, *Christum tum nondum fuisse, nec ullo modo apparere, dictum istud ad omnia consequentia tempora pertinere, ex loco ipso constare, hanc fuisse admonitionem Ierm. ad Iudaeos, &c.* Ad hoc replico, primam ergo responsionem nullam esse & falsam: si enim Ierm. de tempore praesenti intelligendus est, omnis ergo Deus, qui colebatur religiosè, Iehovæ simpliciter oppositus fuit: vim verò istius dicti & similium ad consequentia etiam tempora, extendendam esse, eo suadet, quod lex ista de uno Deo colendo, & nullo alio, habenda sit pro lege absolutè immutabili: leges enim istæ absolutè immutabiles sunt, quæ jubent & vetant aliquid, cuius contrarium intrinsecam & inseparabilem à se pravitatem continet: ut lex quæ vetat, Deum non colere, proximum non diligere, mentiri, scortari, adulterium committere, & similia: alium Deum colere religiosè, quocunque tandem modo conceptum vetuit lex & Prophetæ: hoc autem juris perpetui esse, probatur ex ratione latae legis: ratio latae legis est, quia Deo eripitur sua divinitas & gloria, & ad alium transfertur Esa. 42. Nec hoc adhæret aut inest cultui religioso, qui defertur alij, quia Deus tulit legem talem, sed quia turpitudine ista adhæret actui, illa Deo causa æquissima latae legis. Cum ergo cultus vnius Dei, talis sit naturæ, ut ejus opposito adhæreat, quod intrinsecè & naturâ suâ malum est, necesse est censeamus, legem de vno Deo colendo irrelaxabilem & æternam esse, ut sunt omnes istæ leges, quarum fundamentum est naturalis
recti.

rectitudo actuum, vel pravitas, quæ ipsis intrinseca, & ab iisdem inseparabilis. Deinde lex hæc non est abrogata, & Prophetæ, cum de idolis abolendis vaticinantur, solent ad tempora consequentia frequenter respicere; & cum unum Deum colendum dicunt, non hoc tantum ratione præsentis temporis dicunt, verum etiam futuri: multæ enim eâ de re extant peregregiæ prædictiones: idem autem est, sive idola dicas, sive Deos, qui cælum & terram non creaverunt: ergo hoc ad tempora V. T. restringi non debet; sed ad tempora N. Test. extenditur, ad quæ disertè Christus extendit præceptum, de solo Deo & Domino Israel adorando ex quo satis apparet, jam tum adhuc ratam fuisse sanctionem illam, de exterminandis Dijs illis, qui cælum & terram non creaverunt, & ut Iudæis hoc respondendum fuit, à Chaldeis ad idololatriam sollicitatis, sic etiamnum Christianis hoc respondendum est, qui eos abducere tentant, ad Deum, qui non est creator omnium.

CAP. II. Sextæ Classis argum.

De opere conservationis.

Alterum Dei, creationi succedaneum & succenturiatum opus, est conservatio: hoc proprium Dei opus est & Filio ascribitur Heb. i. v. 3: Col. i. v. 17.

Socinus primò excipit, *vocem omnia, non uni-*

Socin.

pag. 460.

versè accipiendam, sed ad Christi Ecclesiam & regnum accomodandum: Verùm negatur, hîc restrictionis esse causam, in antecedenti locutus de creatione, ergo & hîc de conservatione universalis, verba intelligenda sunt: locus ad Eph. cap. i. alterius argumenti, verba autem secundum subjectam materiam accipienda sunt.

Secundò excipit; verbum græcum Φέρειν, hîc potius agendi seu movendi ac moderandi significationem habere, quàm portandi, authoritate Erasmi hoc loco fretus, & Ambrosij etiam, qui commentarijs in hanc Epistolam portans interpretatur gubernans: etiam illud verbo potentia sua, quo iussus & imperium significatur, non ita aptè conservationi, ut gubernationi convenire, hanc conservationem essentialem, rerum omnium Christo nusquam tribui, si tamen tribueretur, dicendum fore, Christum non habere potentiam illam ex seipso, sed Dei dono. Hęc summa responsionis.

Verùm respond. significationem propriam vocis Φέρειν, præsumendam esse, ac proinde non gubernationi, sed conservationi rerum omnium accomodandam esse, inter varias hujus vocis significationes, apud eos, quos ego quidem consulere potui, nulla invenitur, quæ ad gubernationis opus quadret. Nec vox Φέρειν sola, sed voci ἄγειν conjuncta Erasmo est moderari aliquem, suo arbitrato. Verùm neque græca illa verba, moderationem quamlibet, sed cum impotenti libidine, conjunctā denotant: est enim ἄγειν καὶ Φέρειν græcis, idem quod populari, Synes. ἐπειδὴ λυδίας ἀρχῶν ἦγε καὶ ἔφερε τὰ λυδῶν: quod Livius Latino sermone, libro octavo de bello

bello Macedonico enarravit. Tum demum fracta pertinacia est, ut ferri agique res suas viderunt. Herodotus lib. primo οὐδὲν γὰρ ἐμοὶ ἐκ τούτων, μετὰ ἀλλὰ φέρσι τε, καὶ ἄγχι τὰ σά: neque etiam significatio verbi potentiae, gubernationi, quàm conservationi accommodatior: tam enim efficax Dei imperium tum creationi, tum conservationi, quàm gubernationi praesidet, de potentia conservandi naturali & ex Dei dono, non est quod ad nauseam rursus inculcemus.

Locus ad Colossens. habet πάντα ἐν αὐτῷ συνέστηκε: hic rursus vocem omnia, non universè accipiendam, restringendam esse ad res intelligentiâ praeclatas, eas à Christo conservari, quatenus per Christum sunt reformatæ. At de his iudicium fiat ex antedictis ut tautologiam vitemus nimiam.

C A P. III. Sextæ Classis argum.

De opere Salvationis.

Tertium, Dei proprium & incommunica- Socin.
bile opus, est salvatio Esa. 43. v. 10. Ego pag. 462.
sum Dominus, & non est absque me Salvator: Esa.
45. vers. 21. Deus iustus est, salvans non est prae-
ter me. Ose. 13. v. 4. Ego sum Dominus Deus, &
Salvator non est prae-ter me. At Christus est ser-
vator noster nos redimens, justificans, regene-
rans, vitam æternam dans, &c.

Excipit autem adversarius, servare proprium
Dei opus esse, quatenus omnis salus, a Deo pro-
ficiscitur,

fuscitat, & vivificat mortuos. Quod si dicant antagonistæ salvationis opus, esse Dei; quia omnis potentia, a Deo in Christum ex Dei dono derivata est; neque hoc consistet, nam alteri potentiam agendi communicare, non est agere ea, quæ per potentiam illam peraguntur: nam sic & mortui, dicerentur operari, negotiari, quia cum in vivis essent, alij ab ijs potentiam agendi & facultatem negotiandi consecuti sunt. 3. Firmamentum illud, quod hîc causæ suæ subternit Socinus, nullius est roboris; non enim repugnat, Deum illum vnum datum, missum, excitatum & evectum esse in Salvatorem, vt putat Socinus & cum eo Ostorod. institut. Germ. cap. 12. hoc verò cum sine probatione vllâ afferatur, negatione nudâ satis & meritò repellitur.

Exponit deinde, *qualem Christi, in nobis salvandis potestatem, agnoscat, eam non esse ministerialem, sed cum summâ potestate conjunctam*: quia autem à Bellarm. hîc inter alia profertur locus ad Heb. 1. vers. 3: *purgatione peccatorum nostrorum per se ipsum factâ*, ad probandum pag. 463. Christum non servare, tanquam ministrum. Opponit Socin. *ea nihil ad Christi potestatem, in negotio salutis nostræ significandam pertinere: sed tantum doceri, Christum non per sanguinem hircorum & taurorum, sed per proprium sanguinem id fecisse*: est enim, inquit, ibi verbum græcum *πρωτόμεν*, quod præteritum tempus, propriè declarat.

Ad hoc respondeo, istud quàm maximè facere, ad significandam, Christi in nobis servan-

dis potestatem , ad nos enim redimendos & purgandos a peccatis , non sufficit nisi Deus : nec pretium sufficiens pro peccatis nostris , sanguis Jesu Christi esset , nisi sanguis Filij Dei esset ; & dignitas satisfactionis , dependet a dignitate personæ , personam autem quæ non est Deus satisfacere posse pro peccatis nostris , putem non tueri adversarium , quem , fertur , ex negatâ verâ & æternâ Christi deitate , ad negationem satisfactionis , pro peccatis nostris , prolapsus esse.

Immiscet his deinde paucula , de ratione expiationis peccatorum nostrorum , sed ea quia alterius argumenti sunt , nunc non attingo. Ad locum denique Esa. à Bellarm. prolatum , respondet eum a se explicatū , in responsione , ad tertium argumentum , secundæ classis , quod etiam compendij causâ lectorem remitto.

CAP. IV. Sextæ Classis argum.

De prædictione futurorum & scrutatione cordium.

Quartum Dei, Deo proprium opus, est futurorum prædictio & scrutatio cordium. Cujus est absolute & pro arbitrio futura prædicere, & corda scrutari, ille est Deus ille unus, At hoc est Christi. Ergo. Major certa est rerum enim futurarum scientia, propria vero Dei nota est, quâ ille ab idolis, & quicquid non est verus Deus

Deus discernitur : Esa. 41. vers. 23 : ita & cordium scrutatio. Deo propria. Minor probatur à Bellarm. testimonis quatuor Iohan. 13. vers. 19 : 1. Pet. 1. vers. 11 : Iohan. 2. v. 25 : Apocal. 2. vers. 23.

Ad primum testimonium excipit Socin., locum hunc generatim, Christo futurorum prædictionem non tribuere : nec in istâ unâ re prædicendâ, eum aliquid singulare habere, docere præter id, quod Propheta habuerint, qui & ipsi futura prædixerunt : quare inquit, nihil quod ad Christi divinitatem attinet, ex eo concludi potest, præsertim, cum aliunde constet, Christo a Deo, quæ futura sunt, patefieri Apocal. 1. v. 1.

Resp. Etsi isto loco, de vnius alicujus rei prædictione agatur, non verò de prædictione omnium, sequitur tamen ex eo, Christo prædictionem rerum omnium possibilem, ista enim prædictio, ex infinitis omniscientiæ ejus thesauris, prolata est : nam alioquin, nusquam à Deo facta prædictio rerum omnium ; res enim quæ revelatæ sunt, minima pars sunt earum, quæ revelari potuerunt ; ex prædictionibus tamen variarum & singularum rerum, a Deo factis, meritò efficitur, generatim prædictionem rerum omnium Deo possibilem esse. Sic ergo ex eo, quod prodictionem Iudæ pro arbitrio prædixit Dominus, & plura alia quæ revelare ipsi visum fuit nobis, meritò concluditur, futurorum prædictionem, generatim illi possibilem, quamvis alioqui ex vi consequentiæ formalis & Syllogisticæ, non sequatur, ut qui vnum præscit, & alterum præscit,

hic tamen ex prædictionis modo, & vi materiæ subjectæ, de quâ agitur rectè colligitur: nam modo prædicendi, Christus à Prophetis distinguitur, ut ab iisdem Deus: res futuras quasi libet, pro arbitrio prædicere, non est Prophetarum, essent enim alioquin Dij ut Deus ipse testatur Esa. 41. v. 23. Prophetæ sic non prædixerunt, per visiones enim, somnia & internum Spiritus alloquium, subinde erudiebantur, de rebus a se prædicendis: semper fere illud ingerunt: *sic ait Iehova*. At prædictiones Iesu Christi, ita se habent ut ille istarum Dominus, & author sit, & Apostoli per Spiritum Christi, prædictiones fecerunt, adeo ut prædictiones illæ Christo ita competant, ut meritò pro Deo habeatur, & agnoscat, juxta ipsius Dei, de rerum futurarum prædictione indicium & pronuntiatum, istam verò scientiam incommunicabilem, probatum illis locis, ubi contra communicationem deitatis per gratiam actum est, hoc enim attributum, paris rationis est, hac in parte, cum essentia divinâ, & alijs rebus divinis.

Instat Socin. *Christo à Deo, quæ futura sunt, patefieri*. Repono Christum per generationem essentialem ex Patre esse quod est, hoc est quod asserunt Orthodoxi: Christo Iesu autem, patefactionem ex gratiâ factam esse, hoc loco Apocalypsis non dicitur: neque ex vi istorum verborum, quod Apocalypsis illi à Deo data est, sequitur Deum Christo revelasse res eas, quæ Apocal. comprehensæ, nihil enim impedit dicere, Christo fuisse optimè cognitæ, res Apocalypsi contentas, ante illam Apocalypsis dationem,

nem, de quâ in Iohan. verbis agitur. Nec sane à Iohanne dicitur Christo Apocalypsin à Deo patefactam esse, sed datam, vt indicaret servis suis, in quo proprium ejus officium, quo Dei & hominum Mediator est, consistit, secundum quod etiam à Iohan. in hac gradatione factâ consideratur. Neque etiam sententiæ Socini, de hoc loco Apocal. bene convenit, cum ejusdem hypothefibus, de absoluto regno & dominatione Christi, super res omnes, quæ quidem relationem & habitudinem quandam vt loquuntur, ad regnum ejus, involuunt: tales autem, res omnes esse quæ hac Apocalypsi revelantur, ex descriptione objecti Apocalypsis manifestû est; pertinent enim ad servos Iesu Christi, consequenter ad regnum Iesu Christi, quod in terris habet, non potuerunt ergo illæ Christo à Deo patefieri, neque vt hoc fieret, vlllo modo opus fuit; cum Christus sit Rex ille Regum, & Dominus Dominantium, qui res illas omnes ex consilio & imperio suo moderabatur. Nam sive sint defectiones à doctrinâ Christianâ, sive peccata alia gravia, sive Ecclesię persecutiones gravissimæ: aut fidelium probationes & castigationes: aut judicia severitatis in impios, gratiæ in bonos: illa omnia sane fiunt, aut facta sunt Christo rege, de ijs, ex consilio voluntatis suæ statuente, efficaciter decernendo & permittendo, quæ sanè decreta & dispositiones cœlestis illius imperatoris, de rebus omnibus & singulis, cum non possint illi, non esse perspectissima, nullus alienæ patefactioni hîc locus esse potuit aut potest.

Socin.
pag. 465.

In loco 1. Pet. 1. v. 11, dicitur *Spiritus Christi in Prophetis prænuntiâsse passiones & gloriam Christi*. At occurrit Socin. *Spiritum Christi hîc dici, quia suggerit ea, quæ sunt Christi; quemadmodum Spiritus veritatis dicitur, qui suggerit, quæ sunt veritatis* 1. Iohan. 4. v. 6: hoc sensu ait Paulum eâ phrasi uti, cum ait, itaque, quæ pacis sunt sectemur Rom. 14. v. 19.

Resp. Expositionem istam meritò reiiciendam esse, & phrasin istam ex aliorum locorum analogiâ, interpretandam esse, Spiritus enim Christi dicitur, quia Christo proprius, quia à Christo est, datur, mittitur, vide hoc ipso loco v. 12: Rom. 8. v. 9: Gal. 4. v. 6. loca pro novâ expositione istâ allata, nihil hîc valent, nam verba secundum materiam subjectam & pro cuiusque loci conditione, sunt exponenda.

De cordium scrutatione agitur primò Ioh. 2. v. 25. *Ipsè enim sciebat, quid esset in homine*. Opponit adversarius, hanc arcanorum cordis scientiam communicabilem Christo, eam Dei dono communicatam esse: Christum novisse spiritus suo, cogitationes hominum, Spiritu Dei, non esse opponendû, hæc consentanea esse, eo loquendi modo, conjecturas, & aliorum hominum patefactiones tolli; non divinam sed humanam patefactionem excludi. Hæc responsio quod ad rei summam.

Socin.

pag. 466.

Pro solutione est, nemini extra Deum, communicari simpliciter & absolutè arcana cordiû nosse: hoc viris sanctis non fuit communicatum, qui aliqua tantùm arcana noverunt, quandoq; ex singulari revelatione Spiritus: ut enim Deus unus est; ita unus & solus, novit omnia corda filio-

filiorum hominis : 1. Reg. 8. v. 39 : nec Deus, cum se à rebus omnibus alijs distinguit, appropriando sibi hoc & alia attributa, non habendi modo sed possessione ipsa à rebus omnibus alijs distinguit. 2. Cum Christus, Spiritu suo, arcana cordium novisse dicitur, hoc patefactioni gratiosæ, quæ nudis hominibus per Sp. Dei dono contingere solet, opponendum est : Christus enim Spiritu suo tanquam omniscio, simpliciter & absolutè homines omnes & arcana eorum cognoscente, sciebat hominum cogitationes : de nudis hominibus, quibus aliqua contigit revelatio, alia ratio est.

Ad locum Apoc. 2. v. 23, sic Socinus, *se facile cum adversarijs admittere, nullum Prophetarum, ita ausurum esse loqui, & unâ cum adversarijs dicere, Christum Prophetis omnibus longè præstare, verum ut ex Dei dono habet dominium & regnum, ita & absolutam humanorum cordium notitiam habere (utpote sine quâ, tota ejus gubernatio, quæ interiorem hominem, potissimum respiciat, consistere non possit) proinde, ex hoc concludi non posse, Christum esse illum unum Deum; articulum quidem hîc in Græco haberi; verum sciendum esse, articulum, participijs junctum, sæpius nullam vim habere.* Socin. pag. 467.

Resp. Me cramben illam jam toties recoctam transmittere. 2. Arietem illum articularem, quo toties nos quassavit Socinus, quia non nihil hîc sibi metuebat ab eo, contemnit tanquam invalidum. Ita pro arbitrio tollit, extollit, amplificat, extenuat, & in quam velit faciem habitumque transformat articulum.

CAP. V. Sextæ Classis argum.

De Patratione miraculorum.

Socin.

pag. 468.

469. 470.

Quintum & vltimum proprium Dei opus, est, patratio miraculorum. Argumentum ex eo ductum, in formâ, sic habet. *Qui verò inherente sibi potentiâ, miracula patrat, ille est Deus ille unus. At Christus propriâ auctoritate & potentiâ sibi inherente, patrat miracula. Ergo.*

Summa autem Socinianæ exceptionis est. *Cum dicitur solius Dei esse facere miracula, sensum esse, vim omnem ac potestatem faciendorum miraculorum ab uno Deo proficisci; hanc concessionem variam esse, ampliorem restrictioremque, prout ipsi Deo visum fuerit: precipuam in eo differentiam consistere, quod potestas data, vel resideat in eo, cui data est, ejusque arbitrio sit perpetuo permissa vel non resideat in eo cui data est, sed ad arbitrium dantis ei sit concessa: ita ut precario non autem Domini titulo eam possideat: modum posteriorem Apostolorum esse, modum priorem Christi: istius inter Christum & Apostolos discriminis, tria esse rationes. 1. Quod Christus cum imperio & potestate faciebat miracula. 2. Quod potestatem miracula faciendi, alijs dabat. 3. Quod in ipsius nomine ab alijs miracula fiebant.*

Resp. Verba accipienda ut sonant: Deum solum facere miracula, significat, neminem alium facere miracula: hæc enim propriissima & nativa verborum significatio est. Agens non denominatur agens, à potentiâ agendi, alteri concessâ, sed ab actione. Potest quis potentiam agen-

agendi alteri concedere, & interea non esse, cum quis agit, per potentiam concessam sibi: ferrum calefacere & vrere potest, per potentiam calefaciendi sibi ab igne impressam, etsi jam ignis non sit. Sicuti ergo, non agit quis, eò quod, potentiam agendi, concedit alteri, ita ille nihilominus agit, qui per potentiam derivatam ab alio agit. Dices hoc sensu, non posse dici, Deum solum facere miracula, itaque necessariò, ut verificentur hæc verba, ad alium sensum confugiendum esse: nam Apostoli & Prophetæ, quos constat apud omnes, non fuisse Deum illum Israelis, etiam miracula fecerunt. Verùm hoc nego, miracula fuisse producta à potentiâ creatâ, subjectivè in Apostolis & Prophetis residente. Si enim Apostoli & Prophetæ, per veram & propriam efficientiam, opera illa, naturam transcendentia, attigerunt, necesse est præconcipi in illis, virtutem divinam, ad effectus istos divinos eliciendos, sufficientem, per modum qualitatis aut fluxæ aut permanentis. Talis autem divina virtus in Apostolis non fuit: quod probatur testimonio Apostoli Petri Act. 3. v. 12. *Viri Israelita, quid miramini de hac re? aut quid intentos oculos in nos habetis, quasi propriâ potestate, aut pietate effecerimus, ut hic ambulet.* Hoc tantundem valet ac si dixisset Apostolus, miraculum non esse factum, per potentiam sibi inhærentem, sive quæ in ipso esset, sed per potentiam ipsius Iesu Christi, quam ibi Apostolus nomen Iesu Christi appellat v. 16. Apostoli itaque miracula fecisse leguntur, aut Christus per eorum manus, virtutes edidisse legitur, quia Dei & Iesu Christi

vir-

virtus, semper præsentissima fuit ipsis, ad præbendum testimonium divinitatis, tum doctrinæ, tum functionis & vocationis ipsorum, per omnis generis signa, prodigia, variasque virtutes & Sp. S. distributiones Heb. 2. v. 4. Hanc ergo veram arbitror differentiam, inter Christi & Apostolorum miracula.

Differentia, quam statuit Socinus, sustineri non potest. Quid enim illud est, *potestatem datam & concessam, in Christo resedisse; in Apostolis non resedisse*: si enim Apostoli verè & propriè miracula illa patrârunt; necesse est sane præcicipi in illis, supernaturalis virtutis existentiam, ad opera illa patranda requisitâ, vel quod idem est istius potentię residentiam. Vult deinde, *potestatem illam, Christi arbitrio permissam perpetuo, Apostolis verò ad arbitrium dantis, concessâ*. At non pugnant ista duo, potest enim meo arbitrio, perpetuò permissum esse, quod ad dantis arbitrium est concessum. Quod si Socino, ad dantis arbitrium concessam esse istam potestatem, est, vsum istius potestatis, non esse arbitrij ejus, cui data est, sed qui dedit, tû in hoc, inter Christum & Apostolos non est discrimen: Christus enim ad Patris sui arbitrium & nutum, omnia sua composuit. Tertium differentię membrum est, *quod Christi illa potestas, propria facta sit, non precario sed Domini titulo ab eo possessa: Apostolis non fuisse propriam, sed precario & non Domini titulo, ab ijs fuisse concessam*. Sed neq; in hoc vera discriminis ratio, rectè à Socino ex positionibus sententię suę constituitur: omnem enim Christi in cœlo & in terrâ potestatem precariam esse

contendit, hoc est sacerdotale regnum : interpellationem enim Christi sacerdotalem, aliud nihil indicare vult, quam Christum ex Dei dono regem esse, hoc ipso cap. pag. 471. & alibi passim. Precarium latinis est, quod precibus, petenti utendum conceditur, tamdiu, quamdiu, is, qui concessit, patitur. Sic Seneca dixit, *hominem precarij spiritus esse*. Alexander apud Curtium, *mori præstat, quàm precariò imperatorem esse*. *Precarium imperium* latinis est, quon tamdiu obtinetur, quamdiu qui concessere permittunt: *animam precariam* Tacitus dixit, quid ergo hîc discriminis inter Christum & Apostolos, eo modo quo in Apostolis precaria etiam in Christo secundum Socinum. Similiter titulo Domini & proprietarij possidere, non distinguit in sententiâ Socini inter Christum & alios istâ potestate præditos, est enim quis ejus rei Dominus, quæ dono illi data est; donatione enim ex jure gentiû, rerum dominia acquiruntur, & quod ad aliquem pertinet ut Filium, hæreditarijque jure possidet, ejus sane Dominus est: ita Alciatus, *dominium in spe appellat, filiorum vivis parentibus, unde & sui hæredes dicuntur, tanquam sibi ipsis succedant*. De hoc jure domini filiorum Dei, non minus copiosè quàm graviter Apost. Paulus differuit ad Gal. cap. 4. à v. 1. ad 8. Inter ista autem bona ad fideles, ut Dei filios & hæredes spectantia, retulit Apostolus virtutes quas Deus effecerat in ipsis Gal. 3. vers. 5. 6. 7. ait enim, *Deum ministrasse Spiritum & effecisse virtutes in ipsis, fide per auditum perceptâ*: ex fide autem illis obtigisse astruit, ad exemplum patris Abrahami,

hami, qui fide fuit justificatus, quod hæredum & filiorum est, eos verò eâ etiam ratione, Abrahæ, sive Dei filios esse constitutos, & hæredes bonorum cœlestium factos, quæ bona expressit Apostolus in antecedentibus nomine *Spiritus & virtutum in illis effectarum*. Itaque neque in hoc, inter Christum & Apostolos verum & reale discrimen posuit Socin. Est quidem non obstante dominio communi, de quo Socinus agit, ex ejus etiam sententiâ, dominium aliquod Christo proprium & peculiare, quod est dominium imperij & majestatis; verùm ejus dominij consideratio, accidentaria est hoc loco, & præscinditur à consideratione dominij, de quo in præsentiarum agitur.

Socin.

pag. 469.

Notas porro, discriminis à se positi, inter Christum & Apostolos, esse ait. 1. *Quod Christus cum imperio, & authoritate illa faciebat.* 2. *Quod alijs potestatem communicabat faciendi miracula.* 3. *Quod in ipsius nomine alijs miracula faciebant*: quamvis verò satis esse possint, quæ hætenus contra adversarium allata sunt, ad hæc tamen etiam amplius dissolvenda, non nihil adferam. Dico ergo, *ad primum illud*, si per imperium & authoritatem intelligatur Christi regnum & dominium, ratione cujus omnes subditi & ministri, tum verum est Christi imperiũ & authoritatem esse propriam, & ubi tale imperium est, ibi etiam miraculorum faciendorum potestatem esse propriam: minimè tamen inde sequitur, posito, veram esse sententiam Socini, de concessâ Apostolis & Prophetis potestate, eos istius potestatis non fuisse Dominos, in
sen.

sensu in quo, de hoc dominio disputatur, quia hoc regio imperio & dominatione caruerunt, & Christi maiestatem, ut subditi & ministri sui principis, observare debuerunt. *Ad secundum* dico, Apostolos eâ ratione, communicâsse alijs, potestatem faciendi miracula: quâ ipsi miracula fecerunt, propter hoc enim Simon magus offerebat pecunias, dicens *date etiam mihi istam potestatem*. Act. 8. vers. 19: Mac. 16. vers. 17. 18. promittitur credituris Apostolorum prædicationi, *quod demonia eiectioni; quod agrotis manus imposituri*, vide ad Rom. 15. vers. 17. 18. 19, Confer. 1. Cor. 12. vers. 7. 8. 9. Nec sequitur etiam, qui potestatem communicandi non habet, ei potestatem faciendorum miraculorum non esse propriam. *Ad tertium* dico, Christum miracula sua in nomine Patris fecisse, ut Apostoli in nomine Christi fecerunt, ex sententiâ Socini: nam cum jam Christus potestatem miracula faciendi adeptus esset, ut hoc loco de Apostolis loquitur Socin., miracula sua in nomine Patris sui faciebat Ioh. 10. vers. 25. *Opera quæ ego facio, in nomine Patris mei*: ut ergo Apostoli, in nomine Christi, sic Christus in nomine Patris.

Et hæc sufficiant, de hoc quinto opere, reliqua quæ hîc Socinus adfert pag. 470 471, particulari examine nō indigent, quia nihil occurrat in ijs, quod, quantum quidem ad præsentem questionem attinet, non satis discussum sit. De potestate, quam Christi ex gratiâ esse, hîc iterū ingeminat, non est necessum hîc rursus dicere, & commentitiam istam opinionem, de sa-

cerdotio Christi, quod contra authoritatem Script. cum regno Christi confundit, alterius loci est refellere, præsertim cum dignitas argumenti prolixiorē tractationem postulet.

Socin.
pag. 472. Antequam verò finem huic capiti imponat adversarius generalem movet objectionem, adversus omnia, pro sententiâ Orthodoxa, de Filio Dei argumenta, ea autem est hæc. *Nusquam in sacris literis diserte scriptum esse, hoc ipsum, quod adversarij de Christo tradunt atque contendunt: cum tamen si id verum esset, opus fuisset, ut de eo disertissima in illis non pauca testimonia extarent, tum ob rei alioqui impossibilitatem, (ut sic loquar) & incredibilitatem, tum verò quia ut adversarij ipsi volunt, id nosse ac firmiter credere ad salutem consequendam, esset prorsus necessarium: tot argumentorum congeries in ejusmodi re, crede mihi, pie lector, signum potius est manifestum rei ipsius in sacris literis non consignate, quam ut ejus ullam fidem facere possit: plus multo, quam innumerabilia ista omnia ad ejus fidem faciendam, tanto studio conquisita & congesta, virium ac roboris haberet, vel unus locus in scripturâ, ubi diserte ac simpliciter scriptum esset, a Christo celum terramque creatam fuisse: quem nondum invenire adversarij potuerunt, licet, tanquam si eum invenissent, meriticè aliquando exultent.*

Resp. Pro certissimâ veritate etiam habendum esse, quod totidem verbis & literis, non legitur in sacris, ut invicto argumento, evincitur, ex disputatione Salvatoris nostri, adversus Sadduceos, de resurrectione mortuorū, ex verbis illis Mosaïcis: *Ego sum Deus Abrahami, &c.*
 erat

erat enim hoc verum & tamen ibi, aut alibi, in Mose non disertè scriptum. Mose enim per rerum externarum umbras, Iudæos ad rerū æternarum cognitionem & spem deducere propositum fuit. Et si disertissima testimonia Socino sint illa tantum, in quibus iisdem per omnia phrasibus & verbis, sententia de aliquo religionis capite sit expressa, fateri cogitur, se nec attulisse nec adferre posse ullum testimonium, in quo disertè scriptum sit, quod de Christo tradit atque contendit, ideoque non est etiam secundum ejus judiciū, quod ipsi fides habeatur. Quo pacto verò argumentorum congeries signum est manifestum potius rei in sacris literis non consignatæ, quàm vt ejus ullam fidē facere possit? Quid an Deus Israel, non est Deus, quia argumentorum exercitus cogi possit ex sacris ad hoc probandum; An dubitabimus Iesum esse Christū & Dei Filiū, quia eò omnia in Euangelium suū congeffit Iohan.? An dubitabimus vitā æternam credentibus certò paratam, quia toties promissa, quia tot pro ea argumenta? Mox postulabat Socinus nō pauca disertissima testimonia, nunc mutatā sententiā testimoniorū multitudo, suspectę ei fidei est: unū jam præ multis exoptat, vbi disertè scriptum esset, à Christo cælum terramq; creata fuisse, quę sanè plura vno allata sunt, vbi revera illud scriptum sit; & quid si etiam ex formulā Socini illud scriptum esset, nihil facilius esset quàm illud ipsum eludere, eā aut simili ratione, quā præclara alia testimonia in hoc & alijs Theologiæ capitibus eludere solent adversarij.

CAP. I. Septimæ Classis argum.

Continet authoritates Patrum Doctorum & Conciliorum.

Sexta argumentorū classis sic fuit. Septima sequitur, quæ cōtinet authoritates, Patrum, Doctorum, Conciliorum. Ad hoc pontificiū argumenti genus, responsio Socini cōpendij causā in pauciora contracta, sic fere habet. *Totius orbis consensus, nihil posse adversum id, quod divinis oraculis apertè est consignatū: suam sententiā de uno illo Deo, Patre Domini nostri Iesu Christi, & Iesu Christo ex gratiā Dei Patris Deo, & Dei Filio, nō ante nativitatem ex virgine, apertè in sacris consignatam esse: orbis universi consensus quantumvis perpetuū, eò minus valere adversus divina testimonia, etiamsi non adeo aperta essent, cum id, in quo consensus iste consistit, ipsi etiam rationi ac sensui communi, evidenter repugnat, hoc de quo hīc agitur tale esse, multa patefieri supra rationem & humanum caput, nihil tamen contra rationem ipsumque sensum communem. Inde contra Pontificios agit speciatim, qui divinas patefactiones, non scripto verbo etiam contineri volunt, in eo eos errare, ut in dogmate de authoritate etiam Ecclesiæ. Hæc contra argumenti hujus ab authoritatibus petiti, majorem procedunt. Habet enim argumentum in formā, hoc pacto. Quod Patres, Doctores, &c. docuerunt unamini concensu, hoc est in fide verum. At Patres docuerunt unanimi consensu Christum esse Deum cum Patre unum. Ergo.*

Resp. Reformatos, non dubitare, quin satis superque sit, ad solidam causæ suæ probationem,

nem, & conscientiæ coram Deo πληροφορίαν, validis & luculentis, ex Dei verbo petitis demonstrationibus, munire sua, nec Patrum antiquorum authoritati, tantum deferunt, ut extra erroris aleam, eos esse positos credant; ideoque non eos, sed solas Scripturas sacras causæ & fidei suæ, firmamentum ponunt: ideoque majorē istam, non satis firmam esse, facile agnoscent, nec authoritatem humanam, quantamcunque veritati ex scripturis demonstratæ, præjudicare posse. Socini dogma de Filij divinitate Scripturis apertè consignatum esse, cum nudè hîc asseratur, nudâ negatione repellere cōtenti erimus. Ait deinde *eo minus valere consensum illum, adversus divina testimonia, etiamsi non adeo aperta essent, cum consensus ille, ipsi etiam rationi ac sensui communi evidenter repugnet.* At respondeo fidei principium non rationem, sed Scripturam esse, nec magistra fidei ratio sed discipula. Arma enim militiæ nostræ non carnalia sunt, sed divinitus valida, ad subversionem munitionum, ratiocinationes evertendo, omnemque sublimitatem, quæ sese extollit, adversus cognitionem Dei, & in captivitatem redigendo, omnem cogitationem, ad obediendum Christo. Tum verò mysteria fidei non rationi sanæ, sed corruptæ repugnant: non potest enim ex dictamine naturalis & sanæ rationis esse falsum, quod secundū supernaturalem rationem est verum. Cum enim sana ratio & prima principia, per naturalem discursum nota, quæ talia non sunt ex adjacente vitio peccati: necesse est illa, quæ ex sanâ ratione & communibus notionibus educuntur, esse

D d 3

vera,

vera, ac proinde contradictoria, non possunt esse ijs, quæ habemus ex supernaturali revelatione. Verum enimvero contradictorium esse impossibile est, cum necesse sit, propositionum contradictoriarum alteram esse veram, alteram esse falsam. Etsi verò non negat sana ratio, quod credit fides, cogitur tamen quandoque elevata & illustrata per gratiam Sp. S., ignorantiam suam profiteri, in ijs quæ fidei, certus enim firmusque assensus potest esse, sine evidenti apprehensione intellectus, hoc est, potest credere homo certitudine fidei, quorum tamen veritatem ratio evidenti & clarâ apprehensione intellectus nō assequitur: ut enim oculus noctuæ, ad lumem solis se habet, ita & mens nostra ad divina illa. Quod si Socinus omnino velit, nihil esse in rebus fidei, quod verbo Dei revelatum, intellectus clarâ & evidenti apprehensione non assequatur, tum hoc non parum a veritate aberrat: Nam non assequitur intellectus Socinianus evidenter, rationem immensitatis essentiaæ divinæ sine quantitate, quæ tamen sine quantitate magna est, cum sit impartibilis; ad stipulâte Socino pag. 206. lib. contra Wiek. Hæc de majore.

Socin. pag. 476. Post hæc ad minorem venit Socinus, negans antiquitatem, unanimi cōsensu ire in hanc sententiam de Filio Dei. Summa responsionis ejus ad minorem hæc est. *Non modo non totius Christiani orbis consensum, sed ne ejus quidem, quæ Christi revera Ecclesia fuerit, perpetuū planè consensum, vel pro adversariorum sententiâ, vel adversus suam fuisse; etiamsi, quotquot extant scriptores, vel adver-*
sarentur

sarentur sibi, vel faverent nobis : quia & scripserunt paucissimi, nec extant scripta omnium : quorum scripta extant, fidem facere, non omnes idem sensisse, imò contrarium aperte testari : ex ipsis historijs ab adversarijs scriptis, patere, non defuisse, qui scriptis editis, suam sententiam defenderint, nostram oppugnaverint : Arianorum sententiam, nostra repugnare, cum suâ verò, in eo consentire, de quo toto libello Wicci agitur : eam, majorem orbis partem occupasse aliquando : multos habuisse per multa secula fautores, imò integra etiam concilia eam tenuisse : proinde frustra, universalem Ecclesie consensum Socin. jactari, sive nominalis, sive realis Christi Ecclesie, pag. 477. cum, quæ, & ubi, verâ Christi Ecclesia, per plurima secula fuerit, adhuc sub judice lis sit : Patres ante Concilium Nicanum, magis nostræ, quàm, sua sententia repugnare, in eo quod cum suis sentit, de uno illo Deo, quod is nullus alius, præter Iesu Christi Patrem, maximam saltem, Patrum ipsorum partem, pro se & suis facere, quamvis dissentiant in sententiâ de existentia Filij ex ipsius Patris substantiâ, ante mundum conditum, & creatio- ne omnium per eum. Addit speciatim, Iustinum, in dialogo cum Tryphone Iudeo, apertè confiteri, non paucos suâ etate fuisse, qui Christi nomen profiterentur, & secum sentirent, in sententiâ de Christi essentia. Deinde multa Patrum scripta adulterina esse. Quod denique attinet ad Patres, post Concilium Nicænum, ab ijs se dissentire profitetur; interea tamen ex ipsis, præcipuè verò ex Hilario, multa depromi posse, cū opinione de Christo, & personis divinitatis, vulgò hodie recepta minima consentientia, illa verò nullo pacto dilui, per testimonia cō-

Socin.

pag. 479.

traria, cum nihil vetet, quin sibi ipsis contradicant.

Resp. Socinum facile intelligere, cum adversarij ipsius obijciunt, Patrum, Doctorum, & Cōciliorum auctoritatem, & vniuersalem Ecclesiæ consensum, non intellexisse eos per istas voces, omnes Christi nomen quacunque tandem ratione professos, sed eos tantum, qui veram & sanā fidem, ex eorum iudicio coluerunt. Neutiquam enim existimandum est, voluisse Socini adversarios, Samosatēni, Photini, Arianorum, aut aliorum hereticorum auctoritate pugnare hoc loco, sed eorum tantum, quos dixi, adeo ut impertinens sit, quod de Arianis respondet Socinus. Etsi verò ex antiquioribus non omnes, sed paucissimi scripserint, ex ijs tamen qui scripserunt, rectè iudiciū fieri potest de sententiā eorum, qui non scripserunt, cū hīc agatur de primario capite religionis Christianæ; eos nimirū, idem & sensisse & docuisse eā de re, in quā omnes, qui scripserunt Patres, consentientes reperiuntur: quem Patrum consensum, cum obtendunt Bellarm. & Wiekus, minimè voluerūt omnes, qui Christiani nominis cū Patribus istis cōsensisse; nihil minus: ac propterea nō erat, cur aliquā operā in hoc probando, collocaret Socin.

Quod ad Patres antiquissimos sive antinicanos attinet, ut sic dicam, affirmat eos, si non omnes, saltē maximam eorū partem sensisse, quod Deus vñ vnus, nullus alius, præter Iesu Christi Patrem. In defensione animadversionū in assertiones Colleg. Posnaniensis sic scribit pag. 368. & 369. *Non igitur Deū Trinum in personis, Triunitatem nominando intelligebant, sed Patrem Filiū*

& Sp.

& Sp. S. significabant. Nam non Filiū modo, sed
 Sp. quoque S. personam esse existimantes, colebant
 isti præter Patrem, cui tamen interim suam preroga-
 tivam, ut qui solus ille unus Deus esset, reservabant,
 & ex ipsius quidem substantiâ, Filium & Sp. S. ab
 eo productos credebant, non tamen, eandem numero,
 horum trium essentiam, asserebant. Itaque Tritheitæ
 erant, ut etiam à Tritheitis, nostri temporis obser-
 vatum est. Hinc idem pag. 31. & 32. lib. contra
 Wiek. Si apud Tertullianum, opinio Praxeæ, quæ
 idem, quod Sabellius de Patre & Filio, sensisse tra-
 ditur, diligenter excutiat, invenietur Praxeam
 non se opposuisse sententiæ, quæ jam tunc temporis vi-
 geret, quod quamvis Pater & Filius, unicam illam
 numero, essentiam divinam totam pariter uterque
 haberet; tamen essent duæ distinctæ personæ: sed po-
 tius sententiam istam, de unicâ Patris & Filij nu-
 mero essentiâ, quæ, quamvis nondum in Ecclesiâ vi-
 guisset, antea tamen extiterat, & ab Ignatio, si ipsius
 verè sunt, quæ ejus nomine circumferuntur Epistolæ,
 refutata fuerat, unâ cum quibusdam alijs renovâsse
 & acriter propugnâsse: ex quâ sicut necessario effi-
 citur, sic etiam effici ab omnibus, tunc existimatum,
 unicam esse, similiter Patris & Filij personam: imò
 ut revera sunt, sic pro eodem utrumque est habitum.
 Nec enim, ut ex multis conijcere licet, sophistica
 ista, sensuique communi repugnans, inter individuan-
 sive unam numero essentiâ & personam in Deo di-
 stinctio adhuc excogitata fuerat. Hoc judicium
 Socin. de Patribus antinicanis, & sectatorum
 ejus communiter. Ita Iohan. Crellius in resp. ad
 librum Grotij de satisfactione, præfation. pag.
 8. Smalcus in refutatione Thesium Jacobi

Scopperi de Trinitate pag. 20 : *reliquias veritatis defendisse Arium quatenus contendit, Christum non esse ὁμοῦσιον Patri : ibidem, nec enim Arius Trinitatis, qualem fingit Scopp. dogma unquam impugnavit, cum nondum, tunc temporis extaret, sed eundi demum inciperet.*

Sentit ergo Socin. antiquitatem illam, idem indicasse de essentia & persona, ita ut qui plures personas statuerunt, iidem & essentias plures statuerint : qui vnam personam essentiam vnam & reciprocè, qui plures essentias statuerunt, plures personas statuisse, qui essentiam vnam, vnam etiam personam statuisse. Quæ si vera sunt, nihilò rectius Patres de Trinitate senserunt, quam Sabellius Praxeas & alij hæretici. Dico ergo, si quam possim, faculam antiquitati ministraturus, Patres inter Patrem Filium & Spirit. S. distinguentes, non distinctionem essentialem, sed personalem, intendisse. Per Deum in personis Trinum, non essentia, sed personarum tantum Trinitatem intellexisse. Pluralitatem agnovisse in divinis & defendisse Patres illos, apud nos & adversarium in confesso est : aut ergo intelligenda illa pluralitas, secundum essentiam & personam : aut secundum essentiam tantum, & non secundum personam, aut secundum personam tantum, & non secundum essentiam : de modo secundo non est quæstio, controversia est de modo primo & tertio. Si modus prior Patribus tribuatur Tritheismum incurrunt. Si modus posterior, vnum Deum confitentur. At vnum Deum tantum confitentur, non alio sensu vnum, quam

quam Orthodoxi jam vnum Deum confitentur, quod singulorum inductione probatur.

Primus prodeat Ignatius, qui etsi totus, quan- *Ignatius.*
tus est, non est liber adversario, à suscipicione depravationis, additionis, suppositionis vt hoc loco ait pag. 479. & supra pag 32. & contra colleg. Posnan. pag. 350: licet tamen quicquid de eo statuatur, tam Ignatij authoritate vti ad commonstrandum, quæ sententia fuerit Patrum, ante Concilium Nicænum, de Deo trino & vno, quàm Socino, ad persuadendum, Patres fuisse Tritheitas.

Verba Ignatij edition. Lugdun. in Epistolâ ad Magnesianos sunt. *Fugiendos esse illos hominis cultores, Hebionitas, quos maledictos esse Hieremias Propheta asseruit, necesse est ergo, cum Ignatius non Patrem tantum colendum docuerit, sed & Filium & Sp. S, vt mox Socin. confitētem audivimus de Patribus illis in cōmuni, Filium & Sp. S. etiam ex Ignatij sententiâ esse vnum illū Iehovam Deum, à quo corde non recedendum. In Epistolâ ad Trallianos: qui verò natus ex Deo, & ex virgine, quia hoc ipsum est, quod & Deus. In Epistolâ ad Magnesian. rursus, vnus est Deus omnipotens, qui manifestavit seipsum, per Iesum Christum Filium suum, qui est verbum ipsius, non prolativum scilicet, sed substantiale: ibidē & illis qui longè erant, & illis qui prope, in multitudine vnum & solum verum Deum Patrem suum annuntiavit. In Epistolâ ad Phil. Vnus est ergo Deus Pater, & non duo vel tres. Vnus scilicet qui est, & non est præter eum solum verus: Dominus enim inquit Deus tuus, Deus vnus est. Et iterum: nonne vnus*
Domi-

Dominus creavit nos , & unus Pater est omnium nostrum , unus quoque & Filius , Deus verbum , unigenitus qui est in sinu Patris , eadem Epistol. pag. 424. Si Deus est & homo , quid unicum vocas Dominum gloria, illum, videlicet naturâ immutabilem. Epistol. ad Philadelph. Si quis autem dicit unum Deum , confiteturque Iesum Christum , hominem verò purum putans Dominum , & non Deum unigenitum , & sapientiam & verbum Dei , sed ex animâ & corpore, eum solum esse existimans, huiusmodi serpens est seductor : eadem , omnia igitur hæc in unitate unius & unigeniti veri Dei. Epistolâ ad Antiochenf. pag. 459. Rogo igitur vos ego vinctus in Domino , dignè ambulare in eâ vocatione, quâ vocati estis , custodientes vos ab introeuntibus hæresibus malignis , ad seductionem & perditionem consentientium eis, intendere autem Apostolorum doctrina & legi atque Prophetis credere , omniumque Iudeorum, aut Paganorum errorem abijcere , & neque Deorum multitudinem admittere, neque Christum ad excusationem unius Dei negare: & ibid. pag. 460 : nam Evangelistæ unum solum testantes , verum Deum esse Patrem , etiam ea quæ ad Dominum nostrum Iesum Christum pertinent, non prætermiserunt, sed potius exactè scripserunt, dicentes : in principio erat Verbum & Verbum erat apud Deum , & Deus erat Verbum. Cum ergo unum Deum agnoverit & docuerit constanter Ignatius, & non tantum Patrem, sed Filium hunc esse, quos tamen distinguit Ignatius , multitudinem Deorum cum Paganismo non admit- tens, immeritò Tritheita audit, & pluralitatem personarum in vnâ essentiâ agnovit.

Urget

Urget Socin. contra hanc sententiam ; de v-
 nitate essentiae ex mente Ignatij , ejusdem Epi-
 stolam ad Tarsenses : vbi contendit Ignatius,
Christum non esse illum, qui est super omnia Deus.
 Ad hoc respondemus, Ignatium refutasse eo lo-
 co eos, qui Filium non volebant alium à Patre
 esse personaliter : nam cum Ignatius vnum tan-
 tum Deum agnoscat , nec Patrem tantum sed
 & Filium Deum fateatur , cogimur statuere ὅ
 κελεύμενον in eâ disputatione esse , de sensu per-
 sonali , & per hoc , quod Pater sit super omnia,
 personaliter Patrem à Filio distinxisse , propter
 peculiarem ejus eminentiam. Nam quod ad-
 versarius hîc contradicens ait ex impotentia a-
 nimi ; nondum absurdissimam illam opinionem
 Christianorum mentes occupasse , eandem nu-
 mero essentiam, distinctis personis, Patri & Fi-
 lio communem esse posse , id rationibus non
 probat : nobis autem non sufficit illud , ipse di-
 xit. Sed agamus de loco controverso pressius.
 Sic igitur dicto loco Socinus : *nam quod de ve-
 ra essentia simul & persona , non autem de consuetudine
 illa persona citra essentiam distinctione ageret Ignatius ,
 planum facit id , quod postmodum adjungit ,
 nec nudum hominem ὅδε ψιλὸν ἄνθρωπον esse Chri-
 stum, cum enim vnum essentia quasi extremum, jam
 à Christo removisset , negans eum esse illum vnum
 Deum, qui est super omnia , id est , illum vnum
 Deum : alterum quoque deinde illi adimit , nec nu-
 dum etiam hominem eum esse concedens.*

Resp. In istis nullam probationis efficaciam
 aut vim esse contra id quod nos diximus, neque
 ullâ evidente probatione ostendit adversarius
 quod

*Responde-
 tur
 ad obje-
 ctionis So-
 cini, quæ
 leguntur
 in defen-
 sione a-
 nimad-
 vers. in
 assertion.
 Colleg.
 Posnam.
 pag. 353.
 &c.*

quod intendit : quid enim impedit , illa verba , illum vnum Deum , qui est super omnia , de distinctione personali intelligere ? imò sic intelligenda esse ratio evincit , nimirum ne vnitas Dei , quam contra Paganismum defendit Ignatius , dissolvatur . Taceo , quod adversarius illa verba , *vnus Deus* , de suo hoc loco adijcit .

Obijcit deinde Epistol. ad Philipp. vbi similiter negari ait , *Christum esse illum Deum , qui est super omnia , illum existentem , illum qui solus est verus , illum omnipotentem , sive omnem Dominatum & potestatem habentem , τὸν παντοκράτορα , illum denique qui vnus esse dicitur , & de quo scriptum est : Dominus Deus noster , Deus vnus est : quæ omnia de supremâ illâ divinâ essentiâ agi , eamque ab hoc scriptore Christo concedi , apertissimè demonstrant .*

Resp. Solutionem jam sufficienter ad hæc etiam datam : deinde confitetur etiam Ignatius , vt apparet ex testimonijs adductis , Christum vnum & verum Deum : & cum maledictum sentiat esse eum Ignatius , qui confidit in alio , quàm Iehova ; in Christum autem confidens nō sit maledictus , ex Ignatij sententiâ , cogimur fateri communitatem essentiæ inter Patrē & Filium , & Christum esse Iehovam illum , & cum idem non sit quod Pater secundum personam , necesse est secundum essentiam esse . *Instat ultorius :* cum scriptor iste , in locis quos protulimus , de ipsâ divinâ essentiâ agat , videri eum omnino contra dogma de coessentialitate triū personarum , quod jam circumferretur , ex professo disputare , quando in initio ferme Epist. ad Philip. vbi

vbi eorum, quæ jam exposuimus, magna pars legitur; verba illa scribit. *Vnus igitur Deus & Pater; non duo, neque tres: hoc enim, ut antecedentia & sequentia verba demonstrant Filij & Sp. S. respectu dicit; qui si vnâ cum Patre pariter in illo vno Deo contineantur, necessario consequi vult, tres Patres, tres Filios, & tres Spirit. S. esse. Quippe quod nihil dici de vno possit, quod de alijs duobus necesse non sit dicere: hæc autem nullo modo dixisset, si ij, quos tacitè reprehendebat, nullam distinctionem personarum agnovissent, id est vnâ tantum personam in vno illo Deo esse statuissent, quamvis in eo & Patrem, & Filium & Sp. S. agnoscerent, quemadmodum sine dubio eos sensisse intelligit adversarius, & hoc tantum nomine ab Ignatio reprehensos fuisse.*

Resp. Primò non immeritò videri posse, Socinum oblitum sui, qui Ignatium hic disputantem facit contra dogma de coessentialitate triû personarum, quod jam circumferretur: nam supra eum dicentem audivimus, Tertulliani ævo nondum fuisse excogitatam sophisticam istam, sensuique communi repugnantem, distinctionem inter individua, siue vnâ numero essentiam & personam in Deo. 2. Satis audacter à Socino dicitur, Ignatium judicare triplicitatem istiusmodi, positæ coessentialitatis trium personarum consuetariâ esse, at ex textu Ignatij hoc non excuditur: nã hæc potuit impingere adversarijs, propter sententiam illâ, quâ vnâ personam in vno Deo statuebant: hoc enim, ut hîc & alibi monet adversarius, controvertebatur inter Patres antiquos, & hæreticos; non verò illud

illud de vnitae effentiae , & pluralitate personarum.

Hoc autem, quod dixi, factae ab Ignatio consequentiae causam & fundamentum esse , colligitur ex apertis ipsius verbis , quae immediate subiunxit hisce, de quibus iam disceptatur. *Ergo neque tres sunt Patres, neque tres Filij, sed neque tres paracleti, sed vnus Pater & vnus Filius, & vnus paracletus. Propter quod & Dominus mittens Apostolos, docere omnes gentes , praecepit eis baptizare eas in nomine Patris & Filij & Spiritus Sancti : non in vnum quendam trinomium, neque in tres vnus ejusdemque honoris ; quia vnus tantum est, qui homo factus est, non Pater scilicet , neque Paracletus , sed solus Filius.* Ex quibus verbis apertum est , hanc triplicitatem Ignatium impegisse ijs , qui vnam personam in vno illo Deo statuebant : illi enim sunt, qui vnum Deum trinomium faciunt, quales fuerunt Sabelliani , & illi qui Patripassiani appellati : ex illorum enim, & non eorum, qui Trinitatem personarum in vnitae effentiae tenent sententia sequitur, Patrem etiam & Paracletum homines esse factos.

Iustinus.

Iustinus in paraineticis ad Graecos quid ? In eo totus, vt Graecos confundat , & in Deorum suorum cultibus turpiter & crasse hallucinari ostendat, & ad vnus Dei cultum revocet : vnicum propterea ab Orpheo agnitum & celebratum docet pag. 12. Post Orpheum, æmulum ejus producit Homerum, citans in hanc mentem illud Homericum , εἰς νότον & ἔσω. E scenâ etiam Sophoclem profert dicentem vnum profecto numen, vnus est Deus. Nec non pro istâ men-

mente sectæ Italicæ principem Pythagoram adducit: mitto complura alia ibidem Deum vnum & solum dicit pag. 15. Ineptus sanè Iustinus, tanto & tam erudito labore, ad vnius Dei fidem enitens, si tres Deos esse senserit. Cum ergo non tantum Patrem, sed & Filium confiteatur Deum, confitente adversario, nulla alia via salvandę vnitatis patet, quam per confessionem distinctionis personalis.

Obijcit Socin. ad enervandam Iustini auctoritatem, eum in *Dialogo cum Tryphone Iudeo aperte confiteri, non paucos suâ atate fuisse, qui Christi nomen profiterentur, & tamen idem sentirent, quod ipse cum suis de Christi naturâ & essentiâ sentit.* Resp. Initio Dialogi cum Tryphone vnum Deum confitetur, nec occurrit mihi in lectione Dialogi, illud de quo hîc Socinus gloriatur.

Irenæus cap. sexto lib. tertij, *Patrem appellat solum verum Deum, super quem alius Deus non est præter Dominum nostrum Iesum Christum Dominatione quoque, inquit, Dominaris Sp. Sancti.* Et lib. 3. cap. 8. *Ita ut is quidem, qui omnia fecerit cum Verbo suo, justè dicatur Deus & Dominus solus, quæ autem facta sunt, non jam ejusdem vocabuli perceptibilia esse, neque justè id vocabulum sumere debere, quod est creatoris.* Irenæus.

Quartus inter Græcos Ecclesiæ doctores Titus Fabius Clemens: hic lib. prim. eorum qui pædagogus inscribuntur cap. 8. si Evangelicam Domini vocem adduxero, *vnum quidem ipsum dicit.* Clemens Alexandrinus.

De Tertulliano supra visum pag. 102. & qui plura desiderat, Bellarminum consulat, qui in Tertull.

Cyprianus.

septimâ classe ex Patribus complura adducit. Cyprianus libr. de idolorum vanitate, docet Deos non esse, quos colit vulgus, section. 1. *Mauri, inquit, manifestè reges colunt, nec ullo velamento hoc nomen obtexunt: inde per gentes & provincias singulas varia Deorum religio mutatur, dum non unus ab omnibus Deus colitur: ibidem etiam Platonem & Mercurium Trismegistum, pro vno Deo citat section. 4. Eversis gentilitijs Dijs, concludit principio sectionis. 5. Unus igitur omnium Dominus est Deus: neque enim illa sublimitas potest habere consortem, cum sola omnem teneat potestatem. Ibidem paulo post: nec nomen Dei queras, Deus nomen est illi: illic vocabulis est opus, ubi proprijs appellationum insignibus multitudo dirimenda est, Deus qui solus est, Deus vocabulum totus est. Ergo unus est. Mox section. 6. Deus cum homine miscetur, hic Deus noster, hic Christus est.*

Ex his satis apparet, omissis alijs, Patres ante Concilium Nicænum non Tritheitas fuisse, sed vnius Dei religiosos cultores & propugnatores. Non ergo dogma consubstantialitatis Patres Nicæni procuderunt, quamvis nomine *ὁμοὺς* sint vsi, ad Arium è latebris suis protrahendum, res tamen eo nomine significata, à Patribus antinicænis fuit agnita. Qui veterum consensus, vt annotavit Calvin. lib. primo cap. 13. Institution. hinc clarè perspicitur, quod neque in Concilio Nicæno Arius, ex cuiusque probati scriptoris autoritate fucum facere est ausus, & nemo ex Græcis vel Latinis excusat, se à prioribus dissentire, qui tamen Patres, vt qui pro-

propius ab eorum temporibus abfuerunt, non ignari styli & modorum loquendi veterum, nec sententiæ & mentis illorum, nisi crassæ ignorantiae insimulare omnes & singulos, quis per impudentem temeritatem audeat? Augustinus, in quo sanè τὸ διδάσκειν omnibus cunctis modis, adeo ut neminem habeamus ex Græcis, nec ex Latinis, quem hac in parte cum eo conferre possimus, quo elogio insignit Erasmus Augustin. præfatione in opera ipsius Augustini, hic inquam libro primo de Trinitate, telam disputationis exordians ait. *Omnes quos legere potui, qui ante me scripserunt de Trinitate, quæ est Deus, divinorum librorum, veterum & novorum Catholici tractatores, hoc intenderunt secundum scripturas docere, quod Pater & Filius & Spiritus Sanctus, unius ejusdemque substantia inseparabili æqualitate, divinam insinuent unitatem. Ideoque non sint tres Dii, sed unus Deus, quamvis Pater Filium genuerit, & ideo Filius non sit, qui Pater est, Filiusque à Patre sit genitus, & ideo non sit Pater, qui Filius est: Spiritusque S. nec Pater sit, nec Filius, sed tamen Patris & Filij Sp. Patri & Filio, etiam ipse coequalis, & ad Trinitatis pertinens unitatem: non tamen eandem Trinitatem, natam de virgine Mariâ, & sub Pontio Pilato crucifixam & sepultam, tertio die resurrexisse, & in cælum ascendisse, sed tantummodo Filium. Certè in minimis quibusque scrupulis, ut ait Calvin. dicto loco, ostendere solet, cur ab illis discedere cogatur, in hoc etiam argumento siquid ambiguum vel obscurum legerit apud alios, non dissimulat.*

Et hæc quidem dicta sunt, de sententiâ Patrum ante Concilium Nicænum : quod autem movet, de adulteratis, supposititijs & dubiæ fidei scriptis prætereo, cum ex incorruptis Germanis, & probatæ fidei scriptis constare possit, & constet de sensu antiquitatis. In fine Hilarius perstringit, tanquam varium & sibi contradictorium, qui tamen Nicænæ fidei constantissimus defensor fuit; & facile sibi consonus erit, si lectori non desit candor ingenuus. Certè si quid dixit, aut scripsit Hilarius, quod ad essentiæ distinctionem, & Tritheismum Patribus à Socino obtrusum & impatrum, trahi possit, non sensit sic tamen, sed totus fuit in defensione Orthodoxæ Nicænæ fidei. Cum enim Constantius Augustus, Constantini Maximi Filius, congregaret multa & numerosa Episcoporum concilia, jam in Oriente, jam in Occidente, quibus acta Concilij hujus rescinderet, in eas postremò res Ecclesiæ angustias redegit, ut in tribus tantùm Episcopis, assertio fidei, consistere videtur, inter quos unus Hilarius Pictaviensis in Occidente. Et hisce quidem finem imponimus septimæ classi.

Excipit hanc octava classis, quæ continet sibyllarum testimonia; sed transeat hæc classis, nos enim non Sibyllis, sed Prophetis & Apostolis magistris gaudemus, & istis fidei Christianæ columnis inhæremus. Ultimam & novam similiter classem, visiones & miracula continentem, Pontificijs authoribus defendenda relinquimus.

CAPUT,

De personâ & Deitate Spiritus Sancti.

DEcimo & ultimo capite libri sui, adversus Bellarminum & Wiekum instituti, paucis etiam Socinus perstringit, & evertere tentat sententiam Orthodoxam, de personâ & Deitate Sp. S. cujus defensio à Bellarm. eâ fere ratione instituitur, quâ disputatio superior: per novem enim classes eam etiam disposuit. Prima ex locis V. T. depromitur. Secunda ex Novi. Tertia ex parallelis. Quarta ex nominibus. Quinta ex attributis. Sexta ex operibus. Septima ex comparatione Spiritus S. ad Christum. Octava ex Patribus. Nona ex miraculis.

Prima Socini, ad harum classium epilogismū responsio est. Spiritui quidem Sancto tribui, quæ unius Dei sunt propriæ, nimirum, quia virtus atque efficacia Dei; inde quod Spiritus Sanctus facit, Deum meritissimè facere dici: sed hoc tamen, non esse satis ad sententiam adversariorum probandam, nisi apertè demonstretur, Spiritum Sanctum, sive istam Dei virtutem, & efficaciam esse personam ab ipso Deo, cujus Spiritus & efficacia est, distinctam: quod Spiritus S. actiones tribuuntur, & ea quæ personarum sunt propria, ex hoc nihil concludi posse: cum alijs rebus, quas personas non esse constat, similiter in Scripturis sacris actiones tribuantur, & ea quæ personarum sunt propria, ut 1. Cor. 13. à v. 4. usque ad 8. ubi perpetuò inquit, de charitate, tanquam de personâ aliqua loquitur, illi per multa tribuens, quæ revera nonnisi in personâ cadunt.

Socin.

pag. 488.

Quod si quis dixerit satis constare, Paulum eo in loco figuratè loqui, & charitatis nomine eum intelligere, qui charitate sit præditus, quatenus eâ præditus est. Respondebo, ait, cum Sp. S. sit spiritus Dei, certumq; sit alioqui spiritum alicujus personæ, non posse esse personam, ab eâ cujus est spiritus distinctam, non minus constare, cum Sp. S. ea tribuuntur, quæ personæ & simul ipsius Dei sunt propria, nihil aliud intelligendum, nomine Sp. S. esse, quàm ipsum Deum, spiritu suo, id est, virtute atq; efficaciâ suâ agentem, atque operantem.

Resp. In eo verti hoc loco controversiæ cardinem, an nimirum Sp. S. Deus sit, personaliter à Patre distinctus. Contendit Socin. 1. Quæ Dei sunt, de Sp. S. prædicari, non aliam ob causam, quàm quia virtus atq; efficacia Dei. 2. Probationes requiri ad probandum Sp. S. sive istam Dei virtutem esse personam à Deo distinctam, allatas verò ex eo, quòd Spiritui personarum propria tribuuntur, inefficaces esse: ex charitate alioqui etiam personam faciendâ esse. Hæc duo igitur in hoc responsionis segmento disputanda sunt.

Quod ad primum, dico Socin. nec Scripturæ authoritatem, nec evidentem aliquam rationem adferre respõsionis suæ, quod tamē fieri decuit: sensus enim verborum proprius non est deserendus, nisi cogente evidente aliquâ ratione. 2. Cū nulla proprietas, quæ naturaliter in Deo residet, Deus appelletur, neq; vlli proprietati ea omnia quæ Dei sunt tribuantur, ineptum est dicere, omnia quæ Dei sunt, prædicari de Sp. S. quia virtus & efficacia Dei. 3. Obstat huic expositioni Socinianæ usus communis loquendi: non enim
poten-

potentiæ tribui receptum est, quæ persona intelligit, decernit, permittit, facit, cui potentia efficiendi inest: actiones enim sunt supposito-
rum. 4. Cum de Sp.S. prædicentur ea omnia, quæ de Deo ipso, idque prædicationibus admodum frequentibus (quid sanè veræ & propriæ prædicationis indicium, cum ratio nulla obstat in contrarium) sentire profectò cogimur, significationem virtutis & potentiæ nimis angustam esse Sp.S. totumq; id, quod essentiâ & vitâ Dei continetur, Sp.S. etiam in se complecti. Nam & Dei nomina Sp.S. tribuuntur (vt quidem hæc etiam responsio Socini concedit) & nobilissimæ vitæ Dei proprietates, intellectus & voluntas. Intellectus, nam *scrutatur profunditates Dei* 1. Corinth. 2. vers. 10, neque hoc facit quâ virtua Dei, potentia enim operandi non dicit facultatem intelligendi, sed hæc ab illâ, secundum formalem concipiendi modum, distinctus: intellectus est intelligere, potentiæ est facere: actus intelligendi actus immanens est; potentiæ transiens. Sp. S. ergo non est tantum divinum quid, aut Deus, vt proprietates & attributa, sed vt Deus ipse: nam intelligere, præcognoscere, prædicere, facere, non de divinâ aliquâ proprietate, sed de Deo ipso tātummodo prædicantur. Voluntas nobilissima vitæ facultas, quâ illa se extendit, ad faciendum, impediendum, permittendum, habendū tribuitur Sp.S. 1. Cor. 12. v. 11: Act. 16. v. 7: Eph. 4. v. 10. 1. Pet. 4. v. 14. Istiusmodi etiâ essentiæ proprietates, quæ prædicari non solent, nisi de rebus subsistentibus, qualis immensitas, de Sp.S. præ-

dicantur, cum dicitur *inhabitare pios* : Et David dicit, *quò ibo à Sp. tuo* : locus autem & vbi sunt rerum substantialium.

Ea quoq;, quæ per modum affectuum in Deo considerantur, Sp. S. insunt : amat justitiam & odit peccatum ; nam movet per bonas inspirationes ad bonum , & peccatis contristatur. Bonitas, quæ voluntatem ad benefaciendum provocat, non potest non esse ejus , qui dona sua in Ecclesiam copiosè effundit , & sanctos in summis angustijs, tanquam optimum & benignissimum numen, mirificè consolatur. Nec tantùm bonum, sed & misericordiæ plenū esse oportet : nam Christus Salvator noster à Sp. S. *conceptus est* Mat. 1. v. 20 : *faciens gratia nobiscum inijt*, Heb. 10. v. 15 : *eiusdem annuntiator est* Luc. 4. v. 18 : *gratiosa regenerationis author* Ioh. 3. v. 5. 6 : *dona gratiæ effundit in indignos & miseros peccatores* 1. Cor. 12. v. 7. &c : *mittit sermonem gratiæ, ab alienatis à vitâ Dei, per ignorantiam, quæ in ipsis per obdurationem cordis ipsorum* Actor. 13. vers. 2 : *propensissima ejus, in auxilium afflictæ Ecclesiæ, voluntas, qui presens est interpellatione suâ, in medijs necessitatibus* Rom. 8. vers. 26. Ira, quæ est affectus depulsionis, Spiritus S. quoque est Heb. 3. v. 10 : Esa. 63. v. 10.

Quin & virtutes, quæ in Deo ponuntur, nostro concipiendi modo, tanquam directrices, & moderatrices divinarum actionum & affectuum , vt habeant debitam suam rectitudinem Spiritui Sancto ascribuntur : *patiens & longanimis est* Num. 14. vers. 11 : Actor. 7. v. 51 : Heb. 3. v. 7. 8. *Verax est, nam Spiritus veritatis* appel-

appellatur. Ioh. 14. vers. 17. Itaque cum hæc omnia collectivè sumpta Sp. S. sint propria, deitatem Sp. ex ijs, in sensu vt de eâ jam disceptamus, inferimus. Una quidem proprietas divina nonnunquã de alterâ prædicatur: vt exemp. grat. æternitas est misericordiæ, & aliarum proprietatum attributum, omnia tamen de vno non prædicantur. Et profecto, cui hæc sufficere non possunt argumenta à nominibus Dei, vitâ, intellectu, voluntate, affectibus, virtutibus, operibus desumpta, ad persuadendam Sp. S. deitatem; tum non video, quomodo præfracto alicui persuaderi possit, Deum esse Deum: quibus enim, quæso, rationibus, subjecti alicujus deitas astrui potest, quàm illis, quas, nomina, essentia, vita, intellectus, voluntas, & opera largiuntur? ista enim sunt, quæ hominum vniversitas, integrum divinitatis veræ conceptum, formare credit. Religiosus etiam cultus Sp. S. debetur (cultus autem Deo non debetur tantùm quâ potens, sed secundum totum sui, et se totum) ergo nec etiam Sp. S. tantùm, quia, & quâ virtus Dei. Sp. S. verò adorandum & invocandũ esse, probatur ex 1. Cor. 12. v. 11. Nullum enim excellentius fundamentum religiosæ invocationis, Deo ab hominibus præstandæ, quàm plenum jus & αὐτοκρατορικὴ potestas, in bona omnia cælestia, quæ Sp. S. ab Apostolo Paulo ibi tribuitur.

Propter hanc arbitrariam Sp. S. in omnia cælestia potestatem, preces suas ad eum direxit Apostolus Paulus 2. Cor. 3. v. 13. At occurrit Smalc. in refutatione Thesium Iacobi Schopp.

nec eidem *mentiri* vers. 3: glorificare eum debent Christiani 1 Cor. 6. vers. 20: gravissima in eum peccantibus pœna denuntiata est Mat. 12. v. 31: Heb. 10. v. 2. Oggerit Smalc. ejusdem refutationis pag. 15: *verba illa, ne contristate Sp. S. de personâ dici posse, neminem sanæ mentis affirmaturum, præsertim si consideret, simul & semel plurimis illum dari, vel plurimos illo obsignari. At contra est, quod Deus omnes simul fideles inhabitat, & tamen persona est.*

Transeo ad secundum, in quo demonstrandum, Spiritum Sanct. sive istam Dei virtutem, personam esse hypostaticè à Patre distinctam. At primò quidem ostenditur, Spiritum Sanctum personam esse, ex varijs characteristicis indicijs personæ, tum in actu primo, tum in actu secundo. Personæ in actu primo convenientia, ex communi vniuersitatis hominum consensu, sunt, existentia, vita, ratio, intellectus, voluntas, substantia singularis individua, subsistens incommunicabiliter: hoc autem totum est Spiritui Sancto. Ergo persona est. Secundò personam esse probatur, ex ijs quæ personæ signativa, in genere actus secundi: personæ enim propriæ sunt actiones omnes, de Spiritu Sancto prædicatę, putâ *creandi, animandi, vegetandi* Gen. 1. vers. 2. *conservandi* Psalm 104. v. 30: *cognoscendi, scrutandi* 1. Cor. 2. vers. 10. 11: *volendi* primo Cor. 12. vers. 11: *loquendi* Iohan. 16. vers. 13: 2. Pet. 1. vers. 21: *testandi cum alijs de alio* Iohan. 15. vers. 26: Rom. 8. vers. 16: 1. Iohan. 5. vers. 7: *interpellandi pro alijs, & eorum infirmitates sublevandi* Rom.

appropriantur, propterea ista omnia, per figuram rhetoricam, quæ prosopopœia dicitur de charitate dici potuerunt, non verò de Sp. S. nam Sp. quâ virtus & potentia operandi, non agit ista omnia. 2. Spiritum S. istam ad Deum habere relationem, quoad divinas actiones, quâ habet charitas ad hominem charitate informatum, quoad virtuosas actiones, prædicationes & phrasas frequentissimæ in Scripturis, de actionibus Sp. S. nullam hîc nobis insinuantes improprietatem, quæ manifestè apparet, in istis prædicatis charitatis, nullo modo permittant. 3. Etsi charitati, tribuuntur actiones personales, per figuram rhetoricam, aut tropum metonymiæ, non tamen omnia quæ personarû sunt, vt de Sp. S. probant Orthodoxi, omnia prædicari. At instat adversarius, *Spiritum alicujus personæ, non posse esse personam ab eâ, cuius est Spiritus distinctam.* Verùm hoc inconsequens est in divinis, neque ea est convenientiæ ratio, inter Deum & Spiritum ejus, in negotio divinorum operum, quæ est inter charitatem, & hominem charitate præditum; nam charitas, & homo charitate præditus, non proponuntur vt principia distincta, vt Deus & Sp. S. ab Apostolo 1. Cor. 12. v. 4. &c. Ad quem locum, quid. Socin. excipiat videamus.

Cum non omnia inquit, quæ agit atque operatur Deus per Sp. S. agat atque operetur, propterea in Socin. eâdem etiam actione & operatione, licet propriè lo- pag. 489.
quendo, ipse Deus tantum sit, qui agit atque operatur, Sp. S. ab ipso Deo distingui, præsertim, cum ipse Sp. S. per quem Deus agit atque operatur, diversimodò

versimodo considerari possit. Similitudine ad locum istū 1. Cor. 12. accommodatā utemur, ut melius intelligi tota res queat. Sit aliquis vir princeps dives ac locuples, qui plurima dona inter eos, qui ejus imperio subijciunt, aliquā peculiari in re sibi obediētes, distribuat, eaque varia ac multiplicia, vestes, vasa, suppellectilem, equos, currus, arma &c. poterit sanē, quis meritō dicere, diversa hīc diversis donari, sed tamen unam eandemque esse liberalitatem, quæ unicuique, pro arbitratu suo largiatur, unum eundemque esse virum principem, qui horū omnium donorum anthor sit: etiamsi nec liberalitas ista, sit persona aliqua, nec, propriè loquendo, ipsa liberalitas quicquam agat, sed vir ipse princeps tantum, liberalitate istā suā: quæ propterea singulariter notari hīc ac nominari potuit, quia aliud quoddam genus est hoc liberalitatis, ab eā, quā idem vir princeps verbi gratiā, pauperibus & egenis subvenit: sicut aliud quoddam genus Sp. S. est, per quem Deus, Christo credentes, sibi que hac in re obediētes, varijs donis afficit, ab eo, per quem (exempli causā) sui cognitionem humano genere largitur, unde fit, ut ejus, in loco isto apud Paulum singularis mentio fiat, & ab ipso Deo distincta, quamvis revera persona aliqua non sit.

Resp. 1. Falsum esse illud adversarij præsuppositum, Deum non omnia quæ agit, per Sp. agere. de quo mox amplius. 2. Fallaciam à non causā ut causa, committit adversarius: non enim hoc distinctæ recensitionis causa esse potest. Nam amabō te, cur sapientiæ, bonitatis, justitiæ, misericordiæ, amoris, iræ, & cæterarum rerum, quæ Deo competunt, non fit eā ratione

ratione mentio? Et cum manifestè hîc agatur de operibus quæ non agit Deus, nisi per Spiritum Sanctum, iste Socini epilogismus nullus est.

3. Etsi Spiritus Sanctus variè considerari possit, secundum varios egressus, dona & operandi modum, Sp. tamen Sanctus in Deo non est multiplex, nec varius, sed vnus, neque vt multiplex, sed vt vnus ab Apostolo consideratur: & si hoc distinctę recensitionis causa esset, Spiritum S. a Spirito Sancto, non verò Spirit. Sanctum à Deo tantùm distinguere debuisset Apostolus, & sic pro Trinitate substituēda hic quaternitas: vt enim Sp. S. distinguitur a Deo, quia Deus, non quicquid agit Sp. S. agit, eadem etiā ratione Sp. S. distinguendus, quia Deus, non omne, quod agit, per Sp. S. agit, quo credentes varijs donis afficit.

4. Quæ hæc loquendi ratio, dicer, eDeus hæc efficit, & operatur, Spiritus hæc donat, vbi tantum vnus est? Cum dico hic hoc faciebat & ille, duos intelligo, aut verba nihil operantur; quis dicat ego ibi iui, & pedes mei, hoc sane est *ματαιολογεῖν*. Scriptura sanè, eo excepto, quod expressâ personæ voce hîc non vtatur, aliter loqui non potuisset (posito quod hoc docere Deus voluerit) ad significandam personalitatem Sp. S. nugatoria ergo hæc detorsio.

5. Ratiocinium illud suum, de principe & liberalitate ejus, nullius probati authoris exemplo probat, & quod si hoc fieret, apertissimum esset, principem & liberalitatem ejus non proponi, vt principia distincta, nec si hoc fieret, nemo & ex eo intelligeret, id fieri, vt vna liberalitas principis ab alterâ distingueretur.

Iam

Socin.
pag. 491.

Jam de præsupposito adversarij agendum. Deum, non omnia, quæ agit, per Spiritum Sanctum agere. De hoc verò, ita scriptum reliquit, quod ad rei substantiam attinet. Non quamlibet Dei virtutem Sp. Sanctum esse, sed eam tantum quæ res aliquo modo sanctificantur: quamlibet Dei virtutem, nomine Spiritus Dei appellari, Sancti Epitheto non adjuncto ut Esa. 40. v. 7: Exod. 31. v. 3: per antithesin Spiritus Sancti, Spiritum Dei malum, nonnunquam in sacris legi: 1. Reg. 18. v. 10. & 19. v. 9: Spiritum S. contra interdum Spiritum Dei bonum vocari, ut Psalm. 142. v. 10. 2. Esdr. 9. v. 10: Spiritum Dei malum, nihil esse, nisi vim & efficaciam divinam, quæ homines torquentur, & in reprobum sensum dantur, aut aliâ ratione affliguntur: sic Spiritus Dei nomine, ait, quamlibet Dei virtutem significari posse: virtutem, quæ res aliquo modo sanctificantur, longè alijs præstare, & Deo maximò propriam esse: & in frequentissimo usu, sæpissimè in sacris commemorari, ut Dei Spiritus, aut simpliciter etiam Spiritus nomine, Spiritus Sanctus significetur, & prosopopœia ac metonymia sine admodum frequentes: nullam causam esse, cur Sp. S. persona censeretur magis, quàm alij Dei Spiritus, qui omnes similiter virtus sunt Dei, virtutem alicujus personam esse ab eo distinctam, nemo impossibile esse non vider.

Resp. Dupliciter de rebus loquimur, aut prout sunt in se, aut prout à nobis concipiuntur & res vel inter se sunt, verè & realiter, vel modaliter distinctæ vel tantum in intellectu concipientis cum fundamento in re. Tria enim distinctionum genera tradunt Metaphysici. Prima dicitur

dicitur realis. Secunda modalis. Tertia rationis. Distinctio realis consistit in hoc, quod una res non sit altera: distinctio modalis est inter rem, & modum rei, qui modus etsi aliquid reale est (neque enim ab intellectu confictus est) tamen quia fragilis admodum entitatis est, non vocatur res, sed rei modus, vtest sessio respectu sedentis, vnio respectu rerum vnitarum. Distinctio rationis non est illa, quæ intercedit inter entia rationis, sed est ea, quæ de ente reali aliquo distincti conceptus formantur, sive est rerum prout substant nostris conceptibus, & ab eis denominationem aliquam accipiunt. Hęc autem distinctio rursum duplex est: vna est, quæ non fundatur in re conceptâ, & dicitur rationis ratiocinantis, quia oritur ex solâ operatione intellectus: alia, quæ habet fundamentum in re, & vocari solet rationis ratiocinatæ, & à nonnullis appellatur virtualis: hoc modo vnum attributum, in Deo distinguimus ab alio, vt iustitiam à misericordiâ, & vnum dicimus non esse aliud: mens enim nostra per inadæquatos conceptos partitur, quod in se est indivisum, & virtualiter multa continet: sic liceret in luce solis, quamvis in se sit omnino eadem, distinguere virtutem calefaciendi, exsiccandi, rarefaciendi: At hoc pacto, Spiritus Dei, & Spiritus Sanctus, in sacris non distinguuntur, neque quædam Dei virtus magis est Spiritus Sanctus, quàm quælibet Dei virtus, & Spiritus Dei & Spiritus, non dicunt distincta in Deo,

nostris conceptibus, nam quæ sic distinguuntur, de se mutuo non prædicantur in abstracto: nam non dicimus iram amorem esse, rectitudinem esse sapientiam; at rectissime dixerim, Spiritum Sanctum esse Spiritum Dei, & è comverso: non est ergo Spiritus Dei, qui non sit Spiritus Sanctus, vel Spiritus Sancti. Etsi verò Spiritus Sanctus, Sanctus dicatur inter alia, quia per eum res aliquo modo sanctificantur (nam causa istius denominationis rectissime etiam statuitur, quia in se Sanctus est) non tamen tantum eæ actiones, quibus sanctificat Spiritus Sanctus ad eum ut principiata, ad principium suum proximum & formale referuntur, verum etiam eæ, in quibus nulla istius sanctificationis ratio; & vice versa, actiones sanctificantes ad Spiritum Dei, tanquam principium suum referuntur: hinc etiam adversarius, hoc loco fieri, ut Spiritus Dei, aut simpliciter etiam Spiritus nomine, Spiritus Sanctus significetur, imò vocabulum Spiritus rarissime occurrit cum Epitheto Sanctus, frequentissime autem sine hoc Epitheto, & tamen frequentissime agitur de Spiritu Dei, ut principio sanctificationis: neque tantum quæ sunt Spiritus Sancti, promiscuè tribuuntur Spiritui Dei, ut cum adversario loquamur, verum etiam, ea quæ sunt Spiritus Dei, tribuuntur vicissim Spiritui Sancto, hoc est actiones & opera non sanctificantia. Actor. 4. vers. 25. Vaticinium de hostibus Ecclesiæ & Regis Iesu Christi ad Spiritum Sanctum refertur, ista tamen,

men prædictio , non erat actio sanctificans, dona miraculorum, dona Spiritus Sancti, dona tamen illa per se sanctificant. Matth. 8. vers. 22: Conceptio Filij Dei à Spiritu Sancto est, eâ tamen Filius non fuit sanctificatus ex sententiâ adversarij, cui sanctitas & justitia in infantem non cadit. Permutantur itaque hæc in sacris , nec antithesis illa Spiritus Sancti (quem David appellavit bonum) & Spiritus Dei mali probat intentum adversarij; neque enim sine apertâ blasphemîâ, in Deum dici potest , duos in Deo Spiritus esse , quorum alter bonus alter malus sit ; aut si ratione effectuum hoc intelligit adversarius , vt cum gratioſo ductu adest suis , vt in vijs Dei eos ambulare faciat , Spiritus Sanctus dicatur; aut Spiritus malus , quando impios justo iudicio deserit , & Satanæ regendos tradit , tum ista antithesis pro hac distinctione non facit: nam illa , tum non opponit Spiritum Spiritui, vt sunt in Deo, sed contrarios tantum effectus vnius & ejusdem Spiritus, quorum alter gratiæ, alter severitatis justæ , vt Deus miseretur & indurat. Rom. 9. vers. 18. At ita sanè etiam Spiritus Sanctus, Esa. 16. vers. 10: Act. 28. v. 25. Sed de hoc præsupposito adversarij satis, pergamus ad reliqua.

Hic primò cornuto argumento, impetit personalitem Spiritus Sancti. Argumentum tale est. Spiritus Sanctus, aut est persona quocunq; modo acceptus, aut in potiore sensu acceptus: non priore,

Socin.

pag. 451.

nam sic dona cœlestia & divina eo notari, in sacris est usitatissimum, non potest posteriore; nam sic in Deo ipso naturaliter est. Atqui, inquit, si Spiritus Sanctus in ipso Deo est naturaliter, Deus autem ipse, in quo est, persona ut sit necesse est, sequitur Spiritum Sanctum non esse personam, aliter enim una persona in aliâ naturaliter esset, idque non reciprocè, cum Deus vicissim in Spiritu Sancto, eo modo, quo in ipso Spiritu Sancto est, nullo pacto dici possit: est siquidem Spiritus Sanctus in Deo, quatenus Deus est: Deus autem non est Spiritus Sanctus eo sensu, quo Spiritus Sanctus Dei esse hoc loco dicitur: verum unam personam in aliâ naturaliter esse, præsertim haud reciprocè, nullâ ratione fieri potest.

Resp. 1. Etsi dona cœlestia in sacris sæpe significantur, nomine Spiritus Sancti, nihil prohibet, simul cum ipsis Spiritum Sanctum intelligere, nec ullibi ipsa dona cœlestia Spiritus Sanctus vocantur, ut non simul commodissimè & ipse Spiritus Sanctus intelligatur, itaque nego Spiritum Sanctum non quocunque modo acceptum, personam esse. 2. Secundò mirari subit, Socinum hîc asserere, Spiritum Sanctum in Deo naturaliter esse; nam lib. 1. de Servatore cap. 1. acriter contendit, justitiam ut misericordiæ oppositam, tantum esse effectum voluntatis divinæ, eam autem in Deo non residere, nec qualitatem, seu proprietatem aliquam esse, quia justitia, quæ in Deo verè residet, & qualitas sive proprietas ejus est, in omni Dei opere reperiatur, quæ ejus ratiocina-

tio,

tio , hanc sibi hypothesin substratam habet ; proprietates Dei naturales in omni Dei opere reperiri ; alioqui invalida & nulla : dicendum ergo Socino , Spiritum Sanctum non naturaliter in Deo residere, sed esse effectum liberum voluntatis divinæ. 3. Dicitur non probatur, non posse dici Deum eo modo & sensu, in Spiritu Sancto esse , quo Spiritus Sanctus est in Deo.

Haftenus Socinus in eo fuit , vt ostenderet Spiritum Sanctum non esse personam, & figuratas esse de eo locutiones , per metonymiam quidem, cum nomine Spiritu Sancto, ipse Deus, cuius est Spiritus, significatur : per prosopopæjam , quando Spiritui Sancto Dei actio tribuitur. Addit, *sin hac virtus & efficacia Dei consideratur & accipitur, vt res, in quibus agit, ab ipsâ afficiuntur , utrique isti figura similiter aptissimus est locus, quandoquidem commodissimè per metonymiam is , qui a Spiritu Sancto aliquo modo affectus, quidpiam agit, quatenus id agit, Spiritus Sanctus , seu Spiritus Dei metonymicè dici potest, vt factum apud Paulum , cum ait 1. Corint. 2. vers. 10. Spiritum (subaudi, Dei) omnia scrutari, etiam profunda Dei: ubi Spiritum Dei nomine, sine dubio intellexit , hominem Spiritui Dei prædictum ; quatenus videlicet ab ipso Spiritu afficitur : simili metonymiâ vidimus antea illum esse usum, cum de charitate loqueretur 1. Corint. 13. tam per prosopopæjam , ipse Spiritui Sancto actionem tribui, quæ ipsius Spiritus ope , ab homine fiat, a deo est proclive, vt ni-*

Socin.

pag. 493.

eo, ipsum esse eundem Deum cum Patre, cum huic rei ut scilicet, plures personæ eandem numero essentiam habeant, propter contradictionis implicationem, tota natura reclamet, ut supra alibi est indicatum: & ex alterâ parte nihil veter, quominus Deus cum re creatâ, ea, qua alioqui ipsius Dei propria sunt, communicare dignatus fuerit. Hic enim nihil, cui tota natura reclamet, nihil inquam quod contradictionem implicet, invenies. Ubi id tamen singulariter, non sine causâ animadvertendum est, nusquam, ni fallor, in sanctis literis Spiritui Sancto disertè tribui, quod quidquam creet, sed Dei Spiritu, seu per Dei Spiritum, alicubi fortasse creatas res dici, tanquam videlicet instrumento, seu per instrumentum. Nam locus Job. 33. vers. 4, ab adversarijs citatus, non creavit, sed fecit habet. Adde, quod non ubicunque, Dei Spiritus nominatur, ibi Spiritus Sanctus est intelligendus, ut ex ijs constare potest, quæ supra disputavimus.

Resp. 1. Non ad naturam, sed ad Scripturam in altissimis fidei mysterijs, provocandum esse. 2. Dogma de pluralitate & Trinitate personarum, naturalibus principijs. contradictorium esse & toti naturæ reclamare, clamatur, non probatur hoc pacto. 3. Deum cum re creatâ ita sua communicare, ut sit alius præter eum Deus, hoc adversis frontibus Scripturis sacris repugnat, & contradictionem implicat, unum esse Deum & plures. 4. Spiritus Dei ineptè satis instrumentalis causa appellatur, &

contra communem sententiam de instrumentali causâ, ejusdemque definitionem pag. 261. vbi simul actum de observatione illâ, quod non Filius creâsse, sed Pater per Filium creâsse dicatur, & ostensum eam revera nullam esse: eadem est ratio ejus quod de Spiritu Sancto hîc ait. In loco Iobi, non dicitur Elihu Spiritu Dei, sive per Spiritum Dei esse factum, sed dicit, Spiritus Dei fecit me, & cum se factum dicit tantundem valet, ac si se creatum dixisset: promiscue enim Scriptura vtitur vocibus, creandi, faciendi, cum de creatione mundi, aut aliarum rerum agit: acumen ergo etiam illud nullum est.

Pag 495, 496, 497, respondet ad septimam classem Bellarm. quæ constat comparatione Spiritus Sancti ad Christum, ad probandum Spiritum Sanctum vnum esse Deum, eo argumento, quod Spiritus Sanctus Christo, qui solo Deo Patre minor, secundum adversarios Christo homine major. Verum hanc classem prætereo & Bellarmino relinquo.

Socin.

pag. 498.

Inde venit ad argumentum, quod ex Baptismo petitur, pro deitate Spiritus Sancti à Bellarmino secundâ classe suâ probatum. Excipit Faustus, *in sacris literis res creatas interdum cum creatore conjungi, idque in re qua non minoris sit momenti, quam baptismus, cujusmodi est timor & fides. De timore inquit, habes testimonium 1. Reg. 12. vers. 18. Et timuit omnis populus nimis Dominum & Samuelem: de fide verò Exod. 14. vers. 31, ubi secundum veritatem Hebraicam legitur,*

tur, & timuerunt populus Iehovam, & crediderunt in Iehova, & in Mose servo ejus. Nihil ergo impedit, quo minus res creata cum creatore jungatur, etiam in rebus maximis, & quæ ad ipsius creatoris cultum pertinent, semper enim in promptu est, conveniens discrimen eadem ipsâ in re agnoscere inter creatorem & creaturam: prout totius religionis, & divini verbi analogia requirit. Iam quod ad ipsum Baptismum attinet, posse quempiam in creaturam (quod idem est, quod in nomen creaturae) baptizari, docet Paulus cum ait, 1. Cor. 10. vers. 2, Israelitas baptizatos fuisse in Mosen: Socin. imò, conjunctio hac Dei cum creaturâ tolerabilior est multò, quàm cum soli creatura id tribuitur, quod Dei propriè est, non autem creatura. Neque enim ex conjunctione istâ colligitur equalitas inter Deum & creaturam, sed tantùm, quod utrique idem conveniat: verùm Deo, ut principio & fini rerum omnium, creatura autem ut ipsius Dei ministro, aut etiam secunda causa, ab ipso ordinata. Sic igitur per conjunctionem istam, & ad Deum rem pertinere, exprimitur, & ipsius prerogativa nullo negotio intelligitur. Neutrum autem horum fit cum creatura sola nominatur. Tunc enim totum illi videtur tribui. Nihil igitur incommodi est, in preceptione illâ Matth. 28. vers. 19, Baptizantes in nomine (seu potius in nomen) Patris & Filij & Spiritus Sancti, etiamsi Pater solus sit creator, Filius autem & Sp. S. creatura. Et conjunctio ista creatoris cum creaturis in baptismo, multò tolerabilior videri debet, quàm cum Baptismi in creaturam simpliciter sit mentio, ut apud Pau-

lum fieri Paulò ante ostendimus. Hæc dicta sint ad adversariorum ratiocinationem refellendâ: non autem quasi nos arbitremur Spiritum Sanctum creaturam esse, quem jam diximus in potiore sensu acceptum, non modò virtutem esse quandam & efficaciam Dei, verùm etiam in ipso Deo naturaliter esse, in quo nihil creati esse potest.

Resp. Per Baptismum se obligant Christiani Spiritui Sancto, seque eidem consecrant, ad obsequium & religiosum ejusdem cultum, quemadmodum planum facit Paulus Apostolus insigni loco 1. Cor. 1. v. 13. Sicuti enim baptismus, ex parte Dei, obsignat gratiosam cum Patre Filio & Spiritu Sancto communionem, Act. 2. v. 38, ita ex parte fidelium eorundem cultum & obsequium Rom. 6. v. 3: 1. Cor. 1. v. 13: ex istis enim, & similibus sacræ Scripturæ locis optima & certa interpretatio desumitur verborum illorum Mat. 28. Scripturam autem per Scripturam exponere, tutissima cynosura est. Etsi verò res creata jungatur interdum cum creatore, idque in re, quæ non minoris momenti quàm baptismus, vt in timore & fide; non tamen jungitur vt religiosi cultus objectui: nec Samuel, nec Moses Deo junguntur, vt cum Deo, religiosi timoris & fiduciæ objecta: nec Moses, aut Samuel, vllò modo admissi vnquam in colendæ divinitatis consortium: at Sp. San. Patri & Filio, in baptismo ita jungitur, vt in solo tantùm personarum ordine, discriminẽ appareat: neque vlla est ratio, cur cogitare debeamus,

beamus, baptismum illum magis ad Patrem & Filium spectare, aut aliâ ratione pertinere, quàm ad Sp. S. magna ergo hîc dissimilitudo est. Instat *baptismum non esse Deiatis argumentum*, quia Paulus docet Israelitas baptizatos fuisse in Mosen, & Catechism. Racon: cap de essentiâ Dei, *legi quosdam discipulos in baptisma Iohannis baptizatos*: verùm ad hoc etiam refugium frustra convolant adversarij; nam quis non videt in Mosen baptizari, nihil aliud esse quàm ministrante Mose, vel sub ejusdem auspicijs, & eo tanquam duce præeunte baptizari? Augustinus Psalm 77, reddidit hunc locũ, *omnes per Mosen baptizati sunt*: quomodo etiam primus & vetustissimus N. Testam. interpres Syrus, hunc locum ferè reddidit: habet enim, *in manu, sive per manum* Mosi. Quidquid verò statuatur, id saltem constare debet, phrasis hujus, quâ Christiani jubentur baptizari *eis τὸ ὄνομα*, Patris Filij, & Sp S. & verborum illorũ, quoad Sp. S., longè aliam esse significationem, quàm cum dicitur à Paulo, Israelitas baptizatos in Mosen: nam priori phrasi significatur, summa potestas & jus divinum, eumque qui baptizatur, in religiosam servitutem addici ei, in cuius nomen baptizatur, quod Paulus allato à nobis loco ad Corinthios, indicat, qui etiam eo loci, Corinthios acriter reprehēdit, quod turpibus dissidijs Christianam concordiam scindebant, & factionum nominibus inter se decertabant, cõtra quod yrget Apostolus, non hominem aut Pauli titulos sibi asciscere debere, eo pugnans argumento

argumento, quod in Pauli nomen non erant baptizati. In baptisma verò Johannis baptizatos esse, (vt huic etiam objectioni satisficiam) homines, planum est, per se hoc aliud nihil esse, quàm eos suscepto baptismo declarasse, amplecti & profiteri doctrinam illam vt divinam, quam Iohannes baptismo aquæ obsignabat. Verùm ex Euangelij contextu per se perspicuum est, longè aliud intendi, cum dicuntur Christiani baptizari in nomen Patris Filij Spiritus Sancti. An verò, quia discipuli illi baptizati in baptisma Iohannis, quod nec Deus, nec persona, putabimus ex eo, quod ex baptismo, nec Patris, nec Filij divinitas ritè concludatur? nihil minus.

Socin. Venit postremò ad classes ex autoritate Patrum & visionibus ac miraculis formatas, *pag. 500.* ad quas se nihil responsurum ait; tum, quia, quæ disputata sunt de Filij divinitate, satis hic pro responsione esse possint: tum quia ante Concilium Nicænum, rara admodum, quæ controversa non sint, Patrum istorum testimonia extent. Resp. Cum fatetur Socinus, rara extare testimonia divinitatis Spiritus Sancti apud Patres, qui ante Concilium Nicænum, ex ipsius confessione elicimus, aliqua extare: nec sequitur momentum non habere ea, quæ controvertuntur, quid enim tam certum, quod licentia ingeniorum in controversiam non vocat? De altero illo argumento, à visionibus & miraculis petito, supra verbo vno aut altero mentionem feci.

Sequitur

Sequitur tandem operis conclusio, in quâ gloriatur, primò de confutatis Bellarmini & Wiek. argumentis, pro unâ & eâdem Filij ac Spiritus Sancti cum Deo Patre essentiali ac personali divinitate: & spem sibi esse, siquis hanc suam refutationem perlegerit, facile agniturum, veritatem à suis partibus stare, supervacaneum propterea esse, refellere solutiones argumentorum, quæ adferri solent contra deitatem Filij & Spiritus Sancti, etiamsi argumenta illa valde probarentur sibi, nunc verò, cum non probentur sibi, multò minus, hoc opus esse.

Socin.

pag. 501.

& ultimâ

Animum etiam sibi esse ait, aliquando actoris partes sumere, & ejusmodi argumenta & rationes colligere, & simul adversus omnes impugnationes ita premunire, ut hoc & isto labore combinatis, p̃ys fortasse, & divina veritatis amore incensis, parum, admodum ad plenam hujus rei tractationem, desiderandum esse videatur. Denique Deo & Christo gratias agit, quod inter varias, cum animi curas, tum corporis perpetuas afflictationes, tantum, alacritatis & virium sibi dederit, ut hanc refutationem, idque haud longo temporis spatio ad finem perducere potuerit.

Resp. An adversario justæ sint causæ, propter quas istos sibi Spiritus sumat, equus & attentus lector judicabit, examinatis vtriusque partis rationibus, cujus tribunal & judicium causa nostra nec reformidat, nec detrectat, quam confidimus nos, Deo adjutore, declaratione veritatis, commendare apud conscientias hominum in conspectu Dei. Et eam sane cælestis veritatis vim esse confidunt Orthodoxi,

vt

vt aliena & contradicentia, eâ non aliter, quàm
vasto ariete concutere, & sua eâdem, tanquam
sub quodam Aiacis Clypeo, tuti defendere pos-
sint: Deique Filium, memorem promissionum
suarum, ita Ecclesiæ suæ, in hoc luctuoso se-
culo ad futurum confidunt, vt non sint defu-
turi fidi Ecclesiæ servi, armis idoneis instru-
cti, ad vera adstruenda & falsa & hæretica de-
struenda, qui sint Episcopi tenaces, vt monet
Apostolus Paulus, fideles illius sermonis, qui
ad doctrinam facit, vt possint & exhortari Do-
ctrinâ sanâ, & contradicentes convincere. In-
terea Deo Optim. Max. gratias, quas possum
ago, quod mihi in hoc certamine, cum eo (qui
vtinam excitatoris ingenij sui acumen, contu-
lisset in veritatis defensionem, vt in ejusdem
obscuracione & everfione est abusus) Spiritus
sui ductu ita adfuit, vt sperem, aliquatenus
saltem, à me commonstratum esse, sententiam
Orthodoxam de Deitate Filij, & Spiritus San-
cti hac refutatione ejus sedibus suis evulsam
non esse. Si quid hoc meo qualicunque labo-
re contulero, quod in Ecclesiæ emolumen-
tum, accidet quod gratum. Quod si minus
præstitum quàm decuit, libenter fateor me a-
quilam in nubibus non esse: & quamvis non-
nulli tam felicitis ingenij, vt magna pro digni-
tate possint, non tamen prorsus damnandi eo-
rum conatus qui volunt: si non sum inter eos,
qui potuerunt, numerandus, agnoscent me sal-
tem boni, inter eos, qui voluerunt: sat scio eti-
am per jocum & ludum posse viros, in quibus
pueri

pueri defudant. Finem facio & Deum Opti.
Max. supplex rogo, vt sacram veritatem suam,
adversus omnes ejus clandestinos & apertos
hostes protegat, sacrorum in Ecclesiâ antisti-
tes, præclaris dotibus, ad veritatis præsidi-
um Ecclesiæ decus, hostiumque re-
pressionem & confusionem
instruat. *Amen.*





INDEX

Capitum hujus Libri.

Cap. Primæ Classis.

C Aput I. Primæ Classis paucis attinguntur, quæ Socinus attulit primis duobus capitibus, & simul locus Primus Classis Primæ.

Num. 21.v. 5. 1 Corint. 10.v. 9 examinatur.	Pag. 1. 8.
Cap. II. de loco Psalmi 68.v. 19 & Eph. 4.v. 8.	8. 10
Cap. III. de loco Psalmi 97.v. 7 & Heb. 1.v. 10	10. 13
Cap. IV. de loco Psalmi 102.v. 26 & Heb. 1.v. 10	14. 20
Cap. V. de loco Esa. 6.v. 1 &c. & Iohan. 12.v. 41	20. 24
Cap. VI. de loco Esa. 8.v. 13 & Luc. 2.v. 34 ad Rom. 9 v. 30. 1. Pet. 2.v. 6	24. 25
Cap. VII. de loco Esa. 40.v. 3 & Mat. 3.v. 3. Marc. 11. v. 3. Luc. 3.v. 3	25
Cap. VIII. de loco Esai. 45. vers. 22. 23. & Rom. 14. vers. 10	26. 32
Cap. IX. de loco Esa. 44.v. 6 Esa. 48.v. 12 Apocal. 1.v. 11. 21 & Apocal. 22.v. 13	32. 35
Cap. X. de loco Malach. 3.v. 1 & Mat. 11.v. 10 Luc. 1.v. 76 Mar. 1.v. 2. 3	38. 39

Cap. Secundæ Classis.

Cap. I. de loco Psalmi 2. v. 12	40. 47
Cap. II. de loco Esa. 35.v. 4	47. 54

I N D E X.

Cap. III. de loco <u>Esa. 52. v. 5. 6</u>	54. 55
Cap. IV. de loco Esa. <u>45. v. 14. 15</u>	<u>55. 56</u>
Cap. V. loco Zach. <u>2. v. 8. 12</u>	<u>56. 63</u>
Cap. VI. de loco Zach. <u>3. v. 1</u>	<u>63. 65</u>
Cap. VII. de loco Zach. <u>12. v. 10</u>	<u>65. 73</u>

Cap. Tertiæ Classis.

Cap. I. de loco Mat. <u>16. v. 17</u>	<u>73. 147</u>
Cap. II. de loco Luc. <u>1. v. 16. 17</u>	<u>147. 158</u>
Cap. III. de loco Joh. <u>5. v. 18. 19</u>	<u>158. 165</u>
Cap. IV. de loco Joh. <u>10. v. 30</u>	<u>165. 174</u>
Cap. V. de loco Ioh. <u>14. v. 1</u>	<u>174. 185</u>
Cap. VI. de loco Ioh. <u>16. v. 15</u>	<u>185. 189</u>
Cap. VII. de loco Ioh. <u>20. v. 28</u>	<u>189. 193</u>
Cap. VIII. de loco ad Rom. <u>9. v. 5</u>	<u>193. 196</u>
Cap. IX. de loco ad Galat. <u>1. v. 12</u>	<u>196. 201</u>
Cap. X. de loco ad Philip. <u>2. v. 67.</u>	<u>201. 228</u>
Cap. XI. de loco <u>1. Ioh. 5. v. 7</u>	<u>229. 231</u>
Cap. XII. de loco <u>1. Ioh. 5. v. 20</u>	<u>231. 240</u>
Cap. XIII. de loco Ioh. <u>1. v. 1. &c.</u>	<u>240. 273</u>
Cap. XIV. de loco ad Coloss. <u>1. v. 16. 17</u>	<u>274. 286</u>
Cap. XV. de loco ad Hebr. <u>1. v. 2. 10</u>	<u>286. 289</u>

Cap. Quartæ Classis.

Cap. <u>I.</u> de Primo nomine quod est Deus.	<u>289. 316</u>
Cap. II. de nomine tetragrammato.	<u>316. 327</u>
Cap. III. de nomine altissimus.	<u>327</u>
Cap. IV. de nomine invisibilis.	ibid.
Cap. V. de nomine, quod est Deus gloriæ.	<u>329</u>
Cap. VI.	

I N D E X.

- Cap. VI. de nomine Rex regum & Dominus Dominatium. 329.331
 Cap. VII. de alijs Dei nominibus, ut unus, verus, solus, Deus & Dominus, magnus, Pater omnium. 331.338

Cap. Quintæ Classis.

- Cap. I. de attributo æternitatis. 338.363
 Cap. II. de attributo immensitatis. 363.378
 Cap. III. de attributo omnipotentia. 373
 Cap. IV. de attributo omniscientia. 374
 Cap. V. de attributo bonitatis. ibid.
 Cap. VI. de attributo adorandæ Majestatis. 376.390

Cap. Sextæ Classis.

- Cap. I. de opere creationis. 390.401
 Cap. II. de opere conservationis. 401.403
 Cap. III. de opere Salvationis. 403.406
 Cap. IV. de opere prædictionis futurorum & scrutationis cordium. 406.412
 Cap. V. de patratione miraculorum. 412.420

Cap. Septimæ Classis.

- Cap. continet authoritates Patrum Doctorum & Conciliorum. 420.437
 Caput de personâ & Deitate Sp. S. 437

INDEX

Aliorum quorundam locorum Scri-
pturæ, quæ in hoc opere tractantur.

L ocus Esa. <u>37.v. 16</u>	Pag. <u>31</u>
Locus Hierem. <u>17.v. 5</u>	<u>45</u>
Locus <u>Zach. 2 Act. 9.v. 5</u> Mat. <u>25.v. 23. 42</u>	<u>66</u>
Locus Psalmi <u>22.v. 17</u>	70
Locus Ioh. <u>19.v. 37</u>	<u>72</u>
Locus Apocalyp. <u>1.v. 7</u>	ibid.
Locus Genes. <u>22.v. 2 & 12</u>	<u>79</u>
Locus Hebr. <u>11.v. 17</u>	ibid.
Locus Proverb. <u>4.v. 3</u>	<u>80</u>
Locus Psalmi <u>22.v. 20</u>	<u>81</u>
Locus Psalm. <u>25.v. 16</u>	<u>82</u>
Locus Hebr. <u>7.v. 3</u>	<u>87</u>
Locus Luc. <u>1.v. 35</u>	<u>92</u>
Locus Mich. <u>6.v. 1</u>	<u>96</u>
Locus Esai. <u>63.v. 9. 11</u>	<u>97</u>
Locus Malach. <u>3.v. 4</u>	ibid.
Locus Hebr. <u>1.v. 5</u>	<u>99</u>
Locus Ioh. <u>3.v. 13</u>	102
Locus Ioh. <u>6.v. 62</u>	ibid.
Locus Ioh. <u>3.v. 31</u>	ibid.
Locus Ioh. <u>16.v. 28</u>	ibid.
Locus Psalm. <u>2.v. 7</u>	111
Locus Act. <u>13.v. 33</u>	ibid.
Locus Rom. <u>1.v. 4</u>	ibid.
Locus Act. <u>2.v. 36</u>	<u>116</u>
Locus Luc. <u>24.v. 30. 41</u>	ibid.
Locus Ioh. <u>21.v. 13</u>	ibid.
Locus Luc. <u>2.v. 52</u>	<u>118</u>
	Locus

I N D E X.

Locus Heb. <u>1.v. 3</u>	<u>122</u>
Locus Ioh. <u>10.v. 33</u>	<u>137</u>
Locus Levit. <u>24.v. 14</u> & Deut. <u>18.v. 20</u>	<u>140</u>
Locus Luc. <u>14.v. 5</u>	<u>164</u>
Locus Iohan. <u>17.v. 22</u>	<u>166</u>
Locus <u>1 Cor. 2.v. 67</u>	<u>186</u>
Locus <u>1 Cor. 15.v. 27</u>	<u>194</u>
Locus Marci. <u>16.v. 7</u>	<u>199</u>
Locus Esa. <u>42.v. 8</u>	<u>218</u>
Locus Rom. <u>1.v. 20</u>	<u>257</u>
Locus Hebr. <u>10.v. 5</u>	<u>269</u>
Locus Psalm. <u>50.v. 1</u>	<u>294</u>
Locus Psalm. <u>82.v. 6</u>	ibid.
Locus Exod. <u>15.v. 11</u>	<u>295</u>
Locus <u>1 Timoth. 3.v. 16</u>	<u>298</u>
Locus Esa. <u>9.v. 6</u>	<u>304</u>
Locus Ioh. <u>20.v. 29</u>	<u>307</u>
Locus Act. <u>20.v. 28</u>	ibid.
Locus <u>1 Ioh. 3.v. 16</u>	<u>309</u>
Locus Ierem. <u>23.v. 5</u>	<u>316</u>
Locus Ierem. <u>33.v. 15</u>	<u>317</u>
Locus Exod. <u>17.v. 15</u>	<u>319</u>
Locus Ezech. <u>48.v. 35</u>	ibid.
Locus Exod. <u>3.v. 14</u>	<u>322</u>
Locus Exod. <u>6.v. 2</u>	<u>324</u>
Locus Eph. <u>5.v. 5</u>	<u>334</u>
Locus Tit. <u>2.v. 13</u>	ibid.
Locus <u>Prov. 8.v. 22</u>	<u>339</u>
Locus <u>1 Ioh. 1.v. 1.2.3</u>	<u>346</u>
Locus Ioh. <u>8.v. 58</u>	<u>351</u>
Locus Ioh. <u>17.v. 5</u>	<u>360</u>
Locus Ioh. <u>3.v. 13</u>	<u>363</u>
Locus Mat. <u>18.v. 29</u>	<u>367</u>

I N D E X.

Locus Psalm. <u>139. v. 2</u>	369
Locus Act. <u>17. v. 27</u>	371
Locus <u>1 Tim. 6. v. 16</u>	373
Locus Deut. <u>6. v. 4. 5. 13</u>	377
Locus <u>1 Cor. 8. v. 5. 6</u>	379
Locus Malach. <u>3. v. 1</u>	381
Locus Ierem. <u>10. v. 11</u>	397
Locus <u>Esa. 43. v. 10</u>	403
Locus Ioh. <u>13. v. 19</u>	407
Locus Apocal. <u>1. v. 1</u>	408
Locus <u>1 Pet. 1. v. 11</u>	410
Locus Ioh. <u>2. v. 25</u>	ibid.
Locus Apocal. <u>2. v. 23</u>	411
Locus <u>2 Cor. 13. v. 13</u>	441
<u>Locus 1 Cor. 13. v. 4</u>	444
Locus <u>1 Reg. 12. v. 18</u>	456
Locus Exod. <u>14. v. 31</u>	ibid.
Locus <u>1 Cor. 10. v. 2</u>	459
Locus Act. <u>19. v. 3</u>	ibid.

I N D E X

Rerum præcipuarum.

V oce Elohim non intelligi Angelum creatū, Num. 21 vers. 5	Pag. 5
Christum quem tentarunt Israelitæ non esse Mosen.	6
Christum non esse tentatum, quatenus Moses tentatus.	7
Christum non dici unum illum Deum, quia unius illius Dei personam sustinebat.	13
Apostrophe non est in verbis Apostoli ad Heb. 1. v. 10.	15
Gloriam	

I N D E X.

- Gloriam ab Esa. visam jam tum præsentem fuisse. 22
- Æquiqollentia apud Esa. aliquem videre, & videre gloriam alicujus. 23
- Gloriam ab Esa. visam, non esse gloriam Evangelij Iudeis annuntiati, & post modum gentibus patefacti. ibid.
- Sententiam Socini, de communicatione, subordinatione, dependentiâ, incompatibilem esse cum doctrinâ de uno Deo. 31
- Deus unus, quia unus numero. 32
- Nomina ista α & ω , primus & ultimus proprij Dei tituli. 33
- An locus Malach. 3. v. r. aliquando aliter lectus. 36
- Verba Malachi. de uno vero Deo Isracl intelligendo, mutationem personarum non concludere. ibid.
- Qui personam alterius sustinet, sibi non tribuit quæ ejus personæ sunt propria. 39
- Ejus esse punire & præmio afficere, cui obeditur & in quem peccatur. 41
- Socinum malè, inter Dei imperium & Christi regnum distinguere. ibid.
- Imperium vitæ & mortis Deo quarto modo proprium. 44
- Polle re donatâ, exæquari eum, cui donatur ei, à quo dono accepit, imò supra eum exaltari. 45
- Deorum dualitas Socinianis præcipuum Christianæ religionis mysterium. ibid.
- Incompatibilia sunt, in homine & in Deo confidere. 47
- Socinus Prophetas suâ glossâ pugnantes facit. 48
- Sola essentiae infinitas, motum localem à Deo removet. 52
- Deus causa propria salvationis. 51
- Pronomen ipse de Deo usurpatum, ex vi suâ singularem favorem non insinuat. 53
- Deum non dici venire, quia Christus venit. ibid.

I N D E X.

- Ad missionem satis non esse, æqualitatem sine origine. 52
 Patrem non posse mitti ostenditur. ibid.
- Quomodo intelligendum sit Christum esse missum, vel
 non esse missum post exaltationem. 60
- Angelum Zach. 2 v. 8. 12 esse Christum, non creatum ali-
 quem Angelum, demonstratur. 61 62
- Spiritus Sanctus angeli nomine non venit in Script. 64
- Præsentia quæ futura, in typo repræsentari posse. ibid.
- Quod Angelus ille Zach. 3 vers. 1. non sit Angelus crea-
 tus. ibid.
- Voculas irreptitias non esse in textu Zach. 12 v. 10 64
- Enallage personarum frequens in sacris. 69
- Summa sententiæ Socini, de Filiatione Filij Dei proponi-
 tur. 73
- Socino deesse rationes, cur sentiat essentiam multiplicabi-
 lem. 75
- Essentiam unam numero, in pluribus personis esse, impli-
 care, ex scripturis non confirmatur. ibid.
- Cum à generatione Filius dicatur, rationem generatio-
 nis propriam concipiendam rationibus ostenditur. 76
- Ex hac generatione Dei, mortalitas inepte concludi-
 tur. 78
- Christus unigenitus non dicitur, quia Patri charissimus
 fuit. 80
- Christus non dicitur unigenitus, quia solus hæres consti-
 tutus. 84
- Christus non dicitur unigenitus, quia dum in terris age-
 ret, solus quodammodo Filius. 85
- Christus non est Filius Dei unigenitus, quia à Deo geni-
 tus, ex Mariâ Virgine. 86
- Ex operatione Sp. S. qui Virgini superventurus, rectè
 concludi, quod ille, qui ab illâ nasceretur, Filius Dei
 vocandus esset. 93
- Christus

INDEX.

Christus non est vnigenitus Dei Filius , propter similitudinem cum Deo, in sanctitate, sapientiâ, & immortalitate, & cœlesti dominatione.	<u>94</u>
Veritas sententiæ Orthodoxæ, de Filio Dei confirmatur, rationibus adversarij evertitur.	<u>95</u>
Objectiones in contrarium diluuntur.	<u>96</u>
Hilarius vindicatur.	<u>III</u>
Æternitati dies attribui juxta Scr. phrasin.	<u>98</u>
Christum tempore ineundi ministerij, in cœlos non ascendisse, demonstratur.	<u>104</u>
Vocem ὁπίς θεῶν & , rectè verti declaratum.	<u>112</u>
Nulla fuit Christi potestas , post resurrectionem , quam antea revera non habuit.	<u>115</u>
An Christus à resurrectione immortalis fuerit,	<u>116</u>
Quo sensu Christus proprius Dei Filius docetur.	<u>118</u>
Christum naturalem Dei Filium esse ostenditur.	<u>122</u>
Cur Christus imago Patris exponitur.	<u>124</u>
Quis propriè annuntiare censendus sit.	<u>125</u>
Sequelam sententiæ Socini esse , Apostolos effulgentiam gloriæ Dei, & Characteres hypostasios ejus fuisse.	<u>126</u>
Filium naturalem esse, qui ex substantiâ parentum genitus est.	<u>127</u>
Filius adoptivus est is, qui non est per naturalem generationem ex substantiâ parentum Filius.	<u>128</u>
Regenerationis gratia , essentialem formam adoptionis nec tollit nec vitiat.	<u>129</u>
Sententiam Orthodoxam, non negare distinctionem gratiæ & naturæ.	<u>ibid.</u>
Commentum adversarij, substantiam creatam in vtero virginis, aut eidem immissam.	<u>130</u>
Nullus Dei Filius, nisi adoptivus, aut ex Dei substantiâ genitus.	<u>132</u>
G <u>5</u> Dei	

INDEX.

- Dei Filium esse, non esse idem re & ratione quod Christum esse, ostenditur. 135
- Articulus præpositivus ὁ, non semper ἐξοχὴν denotat, aut rem certam designat. 134
- Vox Dei sine articulo sæpe summum Deum notat, cum articulo alios. ibid.
- Dei Filium & Christum esse, ex mente Iudæorum hæc obijcientium, distinguenda esse. 136
- Non esse novum, quod quis sibi tribuat ea, quæ ipsi competere posse, adversarius judicat impossibile. 141
- Tertullianus vindicatur à calumniâ adversarij. 144
- Lactantio bipartitus Deus non fuit. 145
- Ignatij sententia, de argumento quodam adversarij expenditur. 146
- Vox κύριος, de Christo, sine articulo frequenter legitur, substantivè accepta. 149
- Vox illa κύριος, ad modum promiscuè, de Deo Patre, cum & sine articulo legitur. ibid.
- Articulum Socino, instar materiæ primæ, omnium formarum receptaculum esse. 150
- De voce ἐνώπιον, Luc. I. v. 16. disceptatur. 152
- Christum non tantum legem fidei, sed & pænitiæ tulisse. 153
- Christus Patri non tantum æqualis est in operando 159
- Quid phrasibus istis, videndi, demonstrandi, notetur. ibid.
- Quod Christus, non duas, sed unam potentiam nobis ob oculos ponat, 160
- Christum Sabbatum non solvisse. 163
- Iudæorum, de Sabbato traditio expenditur. 164
- Christum aliter cum Patre esse unum, quam Apostolis dedit esse unum. 167
- Dogma de unitate consensus, Iudæis causa lapidandi esse non potuit. 170

Christus

I N D E X.

- Christus non negat Iudeorum de se dictum esse verum,
sed negat blasphemum esse. ibid.
- Ostorodij argumentis, contra mutuam immanentiam, oc-
curritur. 172
- Socinus evertit necessitatem cultus & adorationis Chri-
sti. 182
- Dici posse scientiam revelari, seu annuntiari, 186
- Socinianorum argumentationes, adversus sententiam Or-
thodoxam, parum firmas esse. 187
- Valet illatio à scientiâ communicata Sp. S. ad essentiam
communicatam. 189
- Nomen Dei absolutè probatum, est proprium vnius Dei. 194
- Socini ratio, propter quam putat, Christum negatum ho-
minem ad Gal. i. v. i, evertitur. 197
- Christum glorificatione, Deum esse factum, non omnes,
sed paucissimi confitentur. 200
- In formâ Dei esse, Paulo idem esse, quod naturâ & essen-
tiâ Deum esse, rationibus demonstratur. 202
- Verba Pauli v. 7. & 8, ad Phil. 2. de incarnatione agere,
ostenditur. ibid.
- Christum incarnatione carnem esse factum. 204
- Christum desisse, in formâ Dei esse, cum statuit Socinus
in formâ Dei esse cæpisse. 205
- Argumenta vindicantur ab adversariorum objectionibus. 207
- Christus quâ homo, Dei servus fuit. ibid.
- Servitus definitur. ibid.
- Expositio formæ servilis, à Socino excogitata, rationibus
evertitur. 208
- Verba illa, in similitudinem hominum factus, habitu com-
pertus vt homo expenduntur. 209
- Χρῖμα denotare naturæ humanæ veritatem. ibid.
- Ex

I N D E X.

Ex sententiâ Socini, sequi Apostolos fuisse in formâ Dei.	211
Sententię contrarię argumenta confutantur.	212
Quid sit, non ducere rapinam expenditur.	213
Christi submisionem, in non patratiōe miraculorum, non esse sitam.	214
Deum potuisse divinam suam gloriam rapinam ducere, si sanè intelligatur.	215
Deus in <i>σκαταπείνωτος</i> , demisit se secundum œconomi- am.	216
Exaltari, in Deum quoque cadere.	ibid.
Ineptè Socinus necesse putat, visum esse, quod in exem- plum proponitur.	217
De relatione, subordinatione, cōmunicatione Socini.	219
Doctrina de vno Deo, pugnat ex diametro, cum doctri- nâ de Deo subordinato.	220
Per Apostolos, doctrinam de uno Deo, immutatam non esse.	ibid.
Socinum frustra latebras quærere, in potestate ac benigni- tate Dei.	221
Distinctionem de gloriâ propriâ & communicabili fictiti- am esse.	ibid.
Glossa Ostorodij refutatur.	222
Rationes Socini, contra sententiam Orthodoxam de exal- tatione Christi, examinantur.	223
Rationes istas duplicis generis esse.	224
Rationes contra subjectum exaltationis, refelluntur.	ibid. & sequen.
Inconueniens non esse, petere ab alio, quod positum in manu ejus, qui petit.	226
Rationes contra ipsum exaltationis modum examinantur.	227
In divinam naturam cadit exaltatio, vt adoratio & cultus inde	

I N D E X.

inde consequatur.	ibid.
Exaltatio Christi ratio est, propter quā coli debeat.	ibid.
Agnitio Iesu Christi causa & effectus dignissimus demissionis ejus	228
Interpretationem Orthodoxam, sensum genuinum verborum Pauli non evertere.	ibid.
Ex Scripturæ fundamentis agendum in fidei mysterijs	232
Argumentū ex articulo depromptū, imaginariū esse.	ibid.
Duos veros Deos, Scripturam non agnoscere.	233
Sentētia Socini de pronomine relativo, examinatur.	ibid.
Christum quod ad rem ipsam, verum Deum dici & idolis opponi.	236
Verum Deum & æternam vitam, de eodem prædicari.	238
Vitam æternam, semper fere expressè asseri, in Filio esse.	ibid.
Socini interpretationem exponentis hic per hoc distortam esse.	239
Duas potissimum esse causas, cur Dei Filius λόγος dictus, & significationem primam hīc imprimis retinendam esse.	240
Significatio vocis ἐγένετο expenditur.	242
Iohannem eā voce non esse vsum, exclusā significatione propriā.	ibid.
Legendum non esse, fuit, sed factum est.	244
Inverso ordine multa in scripturis enuntiari.	245
Frustra ab adversarijs inversum ordinem obijci.	ibid.
Verbis istis Verbum caro factum est, incarnationem Verbi significari, ostenditur.	246
Expositio Samosatēnica refellitur.	ibid.
Iohannem non agere de principio Evangelij, sed productionis rerum omnium.	247
	Sociniana

I N D E X.

Sociniana principij expositio rationibus refellitur.	248
Sermo erat apud Deum, malè exponitur à Socino, soli Deo notus erat.	250
Observationem adversarij fallere.	251
Creare & facere in sacris confundi.	252
Apud Philosophos creare & facere opposita non esse.	ibid.
Sic per Christum facta esse omnia, vt non sit factus probatur.	254
Interpretationem Socini, germanam loci sententiam non adferre ostenditur.	256
Iohannem non agere de creatione novâ.	ibid.
Non agi de Theologîâ Euangelicâ ad Rom. i. vers. 20.	257
Nullam Socinianis Theologiam naturalem esse, nisi cum Ertheismo conjunctam.	258
Novum hoc interpretamentum loci Paulini, meram textus corruptionem esse, probatur.	259
Præpositionem ἀπὸ, Græcis etiam notare, ex.	260
Verba in mundo erat, & mundus per eum factus est, expenduntur.	261
De creatione primâ in istis verbis agi.	262
Bellarmini ratiocinatio, ex hoc loco, defenditur.	263
Usitatum est partiû affectiones, de toto prædicari.	ibid.
Christi deitatem, nullam fuisse revera, ex sententiâ Socini, super verbis ἐν ἀρχῇ.	264
De voce ἐγίνετο disceptatur, & semper actum cum apotelesmate notare, ostenditur.	265
Renovatum in sacris non dici, quod non renovatum cum apotelesmate.	ibid.
Hebraïsmum hîc non esse, hellenîsinum compositis abundare.	266

I N D E X.

Sententia Socini super hoc loco evertitur.	ibid.
In mundo esse simpliciter significare, in mundo hoc aspe- ctabili esse.	267
Mundi vocem, immortalem vivendi rationem, notare nus- quam.	ibid.
Oblationem Christi perpetuò fieri, non scripsit author ad Hebr.	270
Non oblationem ipsam, sed vim tantum ejus perpetuum esse.	271
Objectio in contrarium dissolvitur.	272
De voce κατηρίσω.	273
Aptationem istam, non esse immortalitatis collationem.	ibid.
Primogenitum non semper esse ex eorum numero, quo- rum est primogenitus.	275
Ad procopij testimonium respondetur.	276
Interpretationem Socini alienam, distortam esse, rationi- bus ostenditur.	278
Christi dominatio, creatione novâ nusquã indicatur.	ibid.
Creatio nova in angelos non cadit.	ibid.
Christianis auribus iuauditum, dicere diabolos à Christo renovatos.	280
Argumenta Socini pro sententiâ, de creatione novâ refel- luntur.	282
Per αἰῶνας seculum futurum non intelligi demonstratur	286
Discrimen inter vocem aptandi & faciendi quod vsum illarum in sacris, ubi de rerum omnium creatione agi- tur, revera nullum esse.	287
Bellarmini responsum expenditur.	290
Irenæi sententia, de nomine Deus examinatur	291
Nomen Dei absolutè sumtum, numero singulari, creatu- ris	ris

I N D E X.

ris vt verò illis competens , communicatum non esse.	294
Non esse eandem rationem vocis Eloim , quę vocis Dei.	ibid.
Lactantij sententia examinatur , & nonnulla ejus de hoc argumento loca expenduntur.	295
An nomen Deus appellativum , disquiritur , & probatur quòd non.	298
An voce θεός subjectivè sumta, ullibi in N. Testam. Chri- stus intelligatur? probatur quod sic.	ibid.
Deum in carne manifestatum Christum esse.	299
Ostorodij duplex objectio diluitur.	301
Articulum apud Græcos redundare sæpius.	302
Vox θεός, de uno & summo Deo promiscuè legitur, cum vel sine articulo.	303
Apud Hebr. verba tertię personę utrovis numero imper- sonaliter accipi.	306
Sanguinem proprium fundere, est sanguinem fundere qui sibi substantialis est.	308
Respondetur ad objectionem ex Syriacā versione.	ibid.
Verba Hilarij, ad hunc locum expenduntur.	311
Testimonia Patrum , quod simplex Dei nomen creaturis tribuatur, excutiuntur.	315
Iehovæ nomen altaris denominativum non esse.	319
Hierusalem non appellatur Iehova.	ibid.
Etymologia nominis Iehova rationibus demonstratur.	321
Filius est à se, quia habet, essentiam improductam.	325
Angelis Iehovæ nomen non tribui.	326
Deus glorię & Dominus glorię subjectis non distingu- untur.	328
Deitas & Dominium Dei a parte rei idem sunt in dico.	ibid.
Dei Patris gloriā nusquam in sacris venturam dici.	336

I N D E X.

Παρουσία pro adventu & præsentia promiscuè usurpatur.	ibid.
Pater nusquam dicitur venturus ad judicandos vivos & mortuos.	ibid.
Objectiones variae adversarij excutiuntur.	335. & seq.
Æternitatem Dei relativè exponi nobis.	341
Orthodoxa sententia ad Turcarum blasphemiam non accedit.	343
Quomodo Christus sapientia Dei essentialis sit.	344
Verbum patefaciendi sensum Socini non requirit.	347
Patefactio ista est λόγος in carne manifestati.	348
Socini expositio impugnatur.	ibid.
Christus, cum sit æterna vita, ab æterno est.	351
Lēgem grammaticam non vetare; verba Ioh. 8. v. 58, per præteritum reddi, demonstratur.	353
Solæcismum, ex receptâ translatione non sequi.	356
Versionem adversariorum admittendam non esse, docetur varijs rationibus.	358
Verbum habendi propriè de reali possessione intelligitur.	361
Sententia Augustini de loco Ioh. 17. excutitur.	362
Socini expositio verborum, qui est in cælo, refellitur.	364
Præteritum pro futuro ponitur creberrimè.	367
Valere argumentum à præsentia virtutis, ad præsentiam essentialē.	368
Solere res dici ibi esse, ubi sunt essentialiter.	370
Verbo implendi essentialē præsentiam insinuari apud Ieremiam.	ibid.
Sententia Catech. Racoviens. de sacerdotio Christi.	373
De voce δουλεύειν.	ibid.
Confectaria sententiæ Socini, de bonitate Christi.	375
Distinctionem cultus relati & non relati fictitiam esse, varijs argumentis probatur.	377

I N D E X.

Objectum Ethnicismi crimen expenditur.	379
Christianismum ab Ethnicismo à Paulo distingui, confessione unius Dei & Domini.	380
Christianismus ex sententiâ Socini duos habet Deos & Dominos.	ibid.
Impossibile esse colere aliquem, qui nec Deus ille unus, nec idolum sit.	381
De notione vocis Hebraicæ Hechal.	381
Præceptum de solo Deo adorando æternum esse.	383
Lex, cujus jam cessat obligatio, pro non scripta est habenda.	ibid.
Ostorodij effugijs occurritur.	ibid.
Smalcij sententia Christum invocatum ab Apostolis cum in terris ageret.	386
Objectiones Socini dissolvuntur.	387
Porismata sententiæ Socini.	ibid.
Sententia Iustini de loco Esa. 42. expenditur.	388
Cultus religiosi distinctiones à Pontificijs inventas, ineptas esse.	389
Christum non appellandum causam instrumentalem creationis.	390
Agens etiam denominari agens, ab instrumentaria actione.	392
Præpositio <i>quæ</i> non negat rationem causæ principalis.	ibid.
Socinia nos fluctuare debere, in fide unius Dei creatoris.	394
Paucula de origine animæ rationalis.	397
Ompes Iehovæ oppositos esse, qui cælum & terram non creaverunt.	398
Vana omnis distinctio, ubi res ipsa simpliciter vetita.	399
Subordinatio, non magis liberat ab idololatriæ crimine, quàm collateralitas.	399
Objectio Socini dissolvitur.	400


I N D E X.

Legem de vno Deo colendo immutabilem esse.	ibid.
De significatione vocis $\Phi\epsilon\rho\omega\nu$.	402
Non repugnat Deum illum unum, datum, missum excitatum esse in Salvatorem.	406
Christum modo & ratione prædicendi à Prophetis distinguere.	
Sententiæ Socini de loco Apocalypsis, non bene convenire, cum ejusdem Hypothesibus de regno Christi.	409
Agens non denominatur agens, nisi ab actione.	412
Quo sensu Apostoli & Prophetæ miracula fecerint.	413
Sententia Socini de residentiâ examinatur.	414
Socinum malè, inter Christum & Apostolos distinguere quod ad potentiam miraculorum.	ibid.
Adversarium nullum adferre posse testimonium in quo disertè scriptum sit, quod de Christo tradit.	419
Fidei principium scripturam esse.	421
Myſteria fidei non rationi sanæ sed corruptæ repugnare.	ibid.
De sententiâ Patrum, ante Concilium Nicænum.	426
Patres inter Patrem & Filium distinguentes, non distinctionem essentialem, sed personalem intendisse demonstratur.	ibid.
De sententia Ignatij.	427
Ad Socini objectiones respondetur.	429
De sententiâ Iustini & reliquorum.	432
Patres antinicænos Thritheitas non fuisse.	434
Augustinus laudatus, & ejus sententia expensâ.	435
Status quæstionis aperitur.	438
Quod Sp. S. non tantum virtus & efficacia Dei sit, fuisse docetur.	ibid.
Sp. S. personam esse hypostaticè à Patre distinctam.	443
Objectiones Socini enervantur.	443
Falsum esse illud, Deum non omnia quæ agit per Sp. S. agere.	

I N D E X.

agere.	446
Spirit. S. in Deo non ut multiplex, sed ut unus confide- randus.	447
De varijs rerum distinctionibus.	448
Sp. S. esse Spiritum Dei, & è converso.	449
Dilemma quoddam adversarij diluitur.	451
Fideles nusquam appellantur Sp. Sanctus.	454
Argumentum à Baptismo sumtum, pro Deitate Sp. S. de- fenditur.	456
Baptismū obsignare fidelium cultum, & obsequi uni.	458
Res omnia personam coniungunt creatori ut religiosi cultus objectum.	ibid.
Conclusio operis & responsio ad eandem.	461

F I N I S.



ERRATA.

Pag. 2. l. 2. habeat. ibid. l. 18. Palzologo p. 3 l. 22. Christi. l. 27. maximè.
 p. 4. l. 29. ad hanc. p. 7. l. 16. expressè. l. 17. dissentè l. 22. apertè. p. 13. l. 16. obri-
 net. p. 14. l. 15. integrè. l. 19. naturæ p. 15. l. 31. apostrophes p. 18. l. 11. dissentè.
 p. 10. l. 22. negatione. p. 21. l. 1. comella. l. 29. Frosche vero p. 1. 26. l. 29. commun-
 guntur. p. 28. l. 7. vides. p. 29. l. 1. deest ante vocem Christo, cum. l. 9. pro hic.
 lege sic. p. 30. l. 25. cum. p. 31. l. 23. lege & pro ut. p. 39. l. 14. pro. lege 13.
 p. 41. l. 27. pro cui, lege ei. p. 42. l. 4. nulla. p. 44. l. 10. protam l. 16. dissentè p. 45.
 l. 8. par. p. 46. l. 25. opem. p. 47. l. 6. propositi nem. l. 7. tertiam. p. 52. l. 8. quæro.
 p. 62. l. 12. principes. p. 63. l. 27. descriptum p. 67. l. 26. fideles p. 70. l. 25. perio-
 deunt. p. 71. l. 5. caru. p. 74. l. 26. probatio. p. 75. l. 21. Demirâ p. 76 l. 10. putas
 p. 83. l. 10. exdit. p. 93. l. 13. superventuri. p. 94. l. 5. claudatur parentheis post
 meæ. ibid. l. 32. existentiz. p. 98. l. 9. cum. p. 99 l. 6. additam. p. 100 l. 10. Fili l.
 28. indicant. p. 112. l. 11. Math. 8. p. 121. l. 20. Smigleium p. 117. l. 22. liberis
 l. 30. Ægeo. p. 131. l. 25. hic. l. 26. annunciat. p. 122. l. 21. diluit p. 126. l. 7. vera.
 p. 143. l. 30. sequatur. p. 151. l. 13. ellipfin. p. 155 l. 15. verè. l. 23. Eliam p. 168.
 l. 10. intelligit. p. 170. l. 14. et. p. 173. l. 1. qualitates. p. 174. l. 22. ne. p. 182. l. 2.
 relatum. p. 192. l. 33. visum. p. 193. l. 1. et. p. 195. l. 1. probata p. 196. l. 4. Pa-
 trem p. 214. l. 24. se. p. 224. l. 4. verè. p. 230. l. 9. erosum. p. 231. l. 10. est. p. 241. l. 2
 27. baptizans fuit. p. 244. l. 4. productio. l. 30. Ollorodius p. 250. l. 8. veritatis
 p. 251. l. 15. accipiendam. p. 267. l. 22. eam. p. 268. l. 4. sic p. 272. l. 11. illi p. 278.
 l. 20. nexu. p. 279. l. 13. absurdâ. p. 287. l. 33. conceptu. p. 288. l. 1. leizat p. 292.
 l. 27. capitis. p. 300. l. 6. predicatus. p. 301. l. 24. tantum. l. 26. post vocem, lege
 illam. p. 303. l. 33. apponitur. p. 305. l. 1. nomen. l. 25. pacem. p. 310 l. 7. nomen.
 l. 15. pronomine p. 318. l. 6. Schemo. p. 322. l. 14. assertiones. l. 30. absolute. p.
 335. l. 19. distinguere. p. 342. l. 8. facere. p. 345. l. 30. idem. p. 346. l. 13. prolato.
 p. 350. l. 26. accidit. p. 351. l. 16. vel redundat lege à priori. p. 354 l. 33. non in-
 iuria. p. 361. l. 27. ullum. p. 364. l. 2. statuatur p. 371. l. 8. ubi. l. 10. amissis l. 26.
 liber. p. 372. l. 16. est. p. 375. l. 24. utrumque. p. 376. l. 14. identifica. l. 13. ac-
 ceptam p. 379. l. 19. colebantur. p. 369 l. 4. lege si enim solus Deus adorandus
 est, non igitur alius adorandus p. 385. l. 9. centum p. 386 l. 17. Perigo. p. 395.
 l. 4. is. p. 402. l. 2. accommodandâ p. 407. l. 33. præscire p. 415. l. 21. hæredi a-
 rioque. p. 426. l. 8. iudicasse. p. 439. l. 6. quod. l. 17. virtus. p. 443. l. 22. Sp. Sancti.
 p. 445. l. 12. permittunt. p. 446. l. 22. generi. l. 28. fallaciam. p. 447. l. 4. variè.
 p. 449. l. conceptus. p. 353. l. 13. Spiritus Sancti, ibid. l. 26. Spiritus. p. 454. l.
 21. spiritum. p. 456. l. 25. prolatum. p. 458. l. 25. objectum p. 462. l. 10. fidelis.
 p. 6. l. 29. χριστος. p. 21. l. 14. ὁπίσθεν. p. 39. l. ult. ἡλθε. p.
 54. l. 15. ἀντὶ. p. 74. l. 20. ἀδυνατῶν. p. 103. l. 20. ἀμφότεραις.
 p. 127. l. 33. εὐνοίας. p. 134. l. 11. ἐξοχὴν p. 245. l. 27. ἀρχῇ.
 p. 281. l. 10. ζῶα. p. 288. l. 11. ἐκ, τὸν. p. 303. l. 1. παραβαλεῖν.
 p. 395. l. 9. ἀρμόζουσα. p. 70. l. 3. ὑψίστη. l. 4. τιβίστη.

10-3-2

